

Ex Bibliotheca
majori Coll. Rom.
Societ. Jesu

49. d. 10.
4. 16.

14
C
12

49
d
10.

2. 8
50

Banner Dialectica

unpublished

R. P. Fr.

DOMINICI
BANNES MON-
DRAGONENSIS, ORD. PRÆD. IN
inclytâ Acadimiâ Salmantinâ SS. Theol.

Professoris celeberrimi,

INSTITVTIONES MINORIS DIALE-
cticae, quas Summûlas vocant.

Opus nunc primûm in Germania editum, & à
quamplurimis mendis repurgatum.

Permissu Superiorum.



COLONIAE,

Apud ANTONIVM BOETZERVVM sub signo Rubri Leonis.

ANNO M. DC. XVIII.

*Brevis in volatilibus est apis
Et initium dulcoris habet fructus illius.*

Ecclesiast. Cap. ii.

Censura.

DECRETVM SALMAN- ticen. Vniuersitatis.

Rector, Clausstrumque plenum Salman-
ticen. Senatus has minoris Dialectica
institutiones à R. P. Magistro F. Dominico
Bannes editas ab artium praeceptorib. dein-
ceps in Schola Salmantina legendas, & in-
terpretandas decreuit, ac statuit, sexto deci-
mo die Octobris, Anno 1599.

D. Antonius de Idiaquez
Manrique Rector.

Iussu D. mei Rectoris.

Bartholomæus Sanctius.
Vniuersitati à Secretis
Notarius.



†

2

Censura

Censura.

*Censura Complutensis Vni-
uersitatis.*

Complutensis Schola iuxta decre-
tum supremi Senatus Regii tra-
didit mihi perlegendos libros Sum-
mularum, quos edidit eximius Theo-
logus Magister Dominicus Bannes,
in quibus nihil offendi piæ sanæque
doctrinæ velleuiter dissonum, sed pri-
ma logicæ rudimenta ita accurate or-
dinateque digesta & ad breuem faci-
lem perspicuamq; methodum reda-
cta, vt opus iudicem liberales discipli-
nas aggredientibus perutile, & au-
thoris sui ingenium & eruditionem
vndiq; redolens. Datæ Compluti de-
cima die Iunii, 1599.

*El Doct̃or Caluo. Doct̃or Luys Tena.
Rector. El Doct̃or Iuan Vaz-
quez. de Velasco.*

INSL



INSIGNIS VNIVERSITATIS

*SALMANTICEN. DVCIBVS,
D. D. Antonio de Idiaquez Manrique Re-
ctori, & Archidiacono Ecclesie Segouienfis,
ac D. D. Ioanni Valdes de Llanos, integerrimo
iudici & Apostolico conseruatori, nec-
non sapientissimorum Patrum conscripto-
rum grauiissimo Senatui, Frater Dominicus
Bannes, Ordinis Prædicatorum salu-
tem plurimam in Christo Ser-
uatore precatur.*



Nſtar diuinæ sapien-
tiæ quæ attingit à fine
vſq; ad finem fortiter
& disponit omnia ſua-
uiter, noſtra Salmanti-
na Vniuerſitas omniũ
humanarum & diuinarũ ſcientiarum
ſacrum Muſæum fortiter etiã & ſua-
uiter duobus Choryphæis vna præſi-
dentibus cuncta diſponit, omnia gu-
bernat.

Dedicatio.

bernat. In altero quidem Rectore, quasi in rege apum, omnem suauitatem inuenies. Nam cum literarum studium ingenuum amore potius, quam timore suscipiendum sit, de- cuit profecto, ut is qui locis & tempo- ribus docendi ac disputandi distri- buendis, nec non ad audientium vo- ta & suffragia conferendis Cathedris præficiendus esset, illustris genere morumque suauitate præditus ab ipsa Scholasticorum cõmunitate per va- riarum nationum nobiles Consilia- rios eligeretur. Is si iuxta pontificias sanctiones & regalia statuta, Patrum- que conscriptorum Consilia strenue se gesserit, nihil est, quod sibi timeat, & tota Vniuersitas summa tranquilli- tate gaudebit, literarumque studia magnopere incrementum accipient, iuxta illud, *Anima quiescendo fit sapiens.* Verum (quia ut sunt res humanæ fieri non potest, quin in tanta adolescen- tium ac iuuenum multitudine, veluti in apum agminibus ignauum fucus inuenitur, aliqui etiã vitiosi, inquieti, alio-

Dedicatio.

aliorumque tranquillitatem perturbantes reperiuntur) necesse fuit, vt alter præses summa ac pontificia potestate præpotens iudex assisteret, qui non solum Ecclesiasticis censuris, sed etiam temporalibus poenis ac corporeis cruciatibus vniuersa hæc incommoda sacræ studiorum quieti nociua profligaret. Fortiter itaque ac suauiter vniuersitatis nostræ negocia geruntur. Porro si quando Salmantina schola hunc felicem statum obtinuisset creditur, nunc vel maxime optatam tranquillitatem & pacem possidet militans sub talibus inclyti generis gubernatoribus, D. D. Antonio de Idiaquez Manriq; suauissimo Rectore, & D. D. Ioanne Valdes de Llanos, qui in iure dicendo iudex constans ac validus est. Cuius rei in maioris momenti negotiis à Regia Maiestate sibi commissis abunde satis & palam periculum fecit. Quocirca bono animo sumus expectantes, Amplissime vir, totius Asturicensis Principatus magnæ, & antiquæ nobilitatis gloria, vt

Dedicatio.

te Protectore nostro, & huius Vniuersitatis Apostolico conseruatore, illud Isaiaë vaticinium hac tempestate quā dantenus ratione impleatur. *Erunt parua in directa & aspera in vias planas.* Imitaberis certe Illustrissimum auunculum tuum D. D. Ferdinandum Valdes (qui te à paruulo educauit) Hispalensem Archiepiscopum, ac supremi sanctæ inquisitionis officii præsidem, qui animi eximia integritate, mirifica industria, nostra ætate fidei Catholicę zelator potentum hæreticorum conuenticula inuenit, & dissipauit, ac vltimo supplicio brachio seculari comburendos igni relaxauit. Huius piissimi ac magnanimi viri egregia facinora notissima sunt: inter quæ non vltimum locum tenet insignis Scholasticorū Salmanticę collegium, quod mirifice constructum magris diuitiis dotauit. Iam vero ad te iterum, ô mi D. D. Antoni totius nostræ Vasconicę gentis vnicum decus, sermonem meum conuerto. O quam pulchra est casta generatio cū clari-

Dedicatio.

claritate, vt diuinum eloquium testatur. Castitatis quidem, voce, virtutem omnem, claritatis vero, generis nobilitatem intelligo. Quæ duæ res sic in te sitæ & collocatæ videntur, vt facile non sit iudicare, vltra alteram sui ordinis meritis vincat. Te sane clarissimum reddunt, in primis Idiaqueitarum antiquissima familia, quam hodie plurimi magni nominis viri regiis honoribus exornati amplificat. Nam præter parentem tuum Dom. Franciscum de Idiaquez cruce de Calatraua equitem insignitum, & à secretis Consiliis de statu Regiæ Maiestatis fidelem ministrum. Adest etiam Dominus Dominus Ioannes de Idiaquez auunculus tuus (de quo ego semper benemereri studui) Legionensis Regni maior commendatarius, & Regiæ Maiestati à consiliis de statu pacis & belli, præsesque equitatus Dominae nostræ Reginae. Adest & filius eius D. Alfonsus de Idiaquez militiæ sancti Iacobi insigniis condecoratus, ac in bello equitum generalis Dux. Adsunt

† 5 & alii

Dedicatio.

& alii plures , quos breuitatis gratia prætereo , quorum singuli nobilis familiæ initium esse poterant , nedum antiquam illustriorem reddere. De Arteagarum & Moxicarum vetustissimo genere à Regia Nauarræ stirpe originē ducente digne dicere non vacat. Arteaga fuit, qui ante annos quadringentos oppidum Tolosanum in Guipuzcoana Prouincia cōdidit. Cuius hodie domus Pater tuus & caput & Patronus existit. Buitronum, Manricorumque amplissima progenies, vt par est, laudari in epistola nuncupatoria non potest. Nam & Hispaniæ Reges à Māricorum prosapia descēdere, Molinæque Dominium hæreditasse glorientur. Verum hæc omnia claritatis ornamenta, quæ in te vno cōueniunt, omni virtutis officio præclariora ab ineunte ætate indies efficere studuisti, atque re ipsa effecisti. Modestiam tuam cum grauitate coniunctam, & in gerēdis negotiis prudentiam & industriam nō vulgarem Salmanticensis grauiissimus Senatus admiratur, & laudat.

Dedicatio.

laudat. Tandem ad vos, ô Patres conscripti mihi plurimū obseruandi non immemor beneficii recens in me collati orationis finē refero: de quorum singulari sapientia egregiaque nobilitate, aliisq; virtutum ornamentis animi mei gratia copiosius dicerem: nisi id iam sæpe in publico Theatro pro meis viribus, vtcunque præstitissem. Nunc autē partes meas esse arbitror, pietatē colere, ingratiq; animi notam effugere. Quare pio animo ductus, vobis libellum Dialecticarum Institutionum, quem nuper senior in publicam vtilitatem composui, præloq; mādauī, libēter dedico. Hunc vos vestro calculo & autoritate approbatū artium præceptorib. in minori schola tyronibus interpretādum tradidistis. De qua re si plurimas per omnem vitā gratias egero, mihi nunq̃ satisfaciam: quādō parē referre nō possum. Quod autem possum ex animo facio, meq; ipsum animi summa prōptitudine vestris obsequiis seruū offero. Valete inclyti viri, & vos Patres cōscripti. *Valete.*

Per

Commendatio Operis.

POR lapresente yo el Maestro F. Andres de Casso Prouincial electo y vicario general de la prouincia de Espanna de la orden de predicadores doy licencia al padre Maestro F. Domingo Bannes cathedratico de prima de la Vniuersidad de Salamanca para que pueda imprimir vn libro que ha compuesto intitulado, Institutiones minoris Dialecticæ quas Summulas vocant, por quanto auiendo yo cometido juntamete con el diffinitorio de este capitulo que agora se tiene en Sancto Thomas de Auila a dos padres maestros y cathedraticos para que vies- sen el dicho libro, fu y informado de Ilos ser muy prouechoso y necessario en estos tiempos, para los que comiençan a oyr artes, por ser el estilo tam claro y breue y contener todo lo necesario para las disputas de otras mayores facultades y assi mando al dicho P. Maestro para maior merito suyo en virtud de obediencia, que hechas las diligencias que se du- uen hazer haga imprimir el dicho libro con toda la breuedad que commodamente pudie- re para que se puedan leer este anno al prin- cipio de los estudiosos de se tiembre en esta nuestra prouincia como lo tenemos ordena-
doy

Commendatio Operis.

*do y mandado que se lea por los lectores que
cōmençar en a leer artes el curso que se sigue.
En fe de lo qual dimos est a firmada de nue-
stro nombre y sellada al Padre F. Iuan Velaz-
quez procurador desta prouincia en la corte
de su Magestad para que presente el dicho
libro en el Consejo supremo y pida facultad
para que el dicho Padre Maestro pueda im-
primir el dicho libro, dada en nuestro con-
uento de Sancto Thomas de Auila a
nueue de Mayo de mil y qui-
nientosynouenta
y nueve.*

**F. Andres de Casso
Prouincial.**

F R A-



FRATER DO-
MINICVS BANNES
ORDINIS PRÆDICA-
torum pio lectori
salutem.

MIRABERIS fortasse pie
Lector, quæ nā causa
tā vrgens fuerit, quæ
me plusquā septua-
genarium, & grauioribus stu-
diis, ac quotidianis lectionib⁹
tot annos defatigatum, & qui
iam iam meo iure ab inclyta
Salmanticensi Academia rude
donari postulaturus propero;
ad Dialecticæ rudimenta ty-
ronibus conscribenda impu-
lerit. At si cōsilio mei rationem
causam-

Præfatio Autoris I.

causamque cognoueris, non solum mirari desines, sed etiam me de Theologorum sacra Schola bene mereri studentem laudabis. Non desunt qui hac nostra tempestate vehementer deplorent, adeo inopem fuisse politioris literaturę (vt ipsi aiunt) superiorem ætatem: vt cum omnes, qui Philosophiæ studia cōsectabantur, Aristotelici haberi vellēt; paucissimi essent qui Aristotelem præsertim in Dialectica euoluerent. Arbitrabantur enim Aristotelicam doctrinam planius & expeditius in quibusdā Summulis, quas diligentiorū industria modernorum pepererat, quam in suo autore contineri. Ego vero magis dolendum

dum cenſeo, adeo negligentia
& deſidiaꝝ ne dicam ſocor-
diam, apud recentiores præua-
luiffe, ut non iam ab Ariſtote-
lica docendi ſpinofiori phraſi,
ſed etiam à modernorum per-
ſpicuis in artem differendi do-
cumentis abhorreant. Quam-
obrem nõ ſolum ſacræ Theo-
logiæ, ſed Metaphyſicæ, & na-
turalis Philoſophiæ ſtudium
temere ac ſine fructu ſuſcipi-
tur. Nam quanta ſit Dialecti-
cæ vtilitas & neceſſitas, ad ſu-
periores diſciplinæ capeſſen-
das, tum antiquorum Philo-
ſophorum, tum etiam Theo-
logorum monitis accepimus,
tum denique ipſa experientia
nos docet. Qui enim Philoſo-
phiæ vel diuinæ ſapientiæ co-
gnitio-

Præfatio Autoris I.

gnitionem nō vulgarem sunt adepti; hi omnes in differendi prius arte peritissimi fuerunt. Duos tantum excellētissimos inter sacros Doctores in exemplum proferre libet. Dium Augustinum & D. Thomam commemoro, quorum a' ter inter sanctos Patres, alter inter Scholasticos Theologos absque cuiusquam invidia vel iniuria facile primatū tenet. Hi namq; sunt oliuæ binæ pietatis ac religionis vnicæ, de quorum doctrinæ exuberanti fructu, lucernę plurimę super Ecclesiæ aurea candelabra ardentes, omnib. qui in domo Christi sunt, sine intermissione lucēt. Nunquid hi proceres tantam diuinæ Sapientiæ suppellecti-

††

lecti-

Præfatio Autoris 1.

lectilem sine Dialecticæ peritia sunt assequuti? Non sane, imo in eius minutissimis præceptis perscrutandis & observandis, eo maiorem prius operam dederunt, quo animosius in coelestis disciplinæ ingentes thesauros, quibus locupletes fierent, ingredi summa cum modestia conabantur. De Dialectica quid D. Augustinus senserit, ex plurimis ab eo scriptis palam est. In primis libro de ordine, disciplinam disciplinarum Dialecticā vocat. Hæc, inquit, docet docere, hæc docet discere, in hac seipsam ratio sibi demonstrat, quæ scit, quid velit, quid valeat. Scit autem scire, vult sola scientes facere, nec solum vult, sed

sed etiam potest. Deinde cōtra *Lib. 3. c. 18.*

Academicos sic ait : Eruditio liberalium artiū modesta sane atque succincta & alacriores, & perseverantiores & comptiores exhibet amatores amplectendæ veritati: vt & ardētius appetant, & constantius insequantur, & inhæreant postremo dulcius. Deniq; de doctri- *cap. 31.*

na Christiana lib. 2. ita sentit, Disputationis disciplina ad omnia genera questionum quæ in literis sacris sunt penetranda & dissoluenda, plurimū valet: tantum ibi cauenda est libido rixandi & puerilis quædam ostentatio decipiendi aduersarium. Iam vero Angelicus Doctor noster in omnib⁹ suis tractatibus nullibi non est Diale-

++ 2 eticus

*Opuscu. 37.
38. 39. 40.*

cticus. Vbi que se in disputandi
disciplina peritissimum osten-
dit. Commentarios in libros
Perihermenias acutissimos e-
didit In libros quoque poste-
riorum resolutionum nemo
cum maiori eruditione inter-
pretationem adiecit. Opuscu-
la præterea quatuor cōposuit.
Nimirum de quatuor opposi-
fitis : de demonstratione, de
Fallaciis, de Propositionibus
Modalibus. De industria anti-
quorum Philosophorum &
Rhetorum vulgaria in laudem
Dialecticæ encomia, ne videar
actum agere, prætermitto. Sed
proh dolor, hominum nostri
temporis quorundam, atque
vtinam non plurimorū, quo-
dāmodo effœminata ingenia
co

Praefatio Autoris I.

eo impudentiæ deuenerunt: vt rudimētorum Dialecticæ difficultate perterriti ac deuicti, eam ad Philosophiæ & sacrae Theologiæ studiū parum vel nihil utilitatis afferre arbitrentur & dicant. Fuerunt etiā alii paucos ante annos: qui vsque adeo sophistice disputandi disciplinam sunt prosequuti; vt de necessariis pauca: de inutilibus innumeros tractat⁹ ac nimis prolixos, & vt ita dixerim, inintelligibiles, discipulis traderēt. Vidi quosdam alios qui Dialecticā valde succincte latinissimis & Rhetoricis documentis vbi breui compendio docebāt. Sed hi modicum utilitatis ad Philosophiam adeūdam discipulis cōferunt. Sunt

†† 3 deniq;

Praefatio Autoris I.

deniq; alii etiam nostris temporibus, qui ostentationis causa, initio Summularum, importune satis, Metaphysicam exercere affectant. Tempus quoque quod in docendo ac differendo circa Logicales proprietates & locos argumētandi neruosos & necessarios, impendi debuisset; non sine magno Discipulorū incommodo in suis adinventionib⁹ dictandis perdunt. Quo fit, vt nec syllogismorum liber, neque oppositionum tractatus, qui maxime necessarii sunt, queāt in curriculo cōsueti temporis absolui, tātum abest, vt disputandi exercitatione eorum cognitio pficiatur. His de causis plures

Prefatio Autoris I.

plures bonæ indolis magnæq;
spei discipuli animum ad sa-
cræ Theologiæ progrediendi
deponunt: & ad Iuris Ciuilis
vel Canonici studium se con-
uertunt. Si qui vero ex inge-
niosius perseverant; cursum li-
beralium artium ita pertrāsire
fatagunt, ut cum ad Theolo-
gorum gymnasium veniunt,
necessarium nobis sit illos Phi-
losophiā & Dialecticam prius
quā Theologiā tumultuario
docere. En tibi pie lector cau-
sam quæ me impulit & cōpu-
lit, antiquo paruulorum me-
iterum includere ludo. Equi-
dem si pro votis, dignum fru-
ctum labor noster tulerit, non
spernendum obsequium Deo
Optimo Maximo pro cōmu-

Praefatio Auctoris II.

ni bono me obtulisse lætabor.
Neque enim, ut parua vilipen-
dēda sunt, sine quibus magna
constare non possunt. Vale.

ALTER PRO-
LOGVS AVTORIS, OPE-
ris argumentum narrans, & di-
cendorum ordinem
disponens.

C*VM Dialectica differendi seu
disputandi scientia iuxta ipsius
nominis etymologiam definiatur; ne-
cesse est, ea via progredi in hac nostra
tyronibus accommodata institutione,
qua planiori & breviori compendio
ad optatum disputationis finem per-
ueniamus. Est autem finis hic & sco-
pus humanæ rationis discursum diri-
gere, ne propter legitimæ consequutio-
nis*

nis ignorantiam falsa pro Veris amplectatur, aut pro falsis Vera respiciat. Horsum alii aliter docendi discipulos processum diuidunt ac disponunt. Quidam non infimi nominis, quem apud Aristotelem ordinem inuenerunt, seruant. In primis enim de Antepredicamentis & Predicamentis agunt, deinde libros Perihermenias interpretantur. Deinceps libros duos Priorum & totidem Posteriorum resolutionum explicant; Denique ad libros octo Topicorum & duos Elenchorum euoluendos accedunt. Alii insuper cum Porphyrio statim in vestibulo de quinque Predicabilibus tractatum ineunt. Alii quaestiones Protemiales circa Dialecticam necessitatem & quidditatem anteponunt: an sit necessaria, an sit scientia, an vnica scientia, quodnam sit eius obiectum vel subiectum, an

†† 5 sic

Præfatio Autoris II.

*fit ens rationis & secunda intentio
vel aliquid reale. Quæ quæstiones
digne & cum utilitate non nisi à
iam erudito Logico seu potius Me-
taphysico ventilari ac diffiniri que-
unt. Sunt denique alii qui inuerso
ordine post Commentarios in libros
Aristotelis præfatos postremo de pro-
prietatibus Logicalibus terminorum,
nimirum de multiplici suppositione,
de Ampliatione, restrictione & Ap-
pellatione discipulis notitiam tradūt,
Ego vero sæpe mecum ipse cogitans
aliū ordinem obseruandum esse cen-
seo. Neque enim possum in animum
inducere Logicales tractatus eo ordi-
ne ab Aristotele compositos fuisse, quo
in codicibus collocati circumferuntur.
Cuius rei illud vnum mihi argumento
est, nam dum Aristoteles libr. 1. Peri-
her. cap. 4. contradictionis oppositio-
nem*

Præfatio Autoris II.

nem diffiniret, dixit, Opponi autem dico quæ eiusdem de eodem & non æquiuoce, & quæcunque alia determinauimus ad Sophistarum molestias euitandas. Constat autem hæc determinasse libr. 1. Elenchorum c. 4. Prius igitur Elenchorum libros quam Perihermenias ediderat. Nihilò secius tamen libri Perihermenias, anteriorem locum tenent. Aristoteles itaque, ut opinor, difficiliora quæque Dialecticæ præcepta, ut sese occasio offerebat, scripsit, quorum præcipua sunt quæ in libris Priorum & Posteriorum habentur, & quorum se primū autorem fuisse gloriatur in lib. 2. Elenchorum cap. ultimo. Reliqua vero minutiora erudiendis discipulis aptanda; Posterioribus eligenda & determinanda reliquit. Porro quam rudis & ineptus recens Grāmaticus ad Porphyrii subtilem

Præfatio Autoris II.

tilem de quinque Prædicabilibus tractatum, & ad Aristotelicam Prædicamentorum Metaphysica labyrintho circumseptam machinã accedat: qui negauerit, experientia teste, conuincetur. Quamobrem de simplicibus orationis partibus & earum proprietatibus Logicalibus multo commodius initium facturi sumus: horum enim cognitio ad syllogismorum legitimam constructionem omnino necessaria est. Id quod nemo nisi syllogistice artis ignorantissimus inficias ibit. Unde Petrus Hispanus ordinis Predicatorum insignis Magister, quem modernorum plurimi sequuti sunt, pro erudiendis novitiis minores quosdam tractatus, quos Summulas vocauit, breuiter composuit. Sed recentiorum vitio de Summulis ingentes summe, imo inaccessibilia promontoria emer-
serunt.

*Serunt. Nos vero qui omnia hæc olim
frequenti diligentia legimus & intel-
leximus ac interpretati sumus, rectū
ordinē in præsentī minoris Dialecticæ
institutione hunc elegimus.*

*In libros quinque præsens opuscu-
lum diuidimus.*

Diuisio to-
tius operis.

*Liber primus de oratione & par-
tibus eius inscribitur. Hic in duos
tractatus diuiditur. In priore de par-
tibus orationis integralibus & sim-
plicibus agitur. In posteriore de ipsa
oratione & partibus eius subiectiuis
in communi differitur.*

*Liber secundus de proprietatibus
logicalibus, quæ accidunt termino in
propositione posito, titulum accepit.*

*Hic unico tractatu de suppositio-
ne, de Ampliatione & restrictione,
& Appellatione considerationem ab-
soluit.*

Liber

Liber tertius de modo sciendi siue differendi nuncupatur.

In hoc libro tractatus duos distinximus, in priore quidem de duabus speciebus modi sciendi nimirum de diuisione & diffinitione agimus. In secundo vero de tertia & potissima specie, quæ est argumentatio, latius differitur: & proprietatum Logicalium utilitas ad argumentandi rationem ostenditur.

Liber quartus de Enunciationum omnium oppositione & equipollentia copiosius differendi munus suscepit.

Hic in tres tractatus merito diuisus est. In primo quidem de Oppositione & equipollentia simplicium propositionum decernitur. In secundo vero de modalibus propositionibus hoc ipsum diligenter ac dilucide pertractatur. In tertio denique tractatu de propo-


propositionibus, quas exponibiles vocant, qualiter se se habeant ad oppositionem & equipollentiam non sine fructu, summa cum diligentia elucidavimus.

Liber quintus de syllogismis unico tractatu perspicue necessaria quæque ad perfectam disputationem edocet.

Quia vero, ut pius & eruditus Titelmanus aduertit, non omnium ingeniorum equalis est captus, sed aliis plurium rerum ac maiorum, aliis vero pauciorum & minorum ab Autore naturæ ingenii capacitas indita est, visum est nobis in hoc opere, ea quæ omnibus præcipua & necessaria sunt, ab aliis quæ non ita omnibus sunt cognita necessaria, separare: ut per vario captu discipulorum ipsi præceptores ediscenda proponant. Quædam tamen solis præceptoribus aut etiam Philosophis

Præfatio Autoris II.

lophis & Theologis adiecta sunt, omnia vero quæ festinus lector præterire poterit, linea in margine deorsum versum demissa designantur. Reliqua dumtaxat quotidianis lectionibus discipulis proponenda sunt, & frequenti exercitatione versanda. Ita fiet, ut duorum mensium spacio ad grauiiores & utiliores Logicæ considerationes auditores idonei valeant accedere.





LIBER PRIMVS, DE ORATIONE ET PARTIBVS EIVS.

Tractatus prior.

CAPVT PRIMVM.

*De partibus Orationis integralibus,
& simplicibus.*



Vemadmodum *Aristoteles* dixit, vbi desinit *Physicus*, incipit *Metaphysicus*: ita in præsentī institutione minoris *Dialecticæ* mihi cōuenire videtur, vt inde incipiamus, vbi *Grammaticus* desinit. Vterque namque de Orationis partibus agit: sed ob differentem finem, & scopum. *Grammaticus* enim ea ratione de partibus Orationis præcepta tradit, quatenus

A

tenus

tenus earum partium significationem explicans, ad cōgruam loquutionem iuxta peritorū in latina lingua vsum, discipulum promoueat. Dialecticus vero præceptor de eisdem orationis partibus diuersa intētionē negotium suscipit. Cum enim ipsius Dialecticæ finis & scopus sit humanæ rationis discursum à natura insitum dirigere, ne in modo inquirendi veritatem humanus intellectus deuiet, opus habet ipsius Dialecticæ institutor, easdem orationis partes considerare, quatenus præmissâ Latinæ linguæ congruâ loquutione, ad certum modum inquirendi verum, vel falsum, discipulum diligenter erudiat.

Quamobrem illas orationis partes, in quibus ad hunc finem non alia difficultas inuenitur, quàm illa, quæ ad Grammaticum pertinet, superfluum arbitror à Dialectico præceptore cōmemorari.

Nos igitur qui in hac nostra institutione ita superflua, & inutilia præcidere paramus; vt necessaria, & vtilia ad præ-

ad prædictum institutum non omit-
tamus ; non de omnibus Orationis
partibus simplicibus ; sed de illis dum-
taxat , quæ ad modum inuestigandi
verum , vel falsum pertinere possunt ,
agemus.

Simplices Orationis dictiones, quas *De cathégor.*
Moderni terminos vocare voluerunt, & *syncathe-*
in duo capita in primis diuidendæ *gor.*
sunt. Sunt enim quædam, quæ di-
cuntur *cathegoremata* : aliæ vero di-
ctiones *syncathegoremata* vocantur. Græ-
ca vocabula sunt, quæ Latini à Græ-
cis vsurpauerunt , deriuanturque à
verbo Cathegoreo. Cuius duplex est
significatio, scilicet & prædicare, & si-
gnificare, & ab vtraq; potest dici Ca-
thegorematica vel syncathegorema-
tica dictio.

Cathegorematica quidem illa est,
quæ solitarie prolata & audita ita ali-
quid significat , vt eius significatio
absque alio adiuncto plane intelli-
gatur : vt si dicas : *Homo, equus*. Potest
etiam dici Cathegorematica , quia
per se ipsam dici potest, & prædicari

de aliquo, *ut homo* prædicatur de *Petro*, cum dicimus, *Petrus est homo*.

Dictio vero syncategorematica est, quæ seorsum prolata neque aliquid significat, neque eius significatio absque alterius dictionis coniunctione perfecte intelligitur, neq; ipsa sola prædicati officium exercere potest. Sit exemplum, hæc dictio: *Omnis*, & hæc, *velociter*, dicuntur syncategoremata, hoc est, quia sunt consignificatiua, vel cõprædicatiua.

Vbi aduerte, non idcirco eas dictiones consignificatiuas vocari, quia seorsum prolatae non intelligantur significare. Scimus enim hanc vocem, *velociter*, latinam esse, & ad placitum significare: sed quia talem habet modum significandi, ut de nulla re significatiue dici possit: ideo syncategorema est.

Quid autem sit significare, & esse signum, capite sequenti de Nomine, & Verbo, quantum satis est Dialectico, explicatur.

Nunc vero exacte de Syncategorema=
rema=

rematicis, & eorum significatione dicamus. Non displicet modus loquendi Modernorum, qui aiunt syncategoremata non aliquid, sed aliquali-ter significare. Consonat enim cum modo loquendi *Aristotelis lib. 2. Periherm. cap. 1.* vbi ait, *omnis*, & similia non sunt vniuersalia, sed vniuersaliter significant: Nihilominus non omnia syncategoremata in ratione aliquali-ter significandi æqualia sunt.

Nam quædam quanuis non significant aliquid vt aliquid, & vt aliquid dici potest: tamē exprimunt quemdā modum realē, qui in actionibus, aut passionibus realiter inuenitur. Cuiusmodi sunt fere omnia aduerbia, vt, *velociter, tarde, intense*, quæ repræsentant nobis modum rei: nō vt ille modus potest dici res, sed vt adiunctus cum re. Id quod ita explicatur. Hoc nomen, *velocitas*, categorema est, & rem significat, & de illa prædicatur, at vero, *velociter*, eandem velocitatem insinuat, sed non vt res est, sed vt modus rei, siue actionis, siue passionis.

A 3 Sunt

Sunt autem alia syncathegoremata, quæ nō significant realem modum adiacētem rei, sed dumtaxat modum intelligendi, siue accipiendi rem prout est in intellectu. v. g. *Omnis*, significat quidem, sed non aliquid, cuius conceptum formes in mente: tamen eius significatio intelligi non potest, nisi concipias hominem, vel equum, vel rem aliam cū certo modo, quem exercet intellectus circa talem conceptum hominis vel equi, accipiendo illum vniuersaliter pro singulis hominibus. Vt cum dicis: *omnis homo currit*.

Est tandem aliud genus syncathegorematurum, quæ habent singularem difficultatem, quatenus modificant vniōnem prædicati cum subiecto. Talia sunt. *Possibiliter, Impossibiliter, Necessaria, Contingenter*, de quibus latius dicendum est in libro quarto. Nunc autem sufficiat partiū orationis hanc in comuni diuisionem fecisse.

De Vniuoc.
& æquiuoc.

Altera diuisio earundem partium
Orationis necessario præmittenda est
circa

circa vniuocationē & æquiuationem simplicium dictionum. Sunt enim quædam dictiones *vniuoca*, & quædam *æquiuoca*, tam cathegorematicæ, quam syncathegorematicæ.

Vniuoca dictio est, *quæ unicum mentis conceptum siue notitiam, vel modum actionis intellectualis exprimit.* Æquiuoca dictio est, *quæ diuersos conceptus vel notitias differentes siue modos intelligendi potest exprimere.*

Prior diffinitio explicanda est, quatenus Dialecticæ tyronibus satis fuerit. Cum enim ea quæ sunt in voce, teste *Aristotele*, sint signa eorum quæ sunt in mente, necesse est vniuocationem vel æquiuationem vorum per ordinem ad intellectum considerare.

Illam igitur dictio vniuoca dicitur, quæ sicut est vna vox, sic etiam vnitatem seruat in cōceptu vel notitia, cuius signum est, v. g. hæc vox, *Sol*, vnicam rem mediante vno conceptu repræsentat. Diximus in diffinitione conceptum vel notitiam, vt abstinence

A 4 rem

rem à nimia & curiosa perscrutatione eorum, quæ in mēte exercentur. Hoc enim *ad libros de animalib. 1. Periber.* remittit *Aristoteles*. Siue igitur idem sit notitia & conceptus, siue distinguantur sicut actio & terminus actionis, certum est vniuocam dictionem eam esse, quæ vnicum conceptum & vnicam notitiam exprimit. Adieci etiam, vel vnicum modum intelligendi, siue modum rei propter syncategoremata vocalia, in quibus etiam inuenitur sua vniuocatio & æquiuiocatio. Sicut dictio, Et æquiuioca coniunctio est. Aliquando enim accipitur collectivè, vt si dicas: *Petrus & Paulus sunt homines*: aliquando diuisim, vt *Petrus & Paulus est homo*. Erit itaque vox æquiuioca, quæ non seruat in mentē vnitatem, quam in voce præsefert, siue sit dictio categorematica, siue syncategorematica, v.g. hæc vox, *canis*, categorematica est & æquiuioca, quia cum sit vna vox, diuersis conceptibus sua significata repræsentat. Vno enim conceptu significat canem

latra-

latrabilem, & alio conceptu marinum piscem, & alio cæleste sydus.

Obseruandum est autem, nullam dictionem esse æquiuocam, quæ nō possit dici vniuoca respectu vnius significati, aut significationis, v. g. nomen, *Petrus*, vniuocum est, respectu huius hominis singularis, qui appellatur Petrus. Sed si consideretur respectu plurium hominum, qui nomen illud proprium sortiti sunt, æquiuocum est, quia nihil commune illis repræsentat, neque communem conceptum illorum exprimit.

Sed est argumentum contra definitionem vniuocæ dictionis. Hæc dictio, *homo albus*, quæ complexa est, exprimit diuersos conceptus, & illis mediantibus res significat, & tamen non est æquiuoca : ergo mala est diffinitio.

Responderetur per diuersos conceptus non intelligi partiales cōceptus, quos vna complexa dictio partialiter exprimit, sed omnino ita diuersos, vt non faciant vnū conceptū complexū.

A 5 Obser-

Obferuandum est etiam, æquiuationem non solum contingere in simplici dictione: sed etiam si nulla dictio simplex in oratione inueniatur æquiuoca, poterit oratio nihilominus esse æquiuoca. Qualis est illa. *Aio te Aeacidem Romanos vincere posse.* In qua inuenitur notissima Amphibologia apud Latinæ linguæ peritos, propter diuersam constructionem accusatiuorum cum verbo infinitiui temporis. Cuius Amphibologiæ vitandæ causa disciplinarum præceptores sæpe vtuntur dictione, Quod; non vt est relatiuum, sed vt est quasi coniunctio explicatiua eorum quæ dicuntur. Nam si Apollinis illud oraculum fuisset. *Aio quod te Aeacidem Romani vincere possunt*, nulla fuisset amphibologia. Quare & nos qui Grammaticorum ferulas non timemus, vt mur, cum opus fuerit, illa dictione, Quod, vñtatissima inter Philosophos & Theologos, id tamen raro necessarium est.

Diuidunt deinde Dialectici dictionem

nem æquiuocam in æquiuocam à casu,
& æquiuocam à consilio.

Æquiuoca quidem à casu est, quando non propter aliquam similitudinem aut proportionem nomen unius rei ad aliam significandam imponitur. Ita nomina propria forte fortuna solent diuersis hominibus imponi. Multi enim sunt, quibus nomen Petri imponitur vel nomen Ioannis à casu & fortuna.

Dictio vero æquiuoca à consilio ea dicitur, quæ imponitur ad significandum rem aliquam propter habitudinem, quam habet ad aliam, quam prius significabat. v. g. Nero fuit proprium nomen crudelissimi Imperatoris, & inde translatum est nomen ad significandum quemlibet hominem singulariter crudelcm. Item, sanum, proprie & principaliter dicitur de animali, in quo est ipsa formalis sanitas: sed postea translatum est, vt dicatur medicina sana, quia est effectiua, vel conseruatiua sanitatis, & vrina dicatur sana, quæ est signum sanitatis. Sic etiam & prætata dicuntur ridere, vel quia florent
& vi-

& virent, quibus florere & virere ita se habet, sicut ridere ad hominem: vel quia florida rura sunt causa lætitiæ hominibus.

Sunt autem variæ proportionēs & habitudines, & similitudines in æqui-uocis à consilio, quæ etiam analogæ dicuntur, de quibus per singula nunc disserere, esset extra chorum canere, & Nouitiorum ingenia opprimere. Nos vero in præsentī tractatu omnem dictionem, quæ vnico mentis conceptum rem aut modum rei vel ipsius intellectus exprimit, vniuocam dicimus. Nam de Analogia entis metaphysica consideratio est.

Hoc vnum hic nō definiam aduertere, non propterea æqui-uocam à consilio dictionem fore appellādam, quia tēpore impositionis habita fuerit aliqua ratio similitudinis vel habitudinis rei ad aliam rem, quam prius significabat; sed requiritur quod ipsa habitudo significetur per nomen. Exemplum est egregiū. Imposuit Christus Dominus Simoni nomen, *Cephas*, quod

Quod interpretatur, *Petrus*, habita ratione cuiusdam similitudinis ad petram, quæ firmum fundamentum est ædificantibus: & quia Petrus eligebatur, ut super eius confessione ædificaretur Ecclesia, idcirco placuit Domino nomen nouum illi imponere, ut vocaretur *Petrus*. Nihilominus nomen illud absolutum est significans non illam similitudinem, sed singularem hominem, sicut alia nomina propria singulos homines significat. Doctrina hæc est expressa *D. Thoma in 1. part. quæst. 13.* ubi docet, aliud esse, à quo nomen imponitur, id est, cuius occasione imponitur, & aliud esse id, ad quod significandum imponitur. Sicut vulgo dicunt à lædendo pede lapidem esse dictum: & tamen nomen, lapis, substantiam quandam designat, sicut & homo dicitur ab humo unde creatus est, sed est impositum ad humanam naturam significandam in supposito. At vero sanum, unde medicina dicitur sana, importat in sua significatione illam habitudinem ad sanum

sanitatem , quæ est in animali. Solent Dialectici regulas duas tradere de analogis siue æquiuocis á consilio.

Prior est , Analogum per se sumptum stat pro famosiori significato. Hoc est , Analogum quod non restringitur à membro minus principali, neque est subiectum respectu illius, accipitur pro eo, quod principaliter significat, verbi gratia. Si dicas, *homo currit*, accipitur pro homine viuo: at si dicas, *Homopictus non respirat*, vel: *homo est pictus*, tunc non stat pro famosiori significato. Vnde secundam regulam statuunt: Talia sunt subiecta, qualia permittuntur ab eorum prædicatis, id est , Analogum quod subiicitur respectu membri minus principalis alienatur á prædicato , vt accipiatur pro significato minus principali.

Sed hæc omnia nullam certiore regulam habent, quam communem modum loquendi, qui non astringitur Dialecticorum placitis. Dicimus
enim

enim. *Petrus est Nero*, vbi prædicatum analogum est per se sumptum, & tamen stat pro minus principali significato.

Denique ex dictis plane colligitur, nullam in mente dari æquiuationem. Cuius ratio est, quia conceptus mentis & actiones intellectuales ex natura sua determinantur ad vnum. Quamobrem si conceptus hominum adinuicem paterent, nulla distinctione opus esset. Nunc autem tota ratio æquiuationis consistit in vocibus & scripturis, quæ ad placitum hominum repræsentant.

Tertia diuisio dictionis siue termini (non enim abhorremus à communi scholæ loquendi modo) est, *in terminum absolutum & connotatiuum*. Quæ diuisio est termini cathegorematici. *De absolut. & connotatiu.*

Terminus absolutus est, *terminus significans aliquid per modum per se stantis*, vt *Homo*, *Albedo*.

Terminus connotatiuus definitur à Modernis, quod sit *terminus significans accidens per modum alteri adiacētis*, vel non
adia-

adiacentis, & ponunt exemplum, vt;
Album, &, *cæcum*.

In explicatione huius diuisionis plurima inutiliter inculcant moderni, nobis autem satis esse videtur, si aduertamus; primo in priore illa diffinitione termini absoluti necessarium esse, vt explicemus, quid sit significare aliquid per modum per se stantis. Hoc enim etiam exponitur negatiue, id est, significat aliquid non per modum alteri adiacentis, siue illud, quod significatur, vere sit substantia, siue sit accidens, vt patet in exemplis; *Homo* enim & *Albedo*, est terminus absolutus. Neuter enim denotat suum significatum alteri adiacere, nam albedo sic albedinem significat, vt etiam si extra subiectum inueniretur; pro illa posset accipi. Homo vero quamuis significat suppositum humanæ naturæ, non tamen significat humanam naturam vt adiacentem, sed per modum per se stantis in proprio supposito.

Iam vero diffinitio termini connotatiui

tatiui multa explicatione indiget. In primis contra illam arguitur, nam hic terminus, *Rationale*, dicitur connotatiuus, & hic terminus, *Materiale*, & tamen non significat accidens, ergo mala diffinitio.

Ad hoc respondetur iuxta communem modum dicendi modernorum, quod diffinitio non est intelligenda de vero accidente, sed de aliquo quod secundum modum significandi termini denotatur, quasi adiacere subiecto. Ac proinde volunt, quod omnia nomina adiectiua, dummodo non sint syncategoremata, vt, *omnis*, sunt connotatiua: etiamsi id, quod formaliter significant, sit substantia, vel rei essentia. Vnde distinguunt, quod quidam termini connotatiui connotant *essentialiter*, & alii *accidentaliter*. Ille connotat essentialiter, qui significat de formali aliquid essentialere rei, vt *rationale*, *materiale*, *animatum*. Ille vero accidentaliter, qui de formali aliquod accidens denotat, vt, *risibile*, *Album*.

B Sed

Sed quidquid sit de huiusmodi doctrina, tamen certum est, quod quantum attinet ad vsum Dialecticæ disputationis, in materia de proprietate Ampliationis, illa duntaxat nomina connotatiua censenda sunt, quæ significant accidēs quod adesse potest & abesse realiter à subiecto, vt *Album*, *Nigrum*, *Artifex*.

Verum est tamen, vt suo loco constabit, quod quantum attinet ad proprietatem appellationis logicalis, etiam in alia nomina connotatiua censentur, quæ substantiam, vel essentiam significant per modum adiectiuorum.

Habeamus igitur pro regula, omnia nomina apud Grammaticos adiectiua, dummodo non sint synchegorematica, vt, *omnis* & *omne*, *Nullus*, *nulla*, *nullum*, connotatiua esse: non tamen omnia connotatiua sunt adiectiua, vt, *Doctor*, *pauper*, *artifex*, *latro*, & id genus plurima sunt nomina connotatiua significantia formaliter aliquid, quod potest

test realiter adesse & abesse à subiecto.

Deinde circa illam particulam definitionis termini cōnotatiui scilicet, vel non adiacentis, nota, quod melius diceretur, terminus connotatiuus est, qui significat accidens per modum alteri adiacentis, vel negationem alicuius, per modum alteri adiacentis. Nam profecto, *Cacum*, proprie loquendo non significat visum formaliter, sed negationem visus per modum alteri adiacentis. Et hic terminus, *Non album*, non significat albedinem formaliter, sed negationem albedinis per modum alteri adiacentis.

Denique aduerte in termino connotatiuo duo significata consideranda esse. Alterum, quod *materiale*, & alterum, quod *formale* dicitur. Formale est illud accidens, vel per modum accidentis, quod denotatur alteri adiacere, materiale vero dicitur illud, cui denotatur adiacere.

Sed est disceptatio inter Dialecti-

B 2 cos,

cos, vtrum istorum sit principalius significatum : quidam enim aiunt esse materiale, pro quo terminus accipitur, vt si dicas: *album currit*, non accipitur pro albedine, sed pro corpore. Alii vero contra aiunt, formale significatum esse principalius, quorum ratio est: quia, *album* & *albedo*, idem significant, sed diuersimode, nam *album* significat albedinem in concreto, & *albedo* in abstracto. Etenim *album* ratione albedinis significat corpus, imo vt refert *Diuus Thomas in 1. sent. distinct. 18. artic. 2. ad 3.* *Auerroes in 5. metaphysicæ*, ait nomen connotatiuum non significare propriè materiale, licet *Auicenna* oppositum dixerit.

Item Aristoteles in prædicamentis interprete *Boetio* ait : *Album* nihil aliud, quam qualitatem significat, quanuis *Argyropylos* transtulerit: Nihil aliud, quam quale. Et certe *Aristoteles* ita videtur locutus fuisse, sicut *Argyro.* transfert, & mens eius fuit docere, *album* non formaliter substantiam, sed quale significare.

Dicen-

Dicendum est igitur nomē, *album*, ex modo suæ significationis, illa duo importare, & subiectum, & albedinē, albedinem quidem vt formam, corpus vero vt materiale subiectum illius formæ, à qua informatur & denominatur album. Quod autem non accipiat pro ipsa albedine prouenit propter differentem modum significandi, nam albū significat albedinem non in abstracto, sed in subiecto, & cum habitudine ad subiectum. Neque vero supponit pro corpore absolute, sed propter habitudinem subiecti, quam habet ad Albedinem, vnde non sequitur quod principalius significet corpus.

Sed quæris: An album in significando corpus & albedinem sit vniuocum vel æquiuiocum. Respondetur, quod album quidem vniuocum est in significando omnia alba, quibus ipsum nomen est cōmune, sed prout dicitur significare corpus & albedinē, neque dicendum est vniuocum, neq; æquiuiocum. Et ratio est, quia illa di-

uisio



uisio termini in vniuocum & æquiuocum intelligitur respectu totalis significati, cui nomē commune est. Nunc autem albedo & corpus potius sunt partes vnius significati, quam significata vniuoce vniuocata sub illo nomine.

Quarta diuisio quæ pertinere potest ad logicalem proprietatem, quæ dicitur appellatio, est termini categorematici in *terminum primæ intentionis* & *terminum secundæ intentionis*.

Terminus primæ intentionis est, *qui significat aliquid secundum illud, quod habet in re, vt, homo, album.*

De Termino — Terminus secundæ intentionis est, *qui significat aliquid secundum id quod sibi conuenit per ordinem ad conceptum mentis, vt hoc nomen, species, vel genus.*

Si hæ diffinitiones quæ ex D. *Thoma in opusculo 42. cap. 12.* desumptæ sunt, essent ad vnguem pertractandæ, nouitios Dialecticos confunderent potius, quam erudirent.

Nunc igitur sufficiat aduertere nomine intentionis esse intelligendum
mentis

mentis conceptum : ita vt idem sit dicere , nomen primæ intentionis , ac si diceres , nomen primi conceptus. Item idem est nomen secundæ intentionis , & nomen secundi conceptus : Sunt enim conceptus nostri, quos de rebus formamus , in duplici differētia. Quidam repræsentant rem, vel proprietatem, aut accidens ipsius, quæ rebus ipsis in se ipsis realiter continentur, hoc est, seclusa quacunque operatione aut ordine ad nostrum intellectum, vt v. g. conceptus *substantia*, & *hominis* , & *risibilis* , & *albi*, & *ambulantis*.

Alii vero sunt conceptus , qui formaliter repræsentant aliquam conditionem , aut proprietatem , quæ non aliter conuenit rei, nisi ex eo quod res consideratur per habitudinem ad ipsum conceptum, vel notitiam mentis, v. g. *esse vniuersale*; *esse genus*; *esse speciem*, *esse nomen vocale*, *vel scriptum hanc vocem homo*, quæ ad placitum ex impositione habet rationem nominis.

Ex quo sequitur, quod termini ex-

B 4 primen-

primentes priores conceptus dicuntur primæ intentionis. Illi vero, qui exprimunt posteriores conceptus, dicuntur termini secundæ intentionis.

Sequitur secundo, quod termini primæ intentionis quidā sunt termini absoluti, alii vero connotatiui, vt, *homo*, & *album*; sed termini secundæ intentionis, si proprie loquamur, debēt esse connotatiui, significantes de formali relationem rei significatæ materialiter ad conceptum vel notitiam mentis, vt, *uniuersale*, *genus*, *predicatum*, & *predicabile*.

Sed contra: Hoc nomen: *uniuersalitas*, & *specieitas* (vt ita dicam) sunt nomina secundæ intentionis, tamen non sunt connotatiua, ergo falsum est nostrum documentum. Respondetur. Nego antecedens, nam illa nomina exprimunt duntaxat primū conceptum, qui habetur de re significata quæ est relatio rationis alterius rei ad intellectum, seu operationem eius. Quam quidem relationem Dialectici sæpe vocant secundam intentionem

tionem, non quia sit secundus conceptus: sed quia est relatio, quæ superuenit rei ab extrinseco, scilicet, à secundo conceptu, & transferunt nomen ipsius conceptus secundi ad significandum in abstracto relationem rationis, quæ consequitur in re ex illo fundamento & ratione fundandi illam relationem. Ac propterea dixi, illa nomina vt in abstracto significant; non esse dicenda terminos secundæ intētionis: quia re vera non significant rem ipsam, de qua secundus conceptus habetur.

Arguitur secundo sophisticè. Ista vox, *Terminus*, primæ intētionis significat rem, scilicet hanc vocem, *Homo*, & similes, connotando, quod habeāt aliquid per ordinem ad intellectum, & tamen non est terminus secundæ intentionis, ergo mala est diffinitio. Probo minorem, quia *Terminus* primæ intentionis est terminus primæ intentionis, ergo non est secundæ intentionis.

Ad argumentum respōdetur, con-

B 5 cedo

cedo maiorem, & nego minorem. Et ad probationē distinguo antecedens, nam si subiectum accipiat^r materialiter non pro re significata, sed pro ipsis vocibus, & prædicatum accipiat^r significatiue, falsum est antecedens. Si vero vtrumque accipiat^r materialiter, tunc verum est antecedens, & nulla est consequentia, quia in consequenti subiectum accipitur materialiter, & prædicatum significatiue pro suo significato. Vnde non est inconueniens, quod antecedens sit verum, & consequēs falsum: quia mala est consequentia.

De Termin.
communibus
& singular.

Quinta diuisio est termini categorematici in *communem & singularem*. Terminus communis, est terminus *plura diuisim significans*, vt, *homo*. Terminus singularis, est terminus *unum tantum significans*, vt *Petrus*. Hæc etiam diuisio necessaria est ad proprietates logicales explicandas, & ad oppositionem propositionum intelligendam, & ad multa alia, quæ in sequentibus dicenda sunt, Sed explicare oportet illud aduer-

aduerbium, *Diuisim*, positum in diffinitione termini communis. Ponitur enim ad differentiam denotandam inter terminum singularem collectiuum, & terminum communem. Nam terminus singularis collectiuus, ut, *Salmantica*, si accipiat pro ipso populo singulari, plura quidem significat, sed non diuisim, quia illa plura collectivè significat. Ac proinde in diffinitione termini singularis debet intelligi illa particula unum tantum, id est, non plura diuisim, & idcirco, *Salmantica*, terminus singularis est. Hinc fit alia subdiuisio termini cathegorematici in *collectiuum* & *diuisiuum*. Collectiuus est, qui in singulari numero significat plura copulativè, ut, *populus*, *Salmantica*. Diuisiuus vero est, qui in singulari numero significat plura diuisim, vel unum quod non est plura copulativè, ut, *Petrus*. Diximus in singulari numero, nam in numero plurali omnes termini cathegorematici collectionem aliquorum denotant, ut, *Homines*, *Populi*, neque inde ulla accipitur differentia: sed ex singulari numero. Veruntamen quoniam

plura-

plurale secundum declinationem vocis, vt, *Parisi, Burgi*, accipitur, pro singulari, erit terminus simpliciter collectiuus.

Cæterum in ipsis terminis singularib. eos dicimus diuisiuos, qui vnum tantum significant, hoc est non plura collectivæ, vt *Petrus, Ioannes*. Sed hic terminus, *Petrus & Paulus*, in hac propositione: *Petrus & Paulus sunt homines*, est terminus singularis collectivus. Hic vero terminus, *Petrus vel Paulus*, est terminus communis, & diuisiuus.

Sequitur etiam hunc terminum *Sol*, & hunc terminum, *Mundus*, esse communem, & quanuis naturaliter non possit esse nisi vnus Sol, & vnus Mundus: tamen ex modo suæ significationis quilibet eorum potest accipi pro pluribus si essent.

In prædictis diuisionibus semper excluditur terminus æquiuiocus vt æquiuiocus est: vnde hoc nomen, *Petrus*, licet sit nomen pluriū secundum vocem, non tamen secundum vnum conce-

Conceptum mētis communem pluribus, quod requiritur ad rationem termini communis, vt exprimat conceptum communiter repræsentantem plura diuifim.

Denique circa terminum communem, & singularem, singula sunt adnotanda. Circa communem quidem notandum est, esse aliquos terminos communiffimos, quos Dialectici vocant transcendentés, propterea quod quamlibet rem significant, & de quolibet dicantur. Et hi sunt sex. *Res, Ens, Vnum, Bonum, Aliquid, Verum*, quos terminos his duabus dictionibus denotant. *Res, Bau*, singulis literis initiatiuis, singulos terminos transcēdentes designantes. Horum duo primi sunt termini absoluti, *Res & ens*: alii vero sunt connotatiui. Sed horum consideratio metaphysica est.

Tandem circa terminum singularem etiam adnotant aliam differentiam: nam quidam termini singulares sunt determinati, & distincti, videlicet, qui distincto conceptu rei singulari-

gularitatem exprimunt, vt, *Petrus*. Alii vero dicuntur singulares vagi, non quia vniuoce de pluribus dici possint, sed quia confuse rem singularem significât, vt, *hic homo, hoc ens*. Nam profecto hic terminus: *Aliquis homo*, communis est, neque debet dici singulare vagum, nam vno conceptu significat plura diuisim.

Quamobrem melius fieret ista diuisio termini singularis in terminum singularem determinatum, & indeterminatû seu indistinctum. Etenim singulare vagum, quale est; *Aliquis homo*, non est simpliciter terminus singularis, cum vniuoce de pluribus singularibus hominibus prædicetur: sed, vt Dialectici distinguerent modum significandi illius termini: *Aliquis homo*, à modo significandi illius termini, *Homo*, dixerunt illum esse singulare vagum: quia ratione illius adiuncti, *Aliquis*, repugnabat ei accipi pro specie communi, & vniuersali; vt in prædicamento substantiæ amplius explicatur à Logicis.

CAPVT

C A P. II.

De Nomine.

INter simplices dictiones vel terminos cathegorematicos, & vniuocos *Nomen*, & *Verbum* primum dignitatis locum in oratione tenent : quomobrem in distincto capite de illis agere decreuimus. Horum diffinitiones ex doctrina *Aristot. lib. i. Perihier.* accipiendæ sunt, & explicandæ.

Nomen igitur est vox significatiua secundum placitum sine tempore, cuius nulla pars separata est significatiua, finita, & recta. Definitio nominis. Pro intelligentia huius diffinitionis præmisit *Aristot.* duo fundamenta. Prius est, Ea quæ sunt in voce, sunt signa eorum, quæ sunt in anima, & ea quæ scribuntur, signa sunt eorum, quæ sunt in voce. Posterius fundamentum est, non esse easdem voces aut scripturas apud omnes : esse tamen easdem res, easdemque animæ passionibus, & rerum in mente hominum similitudines.

Tota

Tota itaque differentia, & varietas in humana intelligentia apud diuersas gentes non in rerum dissonantia, neque in earum similitudinibus intra animam existentibus, sed in scriptura, & vocibus posita est.

Circa prius fundamentum aduertat præceptor, nos potius sensum, quam verba Aristotelis proposuisse. Ait namque Aristoteles: *Sunt ergo ea quæ sunt in voce eorum quæ sunt in anima passionum notæ.* Et vt Argyropylos trāsferret, *signa sunt affectuum qui in anima sunt.* Nam si nomine passionum & affectuum intelligeremus dūtaxat motus animæ, qui ad appetitū pertinent, non esset vniuersalis doctrina: intendit namque Dialecticus non solum de signis externis tales affectus exprimantibus, sed etiam, & potius de illis signis tractare intendit, quæ intellectualium operationum repræsentatiua sunt.

Circa secundum fundamētum est obseruandum, easdem quidē res esse apud omnes, eosdemque rerum simplices

plures conceptus, verumtamen non apud omnes nationes exercentur eodem modo compositiones mentales illorum conceptuum, sed sicut in vocibus differentia compositionis inuenitur, sic etiam mentalium Orationum compositio varia in diuersis nationibus & linguis correspondet. Sunt enim propriae mentales phrasae singulis nationibus & linguis, & differentes modi dicendi, & concipiendi easdem veritates. Hæc doctrina hominibus in variis linguis peritis facile persuadetur. Imò & experientia constat ei qui in Vasconia lingua nutritus est in qua nullum verbum præter: sum, es, fui & facio, facis, inuenitur declinabile: sed omnia alia verba sunt infinitiui modi. Vnde quod nos latina phrasi dicimus: *Petrus bene dormiuit*, dicunt Vasconici in sua phrasi. Dormire bene fecit Petrus. Hinc est ut difficillime aliarum linguarum phrasae addiscant. Propter phrasim mentalium compositionum, quibus assueti sunt.

Iam vero ad nominis diffinitionem.

C

per

*Explicantur
singula par-
ticula defini-
tion. Nomi-
nis.*

per singulas particulas explicanda ac-
cedamus. Cōtinet hæc diffinitio non
minus quā septē particulas. Prima est,
vox quæ ponitur, vt ait *D. Thō.* per mo-
dū generis per quā separatur nomen
ab omnib. sonis, qui non sunt voces.
Nā proprie vox est sonus ab ore ani-
malis procedēs cū imaginatione qua-
dā, vt habetur *li. 2. de anima.* Dixit vero
D. Thō. per modū generis; quia vox est
aliquid naturale: nomen autē est ali-
quid artificiale rationis: & idcirco nō
potest esse propriē genus respectu no-
minis, sed est quasi materia, in qua
propria ratio nominis inuenitur. De
voce itaq; quod naturale est à Diale-
ctico præsupponitur: quemadmodū
faber lignari⁹ nō de quidditate ligno-
rū sollicitus est: sed de illorū vtilitate,
quatenus eius arti, & fini possunt con-
ducere, inquit. Cum igitur voces
quarum proferēdarum facultas à na-
tura ipsa nobis data est, eatenus vtilēs
sint præsertim ad Dialecticam confi-
derationem pertineant, quatenus illis
mediantib. significatio rerū & conce-
ptuum

pruū expresse exercetur, non oportet de natura vocis in Dialectica (vt quidā imprudēter fecerūt) philosophari.

Secunda particula est, *significatiua*. Hæc ponitur ad differentiā vocū non significantium, siue sint articulatae, vt *Blitiri*, siue non sint articulatae, vt simplex emissio vocalis. A. vel etiā sibilus. De qua particula mirū est quā multa metaphysicalia quidam ex modernis disputēt: quæ non solū inutilia, sed etiam incipientibus Dialecticam discernēdiua sunt. Nos igitur de signo & modis significandi pauca in præsentī necessaria, esse censemus. In primis v- *Diffinitio*
tamur doctrina D. *Augustini*, signū ita *signi*.
diffinientis. *Signum est, quod præter speciem quā ingerit sensibus aliquid aliud facit in cognitionē venire.* Vt fumus visus à longe non viso igne facit venire in cognitionem, ignem illic subesse, vbi fumus est. Audis etiam hanc vocem, *leo*, sed non vides leonem, nihilominus mente concipis illud animal. Vbi aduertē nomine speciei in illa diffinitione intelligi debere similitudinē quādam

à rebus sensibilibus nostris sensibus impressam, per quam similitudinem notitiam rei, quæ dicitur signum, habemus. Requiritur enim duæ notitiæ, ut signum suam significationem erga nos exerceat. Altera notitia est ipsius rei, quæ signum est. Altera notitia est rei significatæ. Si enim ignis nullam notitiam habeas, nunquam fumus tibi ignem significabit, quâvis de se significatiuus sit. Similiter si leonis nullam habeas notitiam, non poterit hæc vox, *leo*, tibi significare.

Non desinam hoc in loco aduèrtè-re, quam improprie loquantur quidam moderni, dum aiunt mentales conceptus signa esse rerum, quas expresse, & seipsis formaliter repræsentant. Etenim, etiam secundum Latinæ linguæ proprietatem, ratio signi, & significandi imperfectam repræsentationem in se habet respectu rei repræsentatæ. Nam profecto si quis expresse aliquam veritatem doceat, inepte diceremus illâ significasse. Qui enim significat, non ex integro rem præsentem

tem facit. Et quia voces mētales conceptus, non expresse, & formaliter repræsentant, sed instrumenta quædam sunt, quæ non adæquant rei significatæ perfectionem : idcirco proprie signa, & significare dicuntur. At vero mentales cōceptus quia omnem perfectionem rei repræsentatæ in seipsis formaliter in esse intelligibili continent, ideo non signa, sed imagines expressæ rerum dicendi sunt. Sicut & Verbum in diuinis imago quidem est Patris, non autem signum. Imo & in humanis filius hominis, est imago patris repræsentans patrem, & tamen nō significat patrem, quia in eo quod repræsentat, non censetur aliud à se repræsentare, siquidem repræsentatum pari ratione simile est in natura ipsi filio. Sic etiam conceptus repræsentat illam prout formaliter in esse intelligibili continetur in ipso conceptu, non dicitur repræsentare aliud à se, sed repræsentando se repræsentat rem in ipso contentam. Hæc pro viris doctis dicta sint, licet aliquando lo-

quantur vt multi, & sentiant vt pauci. Nam & *S. Thom.* interdum non tanto rigore loquitur.

De signo naturali & ad placit.

Signum diuiditur in *signum naturale*, & *signum ad placitum*. Signum naturale, est *signum quod ex natura rei significat*, id est, *secunda institutione beneplaciti hominum*, v. g. *fumus*, naturale signum est ignis, quia ex natura sua, & non ex beneplacito hominum repræsentat ignem præexistente cognitione sui. Quæ repræsentatio fundatur in eo quod est effectus præsentaneus ipsius ignis. Similiter vestigium animalis pulueri impressum signum est illius animalis, quatenus illac pertransiuit. Neque tamen asserimus omnem effectum esse signum suæ causæ. Sunt enim effectus eiusdem speciei cum causa. Vt, *filius Petri*, ab illo genitus & tamen non significat *Petrum*: nam vt diximus ad rationem signi pertinet repræsentare aliud à se vel à sibi simili. Quare vbi effectus & causæ sunt pariter sibi similes, non dicetur effectus significare causam. Semper enim
signum

signum degenerat ab eo, cuius est signum.

At vero imago bene potest habere rationem imaginis & non signi, quando est eiusdem speciei cum eo, cuius est imago, sicut filius est imago patris, & non significat patrem. Imagines autem depictæ aut sculptæ signa sunt eorū cuius sunt imagines. Non enim repræsentāt aliquid sibi simile, quamvis ipsæ imagines sint similes rebus repræsentatis. Etenim imago repræsentat substantiam rei viuentis cum ipsa careat vita. Neque opus est in huiusmodi consideratione, quæ maioris momenti est, amplius Dialecticum immorari. Signa itaque naturalia, cum ex natura rei aliud à se repræsentent, eadem sunt apud omnes.

Iam vero signum ad placitum illud est, quod ipsa nominis etymologia explicatur. Neque *Aristoteles* aliam diffinitionem necessariam putavit. Nihil enim aliud est, quam quod non natura sua, sed ex hominum beneplacito-

significationem habet. Nihilominus non debemus existimare voces aptas homines sic ad placitum significare, ut nunquam habitus fuerit respectus ad aliquam proprietatem ipsis vocibus naturalem. Multa enim nomina & verba ad significandum imposita sunt propter naturalem sonitum vocis conuenientem cum rebus significatis, ut nomen *Tuba*, & verbum *Taratantarizo*, & nomen, *spiritus*, ut ventum significat, quod apud Hebræos dicitur, *Ruahh*. Et multa alia similia in variis linguis inueniuntur. Memini hanc considerationē in D. *Augustino* legisse, qui exemplum ponit in his dictionibus, *suave, acre, asperum*, in quibus & in aliis multis ipsa prolatione vocis conformitas est cum re significata. Ut, *mugitus, rugitus*, quæ omnia per onomatopœiam dicuntur significare. Nihilominus hanc considerationem in omnibus dictionibus non possumus vniuersaliter facere. Hoc vnum est certum, quod etiam illæ dictiones, quæ Onomatopœiam habent, significant

ficant ex hominum beneplacito.

Quarta particula est, *sine tempore*, per quam nomen distinguitur à verbo, quod significat cum tempore. Quid autem sit significare cum tempore, in diffinitione verbi explicanda patebit.

Quinta particula est: *Cuius nulla pars est significatiua, separata*. Ratio huius particulæ ea est, quia nomen imponitur ad significandam simplicem quidditatem rei prout à nobis primo concipitur. Et idcirco nomen rei non debet esse diuisum in partes significatiuas: sed potius vnicam & simplicem significationē habere debet: sicut etiam vnicus cōceptus in mente habetur primo de singulis rebus, quā voce significatiua exprimimus. Ponit autem exemplum, *Aristoteles* in hoc nomine, *Equiferus*, quod est nomē compositæ figuræ: quia in illo videbatur aliqua eius pars significare, verumtamen insinuat nihil significare per se seorsum prout est pars illius dictionis, *Equiferus*, quo nomine significamus

C 5 simpli-

simplicem conceptum quem formamus de equo Syluestri, non prout exprimitur complexiua voce, equus ferus. Et similiter dicendum est de hoc nomine, *Respublica*, quod quidem impositum est ad significandam communem hominū in vnitatem gubernationis congregationem, quatenus à nobis simplici conceptu intelligitur. Itaque neque Syllaba, *Res*, neque *Publica*, prout sunt partes illius nominis significant: tamen si initio compositionis & impositionis illius nominis, *Respublica*, habita fuerit ratio significationis utriusque partis.

Sexta particula est, *finita*. Hæc ponitur ad excludendum à ratione nominis nomē infinitum, quale est, *Non homo*, de quo dicit *Aristot.* non esse nomē simpliciter, sed esse nomen infinitum. Considerauit enim *Aristot.* rationem nominis esse, significare aliquid determinatum, quod de re concipitur: at vero hoc quod dicimus: *Non homo*, nihil determinatum nobis de re significata denotat: sed potius, quid nō sit, signifi-

significat. Quamobrem dicitur nomē infinitum, id est non determinans sua significatione, quid sit, quod per tale nomen concipimus: sed indifferentiā habet in modo significandi tam ad id, quod est, quam ad id, quod non est.

Vbi diligenter aduerte, quod quidam ita explicant dictum *Aristotelis* assignantis rationem, quare dicatur nomen infinitum, quoniam, inquit, similiter in quolibet est, & quod est, & quod non est: aut vt *Argyropylus* translulit, quoniam & quod est, & quod non est in ratione rerum sine discrimine vlllo significat. Aiunt enim sensum horum verborum esse, quod, *Non homo*, similiter significat entia vera & entia fictitia. Ex qua intelligentia refutare intendunt, quod alii dicūt hoc nomen, *album*, significare omne illud cui possumus imaginare cōuenire albedinem. Si enim hoc ita esset, sequeretur, *Album*, non esse nomen: quia significaret tam entia vera, quam fictitia. Sed reuera qui sic interpretantur *Aristot.* non videntur nobis illius mentem

tem attingere. Nam si idcirco diceretur nomen infinitum: quo similiter significat entia vera & fictitia, sequeretur hoc nomen, *significabile*, esse nomen infinitum: nam etiam significat entia vera & entia fictitia, cum utraque significari possint. Quapropter sensus legitimus illorum verborum est, quem *Argyropylus* insinuat in sua translatione, scilicet ideo appellari nomen infinitum, quia & quod est, & quod non est in ratione rerum sine ullo discrimine significat. Quasi diceret, nomen infinitum ex modo suæ significationis nec determinat, neque excludit quod est de ratione rerum, de quibus dicitur, verbi gratia, hæc propositio, *Equus est non homo*, vera est, in qua prædicatum est nomen infinitum, & dicitur de subiecto non determinando aliquid quod sit intrinsecum in ratione equi, sed neque excludendo illud, quia dumtaxat connotat negationem hominis. Ex dictis sequitur hanc propositionem, *Chimæra est non homo*, falsam esse, si verbum, *Est*,

Est, dicat existentiam vt *Aristoteles* ait *libr. 1. Priorum cap. ultimo*, propositionem quidem negatiuam nihil ponere in rebus: sed affirmatiuam de prædicato infinito aliquid ponere. Quare negat hanc consequentiam: *lignum non est album*, ergo lignum est non album. Intellexit igitur *Aristoteles* prædicatum, quod est nomen infinitum, non importare aliquid, quod determinate inueniatur in ratione subiecti. Alias profecto, si prior illa intelligentia esset legitima, sequeretur vniuersaliter de omni quod non est in rerum natura, vere prædicari: *Non homo*.

Fateor tamen *D. Thomam lib. 1. Perihier. lectione 4.* asserere, hanc propositionem. *Chimera est non homo*: quia certe considerauit eam propositionem esse in materia naturali, propterea quod negatio importata per prædicatum intrinsece includitur in ratione subiecti: ac proinde copula, *Est*, absoluitur à tempore, id est, non vnit extrema secundum exigentiam differentia-

tiæ

tiæ temporis præsentis. Sic etiam hæc propositio, *Antichristus est non homo*, est impossibilis, quia ratio significata per prædicatum repugnat rationi significatæ per subiectum.

Septima & vltima particula est. *Recta*, per quam excluduntur casus nominis à ratione nominis simpliciter dicti. Ratio autem quare casus nominis non simpliciter sint nomina, ea esse potest à posteriori, quia quando interrogamur quomodo aliqua res vocetur, nunquam respōdemus per aliquem casum nominis: sed respondeamus proferentes rectum, v. g. si quis interroget: *Quod est nomen huius animalis? Aut huius herba?* Respondemus, *equis, vel petresilinum*.

Huius rei ratio altera magis à priori est, quia nomen est non tamen rei, quatenus à nobis primo concipitur, prout in se est absque comparatione illius ad alteram rem, vel absq; habitudine ad aliud. At vero casus nominis idcirco dicuntur, quia declinant ab illa simplicitate primi conceptus,

eo quod res concipitur cum quadam habitudine ad alteram, v. g. cum dicimus, *Hominis*, intelligimus quidē eandem rem, quam significamus per vocem: *Homo*, sed non omnino eodē modo, quia ex parte intellectus est quædam rei comparatio quamuis non actualiter ad aliam rem. Qui modus plene intelligi non potest sine alio adiuncto. Vt cum dicimus, *filius hominis: equus hominis, Caput hominis*. Et in prima quidem comparatione intelligis aliquid genitum ab homine, in secunda vero, aliquid possessum: in tertia quod est pars hominis.

Placuit autem Grammaticis illum casum appellare genitiuum, quia præcipua vel prima comparatio est generantis ad genitum. Sunt nihilominus plures aliæ habitudines illius casus ad rem significatam per alteram vocem, quæ illi adiungitur. Dicitur enim, *Deus hominis & homo Dei, & amicus hominis & Magister hominis & hominis discipulus*. Similiter & aliorum casuum varias habitudines poteris considerare.

Quam-

Quamobrem hi casus obliqui dicuntur, quasi non recta via & sincere rem significantes, prout absolute est in se.

Alia ratio à quibusdam modernis assignatur, quia videlicet si obliquo adiungas verbum, non consurgit verum aut falsum. v. g. *Homini disputat*. Et hanc octauam particulam adiciunt diffinitioni *Aristotelis*, sed tamen superflua est. Neque vniuersaliter vera est. Nam hæc oratio. *Pœnit me peccati*, verum vel falsum continet, & tamen obliquus ille, *Me*, non propterea nomen est.

Lectio 10.

Sed obiicitur contra prædictam doctrinam, quia in quibusdam linguis non inuenitur declinatio nominum sicut in lingua Hispanica & Hebraica, imò & lingua Græca caret ablatiuo, ergo in huiusmodi linguis non opus est illa particula. *Recta*: in diffinitione nominis.

Respondetur, quod in illis linguis, quamuis sit vnica terminatio vocis, tamen ex adiunctis differētia casuum à recto

à recto intelligitur, sæpe etiam quibusdam articulis ea differentia denotatur, ut patet in lingua Hispanica. Græca vero lingua plus satis hanc differentiam exprimit, non solum terminatione vocis, sed etiam variis præpositis articulis. At vero genitiuo utuntur pro ablatiuo, præposito articulo distinctiuo.

Solent hoc in loco Moderni prolixè & importune disputare: an in mente idem sit conceptus qui formatur audita hac voce, *Hominis*. Cuius difficultatis determinatio pronunc capacitatem excedit discipulorum. Mihi certum est in mente eundem esse conceptum cathegorematicum nominis & obliqui. Cæterum an ille modus, qui variat rationem nominis & obliqui, significetur ex parte obiecti, an vero dumtaxat se teneat ex parte intellectus exercentis illam comparisonem & habitudinem rei, nihil retulerit ad veritatem vel falsitatem, quam Dialecticus inquit in compositione,

D Iam

Iam de nomine adiectiuo merito quæritur: An sit nomen simpliciter & sine addito. Ratio dubitandi est, quia non est aliqua particula in diffinitione nominis: per quam excludatur adiectiuum, verbi gratia, *albus*, à ratione nominis, sed ex altera parte obstat, quia ex adiectiuo & verbo non resultat verum vel falsum. Vt si dicas, *albus ambulat*, nisi subintelligas substantiuū *Homo*, vel aliud, non resultat verum vel falsum. Respondetur nomen adiectiuum esse vere & proprie nomen, quia per nullam particulam diffinitionis excluditur. Quod enim possit reddere suppositum verbo, non impedit rationem nominis. Hoc enim prouenit ex eo, quod est nomē adiectiuum, & habet talem modum significandi suum formale significatum, vt non seorsum possit accipi, nisi pro supposito substantiuū. Negare enim non possumus, quin adiectiuum nomen habeat aliquid de proprietate synkategorematum, quorum significationis completa cognitio sine adiunctione

Etione ad alterum haberi non possit. Neq; propterea nomen adiectiuum dicetur syncategorema: Non enim definit significare aliquid licet illud aliquid aliqualiter significet: sicut postea dicemus de verbo, quo significat aliquid vnitiue.

Ex hoc intelliges quædam dicta à *D. Thoma*, in quibus nō modicam differentiam esse docet inter adiectiuum & substantiuum. Nam *i. part. quest. 39. artic. 3.* ait: *Adiectiua significant per modum accidentis; substantiua vero per modum substantia.* Et in *3. sentent. distinct. 5.* ait, *adiectiua significant tantum formam, substantiua vero formam & suppositum*, & ibidem: *adiectiua predicantur tantum per informationem, substantiua vero etiam per identitatem.* In quibus omnibus dictis non intelligas adiectiuum solam formam significare, sicut, *Albedo*, significat aliquid, quod est forma, qua aliquid est albū. Sed mens *D. Thom.* est quod quamuis adiectiua sint nomina concreta, tamen habent talem modum significandi, vt cū adie-

D 2 ctive



ctiue accipiuntur, contenta sint supposito sui substantiui, vtei applicent suum formale significatum per modum adiacentis illi, pro quo accipitur substantium. Et hæc doctrina necessaria est pro loquutionibus de mysterio Sanctissimæ Trinitatis. Vbi hæc propositio. *Essentia Diuina generat*, hæretica censetur, quia prædicatum est verbum adiectiuum. Si autem diceres: *essentia Diuina est generans*. prædicato substantiue accepto, in genere neutro, fiet catholica propositio. Sed de hoc alias.

Quæret denique fortassis aliquis, cum præcipuum & primum notamen rei sit mentis conceptus, quid causæ est quare *Aristoteles* non potius primo loco meminerit nominis mentalis, quam vocalis. Respondetur eam esse rationem, quia Philosophus præsupponit id, quod omnibus hominibus natura inditum est, nimirum, conceptus rerum mente formare ex rebus sensibilibus quarum per sensum experientiâ habet. Item hominibus naturale



turale est affirmare & negare aliquid de rebus cognitis. Naturale etiam est ex vno vero cognito ad alium inquirendum ratione hominem moueri. At vero quanuis hæc omnia primo & per se & principaliter mente exerceantur: tamen quia illud exercitium quo pacto fiet, difficillimum est cognoscere quadam spirituali mentis reflexione: idcirco cōmodius fuit discipulos per signa sensibilia, quales sunt voces, illam internam mentis exercitationem discipulis tradere. Huius rei gratia *Aristoteles* illud iecit fundamētum initio libri *Periber.* dicens, *sunt ergo ea, quæ sunt in voce, signa eorum, quæ sunt in anima.* Fuiſſet enim nimis metaphysicum in vestibulo Dialecticę, spirituales mētis operationes discipulis proponere, nō prius ordine vocū præmissis. De scriptura vero nō opus est rationem reddere quare de his, quæ sunt in scripto signa, non dentur diffinitiones nominis, aut verbi. Nullam enim habent specialem difficultatem præter illam, quæ de vocibus, quarum scripturæ

vicariæ sunt, explicatur. Si quæ verò specialis in scriptura difficultas est, ad Orthographiam & Grammaticalem punctuationem pertinebit, cuius ignorantia orationis sensum sæpe variat.

Lectio II.

De pronomibus tandem, an sint nomina simpliciter, dubitari potest. Ratioque dubitandi est, quia non apparet per quam particulam diffinitionis excludantur. Præsertim quia pronomina adiuncta verbo perfectam orationem constituunt, verbi gratia, *Ego sum, Tu disputas*, Sed pro altera parte facit, quod apud Grammaticos pronomē est alia pars orationis, quam nomen. Quidam aiunt idcirco pronomina non esse nomina, quia non ratione sui sed ratione nominum, pro quibus ponuntur, veram vel falsam propositionem efficiunt. Sed isti non aduertunt id, quod iam diximus, illam conditionem in diffinitione nominis superfluum esse, nam neque nomini adiectiuo conuenit, quod tamen vere nomen est.

Notan-

Notandum est igitur aliter pronomina à Grammaticis considerari, & aliter à Dialecticis. Grammaticus enim idcirco ait pronomen dici, quia ponitur loco nominis proprii, verbi gratia, *ego disputo*, perinde est, ac si dicerem, *Dominicus disputo*. Sed profecto hæc Etymologianō necesse est, ut verum habeat, quotiescunque pronomine utimur: Nam etsi mihi nullum nomē proprium esset impositum, vere dicerem, *Ego disputo*, Dicimus etiam, *hunc montem esse altissimum*, qui tamen proprium nomen non habet. Dialecticus autem aliquid in huiusmodi pronominibus in modo significandi intelligit, quod aliis nominibus non competit.

Habent enim pronomina demonstratiua significare demonstratiue cū certa proprietate differentię personarum vel suppositorum, pro quibus accipiuntur, verbi gratia pronomen, *Ego*, singulare suppositum designat non quomodolibet, sed singularem personam, quæ de seipsa

D 4 aliquid

aliquid affirmat vel negat. Sic etiam pronome, *Tu*, determinat personam, cui prima loquitur, & pronomen, *Ille*, vel, *Iste*, vel, *Hic*, tertiam personam designat, de qua prima ad secundam loquitur. Hęc igitur pronomina, si duntaxat haberent demonstratiue significare, essent pure syncategoremata, vt fortassis aliquando syncategorematice accipiuntur, vt cum dicimus: *Hic homo currit*. Vbi dictio, *Hic*, signum est demonstratiuum singularitatis & proprietatis hominis. Sed quia non semper necesse est rei demonstratę distinctum conceptum formare, sed vnico simplici conceptu intelligimus rem demonstratam pronomine, non video qua ratione pronomina excludantur à diffinitione nominis à Dialectico.

Sed obseruandum est, non asserere huiusmodi pronomina esse nomina communia, & vniuoca, quę vnico conceptu significant sua significata. Hoc enim falsum est: Nemo enim concipit audita ista voce, *Ego*, vnum conce-

conceptum communem singulis hominibus qui illa voce vtuntur, dum de se ipsis aliquid affirmant aut negant. Quamuis enim vox communis sit, tamen alium conceptum singularem exprimit, cum illam mihi applico, & cum Petrus sibi illam applicat. Et idem sentiendum est de pronomine, *Tu*, & de pronomine, *Hic*, vel, *Ille*, quando demonstratiue accipiuntur. Dixi demonstratiue, quoniā aliquando quædam pronomina relatiua sunt, quæ non singulariter referunt antecedentia, sed etiam in communi, verbi gratia cum dico: *Homo est animal rationale*, & *ille est risibilis*, *Equus est animal binnibile*, *qui est quadrupes*. Et de huiusmodi pronominibus, arbitror non solum esse nomina, sed veluti transcendentia, habentia tamen aliquam significationem syncategorematicam, quæ sine officio referendi intelligi non potest.

CAP. III.

De diffinitione Verbi.

Lectio 12.

Verbum prout à nomine distinguitur, præcipua pars orationis est. Comparatur enim verbum ad nomen, quasi forma ad materiam. Nam cum verum & falsum in omni oratione sit finis Dialecticæ considerationis, idque superueniente verbo nomini compleatur: constat verbum quasi informare subiectum nomen, ut ex utroque confurgat oratio vera vel falsa.

Vbi ante diffinitionem verbi notandum est huius dictionis, *Verbum*, apud Latinos latam esse significationem. Etenim omnis dictio simplex verbum appellari potest. Veruntamen quia verba ad explicationem mentis instituta sunt, non immerito illa dictio quæ sensum mentis perfecte supra nomē explicat verbū quasi per excellentiā specialiter vocata est & hāc intendimus modo cū *Aristotele* diffinire.

Verbum,

Verbum, igitur, ut ex *Aristotele* colli- *Diffinitio*
gitur vbi supra, est vox significatiua ad verbi,
placitum cum tempore, finita & recta, cuius
nulla pars separatim significat, & est nota
eorum, quæ prædicantur. In hac diffini-
tione verbi duæ duntaxat particulæ
sunt differentes ab eis, quæ in diffini-
tione nominis positæ sunt & explica-
tæ. Videlicet, *significare cum tempore*,
& *esse notam eorum, quæ prædicantur*. Illa
prior diligenter explicanda est. Ait
enim *Aristoteles*; *verbum est quod consi-*
gnificat tempus. Quam ipsemet, sicut
Diuus Thomas aduertit, explicat exem-
plo. Nam *cursus* quidem significat ac-
tionem nõ per modum actionis, sed
per modum rei, & ideo *cursus* nomen
est: *Currit* autem verbum est, consi-
gnificat enim tempus cum actione,
quod est consignificare tempus, vel
cum tempore, ut moderni loquun-
tur. Et hoc est, in quo potissima dif-
ferentia inter nomen & verbum con-
sistit, ut aduertit *D. Thomas lib. I. Peri-*
her. lectione 4. Vbi tria considerat circa
tempus.

In pri-

In primis potest tempus considerari, ut est res quædam, & sic nomine significatur sicut quælibet alia res.

Deinde potest considerari id quod tempore mensuratur prout mensuratur, quod quidem est motus, qui primo & per se tempore mensuratur, in quo motu consistit actio & passio. Quamobrem verbum, quod significat actionem, vel passionem, dicitur consignificare tempus, vel significare cum tempore, nimirum, quia in ipsa actione vel passione significata, intelligimus illam tempore mensurari. Nam substantia secundum se considerata prout significatur nomine aut pronomine, non habet tempore mensurari, sed solum secundum quod subiicitur motui etiam prout per participium significatur. Ut cum dicimus: *Petrus amans*. Neque enim verbum & participium differunt iuxta sententiam *D. Thoma* in hoc, quod est significare cum tempore.

Tertio potest considerari circa tempus ipsa habitudo temporis mensurantis,

rantis, quæ sæpe significatur per aduerbia temporalia, vt, *Cras, Heri, Prædie, Vespere, Mane, Meridie*. Et hæc aduerbia non dicuntur consignificare tempus, vel cum tempore, sed solum significāt quandam habitudinē temporis, quæ amplius explicabitur cum de particula, *recta*, dixerimus. Hæc enim aliter in verbo, & aliter in nomine intelligenda est.

Sed operæpretium est prius assignare rationem, quare verbum infinitum excludatur à diffinitione verbi, nam si est eadem ratio, propter quam nomen infinitum excluditur à ratione nominis, non videbatur repetenda in diffinitione verbi.

Respondetur, *Aristotelem* voluisse aduertere ne quis falleretur & putaret verbum infinitum esse simpliciter verbum: quia significat cum tempore, & est nota eorum, quæ prædicantur. Et idcirco voluit admonere, non esse simpliciter verbum ob eandem rationem, propter quam nec nomen infinitum nomen est.

Hic

Hic aduerte, quod verbum infinitum accipitur in vi vnius dictionis, verbi gratia. *Non currit*, alias si essent duæ dictiones, iam excluderetur per aliam particulam: *Cuius nulla pars seorsum significat.*

Vbi etiam secundo aduerte, quod verba importantia priuationem, vt verbum, *Sileo*, quamuis importent negationem, sunt tamen simpliciter verba, eo quod significant illam negationem in subiecto determinato, videlicet in animali, quod aptitudinem habet ad loquendum. Est autem alienum à verbo infinito determinare subiectum suæ negationis, sed in hac parte omnino se habet vt nomen infinitum, vt supra satis explicatum est.

Lectio 13.

Hoc in loco moderni prolixè quærunt, an verbum infinitum inueniatur in mente, & an in propositione reperiat.

Ad vtramq; tamen interrogatiōnem affirmanter respondemus. Et ratio prioris est in promptu, quia sicut nomen infinitum inuenitur in complexe in

in mente, alias non excluderetur à ratione nominis; quia infinitum est, sed quia partes eius separatim significant. Sic etiam ob eandem rationem verbum infinitum in mente inuenitur, vt vnus conceptus incomplexus, alias superflue poneretur in diffinitione, verbi, *finita*: cum sufficienter excluderetur per aliam: *Cuius nulla pars separatim significat.*

Deinde quod verbum infinitum in propositione inueniatur, probo; quia secundum *Aristotelem*: *verbum infinitum est nota eorum, quæ prædicantur; sed hoc exercere non potest nisi in propositione.* Confirmatur, nam verbum infinitum dicitur tã de eo, quod est, quam de eo, quod non est: id quod fieri nisi in propositione non potest. Et deniq; omnis dictio significatiua ad placitũ ad hoc instituta est, vt eius vsus sit in propositione, sed verbum infinitum est vox significatiua ad placitum, ergo in propositione inueniri potest.

Sed obiiciunt, quia *Boetius & Albertus Magnus & D. Thom. & alij antiqui super librum*

librum 1. & 2. *Periher.* negant verbum infinitum posse infinitari in propositione. Ad hoc & nos respondemus, id ipsum verissimum esse. Aliud enim est, verbū infinitum inueniri in propositione; & aliud est, verbum semel positū in propositione infinitari posse per additionem illius negationis, *Non*. Illud enim prius est quod nos asserimus, hoc autem posterius etiam negamus cum antiquis. Nam postquam assero in mente, *Petrus currit*, si addidero negationem mentalem, fiet propositio negatiua. Neq; enim verbum mentale miscetur cum negatione, vt fiat vnus conceptus incomplexus. Verumtamen cum dico in voce, *Petrus non currit*, si, *non currit*, accipiatur in vnius dictionis, correspondet ei in mente vnus conceptus qui etiam est verbum infinitum & fit affirmatiua propositio.

Confirmant aliqui nostram sententiam ex eo, quod *Philosophus lib. I. poster.* vtitur hoc syllogismo; omnes stellæ non scintillantes sunt prope nos, Planetæ

netę non scintillant, ergo planete sunt prope nos. Qui tamē syllogismus non esset bonus, nisi minor esset affirmatiua de verbo infinito. Nam conclusio affirmatiua non potest sequi nisi ex duabus affirmatiuis sed de hoc *lib. 5.* dicendum erit.

Iam vero ad perfectam intelligentiam eius, quod est significare cum tempore, necesse est illam particulam, *recta*, explicare. Nam quamuis in diffinitione nominis sit posita: tamen alia ratio rectitudinis consideratur in verbo, & alia in nomine. Nomē enim recta vox est, quatenus, vt iam *capit. 2.* diximus, significat id, quod primo cōcipitur de re, & vt primo nominamus illam, ac propterea nominatiuus dicitur. Verbum autem habet rectitudinem regulatiuam, quatenus actionē vel passionem cum tempore præsenti significat. Reliquæ vero partes verbi, quæ significant cum tempore præterito vel futuro, sunt casus verbi degenerantes à ratione perfecta verbi, ad quam pertinet significare actionem

E vel

vel passionem, prout in presenti est in fieri. Huius rationem *D. Thomas lib. 1. Perihier. lectione 5.* reddit. Quoniam, inquit, *Verbum proprie est, quod significat agere vel pati* : & idcirco illud dicitur proprie verbum, quod significat agere vel pati in actu præsenti. Hoc enim est simpliciter agere vel pati. At vero agere vel pati, prout significatur in præterito, vel futuro, est agere vel pati secundum quid.

Item docet, quare verbum presentis temporis debeat esse vox recta, ut sit simpliciter verbum. Nam præteritum & futurum dicitur & regulatur per respectum ad præsens. Præteritum quidem dicitur, quod fuit præsens: futurum autem, quod erit præsens; ergo verbū, quod significat cum tempore præsenti, regula est & mensura aliarum partium verbi, quæ deficiunt à ratione significandi actionem vel passionē, quæ non est simpliciter actio vel passio nisi in tēpore præsenti.

Et denique cum verbum sit completivum orationis, in qua est verum
vel

vel falsum, omnis autem veritas & falsitas ad præsens tempus reuocāda sit, merito illæ partes verbi, quæ non significant actionem vel passionē pro ut tempore præsenti exercentur & mensurantur, casus verbi dicuntur: non quia non compleant veritatem & falsitatem orationis, sed quia talis veritas regulanda sit per tempus, quod fuit præsens vel erit præsens, non per tēpus, quod nūc est præsens & actualiter mensurās actionē vel passionem.

Ex dictis sequitur alias partes verbi, *Lectio 14.* quæ minus complent veritatem aut falsitatē orationis, multo minus verba simpliciter esse dicendas, quia magis recedunt ab illa perfecta ratione verbi, v. g. *Petre curre; cum Petrus curret; utinam ego currerē*, in quibus omnibus illæ partes verbi magis cadunt & degenerant à ratione verbi.

Præterea obseruandum est circa priorē rationem *D. Thoma*, vbi inquit, *proprie verbum dici, quod significat agere vel pati*. Ex quo videtur sequi, à ratione verbi excludendum esse illud, q non

significat proprie actionem vel passionem, qualia sunt hæc verba, *sileo, sedeo, quiesco*. Imo & hoc verbum *sum, es, fui*, quod primum omnium verborum locum tenet. Consequens autem est falsum: quoniam omnia prædicta vere & proprie verba sunt. Ad hanc coniectionem dico, nomine actionis, vel passionis debere intelligi etiam priuationem actionis, vel passionis, aut aliquid significatum per modum actionis vel passionis, aut deniq; quasi fundamentum omnis actionis, vel passionis, vel priuationis ipsarum. Fundamentum dico prout actualiter mensurabile est aliqua duratione. Diximus priuationem actionis vel passionis, ut includeremus verba priuatiua, qualia sunt, *Sileo, Quiesco*. Dixi vero, vel per modum actionis vel passionis: ut includerem verba, quæ à Grammaticis dicuntur neutra: quale est verbum, *Sedeo, Iaceo*, quæ non important formaliter priuationem, sed situm quendam. Sunt tamen verba, quia ipsum sedere per modum actionis vel passionis

passionis significant. Et fortassis hinc quidam ex Grammaticis negat esse verba neutra, & ait omnia esse actiua vel passiuā: ita vt cum dico, *sedeo*, intelligendum sit: *sedeo sessionem*.

Sed rogarem ego, cum dico, *iaceo*, an sit intelligēdum, *iaceo iacturam*. Vascōnici quidem vtuntur simili phrasi, ita vt dicant: *facio dormire*, *facio iacere*, propter ipsius linguæ verborum penuriam: Latinis autem non opus est has intelligentias verborum inauditas apud Philosophos tradere. Dialectico vero parum retulerit, sint ne appellanda verba neutra, actiua, vel passiuā: dummodo sciat non esse necessarium ad rationem verbi simpliciter, vt significet proprie physicam actionem vel passionem.

Deniq; dixi satis esse ad rationem verbi, vt loco actionis vel passionis significet fundamentum omnis actionis, vel passionis, vel priuationis: ne excluderem verbum, *sum, es, fui*, quod re vera maxime proprie verbum est. Quamuis enim non significet actionem

E 3 nem

nem vel passionem, neque aliquid per modum actionis vel passionis, neque priuationem actionis vel passionis: tamen significat fundamentum agēdi, vel patiendi, & nō quomodolibet, sed vt mensurabile de præsenti aliqua duratione vt mēsurā durationis, siue illa mensura sit tēpus, quæ mensurat corruptibiles res, & esse illarum, siue sit æuum, quod mensurat esse rerum incorruptibilium, siue sit æternitas, quæ à Theologis ponitur mensura durationis diuini esse: omnibus prædictis modis verbum illud, *sum, es*, præsentis temporis habet vere & proprie rationem eminentē verbi, & est prima nota eorum, quæ prædicantur & includitur in omni alio verbo, cuius virtute omnia alia verba sunt nota & copula eorum, quæ prædicantur. *Aristoteles* autē in diffinitione verbi nomine temporis voluit comprehendere omnem mēsuram durationis propterea, quod tempus nobis notissima mensura est esse rerum & actionis vel passionis earum. Hoc ipsum insinuat *D. Thom. li. i.*

Periher.

Periher. lectione 4. vbi ait, per nobis notissima *Aristotelem* diffinisse.

Denique aduerte casus verbi non variari per differentiam personarum, neque per differentiam pluralis & singularis, sed proprie verbum est, *Amo, Amas, Amat, Amamus, Amatis, Amant.* Quia hæc variatio dūtaxat est ex parte subiecti, non ex parte actionis vel passionis, vel temporis significati.

Vltima particula à nobis explicanda est, quam *Aristoteles* adiecit, & est *nota eorum, quæ prædicantur*. Hanc particulam aliqui ex modernis non apposerunt in diffinitione verbi, putantes esse superfluum ad excludendum participium à diffinitione verbi; quia participiū sufficienter excludebatur per aliam particulam: *cum tempore*. Nos vero cum *D. Thoma*, vbi supra asserimus participium significare cum tempore & consequenter necessariam esse prædictam particulam. In primis, quia esse notam, id est, signum vnitium eorum, quæ prædicantur, est potissimum officium verbi, ergo

in diffinitione eius hæc virtus vnitiua debuit explicari. Deinde, quia per illam particulam, *cum tempore*, vix & ægre explicant, quomodo excludatur participium præsentis temporis à ratione verbi. Aiunt enim intelligendam esse particulam illam cum tempore determinato. Participium vero etiam præsentis temporis significat cū tempore indeterminato. Vocant autem indeterminatum tempus participii, quia potest transferri per verbum ad tempus præteritum, & futurum, vt si dicas, *Petrus fuit amans, Petrus erit amans*, quod quidem de verbo præsentis temporis fieri non potest. Sed hæc voluntarie dicuntur, quia etiam verbum præsentis temporis potest transferri etiam ad id, quod futurum est, vt si dicas: *Antichristus possibiliter est*. Cum igitur *Aristoteles* ex professo adiecerit illam particulam, *& est nota eorum, quæ prædicantur*, non est, quare nos illam taceamus; sed illam merito explicare debemus diligenter cum *D. Thom. lectione 5. lib. 1. Periher.*

Pro

Pro cuius intelligentia aduerte primo, quod cum *Aristoteles* dixisset, & est semper eorum, quæ de altero dicuntur nota vel signum, adiecit exempli causa dicens: *Vt eorum quæ de subiecto dicuntur, vel, in subiecto sunt*, in quibus verbis duplicem modum prædicationis videtur insinuassee, ut inquit *D. Thomas*.

Alter modus est, quando aliquid prædicatur essentialiter, ut, *homo est animal*, tunc dicitur de subiecto. Alter modus est, quando aliquid prædicatur sicut accidens, & tunc dicitur esse in subiecto, ut in hac prædicatione: *Homo est albus*. Ex quo sequitur, quod cum omnia verba significant actionem vel passionem, quæ sunt accidentia subiecto, frustra disiunctive loquutus est *Aristoteles*, dicens, *ut eorum quæ de subiecto dicuntur, & in subiecto sunt*. Ad hoc respondet *Boetius*, quod utraque pars disiunctionis ad idem pertinet. Nam accidens de subiecto prædicatur & de subiecto est. Sed *D. Thomas* aliter explicat. Cum enim *Aristoteles* disiunctione utatur, aliquid

E 5 per

per vtramq; partē insinuasse videtur.

Dicendum igitur est, quod cū *Aristoteles* dicit: *verbum est nota eorum quæ de altero prædicantur*, non intelligendus est ita, vt verbum significet prædicatum: quin potius ipsa verba sunt, quæ fere semper prædicantur. Est igitur vera intelligētia, verbum esse signum eorum quæ prædicantur: quia omnis prædicatio fit per verbū ratione coniunctionis & vnionis importatæ per verbum, siue seipsum vniat, vt: *Petrus currit*, siue aliud prædicatum, vt *Petrus est currens*.

Aduerte secundo, vt melius intelligas, quid sit verbum esse notam eorum, quæ de altero prædicantur. Ait enim *Aristoteles*: *Ipsa igitur verba cum per se dicuntur nomina sunt, & aliquid significant*. Et probat *Aristoteles* non quidem quod verba vere & proprie nomina sint, sed quia habent hoc commune cum nominibus quod est significare aliquid. Nam qui profert verbum, v. g. *Amo*, aliquem mentis conceptum exprimit. Et qui audit, similiter concipit

capit aliquid. Et hoc est, quod obscure dicit *Aristoteles*. Nam qui dicit, mētem utique affirmat, & qui audiuit, quieuit. Quod explicat *D. Thomas*, quantum ad primam operationem intellectus, quod nihil aliud est, quam concipere aliquid quod exprimitur verbo & percipitur audito verbo.

Veruntamen si est aut non est aliquis amans, non significatur sola prolatione verbi. Id quod cōfirmat, quia verbum solitarie prolatum nondum significat aliquid esse, vel non esse; sed significat quandam compositionem, id est, coniunctionem, siue vnionem, quam sine coniunctis & vnitis non est intelligere. Et hic est legitimus sensus *Aristotelis*, quem docet egregie *D. Thomas, ibidem*.

Occasione huius doctrinæ *Aristotelis* multa miscēt moderniores de verbis adiectiuis & de verbo *sum, es, fui*. Quod à Grammaticis substantiuum vocatur. Nobis autem hoc vnū adnotare sufficiat. Siue enim verbū sit adiectiuum, siue substantiuum non eadem ratione

ratione dicitur substantium & adiectivum, quia nomen dicitur substantium vel adiectivum. Nomen enim dicitur substantium, quia reddit suppositum verbo & recipit informationem adiectivi, ut cum dico: *Homo est albus*. Adiectivum vero dicitur verbum, non quia unitive significet, sed quia ultra verbum, *Est*, quod significat id, quod primo competit cuilibet rei, importat in super aliquid per modum adiacentis ipsi esse rei. v. g. *Amo*, significat actionem superuenientem in eo esse. Perinde enim est, si dicas: *Petrus amat*, ac si diceres; *Petrus est amans*. Nam verbum: *Amat*, utrumque virtualiter continet in unitate conceptus & vocis. Habet itaque verbum; *Amat*, & omne verbum adiectivum virtualiter inclusum verbum, *Est*, cui per se primo competit unitive significare. Unde & verbum; *Amat*, unitive significat, & seipsum unit subiecto, de quo dicitur. Similiter & verbum, *Est*, virtutem habet uniendi seipsum subiecto, dum aliud prædicatum non est, verbi

verbi gratia , cum dico , *Petrus est.*

Sed vt melius intelligatur, quomodo verbum sit nota eorum quæ prædicantur , sic argumentor. In hac propositione, *Homo non est equus*, verbum, *non*, vnit prædicatum cum subiecto , ergo positum in propositione, *non*, semper nota est eorum, quæ prædicantur. Consequentia patet; & probo antecedens, quia in illa propositione prædicatum disiungitur á subiecto, siquidem negatur de illo: ergo non coniungitur illi neque vnitur.

Hoc argumentum soluitur negando antecedens. Et ad probationem dico, dupliciter posse intelligi prædicatum disiungi & separari á subiecto; vno modo separatione negationis ex parte rei significatæ. Altero modo separatione destruente vnitatem propositionis, ita vt in mente non inueniatur vnitas compositionis. Priore modo concedo antecedens, hoc enim in omni negatiua propositione inuenitur. Secundo vero modo nego antecedens, Semper enim in omni propositione,

sitione, vbi est prædicatum, est vnitas orationis seu propositionis, siue sit affirmatiua, siue negatiua, siue sit vera, siue falsa, vt, *homo est equus*, & *Nullus homo est lapis*. Et hoc est, quod *Aristoteles* insinuat, cum ait, con- significat quam- cōpositionem, quam sine com- positis non est intelligere. Ex quo in- fero, quod verbum significat aliquid aliquo-qualiter, quatenus significat actio- nem vel passionem vnitiue instar di- ctionis syncategorematicæ, cuius si- gnificatio sine alio adiuncto intelligi non potest. Nec propterea verbum syncategorema esse dicendum est, nā syncategoremata simpliciter ni- hil habent, nisi significare aliquo-qualiter. Haftenus de priore tractatu circa simplices orationis partes & terminos dicta sufficiant. Et ad secun- dum tractatum pro- cedamus.

LIBRI



LIBRI PRI- MI, TRACTA- TVS SECVN-

D V S.

De oratione & eius parti-
bus subiectiuis.

C A P. I.

De diffinitione Orationis.

HActenus de simplicibus
dictionibus, quæ sunt
integrales partes oratio-
nis, diximus: nunc au-
tem de ipsa oratione agendum est.
Et à diffinitione incipientes non no-
uam, sed antiquam proponimus. *Definitio*
Oratio est vox significatiua ad placitum cuius orationis.
partium aliquid significatiuum est separa-
tim. In huius diffinitionis explicatio-
ne pauca aduertenda sunt.

Primo

Primo obserua in eo, quod dicitur, *vox significatiua*, aliquam vnitatem in ipsa voce significante necessariam esse secundum complexionem partium inter se. Non enim, quomodolibet proferas duas vel tres simplices dictiones, orationem constitues, verbi gratia si proferas, *Petrus, Quia, vel*, non protulisti orationem; sed plures voces significantes non vt partes alicuius totius artificiose compositi : at vero si dicas; *Homo albus*, orationem protulisti, cuius partes sigillatim significant. Similiter si dicas: *Velociter currit*, aut, *Petrus & Paulus*, orationem composuisti. Si vero dixeris, *Petrus, Et*, non est oratio. Ratio est, quia vere & proprie oratio est, quando saltē duæ dictiones ita proferuntur in voce, vt vnū ordinem rationis existentem in mēte exprimant. Vnde necesse est, vt altera pars alteram determinet, vel aliquid circa illam exerceat, alias singulæ dictiones habebunt rationem totius & non partium.

Nota secundo *Aristotelem* de industria

Stria dixisse, *Cuius partium aliquid significatium est separatim*, vt insinuaret complexum compositum ex cathegoremate & syncathegoremate, vt omnis homo, esse vere & proprie orationem, etiam si altera pars separatim non significet aliquid, sed aliqualiter. Aliquando etiam potest fieri cōplexum, & oratio ex vna parte materialiter sumpta & altera significatiue. Vt, *Homo*, vel, *Blitiri*, imo ex duabus partibus materialiter sumptis cum aliqua conjunctione fit complexum. Cuius partes se repræsentant, quasi essent propria nomina sui, vt si dicas. *Blitiri*, vel, *Sel*.

Tertio aduerte in eo, quod dixit *Arist. separatim*, non intendisse excludere rationem partis, ita vt fiat separatio, & quod antea erat pars, sit modo totum, sed intellexit, *aliquid significat separatim*, hoc est, partialiter, iuxta significationem totius. Et idcirco posuit exemplum in hac voce, *Sorex*, vbi pars illa, *rex*, non significat aliquid vt est pars illius dictionis, & tamen si il-

F lam

lam ita separes, vt efficias totū quod-
dam, proculdubio regem significat.
Debet igitur considerari vt pars signi-
ficans partialiter & separatim iuxta si-
gnificationem totius.

Nota quarto, quod cum *Aristoteles*
adiecit, *cuius partium aliquid significa-
tuum est, separatim*, vt dictio, non vt af-
firmatio vel negatio, non intendit ex-
cludere orationem hypotheticam, id
est, cōpositam ex orationibus perfe-
ctis à ratione & diffinitione orationis.
Nam syllogismus oratio est, vt postea
lib. 5. dicemus, & tamen partes eius si-
gnificāt vt affirmatio vel negatio. Sed
legitima intelligētia *Aristotelis* est, suf-
ficere ad hoc, vt sit oratio, quod pars
significet vt dictio: neque opus est, vt
significet sicut affirmatio & negatio.
Et sic *D. Thomas in lectione 6. lib. 1. Peri-
her.* soluit obiectionem cuiusdam *As-
pasii*, qui obiiciebat eā diffinitionem
non conuenire omni orationi: nam
syllogismus oratio est, & tamen par-
tes significant vt affirmatio vel nega-
tio. Ad quod argumentum duplicem
solu-

solutionem assignat *D. Thomas*, alteram *Porphyrij* asserentis hictantum diffiniri simplicem orationē, alteram ex *Alexandro & Amonio*, quod hic diffinitur oratio in communi, & idcirco debuit poni in diffinitione, id quod est commune simplici orationi, & compositæ, videlicet quod in omni oratione est aliquid significans per modum dictionis simplicis, quæ non est affirmatio vel negatio. Non tamen excludit possibile esse in aliqua oratione inueniri partem, quæ significet vt affirmatio & negatio. Ratio autem quare *Aristoteles* adiecerit: Non vt affirmatio & negatio, ea est, vt ait *D. Thomas*, quoniam *Aristoteles* frequenter vtitur verbo, *dicere*, pro, *Affirmare*, & ne quis putaret nomine dictionis ipsum affirmationem intelligere, adiecit, *non vt affirmatio vel negatio*. Ac si diceret, non est necessarium, vt pars orationis, quæ dictio est, significet vt affirmatio vel negatio. Ex dictis sequitur falsum fuisse *Simplicium*, quem *D. Thomas* *Ioannem Grammaticum* vocat, in eo,

quod dixerit *Aristotelem* hic non diffinire nisi orationem perfectam: quia non videbantur ei partes dici posse nisi totius perfecti. Hoc autē falsum est, nam lapides sunt partes parietis, antequam domus sit constructa.

Deniq; observa aliquando in simplici voce rationem orationis inueniri, quatenus illa vox ex antecedentibus vel ex usu exprimit orationem mentalem etiam perfectam, ut si interroganti, *Quid faciam*, respondeam, *cogito*, vel *studeo*, subintelligitur enim, *Ego*. Et cum dicimus, *pluit*, orationem perfectam mentalē exprimimus subintelligentes Deum, vel naturam, ut aiunt *Grammatici*. Aliqui tamen licentiose nimis contendunt hanc doctrinam asserentes hæc aduerbia, *Semper*, *Ubique*, Orationes esse: quia tantum valent in virtute, ac si diceres, *In omni tempore*, *In omni loco*. Sed hac ratione etiam omnia verba adiectiua essent orationes: quia virtualiter idem est,

currit, ac si diceres, *Est*

currens.

CAP.

CAP. II.

De multiplici diuisione orationis.

PRima diuisione orationis est in *perfectam* & in *imperfectam*. *Perfecta oratio est, quæ perfectum sensum in animo auditoris generat. v.g. Homo disputat, Petre curre.* Imperfecta vero illa est, *quæ imperfectum sensum in animo auditoris generat. v.g. Homo disputans.* Manet enim suspensus animus audientis expectans aliquid aliud dicendum. Et in vniuersum omnes termini, quos moderni vocant complexos, orationes sunt imperfectæ, vt, *omnis homo, equus rufus.* Omnes autem orationes Imperatiui & Optatiui inter perfectas connumeramus, quoniam per eas perfectum sensum auditor concipit, ita vt nihil aliud expectet, vt percipiat loquentis sensum vel affectum. At vero simplex oratio subiunctiui modi non est perfecta, verbi gratia, *si Petrus disputaret, & cum disputarem.* Si autem dixeris. *Si Petrus disputaret, efficeretur doctus,* iam tota illa oratio perfectissima est.

F 3 Secun-

Secunda diuifio eft orationis perfectæ in *enūciationem*, ſeu *propositionem*, & in *orationem perfectam*, quæ non eft propositio, qualis eft: *Petre curre*. Propositio, vel enūciatio, *eft oratio, verum, vel falſum ſignificans*. Hanc appellat *Aristoteles orationem enunciatiuam*: alias vero orationes quantumlibet perfectas, in quibus non eft veritas vel falſitas, ad Dialecticum pertinere negat: ſed Rhetoricæ vel Poeticæ conſiderationi relinquendas eſſe cenſet. Moderni Dialectici diffinitioni propositionis adiiciunt particulam, *Indicando*. Sed ea particula ſuperflua nobis videtur. In primis, quia nulla ſimplex oratio ſignificat verum vel falſum, quin ſit indicatiui modi. Deinde quia ſi propositio diffinitur vt commune genus reſpectu ſimplicis propositionis, quæ dicitur cathgorica, & reſpectu propositionis hypotheticæ, non recte diffinitur cum additione illius particulæ, *indicando*. Quoniam hæc propositio, *ſi Petrus diſputaret, eſſet doctus*, ſignificat verum vel falſum, & non indicando.

Vt

Vt igitur diuifio, quæ faciendâ est
 propositionis in *Cathegoricam* & *hypo-*
theticam, fit bona, fecludenda est illa
 particula, *indicando*, à diffinitione pro-
 positionis. Ex dictis fequitur falſum
 eſſe, quod quidam ex noſtris doctiſſi-
 mus dixit, quod quemadmodum om-
 nes caſus eiſdem nominis cenſen-
 tur idem nomen, quia non differunt
 niſi in modo ſignificandi Grammati-
 cali: ita omnes caſus eiſdem verbi ſi-
 gnificant idem, & non differunt niſi
 ſecundum conſiderationem Gram-
 maticalem. Ex quo rurfus, quod peius
 eſt, intulit, has orationes, *Petrus diſpu-*
tat, *Petre diſputa*, *Petrus diſputares*, idem
 ſignificare: quia partes idẽ ſignificant,
 & nihilominus ſolam primã eſſe pro-
 poſitionẽ, propter modũ ſignificandi
 indicatiui modi. Nos autem dicimus,
 quod quanuis caſus nominis & verbi
 nõ differant quantum ad Cathegore-
 maticam ſignificationẽ, tamẽ modus
 ille ſignificandi eandẽ rem non ſolum
 pertinet ad Grammaticam conſidera-
 tionẽ, propter cõgruitatem ſermonis

sed etiam ad Dialecticam, quatenus ex illo differenti modo confurgit in cōpositione orationis veritas aut falsitas. Neq; enim valet illa consequentia, Partes orationis singulæ idem significant, ergo tota ipsa oratio idem significat. Nam partes harum orationum, *Equus est homo, Equus est hominis*, idem significant: & tamen ipsæ orationes non idem significant, cum altera sit vera, & altera falsa. Ratio huius est, quia veritas, vel falsitas, quæ est in compositione, non solum confurgit ex simplici significatione partium, sed etiam ex compositione. Hoc documentū manifestius erit in sequentibus. Falsum igitur est modum significandi verum, vel falsum ad Grammaticalem considerationem pertinere: cum nihil sit magis proprium Dialectice, vt *Aristoteles* insinuat, quam in oratione talem modum significandi considerare.

Denique circa modum significandi vere vel false, siue verū, vel falsum aduertat nouitius Dialecticus, non quomo-

quomodolibet oratio significet verum vel falsum, statim propositionis rationem in ea inueniri. Nam hæc oratio : *Verum vel falsum*, significat verum vel falsum, & tamen non est propositio.

Dicendum igitur est, significare verum vel falsum, prout in definitione propositionis ponitur, intelligendum esse non in actu signato, sed in actu exercito. Id quod *Aristoteles* insinuauit dicens. *Est oratio in qua verum vel falsum est.* At vero in illa oratione, *verum vel falsum*, non inuenitur, verum vel falsum, sicut in hac dictione, *Homo*, quanuis significet hominem: nō inuenitur humana natura. Et hoc est quod diximus, orationem debere significare verum vel falsum in actu exercito, vt sit propositio. Nec sufficere, esse signum veri vel falsi, quod in alio est. Et quanuis verum vel falsum sit formaliter in compositione mentis, tamen quia compositio vocalis exprimit mentalem orationem, consideratur quasi vna propositio cū illa,

F 5 & dici-

& dicitur vera vel falsa ab eo, quod res est, vel non est.

CAP. III.

De multiplici diuisione propositionis.

*Multiplex
diuisio pro-
positionis.*

PRima diuisio enūciationis seu propositionis ab *Aristot.* facta *lib. 1. Perih.* quam *D. Thom.* explicat *lectione 8.* est huiusmodi. *Est autem*, inquit, *vna prima enunciatiua oratio affirmatio, deinde negatio. Cetera vero omnes coniunctione sunt vna.* Hæc Aristoteles. Quibus verbis, vt ait *D. Thomas*, sub breuiloquio duas diuisiones enunciationis complectitur. Quarum vna hæc est: *Quædam enunciatio est vna simplex, quædam est coniunctione vna.* Altera vero subdiuisio simplicis enunciationis est, in *affirmationem & negationem.* Et hanc diuisionem visus est *Aristoteles* priore loco collocasse: sed reuera prior diuisio est in *enunciationem simplicem & compositam.* Et simplicem diuisit in *affirmationem & negationem.* Quare Moderni merito

merito prius diuidunt propositionē, in *cathegoricam* & *hypotheticam*, id est, in *simplicē* & *compositam*. Cathegorica est illa, *quæ habet subiectum & prædicatum & copulam tanquam partes principales sui*. Vt, *homo est albus, homo disputat*. Subiectum quidem dicitur illud, *quod reddit suppositum verbo & de quo aliquid affirmatur, vel negatur*. Prædicatum vero est illud, *quod de subiecto affirmatur vel negatur*. Copula vero aliquando est distincta à subiecto & prædicato, vt in hac oratione, *Homo est animal*: aliquando vero eadem copula est simul prædicatum, vt *Homo disputat*. Verbum enim adiectiuum significat vnitiue, & simplici conceptu prædicati locum tenere potest & seipsum vnire subiecto. Tales igitur propositiones appellantur cathegoricæ, id est, prædicatoriæ; quia in illis vnum prædicatur de alio. Reliquæ vero vocantur hypotheticæ & ab *Aristotele* dicuntur coniunctione vnæ.

Est itaq; hypothetica non simplex affirmatio vel negatio, sed constituta oratio

oratio ex duabus saltem cathegoricis aut ex duabus orationibus, in quarū coniunctione resultet verum vel falsum, quanuis illæ non sint veræ vel falsæ. Sit exemplum vtriusque. Tota hæc oratio : *Petrus disputat, & Paulus currit*, est vna oratio coniunctione, in qua est verum vel falsum non solum in singulis cathegoricis, sed etiam in tota hypothetica quæ denotat simul *Petrum disputare, & Paulum currere*. Est alterum exemplum. In hac oratione, *si Petrus volaret, haberet alas*, non inuenitur verum aut falsum in singulis orationibus coniunctis, sed in tota hypothetica, in qua ratione coniunctionis resultat vnum verum vel falsum. Diffinitio itaque propositionis hypotheticæ non est præcise componi ex duabus cathegoricis, sed vel ex cathegoricis, vel ex aliis orationibus, quæ coniunctione adunatis continent verum vel falsum, vt in exemplo posito resultat vnum verum, imo & necessarium, *si Petrus volaret, haberet alas*.

Occasione huius diuisionis quæ-
stio

stio valde metaphysica quanuis non aliena à Dialectico solet disputari. An propositio sit proprie genus, vt diuiditur in cathegoricam & hypotheticam. Ratio dubitandi est, quia genus cum diuiditur in species debet simpliciter conuenire singulis speciebus, sicut *animal* simpliciter conuenit *homini* & conuenit *equo*. At vero Hypothesica non est simpliciter propositio, cum non sit simpliciter vna propositio, sed secundum quid, scilicet coniunctione vna. Hanc questionem disputat *D. Thom.* vbi supra, & tandem concludit tres modos enuntiationis posse considerari: nam quædam est simpliciter vna, in quantum vnum significat. Et quædam est simpliciter plures, in quantum plura significat, & secundum quid vna, in quantum est cōiunctione vna. Quædam aliæ sunt, quæ neque simpliciter significant vnum, neque coniunctione aliqua vniuntur. Exemplum primi, *Homo est animal*. Exemplum secundi, *Petrus currit, & , Paulus disputat*. Exemplum tertii,

Petrus

Petrus currit, Ioannes ambulat, Paulus disputat. Quæ tres propositiones neque in voce, neque in mente coniunguntur coniunctione subintellecta, alias constituerent vnam hypotheticam. Coniunctionem vero appellamus non solum hanc dictionem, &, sed etiam omnem illam quam *Grammatici* coniunctionem appellant, vt, *vel, si, Ergo, &* aliæ, quæ hypotheticam propositionem constituunt. Adnotat etiam *D. Thom.* Aristotelem quatuor posuisse differentias. Nam aliquando dicitur enuntiatio plures, quæ æquiuoca est, & multa significat absque coniunctione, vt *canis est substantia.* Et hæc differentia cum aliis tribus suprapositis efficit quaternarium numerum.

De hac questione dicam breuiter, quod sentio: existimo enim omnem propositionem hypotheticam si de vnitatem artificiali formaliter loquamur esse vnam orationem & enunciationem simpliciter loquendo, dummodo sit vniuoca. Nam de æquiuoca constat secundum *Aristot.* esse formaliter plures, licet materialiter,

ter, & Grammaticaliter vna videatur. Neq; hæc sententia est contra *D. Thomã*, vt aliqui eius verba superficialiter considerantes arbitrantur. Pro cuius intelligētia suppono cōmune fundamentum. Res cōparatione diuerforū generum habere nunc vnitatē, nunc pluralitatē. v. g. *sex homines* in genere substantię non vnitatē sed simpliciter pluralitatē habēt. Si autē considerentur sub genere quantitatis discretæ, sunt vnum simpliciter, quia sunt vnus senarius constitutus, sexta vnitatē. Quocirca dixit Aristoteles: *Bis tria non sunt sex*. Vbi nō loquitur materialiter, sed formaliter de senario, qui non cōponitur formaliter ex duplici ternario, neq; ex quaternario & binario. Instar huius in præsentī dicimus de vnitatē vel pluralitate orationis & propositionis. Potest enim oratio vel propositio dupliciter cōsiderari; vno modo secundū esse reale, quod habet, altero modo secundū rationē significationis, verbi gratia hæc oratio, *Homo alb⁹*, secundum esse reale & physicum non est

est vnum simpliciter, sed duæ voces. Si autem consideretur secundum significationem totius complexi, vna oratio est & vnum signum ratione complexionis & coniunctionis, quam inter se habent illæ voces artificiose coniunctæ. Sed contra. Partes illius orationis significant, ergo nō est vnum signum simpliciter, sed duo signa.

Respondetur, quod etiā in signis est duplex cōsideratio. Possunt enim cōsiderari, vt materialiter se habeat ad cōpositionem tertii signi artificiosam, ex qua resultat vnū signum simpliciter artificiose constitutum: de cuius ratione est, vt habeat partes materialiter, quarum quælibet sit signum, & nihilominus vnitatem habent artificiosa coniunctione, sicut *domus* habet partes artificiosas componētes vnum perfectum artificium.

Sic etiam hæc est vna oratio, *Homo iniuste est homo sapiens*, & tamen constat ex duplici oratione tanquam ex subiecto, & prædicato materialiter componentibus illam, in qua est significa-
tio

tio veri vel falsi vnica, quæ non est in singulis partibus. Hinc ad vnitatem propositionis hypotheticæ intelligendam patet via. Nam quemadmodum, *homo iustus est homo sapiens*, est simpliciter vna oratio, sic est vna propositio, quanuis materialiter constet ex duabus orationibus: ita etiam hæc hypothetica, *Petrus currit*, vel, *Petrus non currit*, est formaliter vna propositio, quāuis materialiter constet ex duabus. Non enim illa propositio hypothetica dumtaxat significat duo vera vel falsa partialia, vel duo contingentia, sed insuper significat vnum verū necessarium simpliciter. Quod fieri non posset sine vnitatem significationis totius. Similiter hæc propositio, *Petrus currit*, &, *Petrus non currit*, significat vnū falsum impossibile, & tamen constat ex duabus propositionibus partialiter significantibus aliquid possibile. Et hæc conditionalis: *Si homo volat, habet alas*, significat vnum necessarium significatione totius, & tamen materialiter est composita ex duabus

● G propo-

propositionibus impossibilibus, sicut vice versa hæc propositio est impossibilis: *Si petrus est albus, Petrus disputat, &* tamen constat ex duabus propositionibus veris, ergo necesse est considerare vnitatem significandi in tota hypothetica ex artificiosa coniunctione consurgere Neque *D. Thomas* contrarium sentire potuit, qui in 3. par. concedit, sacramentum Eucharistiæ esse vnum sacramentum simpliciter, quantum constet ex duplici materia & duplici forma materialiter, quia vtraque pars cōstituit artificiose ex diuina institutione vnum signū spiritualis refectionis. Cum igitur, inquit vbi supra, Hypotheticam esse vnam secundum quid in quantum est coniunctione vna, intelligendus est loqui de vnitae simplicitatis, sic enim hypothetica nō est vna simplex ppositio, sed secundū quid. Sed si loquamur de vnitae artificiosæ significationis vna est dicenda simpliciter ppositio & vna oratio: sicut & syllogism⁹ est oratio. Hæc nostra doctrina explicatur optimo exemplo.

Si quis

Si quis diuidat numerum in numerum simplicem & numerum compositum, & numerus simplex sit, qui non componitur ex numeris, vt binarius & ternarius, numerus vero compositus sit, qui componitur ex numeris, vt quaternarius & reliqui, certum est reliquos numeros singulos esse simpliciter vnos quanuis componantur ex numeris, non autem habēt vnitatem simplicitatis, eo quod sunt compositi ex aliis numeris materialiter. Huic doctrinæ consonant verba *Aristot. lib. 1. Perihier. lectione 8. apud D. Thom.* Est autem enunciativa vna oratio, aut quæ vnū significat, aut ea, quæ cōiunctione est vna. Plures vero ea, quæ plura & non vnum significat, aut ea, quæ caret coniunctione: Hactenus de prima diuisione.

Altera diuissio categoricæ enunciationis est in *affirmatiuā & negatiuam* vel in *affirmationem & negationem*, vt loquitur *Arist.* Affirmatiua quidem est, in qua *prædicatū affirmatur de subiecto*, vt, *Homo disputat.* Negatiua est, in qua *præ-*

G 2 *dicatum*

dicatum negatur de subiecto, vt *Homo non disputat*. Hæ diffinitiones seu potius etymologiæ notissime sunt etiã Grammaticis. Et quidem in cathegoricis de simplicibus extremis facile est discernere inter affirmatiuam & negatiuam. Sed vbi contingit inueniri in vna cathegorica duo verba, necesse est obseruare, vtra sit principalis copula & respectu illius debet sumi iudicium de qualitate propositionis, an sit affirmatiua vel negatiua. Est exemplum in hac, *Petrus qui non currit est albus*, quæ simpliciter est affirmatiua, quia principalis copula, qua coniungitur prædicatum subiecto, non afficitur negatione. Alia vero copula cum suo relativo est pars subiecti, ac si diceres, *Petrus non currens est albus*. Sunt autem aliæ propositiones cathegoricæ, in quibus sunt duæ copulæ æquales, verbi gratia, *Petrus disputat & non est albus*, & huiusmodi dicuntur à Modernis mixtæ qualitatis formaliter & expresse, quia partim sunt affirmatiuæ & partim negatiuæ. Veruntamen eas
rursus

rursus diuidunt in *virtualiter affirmatiuas*, & *virtualiter negatiuas*. Virtualiter affirmatiua est, *quæ per bonam cōsequentiā de se infert vnā pure affirmatiuā*, vt illa; *Petrus non disputat, & est albus*, infert istam, *ergo Petrus est albus*. At vero virtualiter negatiua est, *quæ per bonā consequentiā infertur ex vna pura negatiua*, v. g. hæc, *Petrus nō disputat, vel, est albus infertur, ex hac. Petrus non disputat*. Ratio huius differentiæ est, quia proprietas affirmatiuæ enuntiationis est ponere aliquid in esse, sed negatiuæ proprietas, est nihil ponere in esse: ergo propositio, quæ de se infert vnā affirmatiuā, merito appellatur virtualiter affirmatiua: quia si consequens ponit aliquid in esse, necesse est vt antecedens id ipsum contineat, alias in bona consequentia daretur antecedens verum & consequens falsum: si quidem consequens requireret plus ad sui veritatem, quam antecedens. Rursus propositio quæ infertur ex vna pure negatiua, censenda est virtualiter negatiua: quia cum antecedens

nihil ponat in esse, necesse est vt neq; consequens ad sui veritatem amplius requirat, quam antecedens, alias daretur antecedens verū & consequens falsum.

. Sed profecto huiusmodi propositiones ad hypotheticas facile reuocari possunt. Nunc autem de sola categoricæ propositionis qualitate cum *Aristotele* decernimus. De qualitate vero hypotheticæ propositionis prædicta regula obseruanda est, vt ea dicatur virtualiter affirmatiua, quæ infert vnam pure affirmatiuam, & ea dicatur virtualiter negatiua, quæ inferatur ex vna pure negatiua. Si autem loquamur formaliter de qualitate hypotheticæ certe *Aristoteles* non aliam qualitatem agnouit, quam quæ est in categoricis. Nihilominus quibusdam modernis placuit eas hypotheticas affirmatiuas vocare, quarum principalis copula non negatur, eas vero negatiuas, quarum principalis copula negatione afficitur. Exemplum primi. *Homo non disputat, &, equus non currit,*
affir-

affirmatiua est secundum illos, quia copula principalis, quæ est cōiunctio, & non afficitur negatione, quanuis utraq; copula categoricarū negetur. Exemplū secūdi. *Non omnis homo nō disputat*: vel *Petrus nō currit*, est negatiua, quia copula principalis, vel afficitur negatione posita in principio totius.

Veruntamen hoc documētum falsum existimamus. Primo quia qualitas affirmationis vel negationis ppria est copulæ verbalis. Deinde in exēplis positis ostendo falsum esse q̄ aiunt. In primo quidē exemplo quia illa hypothetica copulatiua nihil ponit in esse, scilicet, *Homo non disputat*, & *equus non currit*, imo æquiualeat huic: *Non omnis homo disputat*, vel, *omnis equus currit*, (suppono enim negationem ferri in totam hypotheticam) quam ipsi dicunt esse pure negatiuam, eo quod copula principalis, vel, negatur. Similiter in secundo exemplo est æquiualentia, cum ista pure affirmatiua, *Aliquis homo disputat* &, *Petrus disputat*. Et enim negatio illa posita in principio

G 4 totius

totius hypotheticæ mutat, *vel*, conjunctionem in , & , cum sit negatio malignantis naturæ, vt postea videbimus: vnde illam particularitatem, *vel*, mutat in vniuersalitatem, *Et*, & hoc fortassis est, quod moderni dicunt, quod negatur illa copula , seu coniunctio hypotheticæ, videlicet quatenus negatio permutat illam quantum ad quantitatem , sed certe negatio non mutat qualitatem copulatiuæ vel disiunctiuæ per hoc , quod attingat ad conjunctionem. Secus autem in hypotheticis illatiuis, in quibus, etiam si vtraque pars sit negatiua , potest illa hypothetica dici affirmatiua, vt ista, *si homo non est animal, homo non est rationalis*, affirmat esse bonam consequentiam, quanuis vtraque pars negatiua sit. Et sic in huiusmodi hypotheticis habebit verum regula modernorum: nam & hæc propositio est negatiua, *Non si homo est sensibilis, homo est rationalis*, quanuis vtraque cathégorica sit affirmatiua, sed sufficit, quod negatio feratur in conjunctionem illatiuam,

Si,

Si, Neque enim negatio negat hominem esse sensibilem, neque negat esse rationalem, sed duntaxat negat bonitatem consequentiæ. Idem dico de ista ; *Non quia homo est risibilis, homo est rationalis*, quæ pure negatiua est: non enim negat hominem esse risibilem, neque negat esse rationalem, imo neque bonitatem consequentiæ, sed duntaxat causalitatem antecedentis supra consequens.

Denique de quantitate cathegoricarum enunciationum parum nobis nunc dicendum est. Considerant enim Dialectici tres differentes interrogationes fieri posse circa enūciationem. Prima quidem. *Quanam sit enunciatio?* Et respondendum est; *cathegorica vel hypothetica*. Secunda vero interrogatio est, *Qualis sit propositio?* Et respondendum est, *Affirmatiua vel negatiua*. Tertia tandem interrogatio est, *quanta sit enunciatio?* Et respondendum est. Est *uniuersalis vel particularis, vel indefinita, vel singularis*.

Uniuersalis quidem est, cuius subie-

G 5 Etum

Etiam vel pars subiecti in fronte propositionis posita afficitur syncategoremate uniuersali, vt, Omnis homo disputat, Nullus homo est albus, Cuiuslibet hominis Brunellus currit. Sunt autem signa vniuersalia, quæ distribuunt terminum communem pro singulis significatis, pro quibus accipitur secundum exigentiam copulæ.

Particularis vero propositio est, cuius subiectum est terminus communis signo particularizante determinatus, vt, *Aliquis homo currit: Alicuius hominis Brunellus currit.* Indefinita autem est, cuius subiectum est terminus communis nullo signo affectus, v. g. *Homo currit, Hominis Brunellus est albus.* Singularis denique propositio est, cuius subiectum vel pars subiecti in propositionis fronte est terminus singularis vel communis determinatus syncategoremate singularizante, verbi gratia, *Petrus currit, Petri equus currit. Hic homo currit, Huius hominis equus currit.* Omnes istæ enunciationes sunt singulares.

Cæterum vtrum quando subiectum,

ctum, siue sit terminus communis, siue singularis, supponit simpliciter, vt in hac, *Homo est species*, sit dicenda illa enunciatio vniuersalis, vel indefinita, in libro sequenti dicendum est; nunc autem existimo prædictam diuisionem esse intelligendam, quando subiectum supponit personaliter.

Hactenus de primo
libro.

LIBER



LIBER SE- CVNDVS, DE PROPRIETATIBVS logicalibus quæ accidunt ter- mino posito in propo- sitione.

Tractatus vnicus.

C A P. I.



Aristoteles *Lib. I. Perihēr.* post insinuatam qualita-
tem & quantitatem pro-
positionum, statim ac-
cessit ad comparisonem vnus pro-
positionis cum altera secundum op-
positionem. Sed nobis visum est cum
Modernis prius de proprietatibus ex-
tremo-

tremorum propositionis, quæ consequuntur ipsa extrema, quatenus in propositione collocantur, in qua est acceptio & vsus terminorum, agere. Hæ proprietates sunt quatuor. *Suppositio, Ampliatio, Restrictio, & Appellatio.* Atqui in hoc primo capite de suppositione, quid sit, & quotuplex sit, dicendum est.

Notandum est in primis, acceptionem termini, esse aliquid vniuersalius respectu prædictarum quatuor proprietatum, non tamen dici proprietatem termini in propositione positi, quoniam acceptio termini nihil aliud est, quam poni in propositione, & vni-ri verbo pro suo significato. Nam extra propositionem significat quidem omnis dictio, sed extra propositionem non accipitur, sed cum est in illa & vnitur verbo pro suo significato, tunc accipitur.

Hoc supposito: suppositio sic diffinitur. *Suppositio est acceptio termini pro suppositionis aliquo, de quo verificatur.* In qua diffinitione loco generis ponitur acceptio termini,

termini, loco vero differentiae ponitur pro aliquo de quo verificatur. Contingit enim terminum accipi: quia vnitur verbo pro suo significato, vt si dicas, *Chimera currit*, chimera accipitur, sed non supponit pro suo significato: quia non verificatur de illo. Est enim verificari terminum quando res illa, quam significat, & pro quo accipitur, existit à parte rei secundum exigentiã differentie temporis importatæ per verbum. Vnde in hac propositione: *Antichristus fuit*, subiectum quidem accipitur pro suo significato: sed non supponit pro illo, quia de illo non verificabitur secundum differentiam temporis illius verbi, *fuit*. Sed in hac, *Adam fuit*, subiectum supponit: nam accipitur pro Adam, de quo verificatur, hæc enim est vera demonstratio Adam ad intellectum, hoc est, vel fuit Adam.

Nota secundo nouitie, circa prædictam diffinitionẽ, nihil referre vel impedire, vt terminus dicatur supponere, q̃d propositio in qua ponitur, sit vera vel

Quid sit
verific.

vel falsa. In hac enim propositione; *homo est lapis*, vtrumque extremum supponit: quia vtrumque accipitur pro suo significato, de quo verificatur, scilicet, lapis de lapide existente, & homo de homine. Est tamen falsa, & impossibilis propositio illa, quia extrema non possunt pro eodem verificari, quod est necessarium ad veritatem affirmatiuæ propositionis. Neque intelligas, cum in diffinitione dicitur, pro aliquo de quo verificatur, esse necessarium, vt in ipsa propositione, in qua supponit, exerceat verificationem de suo significato: Sed sufficit, quod possit, secundum exigentiam copulæ illius propositionis actualiter verificari de suo significato, ostenso per pronomine demonstratiuum, *Hoc*, à parte subiecti, & prædicatum vel subiectum illius propositionis, *homo est lapis*, à parte prædicati, vt si dicas, *hoc est lapis*, demonstrando aliquod significatum lapidis. Et vt in summa dicam, terminum verificari est vere affirmari de suo significato secundum exigentiam diffe-

differentiæ temporis importatæ per verbum enunciationis, ostendendo pronomine demonstratiuo significatum termini.

Sed caue ne in tali verificatione varietur aliqua de proprietatibus Logi- calibus, vel contingat æquiucatio, verbi gratia, in hac propositione, *homo est pictus*, subiectum quidem supponit, sed si velis verificare subiectum ostendens imaginem hominis, & dicas, hoc est homo, æquiucatio est: quia terminus, *homo*, per se sumptus stat pro famosiori significato. Quare verificatio illius subiecti debet ita fieri, demonstrata pictura, & dicendo, *hoc est homo pictus*. Similiter cum dicis, *homo est nomen*, subiectum quidem supponit, sed quia materialiter supponit; non poteris verificare subiectum dicens, *hoc est homo*, sed verificabis, si dicas ostensa scriptura vel voce, *hoc est dictio homo*.

Aduertunt etiam moderni, quod cum dicimus terminum accipi, & vni- ri verbo pro suo significato, intelli- gendum

gendum esse vel pro se ipso, ne excludamus acceptionem vel suppositionem materiale terminorum, qui pro se ipsis interdum vniuntur verbo ac si essent propria sui nomina, superfluum enim esset ipsis nominibus alia nomina imponere: nam per se ipsa in vsum enunciationis veniunt, vt de illis aliquid affirmetur vel negetur. Vt v.g. cum dicimus, *homo est dictio bisyllaba*, nihil minus præstat ad rationem subiecti ipsamet dictio, *homo*, quam si imponeres illi nomē distinctum. Imo vero si res ipsæ per se possent vniri verbo, frustra illis nomina imponerētur. Sed quia hoc per se ipsas præstare non possunt opus habent substitutis: In mente quidem conceptibus, in quibus sunt res in esse intelligibili, & exterius in vocibus aut scripturis, quibus & ipsi conceptus exprimuntur, & res ad placitum significantur. Quocirca proprius loqueremur, si dicere-
mus voces supponi, & substitui pro rebus conceptis, quam cum dicimus supponunt; sed loquendum est vt plu-

H res,

res, sicut & in multis aliis libēter scholæ dictionem amplectimur.

Denique aduerte, nos etiam in diffinitione suppositionis modernis morem gerere voluisse. Etenim antiquiores duntaxat nomen substantium supponere dixerunt, adiectiuum vero negauerunt supponere : quanuis vniatur verbo pro suo significato, de quo verificetur. Et ideo Petrus Hispanus in diffinitione suppositionis dixit; *suppositio est acceptio termini substantiui*, vt excluderet adiectiuum. Nam vt supra ex doctrina *D. Thomæ* retulimus in capite de Nomine : Adiectiuum non affert secum suum suppositum, sed dū adiectiue accipitur, applicat suum significatum formale ad suppositum substantiui. Quæ doctrina pro locutionibus in mysterio Trinitatis necessaria est; Nam *D. Thom.* 1. p. q. 39. docet falsam esse hanc propositionem, *essentia generat*, quia verbum : *Generat*, est adiectiuum, neque habet per se suum suppositum, alias esset vera illa propositio: quia faceret hunc sensum:

Essen-

Essentia est res generans, quæ propositio Catholica est, cum illa altera sit hæretica, quia in illa denotatur, quod diuina essentia aliquid à se distinctū producit. Sed de hoc alias.

Nunc autem sufficiat nouitiū Dialecticū nosse differentiā loquendi de suppositione inter modernos, & antiquiores. Nos autem de suppositione non tam stricte loquimur, cū dicimus in hac propositione, *homo est albus*, extrema supponere pro eodem. Quia vniūtur verbo pro suis significatis, de quibus verificantur. Si tamen strictius loqui velis de suppositione, dices subiectum illud supponere, prædicatum vero non supponere, sed verificari. Neque tamen hic intelligas nomine suppositi illud duntaxat, q̄ substantiale est, & per se subsistens: Non enim de physico supposito nunc loquimur, sed de re, pro qua terminus accipitur, & plenarie substituitur: vt de illa possint affirmari vel negari, quæ rei cōueniunt, vel non conueniunt, siue actiones, siue passionessint, v. g. hoc nomē,

H 2 *Albedo*

Albedo, supponit pro suo supposito, quia mediāte hac voce poteris enunciare de albedine esse intensam vel remissam, & disgregare visum. At hoc nomen, *humanitas*, quamvis significet naturam, quæ habet physicum suppositum, in quo subsistit, non tamen supponit pro illo, sed pro ipsa natura humana in abstracto, quæ est suppositum Dialecticum respectu illius termini *humanitas*. Sed hic terminus, *homo*, propter modum significandi in concreto importat habentem humanitatem, tanquam physicum suppositum humanitatis, & etiam suppositum Dialecticum, quia pro illo substituitur ad enunciandum de homine actiones vel passionis sibi conuenientes.

Ex hac doctrina poterit Theologus rationem reddere, quare hæc sit vera, *Pater generat*, & hæc falsa, *Paternitas generat*, & hæc vera, *Deus generat*, & hæc falsa, *Deitas generat*, cum tamen paternitas, & pater, Deus & Deitas ad inuicem verificentur. Nihilominus propter

pter diuersum modum significandi, neque Pater supponit pro Paternitate, neque Paternitas pro Patre, neque Deitas pro Deo, neque pro habente Deitatem. Vnde quia veritas enunciationis, quæ est in compositione, confurgit in mente non solû ex identitate rerum in se ipsis, sed etiam ex compositione extremorum in intellectu nostro, hinc fit, vt illa sit falsa, *Deitas generat, & hæc vera, Deus generat.* Hæc dixerim, vt Dialecticæ præceptores aduertant, quantum intersit ab initio in huiusmodi proprietatibus Logicalibus Tyrones erudiri, ne postea in grauioribus disciplinis ignorantia Dialecticæ aberrent.

C A P. II.

De diuisione suppositionis prima.

PRima suppositionis diuisio est in *Suppositionis*
suppositionem *propriam*, & in sup- *diuisio.*
positionē *impropiam*. Suppositio pro-
pria est acceptio termini, pro aliquo, quod
H 3 proprie

proprie significat. Vt, Leo, in hac enunciatione, Leo est fortissimus bestiarum, supponit proprie. Suppositio vero impropria est acceptio termini, pro aliquo, quod improprie significat. Vt in hac propositione. Vicit Leo de tribu Iuda.

Ad intelligentiam huius diuisionis explicemus, quid sit significare proprie, & quid improprie. Vbi aduerte illa aduerbia, *proprie, & improprie*, non determinare verbum significat, quantum ad rationem formalem significandi, quæ explicatur in diffinitione signi. Hæc enim ratio consistit in hoc, quod res sensibilis præexistente cognitione sui aliquid aliud à se repræsentet. Quocirca omne signum proprie significat secundum hanc rationem. Sed in præsentī diuisione, cum dicitur, *pro eo, quod proprie vel improprie significat*, intelligendum est ex parte rei significatæ. Quando enim terminus accipitur pro re, ad quam significandam ex primæua impositione institutus est, tunc dicitur accipi pro eo quod proprie significat. Quando vero acci-

accipitur pro aliqua re, ad quam significadam propter aliquam similitudinem cum primæuo significato extenditur, tūc supponit improprie pro re, quam improprie significat: quia res illa improprie est id, quod terminus exprimæua institutione significat. Et in hoc cōsistit, tota ratio improprietatis suppositionis.

Ex dictis sequitur, hanc primam diuisionem suppositionis, non esse analogi in analogata, sed vtrumque membrum diuisionis est simpliciter, & vere & vniuoce suppositio: quia est simpliciter acceptio termini pro aliquo, de quo verificatur.

Quæri solet circa suppositionem impropriā, an omnis locutio figurata apud Latinos contineat suppositionē impropriam? Cui quæstioni breuiter occurrimus negātes vniuersaliter esse verum, quod queritur. In primis, quia figurata locutio est apud Latinos, quæ fit per Onomatopœciam, quando prolatio vocum consonat cum re significata, vt cum dixit Virgilius, Clamorq;

H 4 virum

virum clangorque tubarum, & tamen hic nulla est impropria suppositio. Similiter Antonomasia figurata locutio est, & tamen nihil improprietatis habet, ut quando *Philosophus* accipitur pro *Aristotele*, & *Apostolus* pro *Paulo*, ex accommodatione usus, propter excellentiam rei significatæ, quæ inuenitur in *Aristotele*, & in *Paulo*. Neque enim hæc locutio destruit proprietatē suppositionis termini communis magis, quam si diceres, *hic Philosophus*, *hic Apostolus*. Reliquas vero figuratæ locutionis species Latinæ linguæ præceptoribus relinquimus.

Quæstio altera est; An suppositio impropria inueniatur in mente? Ad quā omnino negatiue respondemus. Et miror viros alioquin doctos opinatos fuisse impropriam suppositionem in mentis conceptu posse reperiri. In primis probatur hoc esse impossibile, quia per nullum mentis conceptum potest intellectus cognoscere, nisi re cuius ipse conceptus expressa, & naturalis similitudo est. Neq; enim conceptus

ceptus ex instituto transferri potest ad aliquid aliud representandum præter rem, cuius est formalis & naturalis similitudo. Deinde si qua via id fieri posset maxime mediâte discursu quo ex cognitione vnius solet homo moueri in cognitionem alterius, sed hic discursus non mutat prioris cōceptus representationē, sed in alterum conceptū peruenit, qui etiam naturaliter repræsentat id ipsum, pro quo nomen vocale improprie supponit. Existimo autem idcirco falsos fuisse, qui oppositum opinantur: quia in huiusmodi locutionibus impropriis intelligendis sæpe vtimur phantasmatis rerum, quas ipsę voces proprie, vel improprie significant. Et quidem ex comparatione vnius phantasmatidis cum altero peruenimus ad formandum in mente vnum conceptū connotatiuum, qui formaliter & naturaliter repræsentat rem, quam vox improprie significare dicitur, connotando inquam respectum aliquem similitudinis, vel proportionis ad rem, quam ex primæua

H s impo-

impositione eadem vox significat ut v. g. in illa locutione Virgiliana, *post aliquot, mea regna videns, mirabor aristas*. Vbi *aristas* accepit pro annis, quia quotannis terra opportuno tempore aristas profert. In qua locutione impropria intelligenda utimur phantasmate aristæ annualis, & consideramus singulis annis terram aristas producere, & inde formamus cōceptum annorum non absolutum, sed connotativum, propter affinitatem cum vicissitudine productionis annalium aristarum.

Hæc omnia brevissime exercet intellectus, & delectatur homo huiusmodi locutionibus magis, quam si absolute diceret Poëta. *Post aliquot annos mea regna videns, mirabor*. Et ratio est, quia valde naturale est homini diversarum rerum comparatione subobscurè aliud inuenire, quam primitus ipsæ voces repræsentēt. Et idcirco huiusmodi locutionibus frequentius Poetæ, ac Rhetores utuntur, ut auditores delectatione afficiant. Sed Philosophos

Isolophos ac Theologos, multo autem minus Dialecticos figuratæ locutiones decent. Quorum est veritatem syncere, & breuiter propriis locutionibus asserere.

CAP. III.

De diuisione suppositionis proprie.

IMpropria suppositione relictæ, quæ parum ad institutum Dialecticum attinet, deinceps propria suppositio diuiditur in *materialem simplicem*, & *personalem*. Suppositio materialis est acceptio vocis vel scripturae pro se, vt, homo est nomen: vbi subiectum non pro significato, sed pro ipsa voce significante accipitur. Quamuis enim voces proprie loquendo non significant se, tamen hoc est illis peculiare, vt taliter se repræsentent, vt ipsismet in enunciatione vtamur non minus, quam si essent nomina, propria sui. Quem vsus etiam præstant voces non significatiuæ. Vt cū dicis, *Blitiri est trissyllabū*. Neq; talis suppo-

Quid suppositio materialis.

Quid suppo-
sitio mate-
rialis.

suppositio dicenda est impropria: est enim acceptio vocis pro eo, quod proprie repræsentat. Hanc suppositionem materiale ex antecedentibus, & sequentibus facile dignoscet Dialecticus. Suppositio vero simplex à quibusdam diffinitur cum Petro Hispano, *acceptio termini communis pro re vniuersali*. Vt cum dicimus: *homo est species in genere animalis*. Sed hæc diffinitio aliis non placet, quia non conuenit termino singulari, qui potest simpliciter supponere, vt in hac propositione: *Petrus est indiuiduum*. Nobis etiam displicet illa diffinitio, nō solum quia excludit terminum singularem: sed quia non satis explicat rationem simplicis suppositionis, cum inquit, *est acceptio termini communis pro re vniuersali*. Est enim magis confusa hæc diffinitio, quam diffinitum, nulla enim res est vniuersalis. Ob id alii aliter diffiniunt, ita vt suppositio simplex sit *acceptio termini pro eo quod primo & per se & formaliter significat*. Aiunt enim nomē, *homo*, primo, & per se, & formaliter, non

non *Petrum* vel *Paulum*, sed hominem conceptu communi repræsentare: quauis *Petrum* vel *Paulum* secundario, & materialiter significet. Sed fateor, neque hanc diffinitionem nobis placere, quia non minus: quam præcedens obscura est. Deinde nam in hac propositione, *homo est animal rationale*, subiectum accipitur pro re, quam primo, & per se, & formaliter significat. Nam illud prædicatum est diffinitio hominis immediata, & adæquata, & non *Petri* vel *Pauli*, & tamen illa suppositio, non est simplex, ergo mala est diffinitio.

Notandum est igitur vt simplicis suppositionis diffinitionē legitimam designemus, quædam esse prædicata, quæ dicuntur vel negantur de subiecto secundum id, quod conuenit ei à partere i, vt *homo est albus*, *homo currit*. Alia vero sunt prædicata, quæ affirmantur vel negantur de subiecto secundum id, quod conuenit significato subiecti, non prout est in re, sed prout est in intellectu. Vt cū dico, *animal*

malest genus, homo est species. Ista prædicata conueniunt subiectis non quatenus eorum significata sunt à parte rei, sicut cōuenit currere vel esse album: sed quatenus subiecta concipiuntur proprio conceptu. Quando igitur per prædicatum postulatur, talis conditio in subiecto, vt accipiatur secundum illam cōditionem pro suo significato, & non aliter, quā prout est in intellectu, tunc subiectum supponit simpliciter.

Quid sit simplex suppositio.

Quocirca breuis & exacta diffinitio suppositionis simplicis ea est; *suppositio simplex est acceptio termini pro suo significato, prout concipitur proprio conceptu.* Ad cuius maiorem intelligētiam nota. Semper quidem terminum, quotiescunq; ille supponit, accipi pro suo significato, mediāte eius proprio conceptu, sed non semper denotatur prædicatum conuenire subiecto, quatenus res significata concipitur proprio conceptu. Vt cum dico, *homo est albus, homo currit.* Equidem concipio hominem proprio conceptu, & adæquato.

Sed

Sed non denoto neque affirmo rem significatam per prædicatum conuenire rei significatæ per subiectũ prout illa concipitur proprio conceptu. Etenim, homo curret, & erit albus, etiam si non concipiatur à nobis proprio, & adæquato cõceptu. At vero cum dico animal est genus non solum concipio rē significatam per subiectũ suo, proprio cõceptu sed etiã denoto prædicatum ei conuenire, quatenus sic concipit, & non aliter. Hinc sequit etiam terminũ singularē posse simpliciter supponere, vt in hac propositione, *Petrus est indiuiduum*, vbi prædicatum affirmatur de subiecto postulans ad eius conuenientiam, vt subiectum concipiatur proprio & singulari conceptu. Similiter in hac propositione, *Petrus est species*, quamuis sit falsa: tamen subiectũ supponit simpliciter, quia ex vi significationis prædicati denotatur prædicatũ cõuenire subiecto, prout concipitur singulari conceptu. Et propterea illa falsa est quia species postulat significatum subiecti concipi conceptu commu-

communi ad multa indiuidua. Cum tamen proprius cōceptus subiecti sit singularis.

Habemus igitur bonam esse diffinitionem hanc, *suppositio simplex est acceptio termini pro suo adequato significato prout concipitur proprio conceptu.* Et ad hoc insinuandum tot particulas Moderni addiderunt, dicentes esse acceptionem termini pro eo, quod primo, & per se & formaliter significat. Sed profecto per nullam harum particulam excluditur à suppositione simplici subiectum huius, *homo est animal rationale.* Cum tamen nō supponat simpliciter, sed vt videbimus personaliter. Nostra autem diffinitione excluditur à suppositione simplici, quia prædicatum vt re vera conueniat subiecto, non postulat tale fundamentum, vt subiectum concipiatur proprio conceptu. Non enim homo est animal rationale, quia concipitur homo. Sed homo est species, quia concipitur proprio conceptu. Hoc enim habent termini secundæ intentionis, vt cum

vt cum prædicantur de aliis, ea ratione prædicari denotentur, quatenus res significata per subiectum proprio conceptu concipitur. Et hanc habebis regulam: quotiescunq; fuerit suppositio simplex subiecti, prouenit à prædicato secundæ intentionis.

Suppositio tandem personalis est ac- *Quid sit sup-*
ceptio termini pro indiuiduis, vt à moder- *positio perso-*
nis diffinitur. Sed neque ista diffinitio *nalis.*

legitima videtur. Nam ex illa sequitur terminum singularem non posse supponere simpliciter. Ille etenim pro indiuiduo tantum potest accipi & tamen aliquando supponit simpliciter; cum prædicatum fuerit terminus secundæ intentionis, postulans & denotans conuenire subiecto, quatenus concipitur proprio conceptu, & non aliter. Vt in hac propositione. *Petrus est indiuiduum*, aliter supponit, quam in ista: *Petrus currit*. Nam ex ista optime licet colligere. *Petrus currit & Petrus est homo*, ergo *homo currit*. Ex illa vero non licebit inferre. *Petrus est indiuiduum*, & *Petrus est homo*, ergo *homo est indiuiduum*.

I

Nam

Nam fit variatio suppositionis personalis in simplicem: quia prædicatum illud indiuiduum secundæ intentionis est, postulans & denotans subiectum, quatenus proprio cōceptu concipitur esse indiuiduum. Talis igitur debet esse suppositio personalis, quæ excludat simplicem suppositionem.

Quidam modernus definit suppositionem personalem esse *acceptiōē nominis communis pro suis mediatis significatis*. Sed hæc diffinitio excludit omnia singularia à suppositione personali. Nam suppositio propria sufficienter diuiditur in suppositionem *materialē simplicem & personalem*. Sed in hac propositione, *Petrus currit*, subiectū supponit proprie non materialiter, neq; simpliciter, ergo debet supponere personaliter. Quamobrem suppositio personalis à nobis diffinitur *acceptio termini pro singularibus significatis mediatis, vel immediatis, siue unico absolute & secundum se*. Sicut in hac, *homo currit*, accipitur pro singularibus mediate significatis. Sed in hac, *Petrus currit*, accipitur

pitur subiectum p immediato significato. Sed cōtra: Etiam in hac propositione, *Petrus est indiuiduum*, subiectum supponit p suo singulari & immediato significato, & tamen non supponit personaliter, sed simpliciter vt iā diximus, ergo mala est diffinitio. Respondetur ppterea adiectam esse illā particulam absolute & secundū se, hoc est, prout à parte rei est, non prout concipitur p proprio conceptu, sicut supponit in hac, *Petrus est albus*. Ex dictis sequitur superfluum esse distinguere aliā suppositionē personālē absolutā, quæ sit acceptio termini communis p suo immediato significato non tamē præcise. Vt subiectū huius propositionis; *homo est animal*. Etenim suppositio illi⁹ subiecti vere & proprie est psonalis, quia prædicatum non cōuenit subiecto ea ratione, quia cōcipitur conceptu cōmuni. Quāuis enim illic cōmuni conceptu concipiatur, nō tamen vt sic est animal, sed, & realiter & ex natura rei homo est animal. Vnde necesse est, illā ppositionē equalere vniuersali omnis

I 2 homo

homo est animal, in qua subiectum pro omnibus singularibus supponit. Non enim à parte rei inuenitur homo cōmunis. Neque quantumlibet homo concipiatur conceptu communi, distinguitur realiter à singularibus. Neque vere affirmabimus, *homo communis realiter est animal*. Hæc tamen vera est, *homo, qui concipitur conceptu communi, est animal*. Omnis itaque suppositio personalis absoluta est. Nihil enim aliud importatur per absolutam suppositionem, quam quod non sit acceptio termini cum reduplicatione proprii cōceptus rei significatæ. Hæc autem inuentio absolutæ suppositionis ex mala intelligētia suppositionis simplicis ortum habuit. Nam vt excluderent subiectum huius propositionis, *homo est animal*, à ratione suppositionis simplicis, addiderūt illam particulam; *non precise*. Sed nos, qui per intrinseca diffinimus suppositionem simplicem, non opus habemus personalis suppositionis aliud membrum distinguere, siue prædicatum conueniat subiecto pro

pro immediato significato, siue non conueniat: dummodo maneat subiectum, ut illic accipitur, aptum ad supponendum pro personis & suppositis, erit suppositio personalis. Et hoc pacto distinguemus postea suppositionem personalem in communem & singularem, & in alias species accidentarias, quæ consurgunt ex adiunctis synkategorematibus.

Sed quærit curiosus, quare suppositio personalis à persona denomine-
tur, cum tamē sæpe nomina, quæ personaliter supponunt, non pro veris personis accipiantur, ut in his propositionibus. *Albedo disgregat visum, omnis quantitas est diuisibilis.*

Respondetur personalem suppositionem non à persona proprie dicta denominari, quæ est rationalis naturæ indiuidua substantia, neque etiam ut persona nominat suppositum naturæ substantialis, quod à Græcis dicitur hypostasis: sed accipitur ut importat suppositum locutionis, sicut docet *D. Thom. in 3. senten. d. 1. q. 2. art. 5.*

ad 4. Hoc enim modo hoc nomen, *albedo*, accipitur pro suis suppositis, scilicet pro hac albedine & illa albedine. Quæ singulares qualitates supposita sunt illius termini communis logicè loquendo de supposito respectu albedinis in abstracto significatæ.

C A P. IV.

De diuisione personalis suppositionis in naturalem & acci- dentalem.

Diuisio sup-
positionis
personalis.

Tertio diuiditur personalis suppositio in *naturalem* & *accidentalem*. Suppositio naturalis est *acceptio termini pro omnibus, pro quibus natus est accipi, ut in hac propositione: Homo est animal rationale.* Ita diffinit *Petrus Hispanus*, & consentiunt omnes moderni. Quidam adiiciunt, *ut sit acceptio nominis communis*, intendentes à naturali suppositione excludere, imo & ab accidentali nomina singularia, sed falluntur, quia differen-

differentia est in his duabus propositionibus. *Petrus currit* & , *Petrus est homo* , nam in altera subiectum supponit naturaliter, & in altera accidentaliter, & idcirco illa est vera: *Petrus est homo*, etiam non existente Petro in mundo, & altera falsa est, quia cursus non potest conuenire Petro, nisi existenti secundum differentiã temporis importati per copulam.

Sed antequam examinemus definitionem suppositionis naturalis, operæ precium est interponere diuisionem quamdam materiæ propositionum, quæ in tractatu de oppositionibus à quibusdam collocatur. Sed conuenientius hoc in loco proponitur. Notandum itaque: Propositionum triplicem esse materiam, scilicet *naturalem*, *contingentem* & *remotam*. Naturalis materia est, quando *predicatum significat aliquid quod est de essentia subiecti, vel proprium eius*. Ut, *homo est animal*, *homo est rationalis*, *homo est risibilis*. Hæ propositiones sunt in materia naturali. Materia contingens est illa, in

Quid sit materia propositionum & quod duplex.

qua significatum prædicati potest adesse & abesse significato subiecti præter ipsius corruptionem, vt, homo est philosophus. Remota materia est, in qua significatū prædicati non potest conuenire significato subiecti, vt ista propositio, homo est lapis, est in materia remota.

Examinatio huius diuisionis perfecta non pertinet ad institutionem minoris Dialectici. Quare in præsentī illa vtemur duntaxat, vt explicemus diffinitionem naturalis suppositionis. Obseruandum est enim nō esse idem dicere aliquam propositionem esse in materia naturali, & extrema supponere naturaliter. Pro cuius intelligentia arguitur primo contra diffinitionem suppositionis naturalis. In hac propositione : *Omnis homo possibiliter currit*, subiectum accipitur pro omnibus, pro quibus natum est accipi, & tamen non supponit naturaliter, ergo mala est diffinitio. Probo minore quia illa propositio est in materia accidentali cum prædicatū possit adesse & abesse subiecto p̄ter illius corruptionē.

Argui-

Arguitur secundo. In hac propositione: *Nullus homo est lapis*, subiectum accipitur & supponit pro omnibus, pro quibus aptus natus est accipi, & tamen non supponit naturaliter, ergo mala diffinitio. Probo minorem, quia in eius contradictoria, *homo est lapis*, nō supponit naturaliter; cum illa propositio sit in materia remota.

Arguitur tertio. In hac propositione: *homo est animal*, prædicatum supponit naturaliter, & tamen non accipitur pro omnibus, pro quibus natum est accipi, ergo mala diffinitio. Probo maiorem: nam supponit personaliter, & non accidentaliter: ergo naturaliter, alias mala esset diuisio.

Ad primum argumentum responderetur, diffinitionem intelligendam esse de acceptione termini pro omnibus, pro quibus natus est accipi, non virtute ampliationis, sed potius ex propria natura rei significatę per subiectum cui intrinseca est res significata per prædicatum. In illa autem propositione. *Omnis homo possibiliter currit*,

I 5 prædi-

prædicatum non habet intrinsecam conuenientiam, vel repugnantiam cum subiecto: sed est indifferens. Vnde illa propositio neque est in materia naturali, neque extrema supponunt naturaliter. Nisi forte aliquis velit dicere aduerbium, *possibiliter*, esse partem prædicati, & totum prædicatum habere naturalem connexionem cum subiecto, quæ fundatur in potētia naturali hominis ad cursum. Et quidem si ita esset, quod aduerbium illud modale efficeretur pars prædicati, non dubitarem asserere, subiectum supponere naturaliter, & propositionem esse in materia naturali. Veruntamen est contra cōmunem sensum Dialecticorum negantium huiusmodi aduerbia modalia effici partem prædicati, sed duntaxat aiunt modificare vnionem copulæ. Nam si efficerentur pars prædicati, istæ propositiones nō essent contradictoriæ: *Omnis homo necessario currit, homo possibiliter non currit*, quia nō participarent in extremis, vt postea in suo loco videbimus. Melior itaq; est prior solutio.

Ad

Ad secundum argumentum nego minorem, & ad probationem nego antecedens. Imo dico extrema harum propositionem; *homo est lapis, nullus homo est lapis*, supponere naturaliter, non obstante quod illę propositiones sunt in materia remota. Id quod fortassis alicui novam videbitur. Sed ego sic ostendo esse necessarium, quod dicimus. Nam suppositio personalis sufficiēter diuiditur in suppositionem naturalem, & suppositionem accidentalem. Nemo enim tertiam suppositionem termini adiecit, scilicet, suppositionem remotam: sed neque adiaci potest. Nam cum suppositio personalis debeat esse acceptio termini pro suo significato, non propterea desinit supponere pro omnibus suis significatis, quia propositio sit in materia remota. Alias pro nullo supponeret prædicatum, vel subiectum istius, *homo est lapis*. Et confirmatur. Nam si illa propositio affirmatiua impossibilis est, non est ratio, quia extrema non supponant, sed quia

quia non supponunt pro eodem: imo adinuicem repugnant supponere pro eodem: Quia propositio est in materia remota. Habemus igitur intētum, quod extrema illius propositionis, *homo est lapis*, supponunt pro suis significatis non accidentaliter, ergo naturaliter: ac proinde pro omnibus suis significatis. Non enim est maior ratio, quare supponat pro vno, quam pro alio. Confirmatur, quia illa propositio, *homo est lapis*, est æternæ falsitatis, sicut sua contradictoria, *Nullus homo est lapis*, est æternæ veritatis, ergo copula verbalis absoluitur à tempore: ac proinde si extrema supponunt, necesse est vt accipiantur pro omnibus suis significatis, aut pro nullo: sed non pro nullo, vt ostendimus, ergo pro omnibus ac proinde supponūt naturaliter.

Ex dictis sequitur, q̄ cum dicimus terminū naturaliter supponere, quando accipitur pro omnib. suis significatis nō ratione ampliacionis, sed ex naturali cōnexionē extremorum, debet adiici vel ppter naturalem repugnantiam,

tiā, quæ includitur in ipsa natura rerū significatarū per extrema. Nam tam naturale est homini non esse lapidem, sicut esse animal rationale. Et sicut istæ duæ propositiones. *Nullus homo est animal, & homo est animal*, sunt contradictoriæ, ac proinde extrema eodem modo accipiuntur pro suis significatis, & affirmatiua est necessaria, negatiua impossibilis; ita etiam istæ duæ. *Nullus homo est lapis, & homo est lapis*, sunt contradictoriæ & negatiua per se est necessaria & affirmatiua est per se falsa: ac proinde sicuti in negatiua subiectum & prædicatum supponunt pro suis significatis omnibus, pro quibus termini sunt apti nati accipi & pro illis redditur necessaria propositio: ita in affirmatiua extrema accipiuntur pro omnibus suis significatis & pro omnibus illis ex natura extremorum redditur falsa propositio. Sequitur secundo, quod copula absoluitur à tempore non solum, quando prædicatum est de intrinseca ratione subiecti, vel proprietas eius, sed etiam, quando

quādo prædicatum habet naturalem repugnantiam cum natura rei significatæ per subiectū. Confirmatur, nam hic syllogismus est demonstratio: *omnis homo est sensibilis, nullus lapis est sensibilis, ergo nullus lapis est homo*. Igitur in minori copula absoluitur à tēpore, ac proinde extrema supponunt naturaliter. Probo conseq. quoniam alias illæ præmissæ essent inhabiles, quia mediū in affirmatiua teneretur minus restrictè quàm in negatiua. Qui est defectus intrinsecus, vt videbimus in tractatu de syllogismis.

Sequitur deniq; verum esse, quod diximus, non æquiuale, terminum supponere naturaliter, & propositionem, in qua existit, esse in materia naturali. Ratio est quia materia propositionum diuiditur ex parte rerum significatarum quatenus altera alteri naturaliter inest, vel naturaliter repugnat, vel indifferentiam habet. Et sic est triplex materia, scilicet naturalis, remota, & contingens. At vero suppositio personalis in duo tantū membra

bra diuiditur, scilicet in suppositionem naturalem, & suppositionem accidentalem. Suppositio autem naturalis termini respicit omnia significata illius, pro quibus accipitur non ex vi ampliacionis, sed ex eo, quod copula absoluitur à tempore propter naturalem connexionem, vel repugnantiam inter extrema. De suppositione autem accidentali statim dicemus, si prius tamen soluerimus tertium argumentum.

Ad tertium argumentum respondetur. Prædicatum illius propositionis; *homo est animal*, naturaliter supponere, nam accipitur pro omnibus suis significatis. Sed inde non sequitur, quod pro omnibus illis debeat verificari de subiecto. Aliud est enim terminum supponere pro omnibus suis significatis, & aliud propositionem verificari pro omnibus illis. Quemadmodum cum dico, *homo est albus*, subiectum non restringitur, sed supponit pro singulis hominibus existentibus, nihilominus, *propositio non verificabitur nisi*

nisi pro homine albo. Nam si restringeretur subiectum pro homine albo, hæc esset vera, *omnis homo est albus*. Esset enim sensus, *Omnis homo albus est albus*. Nam signū distributivum, *omnis*, neque ampliat, neque restringit acceptionem termini, sed distribuit pro omnibus significatis, pro quibus terminum inuenit supponentem. Sic etiam cum dico, *homo est animal*, vel *omnis homo est animal*, non opus est, ut prædicatum de subiecto affirmetur pro omnibus significatis per terminum, *animal*, neque enim distributive supponit prædicatum.

Triplex definitio suppositionis accidentalis.

Iam vero de suppositione accidentali manifestior erit via, ut eius diffinitionem intelligamus. Quæ tripliciter definitur, primo à *Petro Hispano*. Suppositio accidentalis est *acceptio termini pro illis duntaxat significatis, de quibus verificatur secundū exigentiam adiuncti verbi*. Ut accipitur subiectum huius, *homo disputat*. Accipitur enim tantum pro presentibus hominibus. Secunda diffinitio est aliorum modernorum.

Sup-

Suppositio accidentalis contingit, *ubi predicatum non est de intrinseca ratione subiecti*. Tertia diffinitio est, cuiusdam moderni. Suppositio accidentalis est *acceptio nominis communis non pro omnibus suis significatis*. Et ponit exemplum in hac propositione, *homo iuste est probus*.

Omnes hæ diffinitiones videntur esse diminutæ. Prima quidem non videtur exprimere formalem rationem accidentalis suppositionis. Nam cum terminus dūtaxat accipitur pro significatis, de quibus verificatur secundum exigentiam adiuncti verbi; aliunde prouenit huiusmodi limitatio. Quemadmodum cum dico, *homo est animal*, subiectum supponit naturaliter pro omnib. suis significatis, neq; coarctatur ad ea tantum significata, quæ existunt secundum differentiam temporis præsentis, & in hoc quidem prouenit ex comparatione extremorum adinuicem, quæ inter se habent, vel naturalem connexionem, vel repugnantiam; ita etiam in suppositio-

K ne ac-

ne accidentali alicuius termini oportet considerare habitudinem prædicati cū subiecto, vnde prouenit, quod subiectū accidentaliter supponat pro his tantum significatis, de quibus verificari potest secundum exigentiam differentię temporis importatę per copulam. Inde enim limitatur suppositio termini.

Secunda vero diffinitio etiam videtur diminuta: nam ex illa sequitur subiectum huius propositionis, *homo est lapis*, supponere accidentaliter quod falsum est. Nam, vt diximus, copula absoluitur à tempore ratione rerum significatarum per extrema quę habent intrinsecam & naturalem repugnantiam. Non igitur satis est dicere suppositionem accidentalem esse, quando prædicatum non est de intrinseca ratione subiecti: sed oportebat adiicere, quando prædicatum potest conuenire subiecto & non est de intrinseca ratione eius.

Tertia denique diffinitio in duobus deficit. Alterum est, quia non assignat

gnat rationem formalem, quare nomen supponat accidentaliter, quando non pro omnibus suis significatis accipitur, siquidē, quantum est ex parte suæ significationis, aptitudinē habet, ut pro omnibus accipiatur. Secundo deficit, quia excludit nomē singulare à suppositione accidentali, cū tamen in hac propositione, *Petrus est albus*, subiectum supponat accidentaliter, non quia non accipiatur pro omni suo significato, sed quia astringitur, ut solum accipiatur pro Petro existenti secundum differentiam temporis importatam per verbum. Ac proinde nō existente Petro etiam si sint alia alba, pro quibus prædicatum accipitur, erit falsa illa propositio affirmatiua, quia est de subiecto non supponente. Accidit itaque illi termino ita coarctari propter accidentalem cōuenientiam prædicati cū subiecto. At vero quando aliquod prædicatum habet naturalem connexionē, vel repugnantiam cū illo subiecto singulari, nō est, quare negemus illum supponere naturaliter

K 2 & accipi

& accipi pro Petro siue existenti, siue non existenti, vt in his propositionibus: *Petrus est homo, Petrus est lapis*. Nulla itaque ratione nomen singulare debet excludi à suppositione naturali vel accidentali. Denique deficit autor illius diffinitionis etiam in ipso exemplo, quod inducit in hac propositione, *homo iustus est probus*. Nam in illa propositione copula absoluitur à differentia temporis, cum sit propositio per se & necessaria, quia prædicatum est de ratione subiecti. Tamen si pars subiecti vtraq; restringatur ab altera. Nam hæc restrictio partium ad inuicem non destruit naturalem suppositionem totius subiecti, quod est terminus complexus. Vnde etiam non oportebat in diffinitione dicere acceptio nominis, quia in rigore cōplexum non potest dici nomen.

Ex dictis possumus colligere diffinitionem suppositionis accidentalis magis formale, & per intrinseca. Suppositio accidentalis est acceptio termini pro suo significato, de quo verificatur

ficatur secundum exigentiam verbi propter indifferentiam prædicati cum subiecto. In qua diffinitione includimus etiam terminum singularem, & non excludimus communem. Item convenimus cum *Petro Hispano*.

Sed insuper explicamus formalem rationem seu radicalem, unde proveniat terminum accidentaliter supponere. Ex hac diffinitione & aliis assignatis sequitur, quod quotiescunq; subiectum supponit accidentaliter, etiam prædicatum debet supponere accidentaliter. Et quotiescunque supponit naturaliter debet etiam prædicatum naturaliter supponere. Nam utrumque extremum eximitur à differentia temporis importata per verbum. Sequitur tertio, quod quotiescunq; propositio est in materia contingenti, extrema supponunt accidentaliter, quia utrumq; extremum astringitur differentia temporis importata per verbum. Sequitur quarto: Quotiescunq; propositio est in materia naturali, extrema supponunt naturali-

K 3 ter,

ter, non tamen vice versa. Nam cum propositio est in materia remota etiam tunc extrema supponunt naturaliter pro omnibus suis significatis, ut iam explicatum est.

Sed quærit Logicus aut metaphysicus: An hæc propositio: *animal est homo*, sit in materia naturali, & extrema supponant naturaliter. Pro parte negatiua est argumentum, quia prædicatum non est de intrinseca ratione subiecti, quamuis non repugnet ei: ergo non est in materia naturali, sed potius accidētali propter indifferentiam prædicati ad subiectum. Ac proinde extrema supponunt accidētaliter pro his tantum significatis, quæ existunt. Sed in oppositum est, quia hic syllogismus est demonstratio in *Darapti*, *omne risibile est homo, omne risibile est animal, ergo animale est homo*. Sed antecedens pro utraque præmissa est necessarium & æternæ veritatis: ergo & consequens. Non autem posset esse necessarium, *animal est homo*, nisi copula absolueretur à tempore: ergo illa propo-

propositio est in materia naturali & extrema supponunt naturaliter.

Huic obiectioni Respondetur illam propositionem, *animal est homo*, esse in materia naturali & extrema naturaliter supponere pro omnibus suis significatis, quanvis illa propositio non reddatur vera & necessaria pro omnibus significatis subiecti. Non enim est propositio de omni: Sed sufficit, quod prædicatum sit de intrinseca ratione alicuius animalis, & in hoc sensu concluditur illa propositio syllogistice ex præmissis necessariis & per se. Sed de hoc alias.

C A P. V.

De reliquis diuisionibus suppositionis.

Quarta diuisio fit à *Petro Hispano* *Alia diuisio-*
suppositionis accidentalis in sup- *nes supposi-*
positionem *communem* & suppositio- *tionis acci-*
nem *discretam*. Suppositio commu- *dental.*
nis est *acceptio termini communis*, vt

K 4 *homo*

homo currit. Suppositio discreta vel singularis est acceptio termini singularis, vel communis singularizati pro nomine demonstratiuo. Vt, *Petrus currit, hic homo est albus.*

Circa hanc diuisionem aduerte in primis, potuisse *Petrum Hispanum* personalem suppositionem accipere pro diuiso, & non solum accidentalem, vt includeret etiam naturalem, in qua termini possunt supponere communiter, vel singulariter. Nam in hac propositione, *homo est animal*, subiectum non minus communiter supponit, quam in hac, *homo est albus*, & in hac, *hic homo est animal*, non minus singulariter supponit subiectum, quam in hac, *hic homo est albus*. Neque erat inconueniens suppositionem personalem dupliciter diuidi, primo in naturalem & accidentalem, & secundo in communem & singularem. Nam respectu diuersarum rationum idem diuisum potest duabus diuisionib. substerni.

Aduerte secundo, quam præter
commu-

communem modum loquendi Dialecticorum diffinierint aliqui suppositionem accidentalem esse acceptiōnem nominis communis. Ecce enim *Petrus Hispanus* diuidit accidentalem suppositionem in communem & singularem; ergo non coarctatur accidentalis suppositio duntaxat ad nomen commune.

Aduerte tertio, nomen commune potest singulariter supponere non solum in voce, sed etiam in mente, dum adiungitur illi syncategorema demonstratiuum, vel quomodolibet alias restringatur nomen commune ad supponendum pro vno tantum singulari. Vt si dicas, *hic homo currit, homo qui est Petrus disputat*, ille terminus, *homo*, in voce & in mente supponit singulariter.

Deniq; ad intelligentiam huius diuisionis sufficit dignoscere inter terminum communem & singularem. Ille enim dicitur communis, *qui ex modo sue significationis potest pro pluribus vniuoce accipi*, singularis vero, *qui ex*

K 5 modo

modo sua significationis potest uniuoce pro uno tantum supponere. Diximus, *ex modo sua significationis*, quia sunt aliqui termini communes, quibus à parte rei naturaliter repugnat correspondere plura significata, qualis est hic terminus, *sol, mundus, luna*, qui sunt termini communes ex modo suæ significationis, & prout à nobis concipiuntur. Et uniuoce supponerent pro pluribus, si Deus crearet plures mundos & lunas. Sed maior difficultas est de hoc nomine, *Deus*, si pro vero Deo accipiat, nam repugnat intrinsece ex parte rei significatæ esse plures Deos. Est enim intrinsecum & essentielle Deo, ut sit hic Deus. Nihilominus propter imperfectum modum nostri conceptus, quo Deum concipimus cōfuse, & non sicuti est, dicūt esse terminum communem. Nam si per impossibile aliquis admitteret duos veros Deos, eodem conceptu repræsentaret illos duos singulares Deos.

Quinta diuisio est secundum *Petrum Hispanum*, suppositionis cōmunis
in

in suppositionem *determinatam* & *confusam*. Suppositio determinata est *acceptio termini communis, vel indefinite sine signo, vel cum signo particulari*, vt, *homo disputat, quidam homo disputat*. Suppositionem vero *confusam* ait esse *acceptiōem termini communis cum signo uniuersali*, vt supponunt extrema huius propositionis, *omnis homo est animal, & huius etiam, tantum animal est homo*. Rursus diuidit *confusam* suppositionem in *distributiua* & *confusam tantum*. Confusa distributiua est *acceptio termini distributi*, vt supponit subiectū huius, *omnis homo est animal*. Confusa vero tantum est illa *acceptio termini confuse supponentis & non distributiue*. Vt prædicatum huius, *omnis homo est animal*. Hæc Petrus Hispanus.

Fateor tamen diuisionē prædictam & subdiuisionem distinctius & cōmodius fieri potuisse ad vtilitatem Dialecticæ disputationis sub hac forma. Suppositio communis alia est *distributiua* & alia *particularis*. Suppositio distributiua est *acceptio termini cōmunis, qui ab aliqua*

aliquo signo vniuersali sic afficitur, ut vniuersaliter accipiat pro omnibus suis significatis secundum exigētiam copulae, ut subiectum huius, *omnis homo currit*, & huius: *Nullus homo est animal*. Vbi etiam prædicatū distributiue supponit. Suppositio vero particularis est *acceptio termini communis non distributi*, ut si dicas, *homo est albus, quidam homo est albus*. Sed hæc suppositio particularis est duplex. Alia enim est *determinata* & alia *confusa*. Determinata suppositio est *acceptio termini ex parte*, cuius propositio pro vno tantum supposito verificari potest. Sic supponit subiectū harum, *homo est albus, homo nō est albus*. Particularis vero suppositio cōfusa est *acceptatio termini ex parte*, cuius propositio non postulat ad sui veritatem vnum suppositum, ut prædicatum huius, *omnis homo est animal*, supponit confuse: quia illa propositio ad sui veritatem non exigit prædicatum pro vno aliquo supposito accipi. Neque enim poteris inferre ex hac propositione: *omnis homo est animal*; ali-
quod animal esse omnem hominem
nam

nam prædicatum in illa vniuersali pro alio & alio supposito sigillatim potest respondere singulis suppositis subiecti. Dixi, potest respondere; quia si aliquod animal determinatum fuerit omnis homo, etiam illa erit vera, *omnis homo est animal*. Non enim exigit, sed neque excludit, cum suppositio est confusa, posse propositionem pro aliquo determinato supposito verificari: sed manet indifferens, & idcirco cōfusa suppositio dicitur. Hæc omnia melius exemplis & exercitio intelliguntur, quam diffinitione comprehendantur.

Quidam moderni voluerunt diffinire suppositionem confusam termini per hoc quod accipitur pro suis significatis disiunctim numeratis, vt si dicas, *omnis homo est animal*, perinde est ac si diceres, *omnis homo est hoc animal, vel hoc animal, vel hoc animal*, sed hæc explicatio non solum est inutilis ad veritatē propositionis vel falsitatem indagandam, sed etiam confusior explicatio est veritatis illius propositionis collocando
pro

pro prædicato totum illud disiunctum infinitum. Quamobrem nos diximus non opus esse ad suppositionem confusam termini designare immediate aliquod significatum particulare ad veritatē vel falsitatem propositionis indagandam Sed aliunde incipiendū est ad huiusmodi indagationem, scilicet, ex parte signi vel termini vnde cōfusio provenit. v.g. si veritatem huius, *omnis homo est animal*, velis examinare, prius debes singula significata subiecti sigillatim demonstrare sub hac forma, *hic homo est animal & iste homo est animal: &c.* & tunc iam prædicatum ablata confusione verificabitur in singulis propositionibus pro aliquo determinato supposito.

Solent in hoc loco Moderni numerare signa vel terminos, à quibus provenit suppositio distributiva vel confusa. Nā determinata suppositio manifesta est; vbi terminus communis nullo signo afficitur, vel cum aliquo particulari adiungitur. Vt *homo disputat, quidam homo disputat*. Signa itaque distri-

distributiua vel Grámaticis nota sunt, v.g. *omnis, nullus, non, nec, nemo*, & coniunctio, *Et*, si diuísim accipiat: Sicut in hac propositione, *Petrus & Paulus est homo*: In qua subiectum nō est totum illud, *Petrus & Paulus*: ita vt coniunctio efficiatur pars subiecti, sic enim esset falsa ppositio, nā fieret sensus, *aliquid, quod est Petrus & Paulus, est homo albus*. Est itaq; subiectū illius terminus cōmunis constans ex duobus singularib. diuísim, supponit enim p Petro & supponit pro Paulo. Id quod in eius contradictoria manifestius est. *Petrus vel Paulus non est homo albus*, quæ vera est, altero illorū nigro existenti. Æquiualeat enim huic: *Aliquid, quod est Petrus vel Paulus, non est homo albus*. Et eius cōtradictoria affirmatiua æquiualeat huic, *omne, quod est Petrus vel Paulus, est homo albus*. Vnde falsa est in casu posito. Si autem coniunctio, &, copulatiu acciperetur, sicut in hac ppositione; *Petrus & Paulus sunt duo homines*, tūc totū subiectū est terminus singularis collectiuus & coniunctio efficit pars subiecti.

Iam

Documenta
circa signa
distribuen-
tia.

Iam vero obseruanda sunt docu-
mēta circa officium signorum distri-
buentium & confundentium termi-
nos. Primum documentum sit. Signa
vniuersalia affirmatiua habent distri-
buerē terminum communem imme-
diatum & confundere mediatum, nisi
forte aliunde impediuntur. v.g. in hac
propositione, *omnis homo est animal*,
subiectum accipitur distributiue &
prædicatum confuse. Si autem præ-
ponas negationem eidem propositio-
ni & dicas: *non omnis homo est animal*,
impeditur à negatione, ne distribuat
subiectum, & ipsamet negatio impe-
ditur à signo vniuersali affirmatiuo, ac
proinde subiectum manet determi-
nate supponens & prædicatum distri-
butiue. Et hoc propter naturam ne-
gationis, quam dicunt esse malignan-
tis naturæ: quia totum, quod post se
inuenit, destruit, & eius oppositum
ponit.

Negatio est
malignantis
natura.

Secundum documentum est, signa
vniuersalia negatiua distribuunt o-
mnes terminos communes post se po-
sitqs,

fitos nisi aliunde impediuntur. v. g. *Nullus homo est albus*, subiectum & prædicatum supponunt distributiue. Sed in hac. *Nullus homo non est albus*, prædicatum supponit confuse; nam æquiualeat huic. *Omnis homo est albus*. Si autem dicas. *Nullus homo est omne album*, subiectum supponit distributiue & prædicatum cōfuse. Æquiualeat enim huic, *omnis homo album non est*.

Vnde sit tertium documentum. Quotiescunque ablata negatione remanet aliquis terminus distributus respectu alterius determinate supponentis, tunc apposita negatione aut signo negatiuo terminus distributus remanet confuse respectu alterius, qui supponebat determinate, qui posita negatione distributiue supponit.

Quartum documentum, si ablato signo vniuersali negatiuo superest aliquis terminus distributus respectu alterius confuse supponentis, tunc iterum posita negatione terminus distributus trāsit in determinatam suppositionem: & terminus, qui erat confuse,

L

fuse,

fuse,transit in distributiuam suppositionem respectu alterius supponentis determinate. Est exemplum. Si ab hac propositione, *Non omnis homo est animal*, auferas negationē, remanet subiectum distributum respectu prædicati confuse supponentis. Si vero iterum adiicias negationem, subiectum supponit determinate, & prædicatum respectu illius distributivæ. Ex dictis collige obiter, malam esse consequentiam à confusâ ad determinatam suppositionē. Sed à determinata ad confusam bona est consequentia. v. g. si ex hac, *omnis homo est animal*, inferas, *ergo animal est omnis homo*, mala est consequentia, nam antecedēs est verum, & consequens falsum. E contrario vero bona est consequentia, v. g. *aliquod animale est omnis homo*, *ergo omnis homo est animal*. Nam plus requirit ad sui veritatem antecedēs, quam consequens. Sed de hoc inferius plura dicemus.

Vltimum documentum sit. Quando vnum signum negatiuum fertur in alterum negatiuum, inuicem se impe-

impediunt, ita vt neutrius virtus vltra
secundum signum transeat, v. g. si di-
cas; *Nonnullus homo est animal*. Perinde
est, ac si vtrumque signum auferas à
propositione. Manet enim subiectum
determinate sicut & prædicatum, &
propositio est affirmatiua. Si autem
dicas; *Nullus homo non est animal*, subie-
ctum quidem distribuitur & copula
manet affirmata & prædicatū suppo-
nit particulariter cōfuse, & tota æqui-
ualet huic, *omnis homo est animal*.

Præterea notanda sunt alia signa, *Signa spe-*
quæ à Dialecticis vocātur, *specialia con-*
fusionis, quoniam specialem habēt in-
fusionis.
terpretationem. Huiusmodi sunt, *Pro-*
mitto, *Requiritur*, *Peto*, *Opto*. Item, *Neces-*
sario, *Neceffe est*, & omnia aduerbia nu-
meralia: vt *bis*, *ter*, *quater*, &c. Quæ o-
mnia terminū communē, in quem fe-
runtur confundūt: ita vt ad veritatem
propositionis nō requiratur determinatū
vnum suppositū ex parte illius termi-
ni. v. g. Cum dico, *promitto tibi equum*,
non determino aliquē equum singu-
larē: sed indifferēter promitto equum
L 2 quem

quem dare voluero. Similiter cum dico, *requiritur equus ad equitandum*, non designo aliquē equum: Nullus enim equus requiritur ad equitandum: quia sine quolibet equo signato poterit fieri equitatio. Similiter, *Petrus bis cantauit missam*, & tamen nullam missam bis cantauit. Supponit enim confuse accusatiuus ille. In his exemplis & similibus confusa suppositio est illius termini, in quem feruntur illa verba vel aduerbia. Quæ omnia communi modo loquendi regulanda sunt. Sensus igitur illius propositionis. *Requiritur equus ad equitandum*, conditionalis est si equitatio fit, equo fit. Neq; aliud requiritur ad veritatem illius propositionis quam bonitas consequentiæ. Et idem est iudicium de ista, *Necessarius est equus ad equitandum*.

Vnum tamen non desinam aduertere circa verbum, *promitto*, videlicet non valere consequentiā à determinata ad confusam, sicut neque à confusa ad determinatam. Non enim vallet. *Promitto tibi equum, ergo aliquem equum*

equum tibi promitto; & hoc manifestum est. Sed vice versa non valere consequentiã, videbitur alicui fortasse falsum. Sed re bene inspecta, verum apparebit. Et ratio est. Nam si ego habeam duos equos, ex quibus Brunellum promitto, & Brunellus interim forte moriatur, tunc antecedens est verum, scilicet, aliquem equum promisi. Et tamen consequens est falsum promisi equum. Et probatur. Quia omnis qui promisit equum, obligat se dare equum. Sed mortuo Brunello iam non tenebor dare equum, Non enim fuit forma obligationis in communi, sed in particulari pro isto equo designato. Si autem sub hac forma promissem, *Promitto tibi equum*, proculdubio tenerer, mortuo Brunello, adimplere promissum dando equum.

Tandem de relatiuorũ suppositione distributiua vel determinata vel confusa multa miscent moderni, quæ à latinæ Linguae peritis mutuanda sunt. Nihilominus vt aliquid temporis concedamus, regulas quatuor

ex Petro Hispano in medium proferam.

Prima regula est: Relatiuum generans sensum copulatiuum, vt, *homo qui est doctus disputat*, æquiualeat huic; *homo disputat*, & ille est *doctus*. Dicit illa propositio æquiualeere copulatiuæ, quia illa formaliter est cathégorica, nam totum illud; *homo, qui est doctus*, & subiectum respectu principalis copulæ, *disputat*. Aliam enim copulam adiunctam relatiuo vocat copulam implicationis. Sed hæc aduertentia parum vtilitatis habet. Nam cum dicitur, *homo, qui est doctus disputat*, breuius & magis latine diceretur, *homo doctus disputat*. Et vniuersaliter vbi inueneris talẽ copulam implicationis, pone loco illius participium, & nullam inuenies difficultatem ad ministerium disputandi in oppositionibus enunciationum & in materia syllogismorum.

Secunda regula: Relatiuum referẽs copulatiue suum antecedẽs positum in altera cathégorica, refert illud restrictẽ pro eo, pro quo antecedentis cathégorica verificari postulat. v. g.

homo

homo est albus & ille disputat, facit hunc sensum & ille homo, qui est albus disputat. Utilitas huius regulæ est, vt intelligas non satis esse ad veritatem secundæ categoricæ, loco relatiui poni antecedens, sed necesse est, vt cum illa restrictione verificetur categorica relatiui.

Tertia regula. Relatiuum reciprocum supponit sicut suum antecedens sigillatim, vt, *omnis homo diligit se.* Relatiuum, *se*, supponit distributue sigillatim: ita vt singulis suppositis subiecti distributi respondeant singula supposita relatiui. v. g. cum designantur singulares subiecti, *iste homo diligit se*, iam relatiuum etiam singularizatur, ac si dicas, *Petrus diligit Petrum, Ioannes diligit Ioannem*, & in hac propositione, *homo non est ipsemet*, relatiuum supponit determinate sed sigillatim: ita vt ad idem suppositum designatum in subiecto referatur & singularizetur prædicatum: hæc etiam regula parum utilitatis habet: Nam latinæ Linguae periti de reciprocatione

sui & suis certiora præcepta tradiderunt.

Ultima regula: Relatiuum non reciprocum supponit eadem suppositione distributiua, vel determinata, vel confusa, qua supponeret suum antecedens, si eodem situ collocaretur. v. g. *omnis homo disputat & ille docte loquitur*, dicunt relatiuum, *ille*, supponere determinate. Sed profecto in communi vsu loquendi illud relatiuum, *ille*, in illa copulatiua est quasi reciprocum: ac si diceres, *omnis homo disputat, & ipsemet docte loquitur*. Sed de huiusmodi plus satis dictum est.

C A P. V I.

De Ampliatione & restrictione.

Quid ampliatio & restrictio.

SECUNDA & tertia proprietas Logicalis est *ampliatio & restrictio*: de quibus, quia ad inuicem opponuntur, simul agendum est. Diffinitur itaque Ampliatio, *extensio termini à minori ad maiorem suppositionem vel acceptionem*. Restrictio

Restriçtio vero est *coarctatio termini à maiori ad minorem suppositionem vel acceptionem*. Exemplum prioris diffinitionis sit, *Homo possibiliter est iustus*. Exemplum secundæ, *Homo iustus est Dialecticus*. In priore exemplo *homo* dicitur ampliari. In secundo vero restringi.

Pro harum diffinitionum intelligentia aduerte, nos de industria addidisse particulam illam, *vel acceptionem*; quia, vt terminus ampliatur, non est necessarium, vt supponat; sed sufficit, si accipiat pro suo significato. Etenim subiectum huius: *Antichristus est velfuit*, ampliatur, & tamen non supponit. Et similiter in hac propositione, *equus albus currit*, equus restringitur, etiam si nullus sit equus, pro quo supponat.

Nota secundo quod cum in vtraq; diffinitione fiat comparatio à minori ad maiorē, vel à maiori ad minorem; necesse est designare aliquem statum suppositionis, respectu cuius maior vel minor suppositio reguletur. Vnde regula certa erit iudicandi, quænam

L 5 sit

fit ampliatio, & quæ restrictio, ex copula præsentis temporis. Si enim terminus accipitur pro pluribus, quam acciperetur respectu copulæ temporis præsentis, dicitur ampliari: si autem pro paucioribus, dicitur restringi, ut in exemplis positis videre licet. Vnde sequitur, totum illud subiectum, *homo iustus*, neque restringi neque ampliari, cum dicimus, *homo iustus est sapiens*: quanvis *homo* restringatur pro *iusto*, & *iustus* pro *homine* restringatur. Sed totum complexum simul non restringitur: sed accipitur pro omni suo significato respectu copulæ de præsentis.

Sed est argumentum contra regulam. In hac propositione: *omnis homo fuit albus*, prædicatum restringitur & tamen nō accipitur pro paucioribus, quam acciperetur respectu copulæ præsentis temporis, ergo non est certa regula.

Respondetur, quod quamvis ex modo significationis & differentię temporis verbi de præterito à parte post,

post, neque pro pluribus, neque pro pauciorib. restringatur prædicatum, quam copula de præsentī postulat, nihilominus, quia differentia temporis, ut præteritum est, debet regulari per differentiam verbi præsentis temporis: idcirco placuit merito Dialecticis statum suppositionis termini constituere respectu copulæ de præsentī: ita ut omnis alia differentia, quæ non includit præsentis temporis supposita, cēseatur restrictio. Omnis autem alia acceptio termini, quæ non excludit supposita præsentis, & insuper amplectitur alia alterius differentię temporis, est ampliatio. Acceptio vero termini, quæ excludit, vel non includit præsentis temporis omnia supposita, restrictio est.

Ex quo sequitur, quod in hac propositione, *omne album fuit nigrum*, subiectum ampliatur: quia non solum accipitur pro præsentibus albis, sed etiā ultra pro albis præteritis. At vero prædicatum, *nigrum*, restringitur: quia coarctatur ita pro præterito nigro, ut
 nullo

nullo modo accipiat pro præsenti nigro.

Sequitur secundo in hac propositione, *omnis homo est & fuit albus*, prædicatum restringi ab illa copula copulata, ita ut non accipiat pro quolibet albo præsenti, sed pro illo tantum quod simul est albus, & fuit albus. Subiectum vero ampliatur, quia accipitur pro omni homine præsenti vel præterito, & pro omni illo distribuitur. Non itaque sufficit, ut terminus amplietur, quod accipiat cum pluribus differentiis temporis copulatum, sed requiritur, quod disiunctim accipiat pro omni illo, quod est vel fuit, aut est vel erit.

Nota tertio, duplicem esse ampliationem vel restrictionem. Alteram respectu plurium suppositorum aut pauciorum, alteram respectu plurium temporis differentiarum. Illa convenit tantum terminis communibus: hæc vero etiam singularibus, ut in hac; *Antichristus possibiliter est; Adam est vel fuit*. Et utraque suo modo potest dici maior

maior vel minor suppositio, cum sit extensio termini vel coarctatio respectu sui significati, pro quo verbo vnitur.

Deniq; tota difficultas diiudicandi in speciali, quisnam terminus amplietur vel restringatur, est in cognoscendo, quænam sint dictiones siue cathegorematicæ, siue syncathegorematicæ, copulatiuæ vel restrictiuæ. Et quidem de restrictiuis nulla regula datur à Dialecticis, sed sola diffinitione restrictionis contenti sunt, relinquentes iudicium communi modo loquendi. At vero Ampliationis diiudicandæ non minus, quam octo regulas constituunt, quas etiam ad communem modum loquendi poterant remittere.

Qua in re aduertat Dialecticus, vbi fuerit obscuritas in modo loquendi, distinguendum esse, an sic vel aliter terminus accipiatur: v.g. volunt Dialectici, quod verbum præteriti temporis ampliet ante se ad illud, quod est vel fuit, & post se restringat ad illud, quod fuit in aliquo tempore determinati-

terminato, ita vt hæc sit vera, *Adam fuit omnis homo*. Nam antequam Heua creata fuisset, erat omnis homo. Verum tamen quidam aliter concipiunt & videtur illis prædicatum distribui pro omni homine præterito. Similiter in hac propositione; *omnis homo fuit in arca Noe*, aliqui concipiunt, quod in aliquo tempore determinato verificabatur in tempore præterito, quod omnis homo erat in arca Noë, reliquis hominibus suffocatis. Alii vero concipiunt omnem hominẽ siue præsentem siue præteritum aliquando fuisse in arca Noe. Et hæc est communis sententia modernorum: In huiusmodi ergo controuersia melius est distinguere & conuenire, quam contentionibus deservire.

Vnum tamen certissimum esse debet verbum præteriti temporis, & verbum futuri temporis ampliare ante se terminos connotatiuos quantum ad formale significatum, vt si dicas, *album fuit nigrum*, non est sensus, quod aliquo tempore fuerit album nigrum,
hoc

hoc enim impossibile est : sed sensus est, quod album, quod est vel fuit album, fuit nigrum, nō pro eodem tempore determinato sed pro eodem vel pro alio. Similiter dicēdum est de ista, *album erit nigrum*, & de ista, *iustus erit peccator*. Volunt autē Dialectici, quod etiam quantum ad supposita termini positi ante verbum præteriti temporis, vel futuri fiat ampliatio, vt si dicas: *omnis homo erit albus*, terminus, *homo*, accipiat & distribuatur non solum pro futuris, sed etiam pro præsentibus : ita vt illa propositio sit falsa, nisi homines etiam præsentēs sint futuri, & futuri albi. Et hic est communis modus loquendi modernorum Dialecticorum. Si quis autem aliter senserit, melius erit in disputatione distinguere, quam proterue contendere.

Iam vero de Ampliatione quatuor aduerbiorum, scilicet, *Possibiliter*, *Impossibiliter*, *necessario*, *contingenter*, modales propositiones constituentium, suo loco dicendum erit : & similiter de ampliatioe verborum, *incipit & desinit*,

definit, & de eorum Appellatione in *lib. 4.* decernemus quid sit sentiendum. Denique de verbis significantibus actum animi interiorē ita manifestum est, Ampliare vsque ad impossibilia, ut non opus sit prolixas regulas constituere. v. g. *concupio Chimeram, desidero volare, significo hircoceruum*, certū est ea verba ampliare accusatiuos, quos regunt etiam vsque ad impossibilia, videlicet ad id, quod est, vel fuit, vel erit, vel potest esse, vel imaginatio est.

Quid sit alienatio.

De Alienatione tādem vnum verbum dicendum est. Est enim Alienatio *distractio termini à propria ad impropriam acceptionem.* Vnde quot modis contingit terminum improprie accipi, tot etiam modis alienatur. Hæc autem alienatio potest prouenire vel ex prædicato, vel ex adiuncto, v. g. *homo est pictus*, alienatur subiectum à prædicato, vel si dicas; *homo mortuus sepelitur.* Aliquando etiam ratione totius orationis & vsu loquendi, ut si dicas, *Petrus est quidam leo*, alienatur nomen

nomen leo, vt accipiatur pro homine forti, vel crudeli. Hæc omnia ex communi modo loquendi considerata sunt.

Sunt etiam quædam aliæ proprietates, quæ ad restrictionem reduci possunt, qualis est diminutio & remotio. Nam diminutio est *detractio significati ratione termini adiuncti*, vt si dicas: *Æthiops est albus secundum dentes*. Neque tamen intelligas significationē termini, *albus*, minui: semper enim significat habentem albedinem: sed tamen ratione adiuncti non applicat suum formale simpliciter ad subiectū, sed duntaxat ad illam partem expressam per adiunctam particulam secundum quid. Si autem dicas, *Simia est homo secundum quid*, iam est alienatio quia distrahitur terminus à propria ad impropriam acceptionem. Remotio autem est *detractio termini ab omni suppositione*. Vt si dicas: *homo irrationalis currit*, efficis ratione adiuncti, vt homo cum illo adiuncto pro nulla re possit supponere, neque proprie, neque im-

M proprie.

proprie. Cum autem dicis, *homo mortuus sepelitur*, non remouetur homo omnino à suppositione: sed improprie supponit pro cadauere, tūc enim mortuus, accipitur nominaliter pro eo, quod in præsenti vita caret, quam antea habuerat. Si autem participialiter acciperetur, falsa est propositio. Nam ille homo, qui est mortuus, non sepelitur, quia non manet suppositū: sed persona quæ mortua fuit. Hoc autem exceptionem habet in Christo Domino, eo quod manet suppositum & persona, quæ fuerat vere homo. Et idcirco hæc propositio vera erat & Catholica quando eius corpus sepeliebatur, *homo mortuus sepelitur*. Si tamen mortuus participialiter accipiat ut sit sensus, *hic homo mortuus fuit, & sepelitur*, verissima est. Probat. Quia hæc persona, siue hic filius Dei est vel fuit homo, qui mortuus est, & nūc sepelitur. Etenim filius Dei vere & proprie sepeliebatur propter vnionē personalem ad corpus, sicut filius Dei vere & proprie descendit ad inferos, ppter vnionem

nem personalē ad animam. Quia igitur si mortuus participialiter accipiat, ampliat ad id, quod est vel fuit, sicut si dices, *homo qui fuit*, sequitur veram fuisse illam propositionem, *hic homo mortuus*, demonstrata persona filii Dei, *sepelitur*. Fateor tamē, quod ex cōmuni vsu loquēdi *mortuus* nominaliter accipitur, nisi quando adiungitur cum verbo *est* vel *fuit*, vel *erit*, ut si dicas, *homo est mortuus*, &, *Christus qui est in cælo est mortuus pro nobis*. Et: *Petrus erit mortuus*. In quibus propositionibus Christus & Petrus proprie supponunt.

Sed fortasse quæris, utrum in hac propositione, *homo moritur*, subiectum supponat proprie vel improprie. Videtur enim esse impropriam suppositionem, quia prædicatum alienat subiectum, cum sit verbū præsentis temporis importans priuationem vitæ, ergo non potest prædicatum conuenire subiecto proprie supponenti.

Respondetur esse quædam verba præsentis tēporis, quæ ampliant subiectum ad id, quod est vel immediate

M 2 ante

ante hac fuit, sicut verbum, *desinit*. Tunc enim vere homo desinit, quando non est, sed immediate ante hoc instans fuit. Et tale verbum est, *moritur*, quare hæc propositio vera fuit in sensu proprio in illo instanti mortis Christi, *Christus moritur*. Sufficit enim quod immediate ante hoc instans fuerit Christus.

Reliquum erat ad complemētum huius materiæ de Ampliatione & Restrictione regulas & documenta statuere argumētandi ab amplo ad non amplum, & à restricto ad non restrictum. Sed hæc omnia *lib. 3.* dicemus.

CAP. VII.

De Appellatione.

*Definitio
appellationis.*

VLtima proprietas ex his, quæ possunt accidere termino posito in propositione, considerata, est Appellatio. Cuius definitio est: Appellatio est applicatio significati formalis unius termini ad significatum formale alterius. Quæ duplex est. Quædam est *realis*, & quædam

quædam rationis. Realis est applicatio accidentis realis ad formale alterius termini, ut in hac proposit. one, Petrus est magnus logicus, in qua terminus ille, magnus, sic accipitur, ut magnitudo non ad personam Petri in quantitate, sed ad logicam, quæ in illo est, denotetur applicari; Appellatio vero rationis, est applicatio accidentis rationis, ut in hac, homo est species.

Hæc sunt à *Petro Hispano* dicta & ab omnib. Dialecticis Modernis admiffa. Pro quarum diffinitionum intelligentia necesse est, recolere diuisionem *in lib. i.* factam de termino in absolutum & connotatiuum. Nam in diffinitione appellationis in communi videtur insinuari non cōtingere appellationem nisi inter duos terminos, cōnotatiuos. Nam si appellatio est applicatio significati formalis vnius termini ad significatum formale alterius, necesse est, vtrumque terminum habere significatum formale & materiale. Id quod in exemplo posito de appellatione reali, *ut Petrus est magnus*

M 3 *logicus,*

logicus, manifestum est. Nam tam, *magnus*, quam, *logicus*, terminus connotatiuus est. Alter enim magnitudinem, alter logicā formaliter significat per modum alteri adiacentis, quæ est diffinitio termini connotatiui. At vero in appellatione rationis non est facile distinguere, quomodo inueniatur applicatio significati formalis vnius termini ad significatū formale alterius: vt in hac, *homo est species*, prædicatum quidem terminus cōnotatiuus est significans de formali accidēs rationis, quæ dicitur secunda intentio. At vero subiectum, *homo*, terminus absolutus est. Quomodo ergo verificabitur, quod ad formale significatum illius prædicatū illud, *species*, applicet suū formale significatum, quod est accidens rationis, quod dicitur secūda intentio speciei. Nullo enim modo homo habet formale significatum, cui possit applicari formale speciei. Homo enim hominem realem dicitur significare. Dicitur enim significare naturam humanam seu humanitatē in supposito. Sed homini

homini reali conuenire non potest: quia non inuenitur homo realis, quin sit singularis, ac proinde non erit species: rursus natura humana siue humanitas non est species: non enim illa est quæ prædicatur de indiuiduis. Nullū igitur significatum formale habet ille terminus, *homo*, cui applicetur significatum formale speciei. Si autem dixeris, significatum formale illius termini, *homo*, esse quidem hominem realem, sed non prout est in se, sed prout est in conceptu mentis; Contra quia iste terminus, *homo*, non significat hominem esse in conceptu mentis, alias esset terminus secundæ intentionis. Habeo igitur intētum non esse bonam illam diffinitionem appellationis in cōmuni datam, siquidem non conuenit appellationi rationis, quæ vera appellatio est.

Pro intelligentia huius difficultatis *Explicatio* memor esto eorum, quæ diximus *appellationis* de suppositione simplici & naturali. *rationis.* Nuncautem notandum est in his tribus propositionibus. *Homo est animal*

M 4 ratio-

rationale, *homo currit*, *homo est species*, subiectum illud eundem conceptum habere in mente & idem significare: sed acceptio & suppositio diuersa est. Nam in hac propositione, *homo est animal rationale*, supponit naturaliter non solum pro homine, secundum quod immediate significatur per idem terminum & conceptum communem, sed etiam pro singulis indiuiduis possibilibus: & idcirco suppositio naturalis est etiam personalis. At vero in hac, *homo currit*, subiectum illud supponit accidentaliter, propterea quod actio currendi contingentem conuenientiam habet cum re significata per subiectum: & illud prædicatum quando conuenit homini, idcirco conuenit: quia immediate actio currēdi accidit Petro, & quia Petrus currit, homo dicitur currere, vel quia Paulus currit. Cæterum non quia Petrus est animal rationale vel risibilis, idcirco homo est animal rationale & est risibilis: sed potius vice versa, quia illa prædicata habent per se naturalem, & in-

& intrinsecam conuenientiam cum homine: idcirco dicuntur de singularibus, quæ continentur sub ratione hominis. Iam vero in illa tertia propositione, *homo est species*, neque subiectum supponit naturaliter, neque accidentaliter, quia non supponit personaliter, suppositio enim personalis est quæ diuiditur in naturalem & accidentalem. Sed supponit simpliciter, propterea quod accipitur ab intellectu, ut supponat pro suo immediato significato, taliter quod excludat à prædicatione prædicati significata mediata, qualia sunt supposita singularia illius termini, *homo*. Nunc igitur cum in diffinitione appellationis in communi dicitur, *est applicatio significati formalis unius termini ad significatum formale alterius*, intelligendum est de formali alterius termini eo modo quo formale significatum habuerit. Si enim fuerit terminus absolutus, significatum formale eius erit illud quod immediate & per se primo significat. Deinde debet intelligi de significato for-

M s mali

mali præcise, scilicet, excludendo significatum materiale eo modo, quo materiale habuerit. Atqui per hanc doctrinam explicatur nostra difficultas. Nam *homo* cum sit terminus absolutus, non aliud habet significatū formale præter illud, quod immediate & per se primo significat mediante conceptu communi, quem exprimit dum significat hominē verum & realem. Quando igitur tale fuerit prædicatum, ut virtute suæ significationis postulet rem significatam immediate per subiectum, ut quatenus illo proprio conceptu concipitur, subiiciatur prædicato; tunc prædicatum applicat suum significatum formale, quod est accidens rationis ad formale significatum subiecti. Itaque quanuis semper *homo* in propositione accipiat per conceptu hominis tanquam conditione, sine qua non supponit neque accipitur: tamen quando prædicatum est talis significationis, ut illam conditionē in formalitatem quodammodo conuertat, eo quod secundum

dum illam præcise conuenire denotatur ipsi subiecto ; tunc est vera appellatio rationis: quia est applicatio significati formalis rationis ad immediate significatum, pro vt formaliter est in ratione secundum conceptum adæquatum rei significatæ. Hinc sequitur has propositiones esse falsas, *Petrus est species, homo est genus, homo est differentia*, quia illa prædicata non possunt conuenire talibus subiectis, cum illa reduplicatione, quatenus propriis & adæquatis cōceptibus concipiunt. Haftenus de Appellatione rationis.

Iam vero de *Appellatione reali* cognoscenda & dignoscenda duæ regulæ *de appellatione reali.* constituuntur. Prior est. Quando adiectiuum ponitur à parte prædicati, & substantiuum à parte subiecti, non est appellatio, sed sola applicatio adiectiui ad suppositum substantiui, v. g. in hac propositione: *Petrus logicus est magnus*, non denotatur magnitudo conuenire Petro ratione logicæ, si autem logicus cōcipiatur in hac propositione vt pars prædicati, etiã si antecedit copu-

copulam , erit vera appellatio , vt si proferas, *Petrus*, & quadam suspensione spiritus facta prosequaris, *logicus est magnus*, perinde est, ac si diceres *est logicus magnus*.

Secunda regula. Quando adiectiuum & substantiuum sunt à parte eiusdem extremi , tunc adiectiuum appellat supra formale substantiui. Ex hac regula intelliges, quod in symbolo dicitur, *& homo factus est*. Nam subiectum illius propositionis non est, *homo*, neque totum illud, *homo factus*; sed filius Dei vnigenitus, de quo præcesserat, *Qui propter nos homines & propter nostram salutem descendit de cælis, & incarnatus est de Spiritu sancto ex Maria virgine, & homo factus est*. Vbi manifestum est illud complexum, *homo factus*, esse prædicatum, & participium, *factus*, applicare suum significatū formale non simpliciter ad suppositum substantiui, quod est filius Dei, sed ratione humanitatis. Et miror quendam modernum in suis institutionibus Dialecticis pro comperto habuisse, hanc propositionem -

positionem esse falsam, *Christus est homo factus*: quia substantium ponitur ante adiectivum: Cum tamen in symbolo ponatur substantium ante adiectivum à parte prædicati: & nihilominus illa propositio sit Catholica, quam ille dicit ex vi verborum negari debere. Operæ precium erit hic advertere obiter circa terminum, *homo*, quod quamvis ex modo suæ significationis sit terminus absolutus, tamē ut dicitur de filio Dei, talem habet acceptionem, quantum ad proprietates Dialecticas, ac si esset terminus connotativus. Vniuocē quidem dicitur de nobis & de filio Dei; sed quia supposito filii Dei ex tēpore secundū fidem Catholicam vnita est humana natura, personis autem creatis humanæ naturæ, vsque adeo intrinseca est humanitas, ut illa destructa, destruantur personæ & personis destructis, etiam in illis humana natura destruat: idcirco quando *homo* dicitur de nobis, omnino se habet ut terminus absolutus quantum ad Dialecticas propri-

proprietates quæ accidunt termino
 posito in propositione. At vero res-
 pectu filii Dei, quantum ad istas proprie-
 tates appellationis & ampliacionis,
 perinde se habet, ac si terminus esset
 connotatiuus. Itaque differentia non
 est in modo significandi ipsius nomi-
 nis, sed quantum ad proprietates, quæ
 ex tali acceptione consurgunt. Hinc
 sequitur hanc propositionem esse ve-
 ram, ostenso Christo, *hic homo creauit*
Angelos, quia subiectum ampliatur
 quantum ad formalitatem importa-
 tam per terminum, *homo*, perinde at-
 que in ista, *iste equus claudus cucurrit ve-*
lociter ante annos tres: Non enim erat
 claudus quando currebat. Sed sensus
 est, *iste equus, qui est vel fuit claudus, cur-*
rebat olim velociter. Similiter hæc pro-
 positio est falsa, *iste homo est factus*, vbi,
iste homo, tenet locum subiecti, & ra-
 tio est, quia prædicatum adiectiuum
 applicat suum significatum formale
 ad suppositum substantiuum, & non ra-
 tione humanitatis. Sed hæ regulæ ex
 communi modo concipiendi corri-
 gendæ

gendæ sunt. Nam profecto si dicas, *hoc album est intensum*, demonstrato lacte, appellatio est: quia denotatur intensio significata formaliter per prædicatum conuenire subiecto ratione albedinis, quod est significatum formale subiecti, & confirmatur esse veram illic appellationem. Quia hæc est mala consequentia, *hoc album est intensum*, demonstrato lacte, &, *hoc dulce est hoc album*, ergo *hoc dulce est intensum*; & non alia ratione nisi quia variatur appellatio.

Præterea de appellatione rationis solent aliæ duæ regulæ constitui. Prior est. Quando prædicatum est secundæ intentionis, est appellatio supra primum significatum subiecti, prout concipitur proprio conceptu, ut dictum est. Qualia sunt hæc prædicata, *universale, genus, species, diffinitur, diuiditur*, & similia. Sed tamen limitant hanc regulam, dummodo illa intentio significata per prædicatū sit de intentionib. quæ respiciunt res. Quæ limita-

limitatio ponitur ad excludēdam appellationem prædicati huius propositionis, *homo est signum ad placitum*: quia non applicat ad formale significatum subiecti, propterea quod illa intentio signi, respicit non rem, sed terminum: ac proinde subiectum quanuis materialiter supponat, sed supponit tamen quasi personaliter pro omnibus singularibus sibi similibus.

Altera regula est terminus significans actum animi interiorem appellat supra proprium conceptum termini, in quem fertur. v. g. hæc verba, *significo, cognosco, desidero, volo*, significant actum animi interiorem, ac proinde applicāt suum significatum formale ad significatum accusatiui, in quem feruntur secundum proprium conceptum ipsius significati v. g. *cognosco venientem, appeto dulcem cibum*, dicūt esse appellationem rationis. Sed tamen quanuis verba importantia actum animi interiorem appellēt modo prædicto, vt, *concipio hominem, concipio album*: tamen significantia actum
animi

animi interiorem pertinentem ad potentiam appetitiuam nō videntur appellare supra proprium conceptum rei significatæ per accusatiuum, aut quod idem est, supra rem prout concipitur proprio conceptu. Nam profecto qui desiderat honorem, vel appetit cibum aut potum, non hæc appetit quatenus concipiuntur propriis conceptibus. Neque sub hac ratione appetitus fertur in illud obiectum. Nam si sub ea ratione formali appeterentur, statim atque desiderantur, haberentur: quia iam sunt in conceptu & cognitione desiderantis. Potius igitur dicendum est, huiusmodi verba applicare suum formale significatum ad rem, quæ est obiectum sub ratione conuenientiae ad appetentem vel desiderantem. Sed omnia hæc ut iam diximus, ex communi modo loquendi sapientum pensanda sunt.

Deniq; circa nomina vel terminos *De appella-*
 numerales specialis difficultas est, An *tione nume-*
 adiuncti nominibus substantiuis vel *ralium.*
 adiectiuis appellent supra supposita.

N vel

vel supra rationem formalem significatam per substantium. Cuius difficultatis resolutio utilis erit futuris Theologis pro materia de Trinitate & incarnatione. De qua res tres regulæ solent à Modernis constitui.

Prima est, *nomen numerale primitivæ speciei additum termino substantiali appellat unitatem aut pluralitatem ratione formæ substantialis substantivi, sed si addatur adiectivo, non numerat formas, sed supposita.* v. g. si dicas, *tres homines*, nomen illud numerale numerat tres naturas humanas, si autem dicas *tria qualia* non numerat qualitates sed supposita. Hæc secunda pars verior mihi est & magis distincta quam prior. Cum enim dico, *Petrus est unus sciens*, vera propositio est. Non propter unitatem scientiæ: quia potest habere plures scientias, sed propter unitatem suppositi substantialis, siue habeat vnam siue plures scientias. Si autem nomen numerale coniunctum cum adiectivo numeraret duntaxat formam significatam, hæc esset vera, *Petrus est tres*

tres scientes, si triplicem scientiam haberet. Similiter hæc esset vera, si vnica albedo inesset tribus hominibus, *Isti homines sunt tres albi*, ergo nomen numerale tantū numerat supposita dum coniungitur adiectiuo. Est itaque regula quantum ad secundam partem certissima.

Ex qua sequitur quod cum in symbolo dicitur, *non tres omnipotentes, sed vnus omnipotens, non tres aterni sed vnus aternus*: nomen, *omnipotens*, &, *aterni*, non adiectiue sed substantiue accipiuntur à Theologis. Sed de priore parte regulæ non est tanta infallibilitas. Nam cū dico, *Petrus & Paulus sunt duo homines*, proculdubio non solum dualitatem constituo in humana natura, (quam regula appellat formam substantialem significatam per substantium) sed etiā & potissime assero dualitatem in suppositis. Non igitur tale nomē numerale numerat præcise formam substantialem significatam per substantium. Et confirmatur. Nam si Pater & Filius & Spiritus sanctus

N 2 assu-

assumerent eandem singularem naturam humanam (quod Theologi possibile esse dicunt) tunc hæc propositio esset vera; *Pater & Filius & Spiritus sanctus sunt tres homines*. Probatur, quia si essent vnus homo, essent vnum suppositum humanæ naturæ, quod falsum est: quia rursus si essent vnū suppositum, vel illud esset Pater, vel Filius, vel Spiritus sanctus (suppono enim q̄ in illo casu immediate fieret vnio ad proprietates personales diuinas, sicut modo facta est immediate ad filiū in proprietate personali. Vnde non poterat designari hic Deus tanquam immediatum subsistens in humana natura. Similiter si verbum Diuinū assumeret duas naturas humanas sicut assumpsit vnā, sequeretur, quod esset duo homines, ac proinde duo supposita humanæ naturæ. Et enim homo importat subsistentem in humanitate. Sed de hac re in materia de incarnatione latius disputāt Theologi.

Nunc autem breuiter dicam meam
sententiam.

sententiam. Existimo enim primam illam partem regulæ iuxta sententiam *D. Thomæ* multo aliter esse explicandam. Quam ego sic cōstituo. Nomen numerale primitivæ speciei adiunctū substantiivo significanti substantiam in concreto numerat non solum supposita, sed etiam formam vel naturam significatam, v. g. *Petrus & Paulus sunt duo homines*, non solum propter dualitatem humanę naturę, sed etiam propter dualitatem suppositorum. Similiter in hac propositione: *Pater & Filius & Spiritus sanctus sunt tres Dī*, non solum multiplicatur natura Deitatis, sed etiam multiplicatur supposita. Sed falsa est, illa propter multiplicationem Deitatis. Cæterum in illo casu, si tres personæ assumerent eandem humanitatem, satis probabiliter dicitur, quod essent tres homines: quia tunc ille terminus, *homo*, licet non mutaret significationem, vt supradiximus, nihilominus quantum ad proprietates logicales, haberet se, vt se habēt termini significantes accidens

in concreto. Quibus terminis adiecto nomine numerali multiplicatur duntaxat eorum supposita: siue accipiantur illi termini adiectiue siue substantiue. Etenim vnus artifex est, etiam si plures artes habeat. Et duo homines essent duo artifices, etiam si per diuinam potentiam vna eademque singularis ars in vtroque collocaretur. Obserua tamen hoc nomen, *vnus*, cum dicimus. *Pater & Filius & Spiritus sanctus sunt vnus Deus*, non tantum determinare vnitatem naturæ in abstracto, sed etiam vnitatem vnius Dei subsistentis in diuina natura. Quia hoc nomen *Deus* significat in concreto Deitatem. At vero cum dicimus, *vnus Deus*; non determinamus vnitatem personarum. Quocirca regula à nobis posita intelligenda est de termino numerali pluralis numeri: qui proprie numeralis est & numerum significat. Diximus item primitiue speciei, quia nomina numeralia deriuatiue speciei, qualia sunt, *binus*, *trinus*, non sequuntur illam regulam. Fatemur enim Deum

Deum esse trinum & vnum. Trinum quidem propter Trinitatem personarum, vnum autem propter vnitatem Deitatis subsistentis. Nullatenus tamen dicemus, Deum esse triplicem: quia triplicitas dicit multiplicitem, quæ simplicitati diuinę repugnat. Cuius differentię nulla melior ratio assignabitur, quam vsus loquendi sanctorum Patrum & Theologorum, qui cognita rerum natura, ita locuti sunt de tanto mysterio Vide quæ diximus super *primam partem quest. 36. artic. 4. dubio 1.*

Aliæ duæ regulæ quæ à Modernis distinguuntur clariores sunt. Est enim secunda Regula: *Nomen numerale additum adiectiuo numerat supposita.* Quam regulam nos extendimus etiā ad substantiua connotatiua & significantia formaliter accidens: vt, *artifex, doctor.* Quorum exempla supra sunt posita. Tertia regula. *Nomen numerale denominatiuum si adiiciatur substantiuo siue absoluto siue connotatiuo, appellat numerum duntaxat supra concretum substantiuu.*

N 4 Et

Et ponunt exemplum in hac, *Deus est unus & unicus*. Vbi intelligimus vnum concretum subsistens, pro quo immediate ille terminus, *Deus*, supponit non determinās personas. Item concedimus, *Deus est trinus*, quia est tria supposita personalia. Sed pfecto hoc secundum exemplum destruit regulam. Nam adiectiuum, *trinus*, est numerale deriuatiuæ speciei, & coniungitur cum substantiuo; *Deus*; & tamen non appellat numerum supra concretum sui substantiuui: sed potius numerat supposita personalia, non autem immediatū suppositum, prout significatur illo termino, *Deus*. Quamobrem multo melius nos diximus, hæc documenta iuxta communem modum loquendi Ecclesiæ Catholicæ regulanda esse. Hæc de proprietatibus logicalibus dixisse sufficiat.

LIBER



LIBER TER- TIVS, DE MO- DO SCIENDI SIVE DISSE- RENDI.

Tractatus primus.

CAP. I.



Am doctrineꝝ ordo postulat, vt ad potissimum Dialecticæ finem sensim accedamus. Hoc enim proprium Dialecticæ est, omnibus aliis scientiis modum sciendi tradere. Neque tamen nunc de perfecto sciendi modo tractationem instituimus: de hoc enim in postremo libro nostrarum institutionum agendum est. Hic autem hoc tertio libro non eo rigore loquendi de modo perfecte sciendi,

N s sed

sed de via necessaria ad illum differe-
mus. Nimirum de modo faciendi per-
spicuum, quod mente obscurum est.
Hic modus faciendi diffinitur sic. *Ora-
tio alicuius ignoti manifestativa dicitur mo-
dus sciendi. Qui triplex est: Diffinitio; Di-
uisio; & argumentatio.*

Diffinitio

modi sciendi.

Pro intelligentia propositæ diffini-
tionis & diuisionis nota primo, ora-
tionem in diffinitione modi sciendi lo-
co generis collocari, quatenus indif-
ferenter se habet ad orationem perfe-
ctam & imperfectam. Neque enim
omnis modus sciendi est oratio per-
fecta. Sed quidam modus sciendi est
imperfecta oratio, quidam vero per-
fecta.

Sed est obiectio in contrariū. Nam
supra libro secundo, oratio per se pri-
mo diuisa fuit in orationē perfectam
& imperfectam, ergo non potest ite-
rum diuidi per se primo in orationem,
quæ sit modus sciendi, & orationem
quæ nō sit modus sciendi. Confirma-
tur, quia modus sciendi est per se ora-
tio, sicut homo est animal, ergo omnis
modus

modus sciendi est oratio perfecta, vel omnis modus sciendi est oratio imperfecta. Alias oratio in communi immediate diuideretur duabus diuisionibus tanquam genus in species vel differentias.

Hoc argumentum solet aliquos nimium urgere: sed profecto non habet tantum difficultatis, quantum in fronte promittit. Primo quidem, quia huiusmodi diuisiones non sunt tam exactæ generis in species constitutas per differentias proprias contrahentes genus, sicut in prædicamento substantiæ solent fieri diuisiones. Cum enim oratio diuiditur in orationem perfectam & orationem imperfectam, illæ differentiæ perfecti & imperfecti ab effectu accipiuntur. Quoniam perfecta perfectum sensum generat in animo auditoris, imperfecta vero imperfectum. Non enim perfectio illa & imperfectio formaliter constituit speciem orationis: sed importat proprietatem quandam, quæ orationi accidit. Omnis enim oratio perfecte & uniuoce habet oratio-

orationis diffinitionē, quæ nihil aliud requirit ad perfectam essentiam orationis, quam ut habeat partes per se significatiuas iuxta significationem totius: omnis itaque oratio perfecte oratio est. Cum autē dicitur quædam imperfecta, ex eo talis dicitur: quia non perfectum sensum generat in animo auditoris.

Quamobrem non est incōueniens ut iterum diuidatur oratio in modum sciendi & in orationem, quæ non est modus sciendi, nam alterum membrum diuisionis non est per se species orationis, scilicet, non modus sciendi, cum sit illa differentia mera negatio. Sed intentio Dialectici diuidētis orationem in modum sciendi & in orationem, quæ non est modus sciendi, est ex omnibus orationib. eligere eas, quæ insignem vtilitatem præstant ad scientiæ acquisitionem. Deinde etiam in diuisionibus, quæ fiunt in prædicamento substantiæ, aliquid simile accidit propter humanæ cognitionis imperfectionem. Nam primo diui-

diuiditur substantia in corpoream, & incorpoream, & rursus substantia corporea diuiditur in viuentem & non viuentem, & deinceps substantia viuens in sensituiam & insensituiam. Et nihilominus omnis substantia incorporea est viuens & non comprehenditur in aliquo membro determinato diuidente substantiam corpoream, in substantiam viuentem & non viuentem. Vnde videbatur prius diuidenda substantia in viuentem & non viuentem, & rursus substantia viuens in corpoream & incorpoream. Etenim substantia viuens vniuocum genus est ad viuentem corpoream & incorpoream. At vero si ita descenderemus diuidētes rursus substantiam corpoream viuētem in sensituiam & insensituiam, qualis est planta, iam non ultra poterat procedere diuisio ad substantias corporeas non viuentes: ac proinde excluderentur à recta linea prædicamenti substantiæ, nisi iterum ascēderemus ad corpoream substantiam viuentem, & diuideretur in corpoream

poream & immaterialem. Quia igitur prædicamentalis diuisio in vsum hominum fiebant, placuit *Aristoteli* primo diuidere substantiam in corpoream & incorpoream & relictâ incorporea, quæ nobis occulta est, descendit ad corpoream viuentem: cum tamen ratio vitæ non sit limitata ad genus corporis siquidem inuenitur perfecta in omnib. incorporeis substantiis. Hæc dicta fuerint non pro tyronibus, sed p. i. p. i. s. præceptoribus, vt non tam exacte velint diffinitiones & diuisiones proprietatum Dialecticarum examinare: quæ sæpenumero dantur per accidentales proprietates & ab effectu.

Iam vero altera particula, quæ locum differentiæ obtinet, quæ est alicuius ignoti manifestatiua, explicanda est. Non enim quomodolibet aliqua oratio significet vel manifestet tibi aliquid, quid ignorabas, erit modus sciendi, sed illa solû, quæ per se & ex modo intrinseco significandi manifestatiua est alicuius ignoti. v. g. ignoras Episcopum ægrotare, & aliquis dicit
tibi

tibi, *Episcopus agrotat*, tunc illa oratio non est modus sciendi: neq; enim per se manifestatiua est eius, qtu ignoras, magis quam si legeres illam scriptam in pariete. Si tamen aliqua via te certiore reddit de ægritudine Episcopi, hoc profecto nō ex se habet, sed ex autoritate dicentis. Et tunc in mente modum sciendi exerces, si credis Episcopum ægrotare Hunc enim discursum mente exerces. Iste qui dicit, *Episcopus agrotat*; est verax, neq; mentendi occasionē habet, *ergo Episcopus agrotat*. Ecce quomodo illa oratio ex modo suæ significationis & compositionis non est manifestatiua ignoti.

Deinceps prædicta definitio magis explicatur ex ipsa diuisione modi sciendi, sunt enim membra diuisionis quasi exempla adæquata ipsius diffinitionis modi sciendi. Diuiditur itaq; modus sciendi in diffinitionē & diuisionem & argumentationem. Nobis autē libet in primis de diuisione agere; idq; nō immerito. Nam diuisio via est ad diffinitionem sicut & diffinitio ad ar-

Modus sciendi triplex.

ad argumentationem. Deinde quia omnem diffinitionem præcedit diuifio siue entis, siue substantiæ, aut quantitatis, vel reliquorum alicuius supremi generis. Quod si via perfectionis procederemus, primum locum obtinebat argumentatio, secundum diffinitio, tertium diuifio. At quia nunc in Dialecticis institutionibus ab imperfectis ad perfectiora proceditur, primum locum obtineat Diuifio.

Triplex itaque est modus sciendi. Cuius sufficientia hac via ostenditur. Nam ignotum aliquid esse dupliciter contingit, vno modo incomplexè significatum : & sic dupliciter potest ignorari, vno modo. Quid sit: alio modo; quotuplex sit. Et tunc tale ignotum diffinitione & diuisione manifestatur. v.g. ignoras quid sit triangulus & dicitur tibi. Figura habens tres angulos æquales duobus rectis. Hæc est diffinitio. Ignoras rursus quid sit angulus rectus, & dicitur tibi, angulus resultans ex duabus lineis, quarum altera perpēdiculariter super alteram cadit.

cadit. Etiam hæc est diffinitio. Sed rursus ignoras quotuplex sit, & tunc diuiditur triagulus in suas species, vel differentias, & illa est diuisio. Deinceps ignoras vel dubitas aliquam enunciationem verane sit aut falsa, & tunc argumentatione, ignorantia vel dubiū excluditur. v. g. Dubitat quis, an vita studiosa sit delectabilior, quā vitiosa. Tunc tali argumētatione manifestatur, illi, vitam studiosam delectabiliorem esse. Nam quod est conuenientius naturæ hominis, est ei delectabilius: sed vita studiosa est homini conuenientior, ergo delectabilior. Ecce sufficientiam diuisionis, quia nō est alius modus ignorandi ex parte ignoti.

Veniamus iam rursus ad diffinitiones earūdem specierum modi sciendi. Adhuc enim ignoras, quid sit diuisio, quid diffinitio, quid argumentatio. Quæ omnia singulis diffinitionibus manifestanda sunt.

CAP. III. De Diuisione.

De Diuisione.

Est itaq; diuifio oratio rem per fufas partes aut terminum per fufas fignificationes distribuens. Vbi duplex diuifio infinuatur. Altera rei, altera multiplicis fignificationis nominis. Sed hæc fecunda diuifio parū aut nihil pertinet ad Dialecticum. Eft enim Grammatici confiderare varias fignificationes nominum æquiuocorum, fiue à cafu, fiue à confilio. Vt fi dicas, *Hominū alius viuus, alius pectus, vel canis, alius eft marinus, alius latrabilis*, nullius rei diuifionem facis, fed duntaxat diuerfæ fignificationes vnius nominis explicātur. Id quod prodeffe folet Dialectico volenti diffinire canē. Prius enim debet æquiuocam vocē diftinguere & deinde diffinire rem fignificatam, de qua differe re parat. Et hoc fatis fit pro diuifione quid nominis. Circa diffinitionem diuifionis rei quæ eft oratio rem per fufas partes distribuens; aduerte, difcipule, quod aliquādo vocamus diuifionem
totam

totam orationem compositam ex diuiso & partibus diuidentibus : ita ut totum hoc appellemus diuisionem. v. g. *Animalium aliud rationale, aliud irrationale*: vel, *animal aliud est rationale & aliud irrationale*. Aliquando vero duntaxat orationem quæ continet distinctim vel copulatim partes diuidentes, dicimus esse diuisionem. v. g. *rationale vel irrationale*. Sed *aliud rationale & aliud irrationale*. Et hic est proprius & formaliior modus loquendi. Nam diuisio non est enunciatio: sicut neque definitio, quanuis tam diuisio quam definitio enunciationem possit constituere.

Nota secundo quod quia diuisio in partes semper est alicuius totius, necesse est, ut sicut multipliciter dicitur totum, ita etiam & diuisio multiplex sit. Aliud enim est *totum Physicum* quod componitur ex partibus essentialibus, de quarum neutra ipsam totum prædicatur. Sicut *homo* componitur ex corpore & anima rationali in quo diuidimus animam à corpore & corpus ab anima, non quia realiter separatæ

O 2 sint,

sint, sed intellectu distinguimus realem vnam partem ab altera, vere negantes vnam de altera predicari. Nam anima non est corpus, neque corpus est anima. Aliud est *totum mathematicum* quale est continuum & quantitas discreta. Aliud dicitur *totum integrale physicū vel artificiale*. Vt homo diuiditur in caput, in pectus, & brachia, & reliqua membra. Et *domus* in suas partes. Verum est tamē quod ista diuisio integralis annexa est diuisioni quantitatis, quæ per se primo diuiditur in partes integrales.

Aliud est *totum essentiale metaphysicum*: & hoc est duplex.

Aliud *essentiale potentiale*, & aliud *essentiale actuale*. Essentiale quidem potentiale est, quod diuiditur in ea, quæ non actualiter sed in potentia continer. Tale est *genus* quod diuiditur in differentias vel species, quas continet nō actualiter in sua essentia sed in potentia: sicut *animal* diuiditur per rationale & irrationale, & in hominem & equum, & cæteras species. Deinde diuisio

uisio metaphysica & essentialis est, quādo diuidimus partes speciei, quæ actualiter continentur in specie & in diffinitione eius, v. g. sicut in essentia hominis consideramus & diuidimus genus & differentiam quæ actualiter includuntur in homine, v. g. consideramus hominem esse animal & esse rationale, in quo non distinguuntur huiusmodi partes nisi ratione. Quæ tamen distinctio fundamentum habet in re. In huiusmodi itaque diuisionibus metaphysicis partes singulæ non distinguuntur realiter à toto: sed de illo prædicantur, vt, *homo est animal*, *homo est rationalis*, vel etiam totum prædicatur de partibus, vt *homo est animal*, *equus est animal*. Sed inter partes totius potentialis distinctio realis est, vt inter rationale & irrationale, inter hominem & equum. At vero inter partes totius actualis non est realis distinctio, sed rationis tantum, vt inter rationale & animal. Et quanuis differentia dicatur esse extra essentiam generis à Metaphysicis: non tamen sunt

extra eius essentiam in potentia. Nisi enim genus specierum differentias in potentia contineret, neque in specie actualiter contineretur nisi de hoc alias. Est denique *admodum generale* id quod dicitur *virtuale*, quod maxime vtuntur Theologi, diuidentes huiusmodi diuinas in Deo perfectiones vel diuina attributa. Nam cum diuina essentia sit vna simplicissima perfectissima non potest inueniri in Deo distinctio realis formalis, nisi formalis virtutalis. In qua diuisione minima distinctio inuenitur inter partes tam inter se, quam respectu totius. propter suam simpliciter diuinam essentiam, quæ per infinitam suam virtutem perfectionem potest vere sed emittenter fundare nostras distinctiones rationis, quas per distinctos conceptus inter diuina attributa facimus. Et si distinctiones non absolute formales asserimus Thomistæ, sed cum addito, virtualiter formales appellamus. Id quod sufficit, vt sit distinctio rationis ratiocinata. Hæc non pro discipulis

pulis, sed pro Dialecticæ præceptoribus breuiter hinc inuati sunt.

Nunc autem pro discipulis de illa specie diuisionis agamus, in qua totum diuisibile communius est & communius prædicatur & in partes subiectiue diuiditur. Subiectiuas dicimus, quæ possunt esse subiectum respectu totius, quod diuiditur, Diximus etiã illud totum esse cõmunius & prædicabile nō determinantes essentialem prædicationem, neque accidentalem, neque inuocam. Nam fieri potest, quod subiectum diuidatur accidenti, ut in ratione accidentium. v.g. corpus aliud est album, aliud nigrum, aliud medium coloris, aliud calidum.

Diuisibilis etiam ens in substantiam & accidentis, non ut genus, neque ut uniuersum, sed ut analogum. De hoc ipsa diuisionis modo tres conditiones adscribuntur à Dialecticis.

Prima conditio est, ut singula membra sint inferiora respectu diuisi.

Secunda conditio ut omnia membra diuisionis simul sumpta adæ-

O 4 quent

quent & exhauriant confusionem diuifi.

Tertia conditio. Membra diuidentia debent esse inter se opposita, vel realiter, vel suis rationibus formalibus. Istæ conditiones inueniuntur in hac diuisione. *Animalium aliud rationale, aliud irrationale.* Nam animal superius quid est ad rationale & ad irrationale. Nam ad plura se extendit quam singula membra diuisionis. Item secunda conditio illic inuenitur: nam rationale vel irrationale simul adæquat diuifum & confusionem eius exhaurit; omne enim animal est rationale vel irrationale: & rursus omne rationale vel irrationale est animal.

Tertia denique conditio in illa diuisione manifesta est, nam membra diuidentia inter se realiter sunt opposita: nullum enim rationale est irrationale, nec vice versa. Diximus autem satis esse, si formaliter opponantur. Nam in hac diuisione: *Bonorum aliud honestum, aliud utile, & aliud delectabile,* non necesse est, vt membra realiter

ter

ter distinguantur. Virtus enim bonū honestum est & valde vtile & delectabile. Sed ratio honesti formaliter distinguitur à ratione vtilis & à ratione delectabilis. Nam ratio honesti consistit in eo, quod est bonum per se appetibile : ratio vero vtilis quatenus medium est ad præmium : ratio vero delectabilis est consequens rationem honesti, & studiosæ operationis. Sed tamen vice versa inuenitur ratio delectabilis sine vtili & honesto, sicut in fornicatione. Rursus ratio vtilis sine delectabili inuenitur in sumptione amaræ potionis. Imo etiam sine honesto vt in avaritia.

Ex dictis sequitur hanc esse malam diuisionem. *Animalium aliud homo, aliud bipes*: quia rationale includit bipedem. Et rursus quia non omne animal est bipes, vel rationale.

Solet quarta regula constitui à modernis, vt diuisio sit tantum bimembris vel saltē reducibilis ad duo membra: sed ista conditio non est necessaria, quanuis bona diuisio determinata

O 5 membra

membra debeat continere. Nam diuisio quæ in infinitum procedit, non potest exhaurire confusionem diuisi; quia tanta confusio est in processu ad infinitum, quanta in toto diuiso. Quæ propter præter omnem artem diuidetur *homo* per singula supposita quæ in infinitum possent multiplicari. Satis enim est ad Dialecticam vtilitatem nosse vltimam speciem, quæ diuisionem formalem non habet. Diuidi tamen potest materialiter in singularia indiuidua de quorum singulis prædicatur.

Sequitur secundo, diuisiones, quæ sunt per contradictoria, minus esse vtilis ad exhauriendam confusionem diuisi, verbi gratia si dicas. *Animalium aliud homo, aliud non homo*, Quia non homo, nullam particularem rationem animalis dicit. Quæ propter animal aut diuidendum est per species proximas, vt si dicas; *Animal aliud rationale, aliud hinnibile, aliud rudibile, &c.* sed quia species sunt fere infinitæ, hæc diuisio artificiosius reducitur ad duo membra

bra, scilicet, *rationale & irrationale*. Quorum alterum potissimam speciem exprimit, alterum vero priuationem differentię illius speciei includit. Priuationem, inquam, quę supponit aptitudinem in genere non in specie. Alias equus non esset irrationalis, quia ipse non est aptus habere rationem. Sed dicitur animal irrationale, quia secundum rationem animalis genericam intelligitur aptitudo ad rationem. Similiter etiam substantia diuiditur in substantiam corpoream & incorpoream. Vbi alterum membrum ponitur positium, non quia sit potissima species; sed quia nobis est notissima. Alterum vero membrum priuatiue importat substantias immateriales nobis minus intelligibiles, nisi sub negatione corporis.

Denique aduerte quod quando ex ignorantia differentiarum rerum, quę sub diuisione totius prædicabilis poterant cadere, cogimur vti diuisione non solum priuatiua ex parte
vnius

vnus membri, sed etiam contradictoria per negationem expresse significatam in altero membro: semper necesse est, vt diuisum repetatur in membris diuidentibus, verbi gratia in hac diuisione. *Corporum aliud sensibile, aliud insensibile*, necesse est, sic intelligere diuisionem ac si diceres, *Corporū aliud est corpus sensibile, aliud corpus insensibile*. Nam angelus videtur esse insensibilis & tamen non est corpus: Ac proinde membra non essent inferiora respectu diuisi. Poterat tamen quis negare, Angelum esse insensibilem, sicut non est irrationalis, propterea, quod hæc adiectiua non solum dicunt negationem, sed aptitudinem in immediato genere. Sed quando diuisio fit per contradictoria membra, tunc omnino in altero necesse est diuisum comprehendere. Vt v. g. si in proposito dicas. *Orationum alia est modus sciendi, & alia est non modus sciendi*. Necesse erit subintelligere; alia est oratio, quæ est modus sciendi, & alia est oratio, quæ nō est modus sciendi. Alias si, non
modus

modus sciendi, esset integrum membrum diuisionis, esset mala diuisio: quia alterum membrum, scilicet, non modus sciendi, verificatur de nomine: quod tamen non est modus sciendi: Ac proinde deficeret prima conditio bonæ diuisionis. Haftenus de diuisione, quæ est infimus modus sciendi, dicta sufficiant.

C A P. III.

Secundo loco de diffinitione dicendum est, quid sit & quotuplex sit. *Diffinitio est oratio naturam rei aut termini significationem explicans.* Vbi statim duplex diuisio insinuat, altera quæ dicitur, *Quid rei*, quæ naturam rei distincte explicat: Altera, *quid nominis*, quæ quidem duntaxat nominis significationem exponit. Quam quidem negamus simpliciter aut proprie diffinitionem esse. Et probamus. Primo quidem, quia quamuis hic modus explicandi conueniens sit, & aliquando necessarium præambulum ad rei diffinitionem

nitionem inquirendam, ut inquit *Aristot. lib. 1. Topicorum*: tamen ut ille ait *lib. 2. Poster. c. 10.* non proprie diffinitio, sed interpretatio dicenda est. Cum enim quis dicit: *Album est habens albedinem*, significationem quid nominis interpretatur: nullius tamen rei differentiam aut proprietatem explicat. Sed qui dicit: *album est coloratum disgregativum visus*, iam rei significatæ naturam & proprietatem manifestat. Neque obstat, quod simul etiam ipsius nominis significationem explicatius proferat. Non enim propterea dicenda est diffinitio, Quid nominis, quia diffinitio quid nominis duntaxat hoc habet, ut nominis significationem explicet, neque ultra progreditur. Ad diffinitionem, Quid nominis, possunt reduci etymologiæ nominum, ut *lapis* dicitur à lædendo pedem.

De diffinitione igitur *Quid rei* nobis differendum est. Circa cuius intelligentiam notandum in primis, hoc nomen *diffinitio*, vel ut aliis magis placet,

placet, *definitio* vel finitio deriuatum fuisse in vsum Dialecticorum ab antiquiore significatione rerum, quæ secluso ordine ad orationem finiri vel diffiniri dicuntur. Aqua enim in vase pleno existens ab illo realiter diffinitur. Et vt *Quintilianus* ait, vt agrorum fines agros definiunt & claudunt, aliosque ab aliis secernunt; sic definitiones, quibus rerum naturæ declarantur, essentias earum circumscribunt, aliasque ab aliis distinguunt.

Quamobrem sicut de Diuisione diximus, nomen, *diffinitio*, in priore significatione est primæ intencionis terminus: in secunda vero est terminus secundæ intentionis: sicut oratio, quæ genus diffinitionis est, ac proinde definitum correlatiuum ipsius etiam est terminus secundæ intentionis. Et in hac significatione ipsa diffinitio diffinitur, vt sit oratio naturam rei explicans. Vt autem naturam rei propriis finibus, quibus continetur, oratio explicet, necesse est constare orationem
ex ge-

ex genere & differentia. Et ratio est, quia cum omnis essentia de qua definitio desideratur, habeas aliquod in quo conueniat cum aliis, & aliquid quo ab eis distinguatur, consequens est, vt omnis bona definitio duabus saltem vocibus constare debeat. Ex quidem vt *Boetius in tractatu de definitione*, si omnes species suis nominibus appellarentur, ex duobus solum verbis omnis fieret definitio, hoc est, si specierum differentie essent nobis notae, duabus vocibus constaret definitio. Altera quidem, quae significet & exprimat conceptum conuenientiae, altera vero, quae differentiam ab aliis exprimat. Ad proinde genus definitionis dicitur oratio, in quo cum aliis orationibus conuenit. Sed eius differentia ab aliis consistit in hoc, quod rei naturam, de qua queritur, Quis sit, suis propriis finibus distincte complectitur.

Nota secundo, id quod etiam de diuisione proportionabiliter aduertimus, nomine definitionis aliquando etiam

etiam apud *Aristotelem* intelligenda est, duntaxat ipsa oratio, quæ de diffinito conuertibiliter prædicatur. Vt, *animal rationale*, quæ prædicatur de homine, sicut i. *Periherm. c. 4.* Ipsam nominis rationem diffinitionemve, nisi vel est, vel erat, vel erit, aut aliquid tale addatur non esse enunciationem. Et *lib. 2. poster. c. 3.* inquit. In diffinitione nihil de aliquo prædicatur. Aliquando vero nomē, diffinitio, sumitur pro tota enunciatione, in qua diffinitum continetur vt subiectum, vt, *homo est animal rationale.* Docet enim *Aristot. 1. posteriorum cap. 7. & 2. Posterio. c. 10.* diffinitionem aut esse principium demonstrationis, aut conclusionem, aut totam ratiocinationem, sola verborum collocatione à demonstratione differentem. Item *2. Posterio. c. 3.* ait omnem diffinitionem esse vniuersalem & affirmatiuam. Et in hac acceptione ait *Quintilianus* diffinitionē esse rei propositæ propriam & dilucidam & breuiter comprehensam verbis enunciationē. Prior tamen acceptio frequen-

P tius

Tres condi-
tiones bonae
diffinitionis.

tius est in vſu Dialecticorum, & ita
nos vtimur in praefentia. Nota tertio, tres conditiones à Mo-
dernis Dialecticis bonae diffinitionis
numerari. Prima cōditio est, vt cōſtet
ex genere & differentia. Genus dicitur
aliquid ſuperius, & generalius in
quo diffinitum continetur. Differentia
vero eſt illa pars, quae explicat
naturam rei, quatenus ab aliis cōten-
tis in illo ſuperiori diſtinguitur. Et de
illo genere aiunt continere, vt ſit im-
mediatum diffinitio. Quod eſt dicere,
quod inter ipſum & diffinitū non me-
diat aliquid, quod ſit ſuperius ad diffi-
nitum v.g. Hic non eſt bona hominis
diffinitio: *Homo eſt corpus rationale*, quia
inter corpus & hominem mediat cor-
pus viuens, & tuſus viuens ſenſibile,
quod eſt animal. Secunda cōditio eſt,
vt diffinitio diſtinctius ſignificet, quā
diffinitum. Tertia, vt diffinitio non ſit
redundans neque diminuta. Sed pro-
fecto iſtae duae conditiones ſuperfluae
nobis videntur, ſi prima exacte ſerue-
tur. Nam ſi diffinitio conſtat ex pro-
prio

prio generis immediato & ex propria differentia, statim fit consequens, diffinitionem clarescere significare quam diffinitum, quod sub vno conceptu confuso eandem rem significat. Tertia item cōditio ex eadem prima consequitur. Vt nihil habeat diffinitio superfluum aut diminutum. Quæ omnia in hac diffinitione, *animal rationale*; cōstant, Si tamen Angeli essent animalia rationalia, vt quidam olim falso sunt arbitrati, esset diminuta illa diffinitio hominis. Vnde addendum esset, mortale: vel aliquid aliud, quod nos ab Angelis distingueret.

Ex dictis sequitur diffinitum & diffinitione ad invicem alterum de altero æqualiter dici & concludi in universa- literque prædicari, ita vt de quocunq; prædicatur diffinitum, debet prædicari diffinitio & vice versa: Nisi forte aliqua logicalis proprietas destruat in huiusmodi consequentiis à diffinitione ad diffinitum, vel à diffinito ad diffinitionem, siue affirmatiue siue negatiue.

Diffinitio
triplex.

Diuiditur præterea diffinitio in plures species omiffa diffinitione quæ rei & Quid nominis. Diffinitio Quæ rei est triplex *Quidditativa, descriptiva, & causalis*, quatenus etiam tripliciter natura rei explicari potest, vno modo per partes intrinsecas & essentielles. Altero modo per accidentia propria. Tertio per causas extrinsecas, quales est efficiens & finalis.

Diffinitio itaque *quidditativa est diffinitio rei per intrinsecas partes essentielles.* Hæc duplex est altera *metaphysica*, quæ datur per proprium genus & propriam differentiam, vt, *animal rationale.* Et altera, quæ dicitur *Physica*, quæ datur per partes significantes materiam & formam, ex quibus ens naturale componitur verbigratiâ, siâ *Physico* quæras: *Quid sit homo:* respondebitur intra rationem sui subiecti, est *enaturaliale compositum ex corpore & anima rationali.* Et ideo dicitur diffinitio *Physica*, quia obiectum naturalis Philosophiæ est ens mobile siue naturale, quod est compositum ex materia & forma. Quo-
circa

Physicus in suis diffinitionibus semper compositione utitur aut ordinando compositionem. Illa vero prior dicitur metaphysica: quia metaphysicus rationem entis considerat secundum abstractionem à materia sensibilis & motu. Ac proinde diffinitio illa, quæ non datur per partes, quæ reatim componant diffinitum, sed quæ intrinsece constituunt vnum ens perfectum in suo genere, dicitur metaphysica. Sed de hoc alias.

Diffinitio denique Descriptiua est diffinitio rei per eius accidentia: quæ si sunt propria magis accedit diffinitio ad essentiam rei, à qua dimanant huiusmodi accidentia, verbi gratia si dicas, *homo est animal risibile vel disciplinabile*. At vero, si accidentia sint communia & extrinsecus simul iunctis oratione constitutas, quæ non nisi de homine prædicari possit, tunc valde accidentalis est diffinitio, & à ratione diffiniendi, ac proinde ab utilitate modi sciendi aliena. v.g. si dicas, *homo est animal erectum bipes pulchrum, magni cerebri*, vel ali-

quid aliud simile quorū accidentium aggregatio in alio animali non reperiatur; Certe talis definitio non proxime describit rei naturam, sed quasi à longe circumscribit essentiam rei. Et tales circumscriptiones magis videntur ænigmata quam modi sciendi: & obscuriores sunt quam definitionum.

Hoc genere descriptionis Rhetores & Poetæ uti solent. Sed à Dialectico longe absit.

Porro circa omnia prædicta de definitione (ut non mireris postea si in definitionib. quibus scientiarum utitur, etiam ipsa Dialectica, non tam ad unguem videris observari definiendi rationē iuxta documenta data) animaduertendum est humanam cognitionē imperfectā esse in genere intellectualiū creaturarū, quia omnis nostra cognitio ortum habet à sensu & à cognitione rerū sensibilium perphantasmata singularia, in quibus latent rerū essentia maxime substantia cū suis speciebus, & idcirco vix illam rerū differentiā penetramus, sed ex effectibus, quos in

in rebus sensibilibus experimur, rerū
 proprietates potius quam essentielles
 differētia agnoscimus. Ac proinde in
 nulla diffinitione intrinsecā & essen-
 tialē differētiā specierum generis
 substantiæ posita invenimus, nisi for-
 te in diffinitione hominis in qua ratio-
 nale seu ratiocinativum nominis dif-
 ferētia existimatur, per quam essen-
 tialiter constituit in esse animalis. Sed
 nō desunt, qui negent rationale essen-
 tiale esse hominis. Differētiā sed hu-
 manū intellectus conditionē & pprie-
 tatem designat, per q̄ homo differt ab
 intellectualibus creaturis, quia verita-
 te ex veritate cognita discurrendo in-
 quirat. Hoc enim est ratiocinari, ad q̄
 actionem rationale immediatum or-
 dinem dicit. Ac proinde non videtur
 esse essentialis, quia essentialis non imme-
 diate per se ipsam ordinatur ad opera-
 tionem nisi mediante potentia opera-
 tiva. Nihilominus qui asserimus ra-
 tionale esse differētiā essentialē
 hominis non intelligimus per ratio-
 nale potētiam, per quam ratiocinatur

homo: sed radicem, vnde talis potentia & operatio talis egreditur, & hoc ipsum fortasse possumus dicere de aliis diffinitionibus, in quibus loco differentiae incognitae proprias passiones substituimus, vt cum dicimus, *equus est animal hinnibile*, volumus radicem potentiae, quae hinnit insinuare. Ex dictis sequitur, *quod si ea, quae in prospectu nostro sunt, vt inquit sapiens, inuenimus cum labore, quae in caelis sunt, quis inuestigabit?*

Sed quorsum exēpla extranea quoniam rimus de modo sciendi differentes? Rationem colamus diffinitionē nominis & vbi, & inueniemus in eis plures, multo quam duas partes diffinitionis. Neque proprium genus, sed loco illius, vocem posuimus. Differentiam vero per se per particulas cum Aristotele circumlocuti sumus. Hoc igitur documentum habeamus, vt quando possibile fuerit per duas particulas diffinitionis naturam rei explicet, constituat, non plures apponamus. Sed vbi diffinitio obscura nimis remanet, non oportet tam

nam patet eos esse Dialecticos, ut non apponant plures partes; quibus rei naturae facilius innotescat.

Item vero de diffinitione causali exempla ponamus siue ex parte causae efficientis, siue finalis, siue ex utraque finalis. De causa quidem finali plurima exempla suppetunt in omnibus artificialibus, quae ad usum hominum fiunt. Siue domus diffinitur esse aedificium ad protectionem & habitationem hominum, ita gladius ad scindendum, calamus ad scribendum optime diffiniuntur. Per causam autem solam efficientem ratio assignantur diffinitiones. Ut si quaeram: *quid est Ecclipsis lunae*. Et respondeas, *est interpositio terrae inter solem & lunam*, non rationem formalem ecclipsis, sed causam efficientem profers. Nam interpositio terrae inter solem & lunam causa efficiens est ecclipsis lunae.

Tandem de modo inuestigandi rerum diffinitiones non est praesentis instituti exacte differere, sed summarie insinuasle sufficiat. Duplicem viam

ad inueniendam diffinitionem docuit
Plato in Sophista & Phaedro. Quem Aristoteles etiam lib. 2. Poster. c. 14. & lib. 1. Topicorum c. 14. admittit, licet non omnino approbet.

Altera via est processus per diuisionem: Altera per collectionem. Per diuisionem quidem, exemplo sequenti hæc via declaratur. Vt Si quis diffinire parat rem aliquam, incipiat mentem considerare quid communissimum est illi rei cum cæteris. Videlicet, in quo genere generalissimo collocetur & deinceps diuidat genus illud per suas species vel differentias specierum constitutivas Quod si adhuc res illa cum aliis in altero membro diuisionis conuenit; diuidatur iterum illud commune per alias differentias, donec peruenias ad ultimam differentiam rei, cuius diffinitionem inquiris, verbi gratia vis nosse diffinitionem hominis: & consideras eum non esse accidens sed substantiam, quod genus est generalissimum ac proinde diuidendum in substantiam corpoream & incorpoream.

ream. Deinceps corpoream in viuentem, & vita carentem: deinceps corpoream viuentem diuide in sensitivam & vegetatiuam: ac tandem sensitivam in rationalem & irrationalem. **V**bi iam omnis diuisio formalis differentie cessat. Quærebas enim de diffinitione hominis: quæ species quanuis cõmunis sit multis indiuiduis, sed est indiuisibilis formaliter. Neque enim indiuidua & singularia formaliter & specificè differunt sed p cõditiones indiuiduantes ex parte materiæ signatæ. Altera via quæ dicitur per modum collectionis, similium consideratione perficitur, verbi gratia. Si velit aliquis infimæ speciei diffinitionem colligere, considerare debet rationem adæquatam, propter quam indiuidua illius eodem nomine appellantur. Et illa erit diffinitio talis speciei, verbi gratia si vis definire hominem, considera Petrum & Paulum & alios singulares homines, quorū quilibet homo est & dicitur, quatenus ratio hominis in singulis una est. Non enim quilibet eorū
dici-

dicatur & est homo, quia corpus est, vel quia substantia, vel quia sentit, vel quia viuit: sed certe quia rationale animal est. Sed nobis profecto hic modus minus utilis videtur ad scientiæ acquisitionem. Hac enim via difficilior est in legitimam diffinitionē peruenire,

Iam de diffinitione, & diffinito consequenter tāquam de correlatiuo diffinitionis, quædam documenta sunt obseruanda. Primum est; duplex esse diffinitum, scilicet, remotum & propinquum, quidam moderni aiūt, diffinitum propinquum esse nomen significans rem; cuius natura exprimitur per diffinitionem; remotum vero esse rem ipsam. Nihilominus diffinitum remotum esse principale diffinitum; minus autem principale esse nomen respectu diffinitionis quid rei (nam diffinitum diffinitionis quid nominis non distinguitur in propinquum & remotum; quia ipsum nomen vtriusque rationem habere dicūt) sed profecto in diffinitione quid rei, quanuis
vtile

utile sit inquirere quodnam sit diffinitum propinquum & remotum, tamen hæc differentia non esset constituenda inter rem & nomen rei, cuius natura diffinitione explicatur. Et ratio mihi euidens est, quia in diffinitione Quid rei ipsum nomen non est diffinitum, ut iam diximus, ergo neque propinquum; neque remotum, ergo hæc differentia ad res ipsas transferenda est, quæ vere & proprie diffiniuntur oratione diffinitiva. Dicimus ergo rem esse diffinitum proximum, cuius natura immediate & adæquate, ac per se primo explicatur in diffinitione Quid rei. Diffinitum autem remotum res illa erit, cuius natura quidem diffinitione explicatur, sed non per se primo & adæquate, vel immediate. Verbi gratia huius diffinitionis, *animal rationale*, propinquum diffinitum est, *homo*, remotum vero est, *Petrus*, cuius natura secundario & non adæquate & immediate exprimitur diffinitione, quæ ad amplius se extendit quam ad Petrum. Neque tale
diffi-

diffinitum conuertitur cum diffinitione.

Verum est tamen quod diffinitum propinquum & adæquatum ita est res ipsa, vt non adæquate diffiniatur prout secundum se inuenitur à parte rei, non enim à parte rei est homo communis distinctus à singularibus : sed dicitur diffinitum per se primo & adæquatum, vt subest communi conceptui mentis, in quo conceptu nulla est differentia inter Petrum & Paulum & alia singularia sed homo vt in illo conceptu relucet communis est omnibus singularibus : vnde in hac propositione, homo est diffinitum vel diffinitur hac diffinitione, *Animal rationale*, subiectum supponit simpliciter. Quare non licet inferre, *ergo Petrus est diffinitum*, nisi cum addito remote vel in quantum homo.

Secundum documentum nullum ens per accidens diffinitur vna diffinitione, ex *Aristotelis lib. 7. metaphysic. lect. 3. apud S. Thomam*. Ratio est, quia ens per accidens non est vnica natura & essen-

essentia quæ vna diffinitione explicetur. Hæc est doctrina *Aristotelis* 7. *metaphysic.* & 12. *tex.* 42. & 6. *Topicorum* c. 5. verbi gratia, *homo albus* non vnica diffinitione sed pluribus coniunctis potest diffiniri vt si dicas; *Animal rationale coloratum disgregatum visus*. Hinc est, vt æquiuoca non diffiniantur, nisi prius distinguantur ex *Aristot.* 6. *Topico.* cap. 5. Sed hoc intelligendum est de æquiuocis, quæ distinctis conceptibus significantur. Nam quædam Analogæ ab *Aristotele* vnica diffinitione diffiniuntur. v. g. *Natura est principium motus & quietis*. Et tamen natura analogice dicitur de materia & forma, quia forma magis natura est, quàm materia, vt ipse *Aristoteles* docet.

Tertium documentum, omne diffinitum vt diffinitum, debet esse vniuersale, vt ait *Aristot. lib. 1. Poster. c. 7.* & *lib. 2. c. 14* & *lib. 7. metaphysic.* Ratio huius est: quia inquit, singularia sunt corruptibilia & mutabilia: vniuersalia vero sunt immutabilia. Sed hæc ratio explanatione opus habet. Arguitur enim
contra

contra illam. De homine in communi demonstratur, quod sit corruptibilis, de quo tamen est definitio & scientia. Secundo, quia illa ratio deficit in singularibus incorruptibilibus, qualis est sol & luna: & tamen quatenus singularia sunt, pprie diffiniri queunt.

Ad primum argumentum, respondetur quod id ipsum quod de homine demonstratur, scilicet esse corruptibilem; est necessarium & æternæ veritatis, & fundatur in ipsa diffinitione hominis ratione generis & compositionis Physicæ, quæ in illo intrinsece inuenitur. Ratio autem *Aristotelis* procedit de iis, quæ per se corrumpuntur. *Vt hic homo, hic equus.* Homo vero in communi, vt in communi cōsideratur, non per se corrumpitur, sed ratione indiuiduorum. Quauis ipsa passio corruptibilis in communi per se conueniat homini, non quidem per se primo & adæquate, sed quatenus est corpus compositum ex materia, quæ est potentia ad aliam formam.

Ad secundum respondetur, quod
de

de singularibus immaterialibus bene potest esse scientia, sicut de Deo, & de Angelis. De Deo quidem, quia sua immaterialitate vincit omnem rationem entis in communi, quantumvis abstrahatur à materia. De Angelis vero, quia illorum indiuiduatio ab ipsa met specie promanat per hoc, quod non habet species Gabrielis aliquid intrinsecum per quod indiuiduatur.

Vt in *materia de Angelis in nostris commentariis supra primam partem* latius diximus, poterit esse scientia: neq; enim erit distincta de specie & de indiuiduo. Cæterum de substantiis corporalibus incorruptibilibus singularib⁹ non est scientia, vt singularia sunt. Poterat enim Deus alia indiuidua creare eiusdem speciei cum sole & luna, de quibus eadem scientia esset, sicut de istis creatis in singulari. Vnde talis scientia non respicit illa singularia, vt singularia sunt, sed quatenus specificam solis vel lunæ rationem habent. Denique ratio magis adæquata, quare singularia non diffiniuntur, ea vi-

Q detur

dictur esse, quia diffinitio formalis
quidditatem reipsum significat. At vero sin-
gularia de quibus Aristoteles loqui-
tur, materialia sunt. Et materialiter ex
parte materiae signatae distinguuntur.
Ac proinde nihil formalitatis adiciunt
supra speciem, ratione cuius diffiniri
possint. Verum quia singularia quae
corrumpuntur, magis habent de ma-
terialitate & potentialitate; quatenus
eorum materia non est satiata forma
specifica; idcirco minus diffinibilia
sunt, praeterquam quod eorum divi-
sio in infinitum abiret ac proinde sin-
gula diffiniri non possent.

Quantum documentum sola spe-
cies habet proprie diffinitionem. Hoc
documentum est *Aristotelis lib. 7. me-
taph. & D. Thomae ibidem lectione 10.*
Ratio est quia vera & propria diffini-
tio essentialis quidditatiua constare
debet ex proprio genere & differen-
tia propria, sed haec non inveniuntur
nisi in sola specie, ergo sola species
proprie diffinitur. Probatur minor.
Nam de singularibus iam diximus
non

non habere differentiam formalem. Item suprema genera sunt maxime vniuersalia, neque constant ex genere & differentia, alias esset abitio in infinitum; Neque darentur suprema genera.

Notandum vero circa hoc documentum, accidētia posse diffiniri proprie, licet imperfecte. Ratio est, nam habent accidentia proprium genus & differentiam, verbi gratia. *albedo est color disgregatus visu*. Diximus autem, imperfecte, quoniam accidentium essentia & quidditas imperfecta est, cū nō sint entia per se subiectū, sed in alio, scilicet in substantia: ac proinde diffinitur accidens aliter, quam substantia, nimirum per se subiectum, quod non est essentia accidentis: vt ait D. Thomas in 2. sententia, distinctione 35. articulo 2. ad 1. Vbi ait, Nihil perfecte diffinitur nisi substantia. Et idem dicit libro septimo, metaphysic. lectione 3.

Sed contra documētum arguitur. Animal diffinitur quod est corpus

Q 2 viuum

uiuum sensibile, & tamen est genus, ergo non solum species diffinitur. Respondetur animal diffiniri quidem, sed in quantum est species uiuentis, in quantum vero genus est, diuiditur in rationale & irrationale, vel in species inferiores. Sed non diffinitur, nisi quantum ad ea, quæ actualiter includit. Nam si animal, quatenus genus est, diffiniretur, tunc maxime diffiniretur supremum genus, quod est substantia, sed hoc nullatenus diffinitur diffinitione Quid rei, quia non constat ex genere & differentia, ergo nullum genus sub ratione generis diffinitur. Habemus itaq; diffinitum debere esse vniuersale sed non omne vniuersale diffiniri potest, sed illud dumtaxat, quod constat ex genere & differentia.

Ex prædicto documento sequitur differentiam speciei constitutiuam & generis diuisiuam diffiniri non posse nisi diffinitione Quid nominis. Et ratio est, quia differentia non constat ex genere & differentia neque directe sub

sub genere collocantur. Sequitur etiam, quod neq; formæ substantiales, quæ vere & proprie sunt partes componentes physice substantiam corpoream, posse proprie diffiniri. Ratio est, quia non constant ex proprio genere & differentia, verbi gratia: *anima non est proprie species, sed forma speciei.* Diffiniuntur autem huiusmodi formæ aliquo modo, vel per ordinem ad totum, cuius partiales formæ sunt, vel per ordinem ad alteram partem, quæ est compars ad compositionem totius. Et sic diffinitur *anima, actus corporis physici organici potentia vitam habentis.* Si autem quæras, Quid sit anima rationalis? Respondendum est *esse formam, qua homo est homo: velesse formam hominis, quæ est primum principium intrinsecum rationandi.*

CAP. I.

De Argumentatione.

Tertia species modi sciendi dicitur *Argumentatio* siue *argumentum*: ad quam tanquam ad finem diuisio & diffinitio ordinatur. Et idcirco fusius versabimur in explicatione argumentationis. In primis aduerte ex *D. Thomae in 3 sentent. distinct. 13. quest. 1. artic. 1. ad 4. & de veritate quest. 4. artic. 2. ad 9.* quod argumentum proprie dicitur *processus rationis de notis ad ignota manifestanda*: vnde dicit *Boetius lib. 2. de diff. ferentis topicis: argumentum est ratio rei dubia faciens fidem*. Et quia tota vis argumenti consistit in medio termino ex quo ad ignotorum probationem proceditur; ideo ipsum medium dicitur *argumentum*, siue sit signum, siue causa siue effectus. Deinde quia in medio termino quasi in principio, ex quo argumentando proceditur, continetur virtute totus processus argumentationis; ideo deriuatum est nomen,

men, *Argumentum*, ad hoc, ut quælibet brevis prælibatio futuræ narrationis dicatur *argumentum*. Sicut in Epistolis Pauli singulis præmittuntur argumenta. Denique quia principium vel medium dicitur argumentum, in quantum habet virtutem manifestandi conclusionem, & hoc est ei ex lumine intellectus, cuius est instrumentum. (Omnia enim quæ arguuntur à lumine manifestantur) ideo ipsum lumen quo manifestantur principia, potest dici argumentum principiorum: sic etiam ipsa principia sunt argumentum conclusionis. Ephes. 5.

Ex his quatuor modis accipiendi nomen *Argumentum*; de primo in præsentia agendum est. Et in eadem significatione utemur nomine, *Argumentatio*, & nomine *Consequentia*; siue ut latiniores aiunt, *Consequutio*; Est itaque tertius modus sciendi processus rationis; ex aliquo noto ad aliud probandum. Quæritur autem, an mala argumentatio sit dicenda argumentatio, & mala consequentia sit dicenda An mala argumentatio sit.

Q 4 confe-

*simpliciter
argumenta-
tio.*

consequentia. Et ratio dubitandi est, quia mala diuisio non est simpliciter diuisio apud Dialecticos, neque mala diffinitio est simpliciter diffinitio: ergo mala argumentatio siue consequentia non est simpliciter argumentatio vel consequentia.

Sed in oppositum est, quod propositio falsa, est simpliciter propositio, ergo mala consequentia dicenda est simpliciter consequentia.

Pro solutione huius interrogationis aduertendum est, non eandem esse rationem boni argumenti & bonæ consequentiæ. Est enim bona consequentia aliquid communius, quam bonum argumentum seu bona argumentatio. Nam hæc est bona consequentia; *omnis homo est lapis, Petrus est homo, ergo Petrus est lapis*: sed non est bonum argumentum. Ratio huius est, quia bonum argumentum non solum includit bonitatem consequentiæ, sed etiam antecedentis veritatem notam, ex qua illuminetur consequens. At vero quando antecedens est

est falsum, nō potest illuminare conclusionem. Sed bonitas consequentię nihil aliud promittit quam si concesseris antecedens, debeas concedere consequens.

Malum itaq; argumentum ex duplici capite potest contingere; nimirum vel ex malitia consequentię, vel ex falsitate antecedentis. Mala vero consequentia ob id solum erit mala, quia consequēs non colligitur ex antecedenti, etiam si concedatur antecedens. Hoc supposito ad interrogationem factam dicendum est, malum argumentum, vel malam consequentiam non esse simpliciter argumētum neque cōsequentiam. Huius ratio est ex definitione argumenti, quæ est ratio rei dubiæ faciens fidem, hoc est, processus rationis humanæ de notis ad ignota vel minus nota. Sed malum argumētum non hoc efficit. Est enim potius obscuratio, quam illuminatio. Sicut igitur homo mortuus non est homo, quia caret vita, sic malum argumentum non est argumētum: quia

Q 5

caret

caret illuminatione. De consequentia etiam mala proportionabiliter loquendum est, & est negandum, esse simpliciter consequentiam, quia vera consequens non sequitur ex antecedenti etiam cōcesso: quia nullam habet colligationē cum illo. Vt si dicas, *Petrus est albus, ergo Petrus est doctus*: est vana consequentia; quanvis secundū vocem habeat figuram cōsequentiae, & significet alterum ex altero inferri. Vnde negantes consequentiam, solent dicere; nulla est consequentia: quia re vera non est consequentia.

Ad obiectionem in oppositum facile occurritur negando consequentiam. Non enim est eadem ratio de propositione falsa, & de mala argumentatione vel consequentia. Nam diffinitio propositionis indifferens est ad significandum verum vel falsum sed duntaxat diffinitur per modum significandi enunciando, siue illud quod enunciat, sit verum vel sit falsum. Imo eadem numero propositio nunc est vera postea falsa, aliquid ali-

qua

qua mutatione sui. Vt, *Petrus currit*, eadem propositio est in mente, & in voce, & Petro currente vel non currente transit de vera in falsam. Id quod argumentationi vel consequentiæ non accidit. Sed argumentum quod semel est bonum semper est bonum, & consequentiæ quæ semel est bona, semper est bona.

Nihilominus ut vulgo Dialecticorum aliquid concedamus, aliquando nomine argumenti & consequentiæ indifferenter utemur pro argumento bono vel malo, & pro consequentiâ bona vel mala.

Diffiniunt itaque vulgo Dialectici argumentationem & consequentiam siue bonam siue malam in hac forma. *Argumentatio est oratio, in qua uno dato alterum consequitur.* Et aiunt, orationem poni loco generis, quanvis propositio sit genus proximum. In qua re vehementer falluntur. Quanvis enim propositio sit aliquid superius argumentationi, tamē non est proprie generis. Et probatur, quia propria passio generis

generis debet prædicari de specie; sed propria passio propositionis est esse veram vel falsam, & tamen hæc non conuenit consequentiæ & argumentationi: quæ non est vera vel falsa; sed bona vel mala. Item illa diffinitio. *In qua vno dato alterum consequitur*, non videtur, vt illi intendunt, malæ consequentiæ conuenire. Nam re vera in mala consequentiâ consequens etiam dato antecedente re vera non consequitur. Et ideo alii diffiniunt *esse orationem, in qua vnum denotatur sequi ex altero*. Et alii *esse orationem aggregatam ex antecedente propositione & consequente, illationis nota mediante*. Proculdubio hæc duæ diffinitiones tam bonæ quàm malæ consequentiæ conueniunt.

Nos autem ex his duabus vltimis diffinitionibus vnā cōficiamus, quā bonā & malā argumentationem & consequentiā vtcunque completamur. *Argumentatio est oratio; in qua vna propositio ex altera virtute coniunctionis illatiuæ denotatur consequi*. Sunt vero quatuor illatiuæ coniunctiones communes

Quatuor cō-
iunctiones
illatiuæ.

munes bonis & malis consequentiis. Nimirum, *Si, Ergo. Igitur, Quia*, Prima constituit conditionalem consequentiam, vt *si homo volat, habet alas*. Secunda & tertia constituit consequentiam rationalem. Quarta causalem, Omnis itaque argumentatio constat antecedente & consequente & nota illationis. Non tamen eodem ordine collocantur cum illis coniunctionibus illatiuis. Etenim, quando consequentia constituitur coniunctione, *Si, vel, quia*, erit antecedens propositio, quæ immediate sequitur coniunctionem, altera vero propositio siue antecedit coniunctionem, siue mediate sequatur, erit consequens v. g. *si homo volat, habet alas*. Vel, *homo habet alas, si homo volat*. Similiter, *quia homo est rationalis, est risibilis*. Vel, *homo est risibilis, quia est rationalis*. Semper est antecedens propositio immediata coniunctioni. Ad has igitur tres figuras argumentadi seu disputandi reuocantur omnes consequentiæ, siue bonæ siue malæ sint.

CAP.

His ita constitutis antequam ad formam Dialecticam differendi accedamus, necesse est prius ostendere, quid requiratur ad veritatem propositionum quatenus ad rationē disputandi potest conducere. Verum quia argumentatio propositio hypothetica est; & hypothetica ex categoricis constat; dicendum est in primis, quid requiratur ad veritatem categoricæ enunciationis.

Primum documentum sit: ad veritatem categoricæ enunciationis affirmatiue requiritur, quod extrema supponant, & quod pro eodem supponant aut verificentur iuxta exigentiam proprietatū logicalium. Etenim hæc propositio, *homo est doctus*, vera est, sed hæc est falsa, *omnis homo est doctus*, quia quamvis extrema supponant, & pro eodem supponant, vel verificentur: tamē non verificantur pro eodem secundum exigentiam suppositionis distributiue. Cauendum igitur est, ne aliquid contingat circa extrema propositi-

positionis affirmatiuæ contra regulas alicuius proprietatis logicalis. Alias non sufficiet ad eius veritatem quod extrema supponant ac verificetur de eodem.

Secundum documentum: Ad veritatem propositionis negatiuæ sufficit, si alterum extremum non supponit, vel si vtrunque supponit non tamen pro eodem, vt hæc est vera: *Petrus non est Paulus*: quia quanuis extrema supponant, non tamen pro eodem: & hæc etiam est vera. *Antichristus non currit*, quia subiectum non supponit.

De Hypothetica documenta dari possunt, nisi prius fiat diuisio hypotheticæ in suas partes. Diuiditur enim enunciatio in simplicem, & in eam, quæ coniunctione est vna, vt supra explicatum est, iuxta numerum variarum coniunctionū; quæ cathedonicas vniunt. Numerus vero harum cōiunctionum supra tres illatiuas quaternarius est. Diximus enim tres esse illatiuas: *Si Igitur*, vel *ergo*, *Quia*, *Super* has adiicimus, *Et vel, siue, Aut; Nec*, quæ tantum

tantum valet sicut & non. Prima igitur species hypotheticarum sit copulatiua cuius partes coniunguntur coniunctione, & vel, Nec. Vt, *Petrus disputat, & Ioannes ambulat. Item Petrus non disputat nec Ioannes ambulat.* Altera species est disiunctiua, cuius partes coniunguntur coniunctione vel, *Auxilium;* In illatiuis etiā hypotheticis tres formæ inueniuntur. Conditionalis, cuius partes coniunguntur coniunctione, si, Rationalis, cuius partes coniunguntur coniunctione, Ergo, vel, Igitur. De his etiam hypotheticis illatiuis, quæ cum sint consequentiæ non desunt etiam esse propositiones, oportet documenta ad illarum veritatem vel falsitatem dignoscendam proferre.

Primum documentum: ad veritatem propositionis copulatiuæ necesse est vtramque partem esse veram: & consequenter ad falsitatem vnam partem esse falsam.

Secundum documentum. Ad veritatem disiunctiuæ sufficit vnam partem esse veram, & consequenter ad falsitatem

falsitatem requiritur vtraque pars falsa. Et quod diximus de veritate & falsitate, intellige de necessitate & impossibilitate. Semper enim copulatiua sequitur debiliorem partem, & ab ea denominatur. Disiunctiua vero sequitur firmiorem partem & ab ea denominatur, v.g. hæc copulatiua, *Petrus currit & Ioannes est equus*, est impossibilis. Hæc autem, *Petrus currit & Ioannes est homo*, est contingens. Similiter hæc disiunctiua, *Deus est, vel homo est equus*, est necessaria, hæc autem; *Petrus currit velequus est homo*, non est impossibilis: sed contingens, quia firmior pars est contingens quam impossibilis. Nota vero circa primum documentum & secundum, quod quanuis ad veritatē copulatiuæ sufficiat, vtramq; partem esse veram; tamen ad possibilitatem non sufficit vtramque partem esse possibilem. Sed requiritur esse cum altera compossibilem. Vnde hæc copulatiua, *Petrus currit & Petrus non currit*, est impossibilis: quia, quanuis vtraq; pars sit possibilis, neutra tamen

R

est

est compossibilis cum altera. Similiter ad necessitatem disiunctivam requiritur alteram partem esse necessariam, sed sufficit partes esse in compossibiles in falsitate. Et idcirco haec est necessaria, *Petrus currit vel Petrus non currit*, quamvis utraq; pars sit contingens: Neutra enim cum altera in falsitate convenire potest.

Tertium documentum pro illariis. Si propositio hypothetica fuerit conditionalis, nihil aliud requirit ad sui veritatem quam bonitatem consequentiae. *Ut si homo vult, habet etiam*, vera propositio est non obstante falsitate antecedentis & consequentis. Ratio est, quia conditionaliter loquens nihil affirmat vel negat de antecedentis vel consequentis veritate: sed duntaxat asseverat bonam esse consequentiam. Et hoc est, quod vulgo dicitur, *Conditionalis nihil ponit in esse*, hoc est circa antecedens vel consequens. Nihilominus aliquid asseverat, scilicet bonam esse consequentiam: Ac si diceret: *necesse est*

omne

omne quod volat alas habere. Obseruan-
dum est autem coniunctionem illam,
si non semper illatiue accipi, ita vt
consequentiam constituat, verbi gra-
tia in hac propositione. *Sicras visitaue-
ris me, dabo tibi equum.* Hæc enuncia-
tio non est consequentia conditiona-
lis, nam poterit stare veritas antece-
dents cum falsitate consequentis. Et
tamen, qui sic promittit animo ad im-
plendi promissum, non mentitur: &
nihilominus possibile est antecedens
esse verum, & consequens falsum: aut
propter inconstantiam promittentis,
vel quia factus est impotens ad im-
plendum promissum. Porro, si Deus
aut Propheta Dei aliquid sub condi-
tione promiserit, nunquam bona erit con-
sequentia in materia. Nostrium itaque
documentum non intelligitur, quan-
do concludit, *scilicet*, sumitur promissio-
ne.

Alias præterea acceptiones habet
hæc coniunctio, quæ magis ad Theo-
logorum disputationem pertinent, v.
g. cum Thomistæ aiunt, *scilicet* Adam non

R 2 peccas-

peccasset, filius Dei non fieret homo. E contrario vero Scotistæ aiunt: *Etiā si Adam non peccasset, nihilominus filius Dei fieret homo.* Neutri vero accipiunt conjunctionem illam, *Si*, in vi consequentiæ formalis: Sed loquuntur ex suppositione voluntarii decreti diuini, secundum quod vtraque factio opinatur differentem fuisse ordinem diuini decreti ex parte rerum, quæ sub diuino consilio ordinem inter se habent. Etenim in ipso Deo, siue Adam peccasset, siue non peccasset, siue filius Dei fieret homo, siue non fieret, nulla differentia inueniretur, apud quem non est transmutatio neque vicissitudinis obumbratio. Vnde Theologus qui proprie & cum reuerentia diuine puritatis & maiestatis loqui desiderat, omnem differentiam & varietatem in rebus decretatis collocet. Ita sanè vt Thomista dicat, talem ordinem fuisse decretatum à Deo inter incarnationem Verbi & permissionem peccati primi parentis, vt nisi in remedium peccati permissi Verbum diuinum

num non fieret caro. Scotista vero negat, talem ordinem fuisse per se decretatum, neq; in aliquo genere causę incarnatione verbi a permissione peccati dependentiam habuisse. Neque vice versa permissionem peccati ab incarnatione verbi dependere. Sed omnino inter sese hæc duo per accidens se habere, & per accidens contigisse ex parte decreti circa incarnationem, quod peccatum Protoparentis permitteretur & prævideretur a Deo futurum. Nihil modo nos definimus: sed duntaxat modum loquendi præstamus. Accipitur itaque coniunctio illa, *si*, concomitanter, non absolute illatiue. Idem iudicium est de quibusdam futuris conditionatis contingentibus, quæ aliqui moderni Theologi fingunt habere medium inter futurum absolutum & inter possibile futurum, ac proinde scientiam quandam mediam in ipso Deo imaginantur, quæ nec sit sciëntia intuitiua, nec scientia simplicis intelligentiæ. Sed de hoc alias nostram sententiam tulimus.

Quartum documentum. Ad veritatem propositionis hypotheticæ, quæ est consequentia rationalis, requiritur & sufficit supra bonitatem consequentiæ, antecedens esse verum. Non diximus etiam consequens esse verum : quia hoc superflue diceretur. Nam si bona est consequentia & antecedens est verum, non poteris consequens esse fallum. v. g. hæc hypothetica est vera propositio, *homo est sensibilis, ergo est rationalis*. Hæc autem est falsa propositio, *Homo est equus, ergo homo est sensibilis*, quia non sufficit bonitas consequentiæ. Etenim, qui ita ratiocinatur, affirmat antecedens.

Quintum documentum. Ad veritatem hypotheticæ, quæ est consequentia causalis, requiritur & sufficit bonitas consequentiæ & veritas antecedentis, & quod res significata per antecedens sit causa vel ratio rei significatæ per consequens. Vnde hæc est falsa propositio, *quia homo est sensibilis, est rationalis*, hæc autem vera; *Quia homo est rationalis, est sensibilis*. Item hæc est vera;
Quia

Quia Deus est immutabilis, est aternus, Quia
nihil sit causa alicuius, quod est in Deo: tamen aliqua at-
tributa diuina sunt nobis ratio de-
monstrandi alia.

In hoc etiam documento obser-
uanda est, coniunctionem illam;
Quia, non semper causaliter accipi ex
parte rerum: sed aliquando importa-
re rationem cognoscendi causam ex
effectu: sic vt logici & Philosophi ap-
pellent demonstrationem; *Quia*; Eam,
quæ procedit ab effectu ad causam,
vt Luna ecclipsatur; ergo terra interponitur
inter Solem & Lunam. Et huiusmodi lo-
cutiones inueniuntur in sacris literis,
v.g. Ioannis 16. *Ipse Pater amat vos: quia*
vos me amastis. Vbi certum est, Patrem
electionis suæ causam fuisse amoris
discipulorum erga Christum. Aliquādo
est a coniectio; *Quia*, accipit non cau-
saliter, sed specificatiue, hoc est: de-
terminatiue vt accipitur Ioannis c. 5.
Potestatem dedit ei iudicium facere, quia fi-
lius hominis est. Vbi dictio: *Quia*, deter-
minat & denotat potestatem iudiciariam

R 4 datam

datam esse homini Christo in ipsa humanitate exercendam, quando venturus est visibilis iudex iudicare viuos & mortuos. Aliquando etiam dictio; *Quia*, accipitur pro; *Quod*, in sacris literis. Iuxta illud Matthæi 6. *Audistis, quia dictum est antiquis; Non occides.*

Habemus itaque ex dictis; argumentum & consequentiam non convertibiliter dici. Item neque bonum argumentum neque bonam consequentiam idem esse. Semper enim argumentum, si propriè loquamur, amplius requirit, quam bonitatem consequentiæ, videlicet, ut antecedens aliquo modo illuminet consequens.

Sed contra hæc est bona consequentia, *homo est equus, ergo est sensibilis*. Sed est malum argumentum, quoniam antecedens est aperte inutile ad probandum consequens. Observandum quoque tamen, distinctionem bonæ vel malæ consequentiæ propriam esse Dial-
 lectici, sed distinguere inter bonum & malum argumentum non solum Dial-
 lectici est, sed etiam cuiuslibet sapientis

tis

Tract. II. Cap. I. Quid req. ad verit. 265
est in quilibet disciplina. Ratio est,
quia bonum argumentū debet con-
sistere ex antecedente, cuius veri-
tas ex cognitione physica vel meta-
physica aut mathematica siue theo-
logica pender. Quocirca tametsi Dia-
lecticus formam argumentandi præ-
stet & modum etiam inquirendi veri-
tatem per communia præcepta, tamē
non omnis cognitio veritatis ad eum
pertinet, sed ad alias reales scientias:
quarum naturas perscrutatur. De
quarum disciplinarū distinctione nec
metaphysicus sine Dialectica, nec
Dialecticus sine metaphysica perfe-
ctum iudicium ferre poterit.

His ita constitutis iam opportune
de locis argumentandi secundum for-
mam Dialecticā, præter syllogismum,
differendum nobis est. Erit autem o-
portet præteritum prius disputandi nor-
mam pro tyronibus interponere. Ne-
cessē est enim in exercitio disputandi
Dialecticos tyrones certis quibusdā
documentis instruere. Etenim teste

Aristotele, exercitatio eruditionis con-

R 5 summa-

summatio est. Hanc autem formam in præcedentib. de industria non tradidimus, quia logicalium proprietatū diffinitiones ignorantibus, disputandi materia non suppetebat. Dicamus in primis quid sit disputatio. *Est enim duorum cōcertatio circa verum examinandum, dum alter defendit aliquam propositionem, & alter impugnat.* Quæ disputatio ad veritatis manifestationē & confirmationem si candido animo fiat, plurimum utilitatis habet. Si vero ambitiosa contentione exerceatur ab aliquo, potius ad ipsius veritatis obscurificationem quam manifestationē deservit.

C A P. III.

De Dialectica disputandi forma.

Forma disp.

Primum omnium defensoris locū tenens propositionem proferat, hū se defensurū profiteretur. Deinde Impugnatoris officium erit, argumentum proponere succincte & distincte.

Quod

Quod quidem ex antecedente & consequente & illationis nota constare necesse est. Tunc respondens, fideliter matureque totum argumentum integre repetat: interimque dum repetit, perpendat duo. Alterum est, an verum vel dubium vel æquivocum sit antecedens. Alterum an ipsa consequentia bona sit. Deinceps ut moris est, iterum incipiat repetere argumentum respondens ad antecedens, concedo vel nego: vel etiã distinguo antecedens, cum fuerit simplex propositio. Si autem antecedens habuerit duas propositiones, quarũ altera vocatur maior, & altera minor; respondeat prius ad maiorem concedo; vel nego; vel distinguo, vel transeat. Cum autẽ concedit antecedens vel maiore, prosequatur eodem modo ad minore vel ad consequentiam; circa quã nunquam distinguendum est. Bene tamen licebit distinguere consequens. Et supposito vno sensu vel altero, regrediat ad consequentiam, ut eã concedat vel neget. Et tunc probatio relinquitur impu-

impugnatori. Obseruandum est tamen consequens nunquam negari debere, nam si conceditur antecedens & consequentia, frustra negabitur consequens. Nihilominus, quando impugnator concludit aliquam propositionem quæ non est contraria neque contradictoria propositioni propugnantis, licebit propugnatori dicere, transeat totum, vel, cōcedo totum. Et hoc maxime faciet, quando consequens fuerit manifeste verum. Est alterum documentum à respondente obseruandum, quādo distinxerit antecedens vel partem antecedentis. Tunc enim debet proseguire secūdum sensum concessum vel ad minorem vel ad consequentiam concedendo vel negando. Vt supradictum est. Similiter aduertat se teneri defendere vt verum si quid transire permiserit, perinde enim est ac si concesserit, quantum attinet ad consequentiam. Et idcirco caueat dicere, *Transeat*, nisi quando certissimus est de maiori cōsequentia vel de veritate consequentis.

tis. Quare tutissimum est tyronibus respondentib. vbicunq; falsum proponitur constanter negare. Hactenus de officio respondentis, cuius partes sunt pauca loqui. Neque statim proferre eorumq; concedit vel negat rationem. Sed potius sua interest, omnē probationis laborem ad arguentem remittere; donec ipse arguens deficiat & quærat à respondente alicuius differentiæ rationem ad quam devenitum est. Deinceps etiam argumentatori candido, qui non sophisticè contendere intendit, suæ leges sunt præscribendæ. Huius primum documentum sit, ut quātum potuerit sine Amphibologia loquatur, & aperte & breuiter proponat argumentum in quo consequens immediate contradicat conclusioni propositæ. Sunt enim qui per ambages respondentem capere affectant, præsupponentes aliunde fundamenta, ex quibus non immediate argumentantur contra conclusionem: sed volunt habere illa quasi in deposito & in subsidiis, ex quibus

in

in discursu disputationis probant aliquid, quod sibi negandum fore, præfagiunt. Neque enim audent postea de nouo & repente illis fundamentis uti, quia non sunt tam certa, ut negari non possint. Nam si certissima essent, frustra illa præmitterent ante disputationem. Quamobrem hic modus argumentandi semper mihi captiosus & sophisticus visus est. Præsertim cum de rebus maioris momenti disputatio ineunda est. Neque existimo respondentem teneri huiusmodi fundamenta præmissa concedere vel negare, nisi tam euidentia sint ut ea negare impudentiæ tribueretur: Sed tunc ipse arguens argueretur de superfluitate; verbi gratia si arguens cum catholico præsupponeret, Deum esse trinū & vnum: Et cum Mathematico præsupponeret: *Quæcunque sunt æqualia uni tertio sunt æqualia inter se.* Si vero præsupponat aliqua fundamenta quæ respondentem non sunt certa, quanuis videantur probabilia, licitum erit respondentem neque concedere, neque negare,

negare, sed petere ab argumentatore, ut intra formam argumenti proponat illa fundamenta : & tunc videbit an sint concedenda vel neganda. Sæpe enim contingit, ut arguens supponat aliquam probabilem opinionem; quæ tamen non stat cum altera probabili sententia quam respondens tuetur. quanuis enim verum vero consonet, non tamen, omnis assertio probabilis stat cum altera probabili assertione. Contingit enim duas opiniones seorsum quamlibet esse probabilem, & tamen esse de assertionibus contradictoriis verbi gratia vnus dicit, *relatio distinguitur realiter à suo fundamento*: & alter dicit, *nulla relatio distinguitur realiter à suo fundamento*. Quo circa respondens non prudenter agit, dum talia fundamenta prodige admittit; nisi certus fuerit nullatenus suæ propositioni contradicere.

Secundum documentum in fauorem arguentis est; ut quando ex vno simplici antecedente poterit immediate inferre contradictorium propositionem.

positionis defendendæ, non utatur
 syllogismo, sed taceat maiorem vel
 minorem: ut postea probet consequen-
 tiam si negata fuerit. Et hic modus ar-
 gumentandi dicitur enthymematicus
 & gratissimus auditoribus: sed respo-
 denti facilis quidem ad recitandum,
 sed difficilior ad respondendum: non
 enim bonitas vel maiestas consequen-
 tiæ ita parer ac si proponeretur simul
 maior & minor.

Tertium documentum. Boni &
 grati argumentatoris est, ut si negatur
 sibi consequentia probet directe con-
 sequentiam: vel assignando locum
 Dialecticum irresistibilem, vel con-
 cludendo in consequenti conditiona-
 lem, ergo si hoc est hoc, illud est illud.
 Hoc advertebam propter perperam
 argumentantes, qui dum illis conse-
 quentia negatur, alio medio ad idem
 consequens probandum, sæpe utun-
 tur & sic multiplicant argumēta nul-
 lum prosequētes. Alii vero non aliam
 probationē consequentiæ proferunt,
 quam repetere argumentum, quod
 nimis

nimis fastidiosum est, & à præsidente in publica disputatione minime admittendum. Denique disputantes ad manifestationem veritatis debent omnino cauere à nimia vocis acrimonia & clamoribus: Sed nec languore tepescere debent. Sophystæ vero qui sapientes apparere affectant, legant *Aristotelem in libris Elenchorum*, vbi eorum conditiones exacte depingit. De officio tandem patroni præsidentis pauca etiam insinuanda sunt, vt cum vtilitate disputatio procedat.

Patroni est in primis summa attentione mentis præesse: totiusque disputationis processum comprehendere: vt opportuno tempore sententiæ definitiuam circa tenendam veritatem proferat. Patroni est curare, vt præscripta forma inter disputantes obseruetur. Patroni est, propugnatori potius quam impugnatori patrocinari: nisi forte quando dum impugnatori auxilium ferre videtur: aliunde magis apparet argumenti fallacia quo facilius à respondente dissoluatur. Quo

S docu-

documento nos sæpe utimur cū præsidētis officio fungimur. Patroni tandem est, dum disputatio rite procedit; tacere : nisi forte breui insinuatione auxilium respondenti ferre valeat; si viderit illū vacillare vel anxium esse, alias relinquat disputantes donec disputatio ad finem peruenerit & præsidētis iudicium postulet. Hæc forma & disputandi methodus si in scholis obseruaretur, nihil pulchrius, nihil vtilius, aut delectabilius mihi accideret potest, quam huiusmodi disputationibus interesse. Quando vero præscriptæ leges non seruantur, nihil fastidiosius, nihil inutilius, auditoribus contingit.

C A P. I V.

De Locis argumentandi.

Reliquum est iam, ut promissis stemus, antequam ad enunciationū ad inuicem comparisonem, siue per oppositionem, siue per æquipollentiam accedamus; prius de quibusdam argu-

argumentandi locis præter syllogisticum differamus. Neque tamen est animus de omnibus ad differendum accommodatis locis sermonem facere: sed de illis tantum, ex quibus per necessariam consequentiã argumentantis intentum concluditur; differemus. Nam cognitio locorum ex quibus probabilis duntaxat consequutio efficitur, facilius usu disputandi & sapientũ ac Rectorum lectione, quam artis præventionem acquiritur: dummodo prius discipulus necessariæ cõsequentię documentis fuerit instructus.

Duo fundamenta argumentandi.

Horsum igitur visum est operæ precium: duo prima & inter omnia potissima principia naturali lumine ab omnibus cognita tanquam omnis argumentationis firmissima fundamenta præmittere. Alterum metaphysicum est, & ab *Aristotele lib. 4. metaphysic. tex. 9.* desumptum, scilicet *Quodlibet est vel non est:* & impossibile est de eodem affirmare & negare. Quod principium merito *dignitatis dignitatum* ad q̃

S 2 omnes

omnes demonstrationes decurrunt
 appellatur. Alterum est Dialecticum.
 Nimirum in omni bona consequen-
 tia si antecedens est verum, & conse-
 quens debet esse verum. Hæc duo
 prima principia probatione nulla in-
 digent, quia omni argumentatione
 priora sunt. At vero aliqua explicatio-
 ne opus habent. Nam illud prius prin-
 cipium non solum in illa vniuersali-
 tate propositum primum esse existi-
 mandum est, sed etiam de quacun-
 que re in singulari vel in specie vel in
 genere exerceri potest. Vt verbi gra-
 tia *Petrus est vel non est equus. Petrus est*
vel non est albus, equus est vel non est ani-
mal. Hinc consequenter huius princi-
 pii contradictorium est euidenter per
 se falsum, videlicet, *aliquid non est &*
est. Nihil enim magis ab intellectu a-
 lienum, quam de eodem affirmare &
 negare. Esset enim rationalis natura
 ab Autore suo male condita, si qua-
 bus cognitis contradictorius sensum
 præberet. Tunc enim assentiret falso
 sub ratione falsi. Quemadmodum
 enim

enim humana voluntas non potest ferri in malum sub ratione mali, quia est inclinatio a summo bono rationali naturæ indita, cuius obiectum est bonum sub ratione boni, ita & intellectus indito lumine a summo vero, non potest assensum præbere nisi vero vel sub specie veri occultato. At quando est expressa contradictio in obiecto, sub nulla ratione veri occultari potest: destruitur enim primum illud principium, *Quodlibet est vel non est*. Quamobrem auctori naturæ ascriberetur error ille qui tale lumen indidit ut sub ratione falsi mens aliquid amplecteretur.

Alterum principium, quod Dialecticum appellauimus, non quia sit inuentum Dialecticorum, vel quia ex illo probabiliter procedatur, ut solet appellari Dialecticus syllogismus, qui ex probabilibus procedit vel concludit: Sed idcirco Dialecticum diximus, quia maxime ad exercitium in materia Dialecticæ disciplinæ accommodatum est. Est itaque primum princi-

pium naturali lumine cognitum: ita
vt nulla ratione probari possit. Nam si
illud principium quis probare inten-
derit, necesse erat, vt per bonam con-
sequentiam id efficeret. Illa vero con-
sequentia nisi præsupponat principium
illud esse verum, inutilis omnino erit.
Etenim quanuis aliquis cōcesserit an-
tecedens & consequentiam, negaret
consequens. Nam diceret, in bona
consequentia posse antecedens dari
verum, & consequens falsum. Igitur
in omni argumentatione semper præ-
supponitur, in omni bona consequen-
tia non posse antecedens esse verum,
& consequens falsum. Ac proinde nul-
la argumentatione hoc principium
probari poterit. Ratio vero explicati-
ua huius principii ex cognitione ter-
minorum habetur. Nam si proposi-
tio antecedens est simpliciter vera,
eius veritas consistit in adæquatione
intelligentiæ ad rem sicut est, ergo ni-
hil in ea falsi contineri potest: ac pro-
inde nec poterit falsitatem parere. Si
igitur consequentia est bona & ante-
cedens

cedens verum , necesse est & consequens esse verum.

Implicat enim contradictionem falsum in vero contineri. Sed vides in hac nostra ratione explicatiua , etiam nos vti consequentia bona ex vero principio , & inde conamur explicare illius primi principii veritatem.

Præsupponimus enim in bona consequentia si antecedens est verum , & consequens verum esse debere. Frustraque iam laborabimus contraneantem illud principium , sicut neque disputandum est contra negantem , *Quodlibet est vel non est*. Ex dictis sequitur argumentantis summam victoriam esse trahere respondentem ex concessis per bonam consequentiam ad conclusionem in qua contradictionis implicatio est.

Iam vero ex illo principio Dialectico indemonstrabili aliarum conclusiones euidenter deducuntur & regulæ , quæ ad illud principium reducuntur. Moderni regulas decem proponunt *Decem regula.*

S 4 ad

ad differendum necessarias. *Prima est.* Ex vero semper verum infertur : alias daretur in bona consequentia antecedens verum, & consequens falsum. *Secunda regula.* Falsum non nisi ex falso sequitur. Istæ duæ regulæ sunt tam proximæ illi principio, ut probatione non egeant. *Tertia regula.* In bona consequentia si antecedens est necessarium, consequens debet esse necessarium, nec sufficit esse verum. Probatur, quoniam alias posset dari antecedens verum, & consequens falsum. Nam si antecedens est necessarium, semper est verum; si vero consequens non est necessarium, poterit aliquando esse falsum, ac proinde tunc dabitur antecedens verum, & consequens falsum. *Quarta regula.* In bona consequentia si antecedens est possibile, consequens non potest esse impossibile. Probatur, quia consequens impossibile semper erit falsum, & tunc antecedens sit possibile, poterit aliquando esse verum, ergo tunc dabitur antecedens verum, & consequens falsum.

Quinta

Quinta Regula. In bona consequentia si consequens est contingens, antecedens non potest esse necessarium. Hac patet, quia antecedens necessarium semper est verum, consequens autem contingens, potest esse falsum, ergo in bona consequentia poterit dari antecedens verum, & consequens falsum. *Secunda Regula.* Si antecedens est contingens, consequens non potest esse impossibile. Probat, nam contingens dicimus quod indifferens est ad verum, vel falsum, igitur contingens poterit esse verum, & tunc consequens erit falsum, cum sit impossibile. *Septima Regula.* Quidquid sequitur ad consequens bonae consequentiae, sequitur ad eius antecedens, v. g. hac est bona consequentia. *Petrus disputat*, ergo illud quicquid Rursus hac est bona; *Petrus loquitur*, ergo mouet linguam. Igitur de primo antecedente ad vltimum consequens, bona erit consequentia. Hae regulae demonstratur deducendo ad impossibile. Nam datur oppositum quod B, bene sequatur ex A. &

S 5 ex B.

ex B. sequatur C. & nihilominus C. non sequatur ex A. tunc si argumentor C. non sequitur ex A. Ergo A. poterit esse verum & C. falsum (si quidē in mala consequentia possibile est dari antecedens verum, & consequens falsum.) Tunc ultra sic prosequor A. est verum, ergo B. est verum quod concedebatur bene sequi ex A. deinceps B. est verum, ergo C. erit verum quod concedebatur sequi ex B. Ac tandem habeo intentum C. esse verū & falsum. *Octava regula.* Quidquid repugnat consequenti bonæ consequentiæ repugnat antecedenti. Probatur, nam alias si non repugnat antecedenti, poterit esse verum cum illo, repugnat autem consequenti, ergo tunc consequens erit falsum antecedente existente vero. *Hæc regula* sub aliis verbis potest constitui. In bona consequentiā ex opposito consequentis sequitur oppositum antecedentis: quæ eadem ratione demonstrat, quoniam alias in bona consequentiā daretur antecedens verū, & consequens falsum.

falsum. Quod sic ostendo. Nam si oppositum consequentis non infert oppositum antecedentis, ergo poterit stare in veritate cum antecedere. Sed tunc consequens erit falsum, existente suo contradictorio vero, ergo, &c.

Nona regula. Ex impossibili sequitur quodlibet, videlicet verum, falsum, necessarium, impossibile, contingens.

Decima regula. Necessarium sequitur ex quolibet, scilicet, ex impossibili, ex necessario, ex contingenti, ex falso, ex vero. Istæ *duæ regule* simul explicandæ sunt. Possunt enim dupliciter intelligi, præsupposita bonitate consequentiæ, vno modo permissiue. Nimirum quod ex impossibili possit sequi omnis differentia enunciationis non tamen quod quælibet enuntiatio necessario consequatur ex impossibili. Et similiter intelligatur *decima regula*. Non vt quodlibet necessarium sequatur ex qualibet differentia enunciationis cuiuslibet: sed quia possibile est ex qualibet differentia enunciationis sequi necessa-

necessarium. Atqui hæc intelligentia
harum regularum planissima est exem-
plis. v. g. bene sequitur omnis equus est
rationalis, omnis lapis ist equus, ergo omnis
lapis est rationalis; ecce vbi ex impossi-
bili sequitur impossibile. Item hæc est
bona consequētia, omne viuens est plan-
ta, omnis arbor est viuens, ergo omnis ar-
bor est planta Ecce necessarium sequi-
 tur ex impossibili. Item bene sequi-
 tur, *omne ens necessario currit, Petrus est*
ens, ergo Petrus currit. Ecce vbi con-
 tingens sequitur ex impossibili. Et
 multa alia exempla poterit præceptor
 discipulis proponere ad intelligētiā
 vtriusque regulæ. Altera intelligentia
nona & decima regula est huiusmodi,
 vt eo ipso quo antecedens est impossi-
 bile, statim quælibet enunciatio bene
 sequatur ex illo, vt si dicas *Petrus est*
equus ergo lapis est leo, ergo equus est
hinnibilis, ergo Petrus currit. Et simili-
 ter propositio necessaria quælibet ex
 quolibet antecedēti bene inferri. Ra-
 tio sic opinantium est, quia putant o-
 mnem bonitatē consequentiæ in hoc
 consi-

consistere, si non fuerit possibile in ipsa dari antecedens verum & consequens falsum. Et omnem malitiam consequentiæ in hoc aiunt consistere si in illa possit dare antecedens verum & consequens falsum. Sic igitur probant duas prædictas regulas. Si antecedens est impossibile, nõ poterit dari antecedens verum & consequens falsum. Rursus si consequens est necessarium, non poterit dari consequens falsum & antecedens verum.

Nihilominus hæc sententia ab aliis merito non probatur, quorum ratio melior videtur. Quia bonitas consequentiæ non consistit in pura negatione: sed in aliqua connexionem inter significatum consequentis & antecedentis, ita ut intellectus conuincatur ex antecedente concesso, etiam alias impossibili, concedere consequens. At vero in hoc discursu *equus est lapis*, *ergo homo est aquila*, nulla intellectui representatur connexio, ut etiam si antecedens concesserit, teneatur illud consequens concedere. Deinde
-11005
conle-

consequentia malitia non solum ostenditur, quando in propriis terminis datur antecedens verum & consequens falsum : sed etiam declaratur quando in alia consequentia similis formæ datur antecedens verū & consequens falsum. Assignabo itaq; hanc consequentiam similis formæ. *Equus est animal ergo homo est aquila*: vbi antecedens est verum & consequens falsum, ergo altera consequentia mala erat. Probo autem esse similitudinem formæ inter illas consequentias. Non enim impedit similitudinem formæ si antecedens vnius sit in materia remota & alterius in materia naturali: dum modo seruetur eadē qualitas & quantitas in enunciationibus, eademque logicalis proprietas. Neq; tamen destruitur aliquis formalis modus argumentandi in Dialectica designatus, qui etiam debet seruari in similitudine formæ. Igitur illæ duæ consequentiæ sunt similis formæ. Nisi forte velis dicere locum argumentandi legitimum esse ab antecedenti impossibili: quem

quem nullus Philosophorum cōme-
 morauit. Ad rationem autem contra-
 riæ sententiæ satis responsum est, ad
 malitiam consequentiæ sufficere quod
 in simili forma detur antecedens ve-
 rum & consequens falsum. Vbi ob-
 serua sufficere quidem ad malitiam
 consequentiæ, si possit dari antecedens
 verum & consequens falsum, non au-
 tem sufficere ad bonitatē, si non possit
 dari antecedens verum & consequens
 falsum in particulari materia. Porro
 ad maiorem intelligentiam prædicto-
 rum est mihi vnum argumentum in
 fauorem oppositæ sententiæ asseren-
 tis ex impossibili semper effici bo-
 nam cōsequentiam. Sic argumentor.
 Ex omni impossibili sequuntur duæ
 contradictoriæ (*saltem implicite*) sed ex
 duabus contradictoriis per bonam
 consequentiam & formalem sequi-
 tur quælibet enunciatio, ergo ex im-
 possibili sequitur quælibet propositio.
 Hæc consequentia patet ex *septima re-*
gula. Nam quidquid sequitur ad con-
 sequens bonæ consequentiæ sequitur
 ad eius

ad eius antecedens. Maior probatur ex diffinitione impossibilis. Nihil enim est impossibile nisi contradictionem saltem implicite contineat; alias posset à Deo fieri, cuius omnipotentia ad omnia quæ non implicant contradictionem se extendit. Minor vero probatur. Et assumo has duas contradictorias; *Petrus currit & Petrus non currit*: & volo inferre ex illis hanc propositionem, *equus est leo*. Sic argutor. *Petrus currit & Petrus non currit*, ergo *Petrus currit*, à copulativa ad partem. Rursus *Petrus currit* ergo *Petrus currit* vel *equus est leo*, à parte disiunctivæ ad totam. Tandem ab hac disiunctiva cum destructione prioris partis infero positionem alterius, sic procedens. *Petrus currit* vel *equus est leo*, sed *Petrus non currit*, ut concessum erat in primo antecedenti, ergo *equus est leo*. Et proportionabiliter poteris inferre quamlibet aliam propositionem ad libitum tibi propositam, si processeris per tres illas consequentias, quarum quælibet formalis est & necessaria.

Hoc

Hoc argumentum non est vulgare. Et facie tenus videtur intentum suum probare. Nihilominus, si quis attente introspexerit, solubile est. Id quod ego sic ostendo. Quanuis enim prima illa consequentia, à copulatiua ad partem formalis consequentia sit, & etiam secunda consequentia, à parte disiunctiuæ ad totam sit formalis: tamen in tertia consequentia, in qua argumentamur à disiunctiua cum destructione vnius partis ad positionem alterius, inuenit ipsa destructio vnius partis non sequi formaliter ex antecedentibus. Etenim per accidens est ad formalitatem consequentiæ à copulatiua ad partem, quod ipsa copulatiua contineat duas cōtradictorias. Est etiam multo magis per accidēs, quod dum argumentamur à parte disiunctiuæ ad totam, illa pars disiunctiuæ fuerit deducta ex vna copulatiua quæ constabat ex duabus contradictoriis. Ac proinde quando in vltima consequentia repente emergit destructio alterius partis disiunctiuæ, illa destru-

T ctio

ctio non consecuta est formaliter per consequentiam formalem in quantum destructio est partis disiunctiuae, sed materialiter contingit, quod in prima copulatiua altera pars alteri fuerit destructiua. Quocirca hic discursus erit similis formae cum illo. *Petrus currit, & Paulus non disputat*, ergo *Petrus currit*. Rursus *Petrus currit*, ergo *Petrus currit vel equus est leo*. Deinceps in tertia consequentia inuenies deesse destructionem alterius partis disiunctiuae, quae non sequitur ex antecedentibus. Non enim poteris dicere, *sed Petrus non currit*, ergo *equus est leo*. Nam in prima copulatiua altera pars non destruebat priorem. Quod autem iste secundus discursus sit similis formae cum priore, probatur: quia prima hypothetica copulatiua est similis formae cum copulatiua secundi discursus, utraque enim continet duas partes eiusdem quantitatis & qualitatis. Neque in illis est differentia aliqua in proprietate logica. Secunda etiam consequentia similis formae est, ut patet.

ter. Tertia denique consequentia si ponas destructionem alterius partis, bona est, & similis formæ, sed minor erit falsa si dicas, *sed Petrus non currit*, non enim habes, unde formaliter deducatur illa destructio. Fatemur tamen si quis concederet duas contradictorias, conuinceretur concedere usque ad ultimam illam consequentiam: sed conuinceretur non ex formalitate consequentiarum: sed ex materiali concessione duarum contradictoriarum in illis terminis, ubi copulatiua continet duas contradictorias. Atqui hoc pacto nos etiam fatemur ex duabus contradictoriis concessis, posse materialiter concludi quamlibet enunciationem, non tamen formaliter ut ostensum est.

Alterum argumentum principale fieri potest contra tertiam regulam in qua dicitur. In bona consequentia si antecedens est necessarium consequens debet esse necessarium. Sic argumentor. Hæc est bona consequentia: *Deus dixit Petrū negaturū, ergo Petrus est nega-*

turus. Antecedens est necessarium &
 tamen consequens non erat necessa-
 riū, ergo regula fallit. Maior ab omni-
 bus conceditur, quia illa consequen-
 tia fundatur in infallibilitate diuinæ
 præscientiæ & veracitate dicentis, qui
 mentiri non potest. Quod autem an-
 tecedēs sit necessarium, probant quia
 erat propositio de præterito & ad præ-
 teritum non est potentia. Quemad-
 modum, *Adam fuit*, dicitur modo ne-
 cessaria. Denique consequens non
 fuisse necessarium, probatur: quia
 quantumlibet Deus prædixerit Pe-
 trum negaturum nihilominus Petrus
 libere negavit Christum, alias non pec-
 casset. Hoc argumentum maiorem
 difficultatem tangit quam qua noul-
 tiis possit omnino explicari. De qua re
 late diximus in nostris *Commentariis su-*
pra primam partem quest. 14. artic. 13. dub.
2. ad 3. Nunc autem sufficiet afferere
 illam regulam debere intelligi, tum
 de bona consequentia formæ, tum
 etiam de antecedente necessario sim-
 pliciter & ex propriis terminis: & sic
 nullam

nullam instantia habebit. At vero consequentia proposita non est formalis, multa enim præsupponit non necessaria simpliciter, ex quibus materiam tantum bonitatem habet. Nunc enim in illa consequentia antecedens est verum, *Deus dixit Petro, ter me negabis*, & consequens est falsum, dum infertur, *ergo ter est negaturus*. Iam enim Petrus non est negaturus Christum. Si autem fuisset formalis consequentia, quotiescunque daretur antecedens verum, daretur etiam consequens verum. Igitur illa consequentia tantum fuit bona pro tunc, supposito quod *Deus dixit*, & supposito quod Petrus nondum negauerat: quæ duo non sunt simpliciter necessaria. Possibile enim fuit Deum non dixisse & Petrum non esse negaturum. Unde ad argumentum in forma dupliciter potest Dialecticus respondere. Primo quidem negando consequentiam esse formalem; nam consequentia formalis quæ semel est bona semper est bona. Secundo negando antecedens

T 3 esse

esse simpliciter necessarium, sed tantum ex suppositione non necessaria simpliciter. Sicut hæc propositio, *Adam fuit*, nō est simpliciter necessaria, nam alias esset æternæ veritatis, quæ tamen erat falsa ante quā Adam fieret. Denique si aliquam bonitatem haberet illa consequentia etiam consequens est necessarium ex suppositione non simpliciter. Id quod *D. Thomas* ubi supra ad 2. argumentum dixit, *Consequens est necessarium*, ut subest antecedenti, & non in se simpliciter. Quemadmodum *Aristoteles* dixit lib. 1. *Periher.* cap. 6. *Omne quod est, quāto est, necesse est esse.* Est enim ac si diceret, *Impossibile est aliquid esse & non esse & necesse est esse si est.* In quo modo loquendi necessitas consequentia insinuatur, non autem necessitas absoluta ipsius enunciati. Eadem explicatio adhibenda est quintæ regulæ. In qua dictum est, *si consequens est consequens, antecedens non potest esse necessarium.*

Intelligenda est enim de simpliciter necessario, & non de necessario ex suppositione.

Alia

Aliadifficultas est quænam sit ratio, quare ex vero non possit sequi nisi verum: & tamen ex falso possit sequi verum. Ratio dubitandi est: quia non minus opponitur falsum vero, quam verum falso, ergo si falsum non potest contineri in vero, neque ex illo inferri, pari ratione verum non poterit contineri in falso neque ex illo inferri.

Responderetur rationem differentie duplicem esse. Prior est, quia verum confurgit undique ex integra causa: habet enim rationem boni. Falsum autem habet rationem mali & ex particulari defectu confurgit. Etenim una propositio copulatiua, cuius una pars est falsa & altera vera, simpliciter dicitur nota falsa: quia talem modum habet significandi, ut non solum dicat vel representet illam veritatem quam continet: sed etiam importet veritatem, simul esse veram, ac propterea tota copulatiua dicitur falsa. Nihilominus si illa pars quæ vera est separaretur ab altera, erit vera absolute &

simpliciter. Hinc est, vt ex antecedēti simpliciter falso possit inferri consequens simpliciter verum, vt patet in consequētia, à copulatiua ad partem. Deinde etiam si antecedens nihil veri contineat, poterit aliquando ex illo inferri consequens verum. v. g. bene sequitur, *omnis lapis est viuus & omnis homo est lapis*, ergo *omnis homo est viuus*. Continet enim antecedēs, quod simpliciter falsum est, bonitatem syllogisticam & consequētiā necessariam. Et hæc est secunda ratio. Non enim necesse est vt veritas consequētis causetur ex falsitate antecedētis: sed sufficit quod assensus antecedētis si concederetur, esset causa assensus consequentis quantū ad substantiam ipsius assensus, non quantum ad veritatem contentam in consequenti. Bonitas enim consequentiæ solum pensatur ex veritate istius cōditionalis, *si omnis lapis est viuus, & omnis homo est lapis, tunc omnis homo est viuus*. Quæ propositio vera est. Nihil enim aliud affirmat, neque ponit in esse, quam quod si ante-

cedens

torum tamen est origo & initium argumentorum : sicut elementum naturale intrat in compositionem multarum rerum. Item *Boetius lib. i. de differentia Topicorum*, locus, inquit, est, id unde ad propositam questionem conueniens trahitur argumentum. Nos vero hic aduertimus, quod locus Dialecticus aliquando accipitur pro simplici sede siue elemento siue initio : unde argumentum procedit. Aliquando accipitur pro tota argumentatione, quæ includit tanquam partem initium seu fundamentum & sedem unde proceditur. Quemadmodum in superioribus diximus quod diffinitio, aliquando accipitur pro oratione, quæ constat ex genere & differentia, aliquando pro enunciatione, quæ constat ex diffinito & diffinitione, vt, *homo est animal rationale*. Ita etiam nunc, cum quosdam locos argumentandi enarrabimus, utemur indifferenter nomine loci.

Solent Rhetores multipliciter huiusmodi locos diuidere. In primis diuidunt

uidunt locum in locum qui dicitur, *Maxima*, & in locum qui dicitur; *Differentia maxima*, vt diuidit *Boetius lib. 2. Topicorum*. Locus *Maxima*, dicitur propositio per se nota, fidem aliis subministrans. Vocant propositionē per se notam; quamcunque, quæ cognitis terminis ab omonibus approbatur, etiam si non sit in se intrinsece necessaria: vt verbi gratia. In qualibet arte id, quod maxima pars artificium dicit, pro vero habendum est. Id autem quod dicitur fidem aliis subministrans, nihil aliud est, quam continere in se virtutem probandi aliquid aliud.

Deinde locus, *Differentia* maxime est receptaculum plurium maximarum, qualis est locus diffinitionis, loci autoritatis. Nam ex loco diffinitionis plures maximæ solent deduci, præterea modum etiam ex loco autoritatis. Porro prosecutio huius tractatus, de locis argumentandi aliter à *Dialectico*, aliter à *Rhetorico* ordinanda est. Quamobrem nos qui

ad

ad Dialecticorum vtilitatem hæc rudimenta scribimus, eos tantum locos commemorabimus, qui in schola frequentiores & vtiliores sunt. Non enim Dialecticum aut Philosophum aut Theologum decet de locis qui ad permouendos affectus valent, sed de illis qui ad conuincendum intellectum ordinantur, differere. Legiatque perlegi libros octo topicorum & duos elenchorum Aristotelis, in quibus infinitum fere numerum locorum argumentandi recte & sophystice inueni. Nam in solis Topicorum libris curiosi interpretes duodecim supra trecentum locos argumentandi annumerarunt. Alii qui rem Dialecticam nimis rhetorice tractauerunt ad plures quam viginti argumentandi locos reduxerunt. Nobis tamen octo capita siue fundamenta varie argumentandi sufficere videtur Dialectico qui ad Theologiam siue Philosophiam properat.

*Primus &
notissimus*

Primus locus Dialecticis & Rhetoribus communis est ex diffinitione
& ap-

& appellatur ab eis locus diffinitionis, ^{locus est diffinitio.} siue argumentatio quæ ex diffinitione deriuatur. Omnia enim dubia emergentia circa vnamquamquerem ex diffinitione soluēda sunt, vt habemus ex *Aristotele*.

Hic locus argumentandi multipliciter exercetur. A diffinitione ad diffinitum, & vice versa efficax argumentum est. Deinde à negatione diffinitionis ad negationem definiti, & vice versa efficaciter concluditur. Item à diffinitione ad definitum cum eodē addito, & vice versa, bona erit consequentia. v. g. *est homo albus, ergo est animal rationale album*. Amplius, A negatione vnius partis diffinitionis ad negationem diffiniti certa consequentia est, si enim vna pars diffinitionis negatur de aliquo non poterit ei tota continere, ac proinde nec diffinitum. Verum vice versa à negatione diffiniti ad negationē cuiuslibet partis diffinitionis, non erit bona consequentia, vt si arguas, *non est homo, ergo non est animal*: sed à negatione diffiniti ad negationem

tionem differētiæ adæquatæ, quæ est in diffinitione bona erit consequentia, & vice versa. v. g. *Non est homo, ergo non est rationale*. Denique à diffinitione ad propriam passionem diffiniti, & vice versa bona sit consequutio, *ut est animal rationale, ergo est visibile*. Hæc vniuersalia documenta intelligenda sunt, nisi forte committatur aliquis defectus logicalis, ut in sequentibus patebit.

Secundus locus à diuisione.

Secundum caput est, p consequentiis quæ procedunt ex bona diuisione alicuius communis diuisibilis. Quæ consequentia multis modis variantur. In primis à diuiso ad ipsam diuisionem, quæ disiunctim continet partes diuidentes, & vice versa bona fit consequentia. v. g. *est animal, ergo est rationale, vel irrationale*. Deinde à negatione diuisi ad negationem diuisionis sub eadem forma. v. g. *Non est animal, ergo non est rationale vel irrationale*. Verum à negatione vnius partis diuisionis ad negationem diuisi non est bona consequentia; quanuis vice versa bona sit.

na sit. Ratio est quia singula membra diuisionis sunt inferiora respectu diuisi. Hæc duo capita argumentandi frequentissima sunt & in promptu habenda; non solum in Dialectica sed in omni superiori disciplina.

Tertium caput arguendi sit ex qualitate propositionis affirmatiuæ vel negatiuæ, unde sæpe sumitur argumentum & hoc dupliciter vel ab affirmatiua ad negatiuam vel à negatiua ad affirmatiuam, quibusdā præscriptis legibus.

Sit igitur prima regula. Ab affirmatiua ad negatiuam prædicato variato penes finitum & infinitum bona erit consequentia. v. g. *homo est albus, ergo homo non est non albus.* Similiter *homo est non albus, ergo homo non est albus.*

Secunda regula. A negatiua ad affirmatiuam variato prædicato de finito in infinitum & de infinito in finitum, bona erit consequentia, dummodo in antecedenti ponatur constantia subiecti iuxta exigentiam temporis importati per copulam. Constantiam dicimus propositionem affirmatiuam, quæ

quæ importat existentiam rei significatæ per subiectum propositionis negatiuæ, ex qua fit consequutio ad affirmatiuam. Ecce exemplum. *Homo non est albus, & homo est, ergo homo est non albus.* Si enim non poneretur constantiam illam; *& homo est*, dabitur antecedens verum & consequens falsum, nullo existente homine in rerum natura, quoniam antecedens verificabitur per non suppositionem extremorum, cum sit pure negatiuum, consequens vero erit falsum, cum sit propositio affirmatiua de subiecto non supponente.

Sed contra. Hæc est mala consequentia, *omnis homo non fuit albus & homo est, ergo omnis homo fuit non albus.* Igitur regula non est certa. Antecedens probatur, nam antecedens erit verum & consequens falsum, in casu, quo nullus homo antecesserit & modo sint homines. Respondetur, Hoc argumentum non esse instantiam contra regulam: quia constantia non ponitur iuxta exigentiam copulæ, propterea

pterea quod subiectum illud supponit seu potius accipitur ratione Ampliationis pro omni homine, qui est vel fuit. Quocirca constantia debet poni vniuersaliter pro omni homine, qui est & fuit: sic vt ponatur existentia etiam pro tempore præterito. Erit igitur hæc legitima constantia, *omnis homo fuit non albus*. Obseruandum est enim, constantiam semper debere esse vniuersalem: nisi quando particularis propositio æquiualeat vniuersali. v. g. In illa prima consequentia: *homo non est albus & homo est*, ergo *homo est non albus*, illa constantia, *homo est*, æquiualeat huic in materia: *omnis homo est*. Sed cum copula de extrinseco tempore non æquiualeat constantia particularis vniuersali.

Hic modus argumentandi desumptus est ab *Aristot. lib. 2. Periber.* & fundatur in hoc quod termini contradictorii non possunt de eodem verificari. Fundatur etiam in eo, quod de qualibet re existenti alterum terminum ex duobus contradictoriis necesse est

V affirmare.

affirmari. v. g. *si Petrus est, & non est albus*,
ergo *est non albus*. Alias vel darentur
duæ contradictoriæ simul veræ vel fal-
sæ.

Sed obiicit aliquis hanc doctrinam
locum habere quando subiectum est
singulare vel distributivum. At vero quā-
do subiectum est commune & accipitur
determinate vel indefinite, non pote-
runt inferri duæ contradictoriæ, sed
duæ subcontrariæ, quæ possunt esse
simul veræ, vt *homo est non albus*, & *ho-
mo non est non albus*. Respōdetur nihilo-
minus, quod si ex illa indefinita: *homo
est albus*, non inferretur ista, *ergo homo
non est non albus*, probaremus duas con-
tradictorias veras in hac forma. Detur
antecedens verum & consequens fal-
sum, iam contradictoriū consequen-
tis erit verum, scilicet: *omnis homo est
non albus*. Ex quo infertur cōtradictō-
ria antecedentis, scilicet, *omnis homo non
est albus*. Et eadem est ratio, argumen-
tando a negatiua ad affirmatiuam, po-
sita constantia legitima subiecti, vt ipse
poteris exercitio experiri.

Quantum

Quartum caput & genus argumē-
tandi est in hypotheticis. De industria
etenim prætermittimus aliū modum
argumentandi in cathegoricis, qui est
per conuersionem & permutationem
extremorum, faciendo de subiecto
prædicatum & de prædicato subie-
ctum. Nam de hoc opportunius ad
ministerium syllogismorum agendum
est in lib. 5.

Quartus lo-
cus quinque
regulis con-
tinetur.

Nunc autem circa hypotheticas
quædam regulæ notandæ sunt.

Prima est. A copulatiua, cuius copu-
la constituens copulatiuam non ne-
gatur, ad partem copulatiuæ semper
est bona consequentia. v. g. *Petrus non
currit & Paulus disputat*, licebit inferre
vtram velis partem copulatiuæ. Quo-
niam ad veritatem copulatiuæ, vt di-
ximus, requiritur veritasque partis ve-
ritas. Diximus tamen, Cuius copula
coniunctiua non negatur, nā quando
negatur, æquiualeat conjunctioni dis-
iunctiue, vel. Est exemplū. *Non Petrus
disputat & Paulus loquitur.* Vbi si ne-
gatio seruetur in totam copulatiuam

V 2 æqui-

æquiualeat huic, *Petrus non disputat, vel, Paulus non loquitur.*

Secunda regula. A parte disiunctiuæ ad totam bona est consequentia. Ratio est quia hæc est natura disiunctiuæ, ut ad sui veritatem sufficiat vnicam partem esse veram, licet habeat plurimas partes. v. g. *Petrus est homo, vel Paulus disputat, vel equus est lapis.* Tota disiunctiuæ dicitur vera à veritate vnius partis. Nam ille qui sic loquitur non asseuerat singulas partes esse veras, sed dumtaxat vnam in confuso enunciationem. Et iurare potest in illa disiunctiuæ se verum dixisse. Hæc regula etiam debet intelligi, dummodo coniunctio disiunctiuæ non negetur: tunc enim æquiualeat copulatiuæ. Exemplum sit. *Non Petrus disputat, vel, homo est lapis, æquiualeat huic. Petrus non disputat, & , nullus homo est lapis.* Negatio enim præposita quidquid post se inuenit, destruit, & eius oppositum ponit.

Tertia regula. Ab hypothetica causali vel rationali ad hypotheticam copula-

pulatiuam bona est consequētia. Ratio est. Nam causalis & rationalis vltra bonitatem consequentiæ postulant vtramque partem veram esse: Id quod sufficit ad veritatem copulatiuæ.

Quarta regula. A causali ad rationalem & a rationali ad conditionalem bona est consequentia. Ratio est, quia quidquid requirit cōditionalis ad sui veritatem, requirit etiam rationalis & aliquid amplius, & rursus, quidquid requirit rationalis, requirit etiā causalis, & aliquid amplius. Igitur quotiescunque fuerit vera causalis, etiam erit vera rationalis, ac multo magis erit vera conditionalis. Sed vice versa nulla erit consequentia, quoniam antecedens minus postulat ad sui veritatem, quam consequens, ac proinde facile dabitur verum antecedēs consequente existēte falso: quod est contra primū principium bonitatis consequentiæ.

Quinta regula. A copulatiua ad hypotheticam illatiuam & a cōditionali

V. 3 ad

ad copulatiuam semper est mala consequentia. Ratio est, quia copulatiua non postulat, vt altera pars inferatur ex alia, id quod requiritur ad hypotheticam illatiuam. Rursum conditionalis nullius partis veritatem exigit, vt sit vera: copulatiua vero vtramq; partem veram esse requirit, quo fit, vt à neutra hypothetica ad alteram fiat bona consequutio, & eadem ratione neque à disiunctiua ad conditionalem, neque à conditionali ad disiunctiuam fiet consequentia bona. Reliqua vero si forte alia sint consideranda in argumentatione ab hypothetica ad hypotheticam facile dignoscuntur ex documentis supra positis, si aduertit Dialecticus requisita ad veritatem singularum hypotheticarum.

Quinto loco vltimum est collocare ordinem consequentiarum, quæ sunt ex parte acceptionis & suppositionis terminorum. De quibus *prima regula* sit. Quotiescunq; variatur suppositio termini secundum differentias duarum diuisionum quæ primæ positæ sunt, videli-

videlicet, suppositionis in propriam, & impropiam, & suppositionis propriæ in materialem simplicem & personalem; non est bona consequentia. Ratio communis huius regulæ est: quia in tali variatione aut est æquiucatio vocis, aut quasi æquiucatio. Quando enim terminus in vna propositione proprie accipitur, & in alia improprie, constat esse æquiucationem. Item cum terminus supponit materialiter pro se in vna propositione, & in alia pro re significata, etiam est æquiucatio: nam alio conceptu se repræsentat, & alio rem. Denique cum in vna propositione accipitur simpliciter, & in alia personaliter, est quasi æquiucatio.

Nam tamen si eodem conceptu mediante nomen accipiatur simpliciter vel personaliter: tamen ex vi alterius dictionis quæ appellat supra significatum illius termini ratione proprii conceptus rei, ita vt prædicatum denotetur conuenire rei significatæ, non prout est realiter in se

sed prout est in illo cōceptu ad æqua-
to: perinde est ac si terminus æqui-uo-
ce variaretur, quando transit de sim-
plici suppositione ad personalem aut
vice versa. Hic defectus coincidit cū
alio de quo paulo post dicemus, qui
est variatio appellationis.

De suppositione vero naturali &
accidentali non assignamus modo re-
gulam argumentandi: quia hæc diffe-
rentia reducitur ad modū argumen-
tandi ab amplo ad non amplum, vel
à non restricto ad restrictum. vt in hac
consequentiā, *omne animal currit, omnis
homo est animal, ergo omnis homo currit.*
In qua committitur defectus non so-
lum intrinsecus, quia medium vbi nō
distribuitur, tenetur minus restricte,
quam vbi distribuitur, vt *lib. 5.* dice-
mus, sed etiam extrinsecus ex parte
termini, *homo*, qui in antecedente non
coarctatur, sed absoluitur ab existen-
tia præsentis temporis, & supponit pro
omnibus suis significatis, siue existāt,
siue non existant: sed in consequenti
non accipitur, nisi pronunc existē-
bus.

bus. Vnde defectus illius consequentiae est ab amplo ad non amplum affirmatiue sine constantia non ampli; ut statim videbimus.

Dicamus consequenter de consequentiis, quae pertinent ad modum argumentandi cum variatione suppositionis terminorum penes distributionem, vel non distributionem, & confusionem.

Secunda regula. A termino distributo ad ipsum non distributum bona est consequentia, non tamen vice versa v. g. bene sequitur: *omnis homo currit, ergo homo currit*, non contra. Sed contra ista consequentia non valet: *omnis homo est individuum: ergo homo est individuum* nimirum regula deficit. Respondetur, illam consequentiam nunquam valere, quia est contra primam regulam. Nam haec secunda illam praesupponit & duntaxat locum habet in suppositionibus personalibus.

Tertia regula. A suppositione confusa ad determinatam mala est consequentia. v. g. *omnis homo est animal, ergo*
V 5 *aliquid*

aliquod animalest omnis homo. Ratio huius regulæ est, quoniam antecedens ex parte confusæ suppositionis prædicati poterit verificari siue pro vno determinato animali, siue pro diuersis singularibus: at consequens coarctatur, vt verificetur ad vnicum tantum animal, quod omni homini debet cōpetere. Vnde facilius reddetur verum antecedens, quam consequens.

Sed contra hæc est bona cōsequētia; *omnis homo disputat, ergo homo disputat*: & tamen argumentamur ex parte prædicati à confusa ad determinatam ergo regula deficit. Respondetur regulam esse intelligendā, quando proceditur à confusa suppositione respectu alterius termini distributi, ad determinatam respectu eiusdem termini distributi: & quia in consequenti illius consequentiæ nulla est distributio, non potest committi iste defectus. Sed replicatur. Hæc consequētia nihil valet; *Requiritur equus ad equitandum; ergo aliquis equus determinatus, requiritur ad equitandum*, & tamen in consequenti nulla

nulla est distributio, ergo sufficiens est
 intelligentia. Respondetur quod ver-
 bum, *requiritur*, est de signis speciali-
 bus confusionis confundentibus ter-
 minum post se positum: & quia idem
 verbū; *Requiritur*, manet in consequēti
 respectu cuius idē terminus, qui in an-
 tecedēti ab illo confundebat, manet
 determinate respectu illius; perinde
 est, ac si maneret distributio, à qua in
 altera consequentia confundebat. Sit
 igitur intelligentia adæquata regulæ.
 Quādo in consequenti manet signum
 q̄ erat causa confusionis termini in an-
 tecedēti positi, & idē terminus manet
 determinate respectu eiusdē signi; tūc
 fit mala argumētatio à confusa ad de-
 terminatā. Verū tamen à determinata
 ad confusam bona est consequentia.
 Ratio est, quia plus requiritur ad verita-
 tem antecedētis ex parte termini de-
 terminatē supponentis, quam ad ve-
 ritatē consequentis, in quo idem ter-
 minus confuse supponit. Sed hoc in-
 telligitur nisi variet appellatio; qualis
 invenitur specialiter in verbo; *Pro-*
mitto,

mitto, & me obligo, quia vt supradiximus, hæc consequentia non valet; *Aliquem equum determinatum tibi promitto, ergo promitto tibi equū*: propterea quod est maior obligatio, quæ requiritur ad veritatem consequentis, quam ad veritatem antecedentis, & poterit dari antecedens verum, si absque culpa promittentis moriatur particularis ille equus, & consequens erit falsum. Nam si promississet equum, maneret obligatus adhuc, illo mortuo, dare equum: Sed non obligabitur, ergo non promissit equum.

Denique non opus est aliam regulam constituere de suppositione termini indefiniti & de suppositione termini affecti signo particularitatis. Et enim ceteris paribus æquivalent propositiones in quibus hæc sola variatio inuenitur. v. g. *Quidam homo currit, & homo currit*, æquivalentes sunt. Imo quantumlibet terminus cōmunis huiusmodi signo adiungatur, poterit cōfundi, sicut si non adiungeretur cum illo. v. g. *Hæc est vera; amicus homo est aliquod*

quod animal. Vbi signum, *aliquid*, nihil aliud determinat, quam insinuare, & cum dicimus : *omnis homo est aliquid animal*, requirit ad sui veritatem quod quilibet homo designatus sit aliquid animal in particulari. Nam animal vniuersale non distinguitur realiter à singulis animalibus : neque enim est idea communis à parte rei, quæ prædicetur communiter de singularibus, sicut *Platonem* sensisse opinatur *Aristoteles*. Hoc tamen documentum videtur habere exceptionem in enunciationibus doctrinalibus, in quibus præceptores & legislatores indefinite loquuntur : sed vniuersaliter intendunt definire, vel leges ferre. v.g. hæc propositio, *Triangulus habet tres angulos æquales duobus rectis*, doctrinalis est : in qua præceptor de omni triangulo loquitur & promittit se demonstrare habere tres angulos æquales duobus rectis. Similiter dicit legislator, *homo, qui armam ad hostes transfulerit, occidatur* : quæ loquutio vniuersali æquiualeat.

CAP.

CAP. VI.

Quid indu-
ctio sine
ascensus.

Sexto loco de argumentatione, quæ dicitur inductio, opportune dicemus. De quo modo argumētandi meminuit *Aristot. lib. 1. Topicorum*. A cuius definitione incipientes, dicimus. Inductio, quæ & ascensus à Modernis dicitur, est à singularibus ad vniuersale progressio. Moderni adiiciunt à singularibus sufficienter enumeratis, v. g. *Iste ignis calefacit, & iste, & ille, & sic de singulis, ergo omnis ignis calefacit. Alij vero non solum à singularibus indiuiduis progressum inductione fieri affirmāt, sed etiam ab speciebus ad genus progressum, inductionem vocant. v. g. omne animal nutritur, & omnis planta nutritur, ergo omne viuens nutritur, & in vniuersum omnem progressionem ab inferioribus ad superius factam vocāt inductionem.*

Verum inter Dialecticos magis vsitata est inductio quæ ab indiuiduis ad aliquid illis cōmune procedit. Hunc modum argumentandi tanquam primo

mo auctori ascribit *Aristoteles Socrati*,
vt patet, *lib. 12. Meth. cap. 4.* quia *Socrates*
primus inuenit ac diffiniuit vniuersa-
lia, quæ ex singularibus inductione
facta colligebat. Hic modus confir-
mandi valde accommodatus est ad
sensum, à quo omnis nostra cognitio
originem trahit.

In inductione obseruandum est,
vt omnia singularia numerentur quæ
commode commemorari possunt: sin
autem sine fastidio numerari neque-
unt, tunc addendum est, & sic de sin-
gulis.

Diuiditur vero inductio in affirma-
tiuam & negatiuam: vtroq; enim mo-
do fieri potest progressio à singulari-
bus ad vniuersale. Sed antequam o-
stendamus, an inductio sit formalis
consequentia, prius de descensu, qui
vice versa procedit, dicamus.

Descensus diffinitur, ab vniuersa- *Quid de-*
li ad singularia sufficienter enumera- *scensus.*
ta progressio v. g. *omnis mater diligit fi-*
lium suum, ergo *hæc mater diligit filium*
suum, & *istæ*, & *illæ*, &c. Diuiditurque
sicut

sicut ascensus in affirmatiuum & negatiuum. Alia diuisio tam ascensus quam descensus est secundum differentias suppositionis termini communis distributi, vel non distributi, vel confuse supponentis. Hac via est prima species ascensus copulatiui, quando fit progressio à singularibus copulatiue numeratis per propositionem copulatiuam *hic ignis calefacit, & iste ignis calefacit, & sic de singulis, ergo omnis ignis calefacit.* Et similiter negatiue fieri potest. v. g. *hac nix non calefacit, neque ista, neque illa, ergo nulla nix calefacit.*

Altera forma est ascensus siue affirmatiui siue negatiui, quando proceditur disiunctiue per propositionem disiunctiuam, vel procedendo à singularibus ad commune, vel à communem ad singularia. v. g. *Iste homo est albus, & iste homo est albus, ergo homo est albus.* Aut vice versa: *homo est albus, ergo iste homo est albus, vel iste homo est albus, & sic de singulis.*

Alius est ascensus, vel descensus proce-

procedens non per propositiones copulatiuas, vel disiunctiuas, sed per terminos singulares copulatiui, vel disiunctiui acceptis. v. g. *Iste homo, & iste homo, & iste homo, & sic de singulis, currit, ergo omnis homo currit.* Item *Petrus, vel Ioannes, vel Franciscus, currit, ergo homo currit.*

Sed est obseruandū, quando singularia numerantur coniuncta per coniunctionem, &, dupliciter posse accipi coniunctionem illam; vno modo collectiue, vt in hac; *Iste Apostolus & iste Apostolus, &c. sunt duodecim, ergo omnes Apostoli sunt duodecim.* Altero modo coniunctio, &, diuisiue accipitur quando denotatur prædicatum singulis partibus copulati conuenire, vt in hac, *hic homo, & iste homo, & ille, &c. est doctus, ergo omnis homo est doctus.* Verum hic modus inductionis æquiualeat copulatiuo ascensui. Hic obiter aduerte coniunctionem illam, &, quando copulatiui diuisiue accipitur, reputari vniuersalitatem, neque effici partem extremi id quod lib. 4. de oppositionibus

X

amplius

amplius explicabitur. Etenim hæ duæ propositiones contradictoriæ sunt: *Petrus & Paulus currit*, *Petrus vel Paulus non currit*, ergo participat in subiecto, ergo coniunctio, & non efficitur pars subiecti, sed est universalitas; ac si diceret: *omne quod est Petrus, vel Paulus, currit*: & in sua contradictoria mutatur in particularitatem, *vel*, & totum subiectum est terminus cõmunis: ac si dicere: *aliquid quod est Petrus, vel Paulus non currit*. Habet enim duo supposita subiectum utriusq; propositionis, non obstante quod partes illius subiecti sunt termini singulares. His ita constitutis, necesse est discernere singulos ascensus, vel descensus & illorum usum. Pro terminis varie supponentibus, accommodare per certa quædam documenta.

Primum documentum sit. Ascensus vel descensus copulæ utrius est accommodatus terminis supponenti distributive, siue affirmatiue siue negatiue sit progressus.

Secundum documentum. Ascensus vel descen-

descensus ~~disiunctiuus~~ debitus est termino supposito determinate.

Tertium documentum. Ascensus vel descensus copulatiui progrediens & diuisiue poterit accommodari termino supponenti distributiue: quia reuera æquiualeat copulatiuo. Quando vero, Et, accipitur collectiue est accommodatus termino communi cui adiungitur syncategorema; omnes, vel, omnia, non distributiue sed collectiue acceptum. v.g. in hac propositione, omnes Planeta sunt septem, collectiue accipitur syncategoremata omnes: cui talis ascensus vel descensus debetur, hic Planeta & hic Planeta, (numerando singulos) sunt septem. Cuiusmodi est

Quartum documentum. Terminosupponenti confuse accommodatur aliqui ascensum vel descensum distributum, non disiectiuum. v.g. si dicas, omnis homo est animal, loco prædicti licebit ponere vnum disiectum complexum; Hoc pacto; omnis homo est hoc animal, vel hoc animal, vel hoc animal, vel sic de aliis. Sed profecto talis

X 2 ascen-

ascensus vel descensus inutilis est, quia magis confuse supponit illud disiunctum quam simplex prædicatum, animal.

Questionem celebrem, An Inductio & descensus sit semper bona & formalis consequentia, liber in hoc loco breuiter disputare. Pro cuius intelligentia notandum est, consequentiam diuidi in consequentiam bonam simpliciter, & infallibilem, & in consequentiam bonam, secundum quid. Consequentia bona simpliciter & infallibilis solet dici consequentia formalis: & est ea in qua neque in se neque in alia similis forma potest dari antecedens verum & consequens falsum v. g. *omnis homo est lapis, omnis arbor est homo, ergo omnis arbor est lapis.* De industria exemplum posui in propositionibus impossibilibus, vt sciat Dialecticus, non curandum esse de veritate aut falsitate propositionum, quando agitur de formalitate consequentiae. Deinceps consequentia bona secundum quid, est duplex. Altera est, quæ in certa

certa quadam materia nō patitur antecedens esse verum & consequens falsum. Qualis est hæc. *Homo est animal, ergo omnis homo est animal.* At vero in alia materia in simili forma dabitur antecedens verum & consequens falsum. Vt in hac. *Homo est doctus, ergo omnis homo est doctus.* Alia consequentia dicitur bona secundum quid, quæ probabiliter sed nō infallibiliter procedit. Et tales consequentiæ sunt, quæ solent procedere ab effectibus, qui ut in plurimum solēt esse indicium aliorum euentuum, vel aliquarum causarum. Nihilominus contingit dari aliquando antecedens verum & consequens falsum. v. g. *cælum vespere rubicundum est, ergo altera die erit serenitas. Flat Auster, ergo pluuia cito erit.* Et multæ aliæ similes cōsequentia, quibus opiniones generantur ex antecedētibus verosimilibus.

Nota secundo, consequentiā formalem esse quæ in omni materia & in omnibus terminis similis formæ semper bona est. Similitudo autē formæ

Quid sit s-

*multitudo
forma.*

inter duas consequentias debet con-
siderari secundum qualitates & quan-
tatem propositi, & secundum
omnem modum suppositionis termi-
norum; secundum easdem proprieta-
tes logicales, & in superferuari debet
idem locus, & eadem forma argumen-
tandi. v. g. si una procedat diffini-
tione ad diffinitum, & altera sic de-
bet procedere a diffinitione ad diffi-
nitum. Si altera syllogistice in certa fi-
gura & modo similiter, & altera in ea-
dem figura & modo debet fieri. Si ve-
ro aliqua consequentia non tenet per
aliquem modum Dialecticam aut Rhet-
oricum, non cogitur quilibet negat
aliam proferre similis formae quae per
aliquem locum Dialecticum aut Rhet-
oricum procedat. Variatio uero quae
materiam naturalem aut accidentalem non
tollit similitudinem formae consequen-
tiarum.

His ita constitutis, ad propositam
quaestionem respondetur, & fit prima
conclusio. Inductio siue ascensus non
semper est formalis consequentia. Pro-
batur

batur primo *Aristotelis* autoritate, qui inductionem inter Topicos arguendi modos annoverauit: neq; vñus est illa particula, *et sic de singulis*; nisi forte intelligendū de singulis, quæ experimur. Secundo probatur; nam si illa particula, *et sic de singulis*, italem habeat sensum, & sic de singulis omnibus, siue quæ experimur, siue quæ non experimur, esset inutilis modus arguendi. Nam quod intendimus probare præsupponitur in antecedenti. Proportionabiliter dicimus, quando in Inductione ponitur constantia, vt auri esse necessariam in ascensu disiectiuo negatiuo. Idem enim inconueniens sequitur: nam asserere inconstantiam in antecedenti, & illa sunt homines homines, hoc ipsum magis difficile est, quam cōsequens probandum.

Ex dictis sequitur quod vis & utilitas inductionis ea est, vt ex singularibus omnibus quæ experimur inferat vniuersalis siue affirmatiua, siue negatiua tanq̃ valde vero similis: maxime

si non appareat ratio, quare non ita feres habeat in eis, quæ non experimur, sicut in illis, quæ experimur. v. g. si quis ita processerit: *hic coruus est niger, & hic alius est niger*, & sic de omnibus, quos sensu cognoscimus, *ergo omnis coruus est niger*. Profecto hic discursus non necessario conuincit intellectū. Nam pari ratione Æthiops, qui nunquam viderit hominem album, colliget omnem hominem esse nigrum. Nilominus probabiliter concluditur *omnem coruum esse nigrum*.

Si itaque hoc modo intelligatur induction, in sola copulatiua inductione, siue affirmatiua, siue negatiua, locum habet nostra intelligentia. Ratio est, quia inductio disiunctiua ex qualibet parte antecedētis efficit, quod intendit. v. g. *hic homo est albus, vel hic homo est albus, ergo homo est albus*. Neque enim opus est numerare omnes singulares, vel dicere, *vel sic de singulis*. Et idcirco neque vera inductio est, neque vtilitatem habet in vi inductionis. Valen enim consequentia illa per aliquid locum

cum argumentandi ab inferiori ad suum superius, et statim videbimus.

Secunda conclusio. Si quis spernes utilitatem inductionis, velit ascensum necessariam consequentiam, aut etiam descensum efficere, necesse est, ut in ascensu copulatiui affirmatiui ponat in antecedenti illam particulam *& sic de singulis*, quia quidem sufficit absque conditione necessariam consequentiam efficere. Sed est obseruandum particulam illam; *& sic de singulis*, debere in sua communitate manere pro omni corpore. Nam si determinaretur duntaxat ad omnia singularia, quae sunt in hoc instanti, facile daretur antecedens verum & consequens falsum in euentu, in quo omnes homines, qui sunt in instanti B. sint albi, & illis permanentibus, crastina die nascantur alii nigri. Tunc enim consequentia ascensus copulatiui quae fit in instanti B. maneat scripta profecto crastina die, antecedens erit verum & consequens erit falsum. Id quod in hoc exemplo videre licet. *Iste homo*

X 5 est

est albus, & iste homo est albus, & sic de singulis, qui fuerint demonstrati in instanti B, sed consequens erit falsum, ergo omnis homo est albus. Non igitur debet coarctari particula, & sic de singulis, ad eos duntaxat, qui existerant in instanti B, sed debet manere absolute in cōmunitate suæ significationis. Et tunc bona erit consequentia, & antecedens erit falsum pro illa particula; & sic de singulis. Nam demonstratis nigris, falsum est, *hic homo est albus*. Erit tamen inutilis ille modus argumētandi. Proportionabiliter hoc ipsum experieris in ascensu copulatiuo negativo: in quo debet poni particula, & sic de singulis, in eodē sensu. Tertia conclusio. In descensu affirmatiuo copulatiuo, v.g. *omnis homo currit, ergo iste homo currit & iste homo currit*, si quis velit efficere bonā consequentiā, n̄ qua nō possit dari antecedens verum & consequens falsum, debet ponere in antecedenti constantiam hanc, *& isti homines sunt omnes homines*, videlicet isti homines demonstrandi. Verum tamō inutile fiat argumentū & ridiculū. Quar-

ta conclusio. In ascensu disiunctiuo negatiuo est etiā necessaria constantia, ne detur antecedēs verū & consequens falsum. v.g. *Iste homo nō currit, vel hic homo non currit, ergo aliquis homo non currit:* nisi ponas cōstantiā, & *isti homines sunt omnes homines*; erit mala consequentia & crastina die antecedens erit verū & consequēs falsum; si omnis, vel aliquis homo eorū, qui demonstrati sunt moriaē, & crastina die omnis homo currat. Si autē posueris cōstātiā in antecedenti, iam erit falsa constantia: ac proinde non dabit antecedēs verum, & consequēs falsum. Quinta cōclusio. Ascensus siue descensus disiunctus erga terminū supponentē confuse, immediate quidē fieri potest; nec dabit antecedēs verū & consequens falsum: est inutilis pcessus, quia tā confusum manet disiunctum, q̄ erat ipse terminus simplex supponens confuse, v.g. *omnis homo est animal, ergo omnis homo est hoc animal, vel hoc animal, vel sic de singulis.* Hic autē obserua, q̄ resolutio termini supponentis cōfuse à signo vniuersali non

non potest resolui per ascensum vel descensum, priusquam resoluatur illa vniuersalitas per ascensum vel descensum. Et tunc iam ablata est confusio termini & supponit determinate. Quando vero confusio prouenit à signo speciali cōfusionis, vt in hac propositione; Requiritur equus ad equitandum; non solum non potest immediate fieri descensus supra terminum confusum; sed si aliqua explicatio debet fieri illius propositionis, ea erit per conditionalem; *si equitatio fit, equo fit*. Et nihil aliud est necessarium ad veritatem illius propositionis, Requiritur equus ad equitandum, quam bonitas illius consequentię conditionalis. Sunt tamen alia signa specialia confusionis quæ non habent eandem explicationem. v. g. *promitto tibi equum: teneor dare eleemosynam pauperi*. Hæc nō opus habent alia explicatione, quam quæ habetur ex communi intelligentia sapientum. Non enim poteris inferre ex illis propositionibus, *ergo promitto tibi istum equum, neque, ergo teneor dare*

dare eleemosynam huic pauperi, vel huic pauperi. Quamuis enim dando vnum equum singularem adimpleo promissum, & similiter dando eleemosynam huic pauperi adimpleo præceptum, quia non possum dare duobus; tamen in mea electione est eligere vel equum singularem, vt adimpleam promissum, vel pauperem singularem, cui conferam eleemosynam & adimpleam præceptum.

Denique circa confusionem termini à signo vniuersali prouenientem obserua, quod si facias descensum immediate circa ipsum terminum disiunctiue procedendo committes defectum, qui dicitur ab vnica distribu-

tione ad plures. v. g. *omnis homo est animal, ergo omnis homo est hoc animal, vel omnis homo est hoc animal:* vel sic de singulis. Similiter etiã obserua in ascensu copulatiuo sub termino stante distributiue priusquam sub termino stante determinate committi alium defectum, qui dicitur, à pluribus determinatis ad vnicam. v. g. *homo non est hoc animal,*

Defectus ab vnica distributione ad plures.

A pluribus determinatis ad vnicam.

animal, & homo non est hac animal, &c. ergo homo non est animal, antecedens est verum & consequens falsum, ut patet: neq; ob alium defectum nisi propterea, quod fit argumentum à pluribus determinatis ad unicam.

C A P. VII.

*Modus argumentandi
quis?*

Septimo loco de recto modo argumentandi in aliis proprietatibus logicalibus, scilicet, in Ampliatione & Restrictione & Appellatione: ac de defectibus, qui in eisdem solent contingere, dicendum nobis est. Et quidem quid sint hæ proprietates logicæ: *Ampliatio, Restrictio & Appellatio*, dictum est libro secundo. Nunc autem documenta recte argumentandi in illis proprietatibus proferamus.

Notandum vero est, eandem esse proportionem argumentandi inter hæc omnia, Ab amplo ad non amplum, siue ad minus amplum, siue ad restrictum Item argumentari à non restricto ad restrictum siue ad magis restrictum,

etum, eandem habet proportionem. Item argumentari à superiore vel cōmuniore ad inferius vel minus cōmune, eadē etiam est proportio cum prædictis, & eadem requiruntur ad bonitatem consequentæ: & similes defectus committuntur, eademque documenta pro istis omnibus modis argumentandi deseruiunt. Et vt breuius agamus, & distinctius intelligas ea documenta, statue tibi literam, A, significantem amplum siue minus restrictum, siue non restrictum, siue superius vel cōmunius. Literam vero, B, sit significatiua non ampli vel minus ampli, vel restricti, vel magis restricti, vel inferioris vel minus communis.

Hoc ita constituto sit primum documentum. Processus ab, A, in B, affirmatiuus, vt sit bona consequentia, debet fieri cum distributione ipsius, A, & constantia, B, alias erit mala consequentia: Si deficiat distributio vel constantia. Sit exemplum bonæ consequentiæ. *Omnis homo currit, & homo*
albus

albus est, ergo omnis homo albus currit. Si autē abstuleris distributionem ab, A, vel non apposueris constantiam, B, facile dabis tu antecedēs verum & consequens falsum.

Secundum documentum. Si processus ab, A, in, B, fiat negatiuus, non opus est constantia, B: sed sufficit, & requiritur distributio ipsius, A. Exemplum est: *Nullus homo currit ergo nullus homo albus currit.* Item, *nullus homo potest currere, ergo nullus homo currit.*

Tertium documentum. Si processus fiat à, B, in A, affirmatiue: nihil aliud requiritur, quam quod non distribuatur, A, v. g. *homo albus currit, ergo homo currit.* Item, *homo est albus, ergo homo possibiliter est albus.*

Quartum documētum. Processus negatiuus à, B, in A, requirit vt sit bona consequentia, quod adsit constantia ipsius, B, & quod non distribuatur A. & sic est bona hæc consequentia: *homo albus non currit, & homo albus est, ergo homo non currit.* Sed si nō ponatur constantia, facile dabitur antecedens verum
rum

rum & consequens falsum; si nullus homo albus sit, & omnis homo currat. Similiter hæc est mala consequentia; *Currens non est album, ergo currens possibiliter non est album*, nam antecedens est verum: si nullum animal currat & consequens falsum, nam eius contradictoria est vera, *omne currēs possibiliter est album*.

Circa prædicta documenta duodauenda sunt, alterum est, ne forte seruatis documentis ex parte vnius termini, non seruentur ex parte alterius, vel aliquis alius defectus committatur. Alterum est ne forte constantia imperfecta sit non comprehēns supposita pro quibus consequens potest reddi falsum. Debet enim poni constantia vniuersaliter pro quolibet supposito, pro quo potest reddi cōsequens falsum. Nihilominus quia constantia præsentis temporis sine distributione subiecti, quantum ad rationem præcise existendi, æquiualeat vniuersali: non est consuetum ponere illam cū distributione. Idem enim est

Y dicere:

dicere: *homo existit, & omnis homo existit*. Et hic defectus distributionis constantiæ apparet, si argumentemur à negatiua ad affirmatiuam cum copula de extrinseco tempore, prædicato variato penes finitum & infinitum, verbi gratia, hæc consequentia non valet: *Homo non fuit albus & homo est, ergo homo fuit non albus*. Cuius antecedens erat verum in primo instanti creationis Adam, ut patet. Sed constantia ponenda est secundum exigentiam copulæ de præterito, & *idem homo fuit, vel omnis homo fuit*.

Regula contra argumēta cum variatione appellationis.

Circa modum procedendi in appellationibus terminorum, quædam breuiter necesse est aduertere: quæ potius pertinent ad malitiam & fallaciam consequentiarum, quam ad legitimum locum argumentandi. Vnde sit Prima regula. Quotiescunque variatur appellatio realis efficitur mala consequentia, verbi gratia, *Petrus est magnus logicus, ergo Petrus est magnus*. Nec vice versa. *Petrus est magnus, & est logicus, ergo est magnus logicus*, excipiunt

piunt aliqui, nisi forte consequentia teneat per alium locum: vt hæc consequentia est bona, *Deus necessario est creans*, ergo *Deus possibiliter est creans*: quia procedit à subalternante ad subalternatam, Non obstante, quod, *necessario*, appellat necessitatem supra significatum formale prædicati. Veruntamen non existimo illam esse formaliter appellationem, Ratio est, quia modus ille, *Necessario*, vnionem prædicati cum subiecto modificat secundum significationem prædicati, siue sit absoluta, siue connotatiua: ac proinde virtualis quædam appellatio est supra actualement creationem importatam per illud participium: *creans*. Concedimus itaque hanc esse exceptionem regulæ: quia reuera illa appellatio magis est restrictio: & consequentia tenet, sicut processus à, B, in, A, affirmatiue sine distributione, A.

Altera regula in Appellationibus rationis vniuersaliter est mala consequentia, vbi interuenit secunda

Y 2 inten-

intentio significata per terminum appellentem, verbi gratia: *homo est species, ergo animal est species.*

Tertia regula. In appellationibus, quæ proueniunt à termino significante actum animæ, aut aliquam aliam actionem, non valet consequentia à non appellante ad appellentem, verbi gratia, mala consequentia est; *venientem cognosco, ergo cognosco venientem.* Sed vice versa, dicunt bene valere. Similiter hæc non valet; *Petrus facit hunc calceum, & hic calceus est corium, ergo Petrus facit corium.* Similiter non valet; *Deus concurrit ad actum generationis humane, & talis actus est fornicatio, ergo concurrit ad fornicationem.* Sed in his omnibus & similibus vsus loquendi & sentiendi sapientum consulendus est.

Hactenus de proprietatibus logicalibus quomodo argumentationi deseruiant, & quomodo in eis fallaciæ committantur, satis dictum est. Neque melatet, esse plures alios tum locos à quibus argumentum desumitur, tum etiam consequentiarum modos

dos plures esse. Sed existimaui operæ
 precium me facturum, si ad prædicta
 capita tantam locorum argumentan-
 di multitudinem, & fallaciarum nu-
 merum reducerem. Porro *Aristot.*
lib. 2. Priorum capite 24. argumentatio-
 num quatuor genera docuit videli-
 cet, *sylogismum, enthimema, exemplum:*
Inductionem. Ad hæc quatuor omnis
 artificiosus modus argumentandi re-
 duci poterit. Imo si attente conside-
 remus ad syllogismum & inductio-
 nem omnem argumentandi modum
 reducere poterimus. Etenim Enthi-
 mema syllogismus est truncatus: in
 quo vna præmissa subticetur. v. g.
omnis virtus est laudabilis, ergo iustitia est
laudabilis. Ecce vbi subticetur; *Iustitia*
est virtus, quæ propositio si ponere-
 tur, fieret syllogistica argumentatio.
 Deinde Exemplum est quasi diminu-
 ta Inductio. nam ex vno singulari fa-
 cto intendimus colligere aliquam uni-
 versalem enūciationem, vel aliquam
 aliam singularem. v. g. *Petrus vigilis &*
oratione, & ieiuniis ac literarum exercitia-

*tione doctus Theologus evasit : ergo qui ita
se gesserit sicut ille, obtinebit sacra Theolo-
gia eruditionem.* Reliqui vero loci, qui
à quibusdam Dialecticis multiplican-
tur magis ad Rhetoricum, quam ad
Dialecticum attinent. Et idcir-
co ab illis enarrandis su-
perfedimus.



LIBER



LIBER QVARTVS, DE ENVN- CIATIONVM OMNI- um oppositione & æ- quipollentia.

Tractatus primus.

C A P. I.

IN hoc quarto libro facile nobis erat *Aristotelis* textū interponere à *cap. 5. lib. 1. Periher.* vsque ad libri secundi finē. Sed quia nos in hoc opere breuitati & claritati simul studemus, eam morosam diligentia prætermittimus. Nihilominus ita tractatum de oppositionibus, & æquipollentiis in omni enunciationum genere suis numeris absolutū dare curabimus, vt *Aristotelicæ doctrinæ* immemores nō simus.

Y 4

Princi-

Quid opposi-
tio Diale-
ctica.

Principio à diffinitione Dialecticæ oppositionis inter simplices enunciationes incipiendum est. Et quidem *Aristoteles lib. 1. Perihermenias cap. 4. circa finem* prius de cōtradictoriis enunciationibus meminit, vt inde ad alia duo degenerantis oppositionis genera descenderet. De contradictoria itaque oppositione sic ait: Fieri potest, vt omne quod affirmauit quispiam, negetur: & quod negauit quispiam, affirmetur. Quare patet, cuilibet affirmationi negationem, & cuilibet negationi affirmationem esse oppositam. Atque hoc sit contradictio, affirmatio & negatio, quæ opponuntur. Opponi autem dico, quæ eiusdem de eodem & non æquiuoce, & quæcunque alia determinauimus ad Sophistarum molestias euitandas. In quibus verbis videtur Aristoteles se remittere ad *lib. 1. Elenchorum cap. 4.* Vbi ait: *Contradictio est unius & eiusdem, non nominis, sed rei, non nominis synonymi, sed eiusdem.* Hæc ille. Ex cuius doctrina sola contradictionis diffinitio ea videtur esse; Affir-

matio

ratio & negatio eiusdem de eodem, sicut ipse dixit vbi supra; Atque hoc sit cōtradictio affirmatio & negatio, quæ opponuntur: opponi autem ea dico, (scilicet, affirmationem & negationē) quæ est eiusdem de eodem, & non æquiuoce. Vbi Diuus Thomas sic ait: *Contradictio est oppositio affirmationis & negationis*: reliqua vero quæ adiciuntur potius deseruiunt ad explicationem diffinitionis, quam ad eius integritatem.

Pro cuius rei maiori intelligentia aduerte: Idcirco Aristotelem ita præmisisse, fieri sane potest, vt omne, quod affirmavit quispiam, negetur. Vbi de negatione loquitur, quæ destruit totaliter, quod alius affirmauerat. Verbi gratia dicit Petrus: *omnis homo est doctus*: Respondet Ioannes *Non omnis homo est doctus*. Ioannes quidem omnino negat, quæ alius affirmauerat. Si autem quis alius tertius dicat: *Nullus homo est doctus*: non expresse negat, quod Petrus affirmauerat: siquidem vniuersalitatē relinquit in sub-

Y 5 iecto:
O ule

iecto: quia vniuersaliter negat hominem esse dñum, ac proinde non contradictoriam profert: sed contrariam propositionē, vt paulo post dicemus. Si itaque loquamur de negatione omnimoda, & totaliter destruente, quod quis affirmauerat, sufficit ponere in diffinitione cōtradictionis, quod sit oppositio affirmationis & negationis.

Vnde etiam colligitur talem affirmationem & negationem debere esse eiusdem de eodē, id est, eiusdem prædicati de eodem subiecto. Nam vt ait D. Thom. supra, opposita debent esse circa idem. Neque enim opponuntur, *Plato currit, Socrates non currit*: sicut non opponuntur, *Plato disputat, Plato non currit*. Oportet ergo, vt sit vera oppositio inter affirmationem & negationem, vt tam affirmatio quam negatio sint de eodem subiecto, & de eodem prædicato.

Hinc præterea sequitur identitatem tam subiecti, quam prædicati necessariam esse non solum secundum nomen,

nomen, sed secundum rem significatam. Vnde hæ propositiones non sunt contradictorię: *Petrus currit: Petrus non velociter currit*: quia illud aduerbium *velociter*, modificat actionem significatam per verbum, & efficitur pars prædicati, ac proinde non est eiusdem de eodem affirmatio & negatio. Erit igitur brevis & artificiosa diffinitio contradictorię oppositionis, si dixeris, *esse oppositionē affirmationis & negationis*. Ex hac enim diffinitione omnes alię conditiones colliguntur, si intelligatur, vt à nobis explicata est, imo à Diuo Thoma, vt supra.

Hinc iam via aperitur ad intelligendum alios duos modos oppositionis degenerantes à perfectā oppositione affirmationis & negationis: In quibus negatio non perfecte fungitur officio suo, destruens quidquid affirmatio continet. Pro cuius intelligentia aduerte cum Aristotele vbi supra cap. 1. illud certum & vniuersale fundamentum, Necessarium esse enunciare quoniam inest aliquid aut nō inest, aliquan.

aliquando quidem alicui eorum, quæ
vniuersalia sunt: vt homini: aliquando
vero alicui eorum quæ sunt singula-
ria, vt Petro.

Hoc supposito, diffinit Aristoteles
enunciationes contrarias dicens: *Si
ergo aliquis vniuersaliter enunciet de uni-
uersali competere aut non competere quip-
piam; erunt enunciationes tales contrarie. v.
g. Omnis homo est albus, nullus homo est al-
bus.* Quando vero de vniuersalibus
(hoc est, de rebus significatis per ter-
minum communem) non vniuersali-
ter enunciat, non sunt cōtrarię: quan-
uis significata contingat esse contra-
ria. v. g. *homo est animal, homo non est ani-
mal*, non sunt contrarię: quanuis si ea-
rum significata considerentur in pro-
pria materia naturali, æquivalēt istis,
*omnis homo est animal, nullus homo est ani-
mal.* Verumtamē secundum formam
affirmationis & negationis non sunt
contraria. Ecce enim alias duas eius-
dem formæ; *Homo currit, homo non cur-
rit*, quæ non contrarię, sed subcon-
trarię dicūtur & sunt: quia sunt quasi
filie

filix duarum contrariarū, & sub illis continentur & militant, Verbi gratia, sub istis, *Omnis homo currit, nullus homo currit*, continentur istæ, *homo currit, homo non currit*: quæ simul vera inueniri possunt.

Ex hac doctrina colligit Aristoteles affirmationem & negationem opponi contradictorie, quando altera vniuersaliter altera non vniuersaliter significat. Ponit exemplum in istis, *omnis homo est albus, non omnis homo est albus*: & in istis: *Nullus homo est albus & quidam homo est albus*. Contrariæ vero enunciationes sunt, cum vniuersaliter vtraque affirmatio & negatio significat de eodem. Ex quo infert, impossibile esse, contrarias simul esse veras: sed contingit cōtradiatorias ipsarum vniuersalium aliquando esse veras, verbi gratia. *Homo est albus, homo non est albus*, quæ inter se sunt subcontrariæ, vtraque tamen earum est contradictoria alteri ex cōtrariis: & vtraque est alteri subalternata, quasi sub illa posita. De qua re postea plura dicemus.

Deni-

Denique ut Aristotelis documentis satisficiamus, adiecit ille verbis subobscuris contradictorias ita se habere, ut necessario altera sit vera, & altera falsa. At vero propositiones, quæ sunt vniuersalis subiecti non vniuersaliter, hoc est, in quibus manet subiectum terminus communis non distributus, non necesse est, ut semper altera sit falsa & altera vera: nam utraque poterit esse vera. Reliqua vero quæ Philosophus in illo capite dicit, ex iis, quæ statim explicaturi sumus, manifestiora fient.

CAP. II.

*Documenta
modernorū.*

DEinceps, ut nouitios Dialecticos erudiamus, operæpretium erit oppositionis inter enunciationes documenta, more modernorum, apertius proponere ac distinguere. Atque in primis diffinitio oppositionis in cōmuni, quæ est inter duas enunciationes à modernis vna, licet analogice, assignatur. Aiunt enim; *oppositio est affirmatio & negatio eiusdem de eodem veritate,*

*Diffinitio
oppositionis*

ritate & falsitate, vel sola veritate, vel sola secundum falsitate formaliter repugnantes. Hæc dif- ^{modernos.}

finitio non abs re à Modernis pro-
No-
uitiis posita est. In qua quidem loco
generis ponitur affirmatio & negatio
eiusdem de eodem. Sed hoc non est
æqualiter cōmune tribus modis op-
positionis, qui in ipsa diffinitione in-
sinuantur. Etenim vt supra diximus,
affirmatio & negatio eiusdem de eo-
dem si simpliciter & integre accipia-
tur necesse est negationem destrue-
re quidquid in affirmatione signifi-
catur. Et hoc pacto affirmatio & ne-
gatio eiusdem de eodem est propria
diffinitio contradictionis. At vero si
affirmatio & negatio eiusdem de eo-
dem non eo rigore consideretur, sed
duntaxat contentissimus, si affirmatio
& negatio constent ex eodem subie-
cto, & eodem prædicato; hoc pacto a-
liquid commune est affirmatio & ne-
gatio eiusdem de eodem contradi-
ctoriis contrariis, & subcōtrariis. Vn-
de pro cōtradiCTORIIS ponitur illa par-
ticula; *veritate & falsitate repugnantes:*
pro

pro contrariis vero ponitur altera: *sola veritate*, pro subcontrariis autem ponitur tertia: *sola falsitate*. Atque isto modo vnius affirmationis triplex negatio inueniri potest: non autem prior illo modo proprio contradictoriis, de quo Aristoteles dixit vbi supra: Vnius affirmationis vnam tantum esse negationem: loquebatur enim de negatione complete & perfecte destruyente, quidquid affirmatio ponit. Ex prædicta diffinitione colliguntur tres leges pro tribus modis oppositionis.

Lex contradictoriarum. Prima lex est contradictoriarum; vt non possint simul esse veræ, neque falsæ: quæ lex demonstratur deducendo ad impossibile, nam vtroque modo dignitas illa dignitatum maxima: Quodlibet est, vel non est, destrueretur, verbi gratia, si hæc affirmatio & negatio: *Petrus est albus, & Petrus non est albus*, essent simul veræ, statim immediate sequitur, non quodlibet esse vel non esse: si quidem aliquid est & non est album. Ac pari ratione, si sunt simul falsæ, sequitur nō quodlibet esse vel

vel non esse, imo aliquid non est & est album. Infiti itaque est mentibus hominum lex cōtradiētoriarum, vt non possint simul esse veræ neque simul esse falsæ: sed necessario ex veritate vnus sequitur falsitas alterius & vice versa.

Considera tamen quod quanuis vtraque cōtradiētoria possit esse contingens, tamen copulatiua ex vtraque coniuncta impossibilis est. Verbi gratia, hæc copulatiua est impossibilis, *Petrus currit, & Petrus non currit*. Quemadmodum etiam disiunctiua composita ex duabus contradiētoriis est simpliciter necessaria, tametsi vtraq; pars sit contingens: vt verbi gratia, *Petrus est albus, vel, Petrus non est albus*. Est enim quasi subordinata huic principio, *Quodlibet est, vel nō est*. Hoc ipsum documētum verificat Aristoteles vbi supra in propositionibus de extrinseco tempore, verbi gratia, *Petrus fuit albus, vel, Petrus non fuit albus*: sed specialiter respectu futuri temporis difficultatem inuenit Aristoteles, verbi gratia, in

Z

tia, in

tia, in hac, *Petrus erit albus*, vel, *Petrus nō erit albus*: in cuius explicatione plus nimio & obscure satis immoratur, vt doceat quomodo cohæreant: *necessario Petrus erit vel non erit albus*. & tamen non necessario erit albus, sed contingenter: nec necessario non erit albus, sed contingenter. Vbi insinuat futurorum contingentium determinationem ad superiorem causam & prouidentiam pertinere. Sed de hac re nihil amplius in præsentī dicere oportet: tametsi multa occurrerēt dicenda contra inuentores mediæ scientiæ diuinæ.

Lex contrariarum.

Secunda lex est contrariarum; vt si vna est vera, altera sit falsa: possunt autem simul esse falsæ. Hæc lex ex contradictoriarum lege demonstratur. Nam si darentur duæ contrariæ veræ sequeretur etiam duas contradictorias veras esse, verbī gratiā, demus has esse veras: *omnis homo currit, nullus homo currit*, quæ sunt contrariæ. Tunc bene sequitur, *omnis homo currit, ergo aliquis homo currit*: antecedens est

est verum, vt supponitur, ergo consequens est verum. Est autem consequens contradictoria illius negatiuæ: *Nullus homo currit*, quæ præsupponitur esse vera, ergo dantur duæ contradictoriæ veræ. Quod autem duæ contrariæ possint esse falsæ, ita demonstratur: nam duæ propositiones contrariæ, verbi gratia; *omnis homo est albus*, *Nullus homo est albus*, sunt vniuersales, inter quas potest dari medium, vt supra diximus, videlicet, *aliquis homo non est albus*, quæ est contradictoria affirmatiuæ, & subalternata negatiuæ, ac proinde, existente falsa vniuersali negatiua, poterit esse vera particularis negatiua, quæ non exigit ad sui veritatem tantum, quantum exigit vniuersalis.

Tunc igitur particularis negatiuæ contradictoria erit falsa, quæ erat vniuersalis affirmatiua, *Omnis homo est albus*.

Sed quærit nouitius Dialecticus: Quid causæ est, quare si duæ contrariæ sunt falsæ, non statim sequitur,
Z 2 duas

duas contradictorias esse falsas: si tamen duæ contrariæ sint veræ statim sequitur, duas contradictorias esse veras. Et ratio dubitandi est, quia duæ contrariæ semper de se inferunt duas contradictorias, ergo si contrariæ sunt simul falsæ, etiam contradictoriæ erunt simul falsæ. Respondetur, nego paritatem rationis. imo est maximum & apertum discrimen. Nam vt ex supradictis patet, non sequitur, quod in bona consequentia si antecedens est falsum, consequens debeat esse falsum. At vero in bona consequentia, si antecedens est verum, consequens debet esse verum. Non igitur ex eo, quod duæ contrariæ falsæ inferant duas contradictorias, sequetur contradictorias esse simul falsas: sicut sequeretur esse simul veras, si ex duabus contrariis veris per bonam consequentiam colligerentur. Quod autem duæ contrariæ possint esse falsæ: iā insinuata est ratio in eo, q̄ diximus inter duas vniuersales affirmatiuam & negatiuam de eisdē extremis posse dari

dari medium, scilicet, veritatem duarum subcontrariarum, quæ sunt subalternatæ earundem vniuersalium: quarum vna est particularis affirmatiua, & alia particularis negatiua, quæ possunt in veritate conuenire: quia de distinctis suppositis vtraque verificari potest. Idem enim prædicatum de quodam vere affirmari, & de alio vere negari possibile est. Vt, verbi gratia, *aliquod animal est risibile*, & *aliquod animal non est risibile*. Propterea itaque dixi, posse dari medium inter duas contrarias: quia particularis negatiua negat esse vniuersaliter verum, quod vniuersaliter affirmatiua asserit. Rursus particularis affirmatiua similiter vere affirmat, non vniuersaliter negari id, quod vniuersalis negatiua vniuersaliter remouet à subiecto: excipiunt enim particularis affirmatiua, & particularis negatiua quædam supposita ab illis vniuersalibus. Exemplum est, ac si duo veri testes convinçant falsitatis duos falsos testes contraria per extremum testificantes. Di-


cit enim vnus : *Nullus Prator est iustus.* Dicit alter; *omnis Prator est iustus.* Vterque mentitur, sed adsunt alii duo veri testes, quorum quidam dicit; *Quidam Prator est iustus* : & alter ait; *quidam Prator non est iustus.* Ecce quomodo datur medium inter contrarias, quod continetur in subcontrariis veris.

Lex subcontrariarum.

Ex dictis facile colligemus tertiam legem quæ est subcōtrariarum. Quæ quidem repugnant in sola falsitate: possunt autem simul esse veræ. Prior pars huius legis probatur & ostenditur. Nam si darentur duæ subcontrariæ falsæ : tunc ambæ vniuersales ex quibus inferuntur subcontrariæ essent simul veræ. Patet consequentia, quia vtraque subcontraria est contradictoria alterius vniuersalis, ergo si subcontraria affirmatiua est falsa, vniuersalis negatiua erit vera. Rursus si particularis negatiua est falsa, vniuersalis affirmatiua erit vera; vt in præsentī figura intueri licebit.

A. Omnis

A.Omnis homo est albus. Nullus homo est albus.B.



C.Quidā homo est alb⁹. Quidā homo nō est alb⁹.D.

NAm si C.est falsa, tūc B. eius con-
tradiçtoria erit vera.similiter si C.
est falsa eius contraddiçtoria, A, vera
erit:ac proinde duæ contrariæ erunt
verę & consequenter,vt ostensum est
duæ contraddiçtoriae essent veræ. Se-
cunda vero pars legis subcontraria-
rum videlicet quod possint esse simul
veræ; probatur,quia inde nullum in-
conueniens sequitur, præter quam
duas contrarias, esse falsas:quod qui-
dem illis permissum est,quia vtraque
vel vniuersaliter, affirmat vel vniuer-
saliter negat.

Z 4 Ex

Ex dictis sequitur maximam oppositionem Dialecticam esse inter contradictorias, quæ ex diametro pugnant tam in veritate quam in falsitate. Minor vero oppositio est contrariarum, quæ in sola veritate repugnant. Minima tandem oppositio est subcontrariarum, quæ in sola falsitate repugnant, non autem in veritate. Imo vero si attente consideremus in subcontrariis non est negatio eiusdem de eodem secundum rem. Quamvis enim subiectum sit idem secundum vocem & secundum significationem & mentis cōceptum (non enim est in illis æquivocatio) tamen utriusque veritas non pro eadem re singulari constat; sed altera verificatur pro quodam homine, altera verificabitur pro alio homine. Verum est tamen quod quādo altera est vera & altera falsa in idem suppositum singulare recurrunt, v. g. si hæc est vera: *homo currit*, & hæc est falsa: *homo non currit*: idcirco falsa est, quia ad idem suppositum, de quo verificatur, cursus respicit, & de illo remouet cursum.

cursum. Etenim illa existente falsa necesse est vniuersalem affirmatiuam quæ est eius cōtradictoria, esse veram, *Omnis homo currit*. Quæ cum includat omnia supposita præsentis temporis, necesse est, vt comprehendat etiam singulare suppositum, pro quo illa particularis negatiua falsificatur, *Homo non currit*. Et ex hac parte subcontrariæ participant aliquid de lege cōtradictoriarum; scilicet, quantum ad repugnātiā in falsitate. Tunc enim quantum ad falsitatem est affirmatio & negatio eiusdem de eodem. Ecce totum artificium Dialecticæ oppositionis. Nihilominus quoniam variis sophismatibus prædicta documenta confundi & impugnari possunt: non erit inutile, quasdam conditiones tam communes omni oppositioni quam etiam speciales cuiuslibet oppositionis proprias in medium cum moderatis breuiter proferre.

Prima conditio vniuersalis est, vt nulla sit æquiuocatio in extremis, neq; in adiunctis: Huius conditionis

Z s memi-

meminit Aristoteles. Vnde istæ non sunt oppositæ : *Petrus est iustus, Petrus non est iustus*, si subiectum pro distinctis hominibus, qui eo nomine appellantur, accipiatur. Et eadem erit ratio, si interuenerit æquiuocatio in aliquo syncategoremate ipsis extremis adiuncto.

Secunda conditio. Vt vtraque propositio habeat idem subiectum & idem prædicatum, neque enim sufficit si vtraque habeat eadem extrema, sed oportet, ut quod in vna est subiectum, in altera sit subiectum: & quod in altera est prædicatum, idem sit in altera : non solum secundum rem & conceptum, sed etiam secundum vocem. Et idcirco istæ non sunt contradictoriæ, *Marcus orat, Tullius non orat*, etiam si vtriusque subiectum secundum rem & secundum cōceptum sit idem.

Tertia conditio generalis est, ut in extremis & in partibus extremorum seruetur idem genus suppositionis, quātum ad illam primam diuisionem factam

factam de suppositione in materialē,
& simplicem & personalem. Quocir-
ca non opponuntur : *Homo est nomen*,
nullus homo est nomen, quia in affirmati-
ua subiectum supponit materialiter
& in negatiua personaliter. Similiter
neque istæ opponuntur ; *Homo est spe-*
cies, nullus homo est species : quia in altera
subiectum supponit simpliciter , in
altera personaliter. Et profecto in his
duobus exemplis est quasi æquiuo-
catio subiecti. Cæterum quantum ad
alias diuisiones suppositionis, videli-
cet, distributiua vel confusæ vel de-
terminatæ non solum non requiritur,
vt seruetur eadem supposito : sed ne-
cesse est , vt in quibusdam oppositis
propositionib. sit aliqua varietas : nisi
forte omnia extrema sint singularia :
sicut in istis ; *Petrus est Ioannes, Petrus*
non est Ioannes : quæ sunt maxime con-
tradictoriæ , quia reuera sunt affir-
matio & negatio omnino eiusdem
de eodem omnino. In aliis vero
oppositis de extremis communibus
semper inuenies in contradictoriis,
& in

& in subcontrariis aliquando, varietatem suppositionis; In contrariis vero contingit omnia extrema vniuersaliter supponere, verbi gratia. *Nullus homo est animal, omnis homo est omne animal*. Imo etiam in subcontrariis de inusitato modo loquēdi, etiam continget, nullam inueniri varietatem huiusmodi: sicut in istis, *Homo est homo, Homo habet non est*.

Quarta cōditio, quæ à quibusdam generalis ponitur, ea est, vt seruetur in extremis, siue in partibus extremorū, eadem appellatio, & eadem ampliatio vel restrictio. Et quidem quantum ad contradictorias necesse est seruari omnino hanc conditionem. Verum in contrariis & subcontrariis regula exceptionem habet, verbi gratia istæ oppositiones; *Homo currit, & quidam homo non currit*, sunt subcontrariæ, & tamen non seruatur eadem restrictio (suppono enim quod, *Quidam*, in negatiua restringat pro masculis) probo maiorem, quia sunt affirmatio & negatio eiusdē de eodem, quæ possunt, esse

esse verę, & nullo modo falsę, ergo habent legem subcontrariarū ac proinde subcōtrarię sunt. Neque valet respondere, quod non participant in subiecto: nam profecto in negatiua non est subiectum totum illud; *Quidam homo*, sed duntaxat, *Homo*. Alias neque istę essent contradictorię; *Nullus homo currit, quidam homo currit*; quia non participarent in extremis, si signū particularitatis, *Quidam*, efficeretur pars extremi. Quod autem illę propositiones, *homo currit, quidam homo non currit*, habeant legem subcontrariarum, ita vt possint dari verę & nullo modo falsę; sic ostenditur, nam ex falsitate affirmatiuę sequitur veritas negatiuę, ergo non possunt esse simul falsę. Probo antedens, nam ex falsitate affirmatiuę sequitur veritas illius contradictorię, *omnis homo non currit*, & ex veritate istius sequitur veritas illius negatiuę. *Quidam homo non currit*, ergo de primo ad vltimum ex falsitate illius, *homo currit*, sequitur veritas istius; *Quidam homo non currit*. Quod vero

vero possint esse simul veræ, patet in casu, quod mulier currat & quidam vir non currat. Item ratione probatur; quia illa consequentia non valet, *quidam homo non currit, ergo omnis homo non currit*, ergo poterit dari antecedens verum & consequens falsum; tunc ergo contradictoria consequentis, quæ est; *homo currit*, erit vera simul cum altera, quidam homo non currit. Proportionabiliter in contrariis poterit esse exceptio verbi gratia in istis, *Quilibet homo currit, &, omnis homo non currit*. Non enim desinunt esse contrariæ, quâvis signum distributivum; *Quilibet*, restringat pro masculis & signum, *omnis*, indifferens sit ad masculos & fœminas. Ratio est, quia propter maiorem restrictionem in affirmatiua confurgit inter illas propositiones repugnantia in veritate & non in falsitate. Et probatur, quia ex veritate affirmatiuæ sequitur veritas contradictoriæ negatiuæ vniuersalis, ergo sequitur falsitas ipsius vniuersalis negatiuæ. Consequentia patet quia duæ
 contra-

contrariæ non possunt esse simul veræ. Et probatur antecedens, nam bene sequitur: *Quilibet homo currit, ergo homo currit*: quæ est contradictoria illius, *omnis homo non currit*. Quod autem non repugnet in falsitate, probatur, quia ista est mala consequentia, *Homo currit, ergo quilibet homo currit*; ergo poterit dari antecedens verum & consequens falsum, ac proinde tunc contradictoria antecedentis quæ est, *omnis homo non currit*, erit falsa, simul cum altera, *Quilibet homo currit*. Habemus itaque ex dictis quod variatio suppositionis extremorum non impedit in contrariis, quando ex illa varietate consurgit repugnantia in veritate, neque destruitur compossibilitas utriusque contrariæ in falsitate, ut ostensum est. Hoc autem vocant moderniores, committi defectum veritatis. Quod contingit quando in affirmatiua est maior restrictio, quam in negatiua. Proportionabiliter in subcontrariis, quando est maior restrictio in negatiua, quam in affirma-

affirmatiua, non est impedimentum, quia dicunt committi defectum falsitatis. Id quod nos conuenientius dicimus, quia tunc cōsurgit repugnantia in falsitate, vt ostendimus in exemplo posito. Nam ex falsitate affirmatiuæ sequitur veritas negatiuæ. Quæ omnia ipso exercitio manifestiora sūt. Recurrendum enim est quando contigerit talis variatio ad regulas duas. Prior est pro contrariis: Si affirmatiua infert contradictoriam negatiuæ, & non infertur ex illa; erunt contrariæ. Cuius ratio est, quia tunc repugnabunt in veritate & non in falsitate, vt ostenditur per diffinitionem bonæ & malæ consequentiæ. Secunda regula pro subcontrariis. Quando affirmatiua infertur ex contradictoria negatiua & non infert illam, erunt subcontrariæ: quia tunc non poterunt dari falsæ & poterunt dari veræ. Vt autem dignoscas, quando huiusmodi consequentiæ erunt bonæ aut malæ, recale supra positas regulas in libro tertio de varietate argumentandi in ampliacionibus

nibus & restrictionibus & appellationibus.

Quintam conditionem generalem adiiciunt quidam moderni ; quod si una enunciatio est affirmatiua, altera debet esse negatiua. Sed hæc non proprie dicitur conditio, cum intrinsece & essentialiter sit in diffinitione oppositionis, quæ est affirmatio & negatio. Nihilominus huius occasione explicare voluerunt, quomodo sit intelligenda qualitas opposita affirmationis & negationis, videlicet, respectu copulæ principalis. Nam aliquando adest in aliquo extremo quædam copula, quam vocant implicationis, quæ efficitur pars eiusdem extremi ; cuius qualitas debet eodem modo manere secundum formam dictionis. Est exemplum ; *Omnis homo, qui currit, non disputat, & homo qui currit disputat*, sunt contradictoriæ, ubi illa copula implicationis cum relatiuo est pars extremi & restringit alteram partem, scilicet, *Homo*. Neque licitum est interponere negationem inter relatiuum & copulam implicationis:

A a

tionis:

tionis: alias non esset idem subiectum. Vbi obiter aduerte, Modernos valde sollicitos esse in explicanda illa propositione, *Petrus, qui currit, disputat.* & eius contradictoria; *Petrus, qui currit, non disputat.* Aiunt enim affirmatiuam explicandam esse per copulatiuam hanc, *Petrus disputat, &, ille currit*, ac proinde eius contradictoria, *Petrus, qui currit, non disputat*, explicanda est per hanc disiunctiuam, *Petrus non disputat, vel ille non currit.* Veruntamen quamuis hæc vera sint, non tamen necessaria ad explicationem earum propositionum. Multo enim breuius & clarius intelligitur earum sensus, si loco relatiui cum copula implicationis posueris participium illius copulæ, & dixeris: *Petrus currens disputat, Petrus currens non disputat*, frustra enim fiunt per plura, quæ possunt fieri per pauciora. Maior autem difficultas est in modo assignandi oppositionem in propositionibus, vbi sunt duæ copulæ principales in vna cathégorica, verbi gratia, hæc propositio, *Petrus est & non fuit albus,*

albus, habet duas copulas æque principales, alteram affirmatam, alteram negatam. Vnde opus est, vt in eius contradictoria permutetur qualitas vtriusque copulæ. Sed hoc non sufficit, vt sint contradictoriæ. Nam si dixeris; *Petrus non est & fuit albus* esse contradictoriam istius, *Petrus est & non fuit albus*, dabuntur ambæ falsæ in casu, in quo Petrus nunc incipiat esse, & incipiat esse niger: inuenies enim vtranque esse falsam. Ratio est, quia illa coniunctio, &, est vniuersalitas, quæ manet in vtraque, cum deberet permutari in coniunctionem, vel quæ est quasi particularitas: & sic resultabunt contradictoriæ sub hac forma. *Petrus est & non fuit albus*, *Petrus non est, vel fuit albus*. Ad constituendas autem subcontrarias etiam de subiecto singulari sufficit, quod maneat, vel, in vtraq; enunciatione. v. g. *Petrus est vel non fuit albus*, *Petrus non est vel fuit albus*, quæ ambæ veræ sunt in casu posito. Hactenus de generalibus conditionibus dictum est.

Iam vero de singularum oppositionum specialibus conditionibus dicamus & prius de contradictoriis.

Contradictiones speciales contradictoriarum.

Contradictoriarum duæ sunt speciales conditiones necessariae ad earum legem custodiendam. Prior est, Non debet manere in vtraque eadem vniuersalitas, neque eadem particularitas. Ratio est, quia si manet eadem vniuersalitas poterunt dari falsæ; si vero maneat eadem particularitas, poterunt dari simul veræ, quorum vtrumque legi contradictoriarum repugnat.

Altera conditio est, si vniuersalitas vnius termini fuerit respectu alterius termini confuse stantis, debet in altera mutari in particularitatem determinatam in ordine ad alterum terminum supponentem distributiue, qui in altera supponebat confuse. In exemplo manifestum est, *omnis homo est animal, homo non est animal*. Ecce vbi subiectum, *homo*, qui in affirmatiua supponit distributiue, respectu prædicati, *animal*, supponentis confuse, iam in negatiua supponit determinate respectu

spectu eiusdem prædicati distributi. At vero omnis vniuersalitas respectu termini stantis determinate, debet in altera contradictoria mutari in particularitatem confusam in ordine ad eundem terminum iam distributum. v.g. *Homo non est animal, &, omnis homo est animal*, contradictoriæ sunt: & exerces prædicta regula quantū ad vtramque partem, hæc conditio quanuis in exemplo posito manifesta sit: tamen memoriæ cōmendanda est, quoniam in contradictoriis compositis ex complexis extremis occurret necessitas considerandi hanc conditionem. Cuius rei exempla nolo hic præuenire: ne discipulorum capacitatem confundamus.

Pro contrariis sunt aliæ duæ conditiones speciales. Prior est. Omnis particularitas vnius debet mutari in altera in vniuersalitatem, sed debet manere eadem vniuersalitas in ambabus. Vt patet in istis, *omnis homo est animal, nullus homo est animal*. Ab hac conditione moderni exceptionē faciunt,

Conditiones
contraria-
rum.

quando aliunde committitur defectus veritatis, quod proprius dixissent, quando aliunde roboratur repugnantia in veritate. Sit exemplum. Hæ duæ propositiones, *omnis homo non currit*, & *quidam homo currit*, (si *quidam*, restringat pro masculis) possunt dari falsæ, & non possunt dari veræ ratione restrictionis subiecti in affirmatiua, propter quam restrictionem affirmatiua infert contradictoriam negatiuæ, & non infertur ex illa, verbi gratia, bene sequitur; *Quidam homo currit*, ergo *homo currit*: sed vice versa non valet, à non restricto ad restrictum sine distributione non restricti & sine constantia restricti. Quocirca iuxta discussum, quem supra fecimus, illæ propositiones habent legem contrariarum.

Altera conditio contrariarum est, vt nulla vniuersalitas vnius termini in ordine ad alterum stantem confuse possit manere in altera contraria confuse: sed poterit manere determinate vel distributiue. Exemplū huius conditionis

ditionis non poterit inueniri in propositionibus de vſitato modo loquēdi. Et idcirco ſingebāt Sophiſtæ quod litera A. eſſet ſignum confuſionis, & ſic afferebant exemplum huiuſmodi. *Cuiuslibet hominis quilibet oculus eſt videns & cuiuslibet hominis, A, oculus non eſt videns.*

Vtraque enim eſt vera admiſſa fictione quod litera, A, confundit ſubiectum in ordine ad prædicatū diſtributum. Nam affirmatiua ab omnibus conceditur. Negatiua, vero probatur per aſcenſum copulatiuum, v. g. *iſtius hominis oculus non videt*, & ſic de ſingulis, cuius aſcenſus quælibet ſingularis eſt vera, nam quælibet ruruſ probabitur per aſcenſum copulatiuum ſub prædicato; *Videns*, priuſquam ſub termino, *oculus*, ſtante cōfuſe. v. g. *iſtius hominis, A, oculus non eſt iſtud videns*, & ſic de ſingulis. Vbi omnes ſingulares inueniunt veræ. Oſtēde enim per iſtud *videns* dextrū oculum, & tūc iam manet determinate illa pars ſubiecti, quæ confundeſatur à littera A. & licitum

Aa 4 crit

erit tunc ostendere alterum oculum sine isto. Si autem oculus supponeret determinate, oportebat prius in ascēsu designare vnā singularem : veram, quæ non ostēdetur quia prædicatum vniuersaliter negatur de illa singulari. Talibus nãniis exercebantur olim adolescentium ingenia, vt penetrarent prædictas cōditiones esse necessarias, sed vtinam in propositionibus de vsitato modo loquendi non sint ignorantes.

*Conditiones
subcontrariarum.*

Subcontrariarum deniq; sunt aliæ duæ speciales conditiones obseruandæ. Prior est, omnis vniuersalitas vni⁹ debet in altera mutari in particularitatem, & aliqua vna particularitas debet manere in vtraq; , vt patet in istis, *Homo est albus, homo non est albus.* Ab hac regula excipitur, quando aliunde cōmittitur defectus falsitatis, vt aiunt moderni; & nos proprius loquentes dicimus, nisi forte aliunde constet repugnantia in falsitate. Hoc autē contingit quando contradictoria affirmatiuæ infert negatiuam & non infertur ex illa

ex illa. Est exemplum in istis: *Homo currit*, *Quilibet homo non currit* (si, *quilibet*, restringat pro masculis) illæ sunt subcontrariæ, & tamen non manet aliqua particularitas in vtraq;. Sufficit enim quod habeant legē subcontrariarum ratione maioris restrictionis in negatiua: Vnde fit, vt contradictoria affirmatiuæ, quæ est, *omnis homo non currit*, infert illam negatiuam; *Quilibet homo non currit*, & non infertur ex illa, ac proinde, vt iam ostensum est, illę priores non possunt dari falsæ, sed possunt esse veræ.

Altera conditio est. Nulla vniuersalitas vnius subcontrariæ in ordine ad terminum stantem determinatę debet in altera manere determinatę in ordine ad eundem terminum distributum. Sed ista conditio superflua est in propositionibus de vsitato modo loquendi. Sed fingunt sophistæ litteram. B. vt sit signum determinatę suppositionis, vt ponant exemplum prædictę conditionis, verbi gratia, istę propositiones non sunt subcontrariæ:

Aa 5 *Hominis*

Hominis oculus non est videns, & , hominis quilibet oculus B. videns est, propter defectum illius conditionis. Nam prædicatum quod distribuebatur in negatiua respectu termini, *oculus*, supponentis determinate, manet in affirmatiua determinate respectu eiusdem distributi. Et idcirco possunt dari simul falsæ & de facto dantur, si curiose velis per ascensum, vel descensum legitimum eas propositiones resolvere.

C A P. III.

De oppositione categoricarum ex terminis complexis & obliquis.

HActenus de oppositione simplicium categoricarum, & de simplicibus extremis diximus: nunc autem non erit inutile de categoricis, quæ complexis extremis constat, aliquam specialem considerationem circa earum oppositionem tradere.

Notandum est in primis multipliciter contingere extremum categoricæ complexum esse. Primo quidem dupliciter potest esse complexum, videlicet, vel ex duobus rectis, vel ex obliquo

obliquo & recto. Rursus ex duobus rectis tripliciter cōtingit esse complexum: vno modo, ita vt vtraque pars sit rectus, ita vt vterque rectus alterum restringat vt; *Animal album*. Secundo ita, vt alter rectus duntaxat alterum restringat, vt, *Animal homo*. Tertio ita, vt neuter alterum restringat: vt, *Homo & equus*: siue illa coniunctio, &, accipiat copulativam siue diuisivam, neutra pars complexi alteram restringit.

His suppositis sit primū documentum: Si neuter rectus alterum restringat non sunt necessarię alię regulę ad dignoscendam oppositionem propositionum præter eas, quę supra sunt positę. Hoc autem vnum observabis; quod si coniunctio, &, accipiat diuisivam, est vniuersalitas & coniunctio, *vel*, est particularitas. Si autem copulativam accipiat, efficitur pars extremi, & totum subiectum est terminus collectivus, vt in hac propositione. *Homo & equus sunt animalia*. &, debet manere illa coniunctio in oppositis enunciationibus. V.g. si petis contradictoriam huius;

huius; *omnis homo & equus sunt animalia* assignabo tibi hęc; *Homo & omnis equus non sunt animalia*. In quibus seruantur omnes cōditiones communes & speciales contradictoriarum. Si autem quis, permutatis partibus complexi opinetur esse idem extremum, & assignet pro contradictoria hanc; *Omnis equus & homo non sunt animalia*, falleretur, quia non seruatur conditio specialis contradictoriarum, videlicet, quod terminus, qui stabat distributiuē in ordine ad alterum stantem confuse, debet in altera manere determinate & non confuse. Quare illæ duæ propositiones propter illam suppositionem cōfusam illius termini, *Homo*, euadunt subcontrariæ: & dātur simul veræ in istis terminis. *Omne homo & album sunt animalia, omne album, & homo non sunt animalia*. Et sit casus, quod sint tantum duo homines albi: tunc vtraque enunciatio inuenietur vera, si legitima inductione vtaris. Nam cum in negatiua singularizaueris terminū, *album*, relinquitur tibi optio, vt cum velis

velis singularizare terminum, *homo*, possis designare vnam singularem veram ostendēdo idem suppositum pro quo singularizaueras, *album*, & sic verum erit dicere; *non sunt animalia*, quia est vnicum suppositum *albi* & *hominis*.

Secundum documentum. Si vterque rectus alterum restringat; tunc si vna pars distribuitur & altera simul distribuitur: & si vna singularizatur, altera simul singularizatur. Est enim idem dicere, *omnis homo albus currit*, & *omne album homo currit*. Et, *hic homo albus currit*, & *hoc album homo currit*. Et similiter idem est: *Nullum album dulce*, &, *Nullum dulce album*. In huiusmodi ergo complexis nulla est ratio hæsitandi, quomodo se debeant habere ad oppositionem.

Si autem alter rectus alterum restringat, & non restringatur ab eo: tunc est tertium documentum. Quotiescunq; terminus restrictus distribuitur, etiam distribuitur terminus restringens perinde ac si solus esset extremum

tremum & distribuere, verbi gratia, *omne animal homo currit*: perinde est, ac si diceres, *omnis homo currit*. Ratio est euidens, quia quotiescunque, contingit vnum rectum alterum restringere, & non restringi ab eo, semper inuenies terminum restrictum esse superiore termino restringente, & in eo incluso. Ac proinde idem est dicere; *Animal homo*, &, *homo*, Sicut idem est; *ens homo* & *homo*. Et sic idem est distribuere cōplexum simul totum, ac si distribueres terminum inferiorem restringentem superiorem. Si autem quis velit distribuere terminum inferiorem: verbi gratia: *Animal omnis homo currit*: tunc illa distributio interposita efficitur pars complexi, & tota propositio remanet indefinita, ac si diceres, *animal quod est omnis homo currit*. Vbi *animal* nullo modo distribuitur, sed potius multo magis restringitur, quam si diceres: *Animal homo currit*.

Habemus itaq; in prædictis variationibus superiores regulas esse consulen-

fulendas, vt oppositio enūciationum discernatur.

Iam vero de altero membro primę diuisionis, quando extremum enunciationis est complexum ex recto & obliquo, magnum negotium suscipiunt morosi Dialectici in assignandis documentis, & regulis pro discernenda oppositione in talibus enunciationibus. Et nos quidem olim, cum officio Dialecticę præceptoris fungeremur, non minus quam sexdecim regulas constituebamus quasi necessarias ad dissoluenda plurima sophismata, quę ex varietate respectuum inter rectum & obliquum tam in affirmatiuis quā in negatiuis propositionibus poterant consurgere. Sed iam nunc maturius omnia cōsiderans alia breuiori via incedendum esse censeo.

Notandum itaque est, quod ex recto & obliquo dupliciter potest fieri complexum. Vno modo, sic vt rectus præcedat, verbi gratia, *equus hominis*. Altero modo, vt præcedat obliquus, vt, *Hominis equus*. Priore modo dicitur comple-

complexum acceptū vnica acceptio-
 ne : quia reputatur tanquam vnicus
 terminus incomplexus connotatiuus
 quantum attinet ad differentiam sup-
 positionis distributæ, vel confusæ, vel
 determinatæ. Verbi gratia, si dicas,
quilibet equus hominis currit, non opus
 habes in eius contradictoria rationem
 obliqui habere, yt mutes particulari-
 tatem eius in vniuersalitatem. Erra-
 bis enim si pro cōtradictoria assignes
 hanc; *equus cuiuslibet hominis non currit*:
 quia non seruas eandē restrictionem.
 Nam in negatiua: *Equus*, restringitur
 pro equo possesso à quolibet homine.
 Et sic vtraque erit vera in casu, in quo
 singuli homines singulos equos possi-
 deant currentes. Assignanda est igitur
 contradictoria hoc modo: *equus
 hominis non currit*. Et hoc pacto in o-
 mnibus aliis considerandus est vt vni-
 cus terminus: vt etiam in hac vniuer-
 sali: *Quilibet equus hominis nō currit* non
 oportet considerare particularitatem
 obliqui esse confusam à distributione
 recti. Erit enim eius contradictoria,
equus

equus hominis currit. Ratio huius documenti est non solum vsus & modus loquendi: sed etiam, quia cum rectus precedit, fit obliquus quasi adiectiuum, quantum ad habitudinem mutuam recti & obliqui, ac si diceres: *equus humanus*, si adiectiuum significaret possessionem.

Quamobrem sit tibi regula generalis. Obliquus supponit eo modo quo rectus quantum ad habitudinem, quam obliquus importat coniunctus cum recto. Itaque si rectus distribuatur similiter distribuitur & obliquus; non simpliciter, sed quantum ad habitudinem ad rectum, verbi gratia, si dicas, *omnis equus hominis currit*, quanuis non asseras omnem hominem habere equum currentem: tamen perinde est ac si affirmares; *Cuiuslibet hominis habentis equum quilibet equus currit.* Et sic habitudo hominis ad equum, quæ importatur, in toto complexo, distribuitur. Et idem dicimus quantum ad suppositionem determinatam, vel confusam ipsius obliqui. Semper enim

Bb suppo-

supponit sicut rectus. **A**t vero quando obliquus & rectus non vnica acceptione accipiuntur, quod contingit, si obliquus precedat: tunc distributio obliqui in ipso tunc terminatur, v.g. In hac propositione: *Cuiuslibet hominis equus currit*, ubi rectus manet confuse: neq; eius habitudo ad hominē distribuitur: Ita vt sit sensus: *Quilibet equus habitus ab homine currit*: sed ipse rectus est particularitas confusa respectu obliqui distributi complete & indepēdenter, non minus quam terminus, *Homo*, in hac propositione; *omnis homo est animal*. Conueniunt tamē complexum acceptū vnica & acceptum pluribus acceptionibus in eo, quod vtrobique ab obliquo restringitur rectus: ita vt non possit supponere aut accipi nisi p equo possesso ab homine. Obliquus autem nunquam absolute restringitur à recto quantum ad suppositionem pro suo significato: tamen si quantum ad veritatem propositionis affirmatiuæ restringatur: quia illa non potest esse vera nisi p homine habente equum.

His

His suppositis, ut appareat, quam sint superflua tot regulæ obseruandæ circa oppositiones categoricarum de extremo complexo ex recto & obliquo: volo proponere argumenta; quorum occasione præfatæ regulæ inuentæ sunt. Sit primum argumentum. Istæ sunt contradictoriæ, cuiuslibet hominis equus non currit, & hominis quilibet equus currit, & tamen particularitas recti determinabilis, quæ est in negatiua non vertitur in vniuersalitatem completam in affirmatiua, ergo specialis conditio contradictoriarum non est necessaria. Maior probatur: quia est affirmatio & negatio eiusdem de eodem repugnantes in veritate & falsitate. Minor vero probatur, quia non est licitum descendere copulatiue sub illo termino, *equus*, sic deducendo: *Hominis quilibet equus currit, ergo hominis iste equus currit*, & sic de singulis: Nam dabitur antecedens verum & consequens falsum, si solius Petri omnis equus currat, & aliorum hominum habentium equos nullus currat.

Arguitur secundo. Istæ etiam sunt contradictoriæ; *Quilibet equus hominis currit. & equus hominis non currit* : & tamen manet eadem particularitas ex parte illius obliqui : *Hominis* : nullibi enim distribuitur.

Ad primum argumentum Moderni vt respondeant, contemplantur in illa negatiua : *Cuiuslibet hominis equus non currit*, esse quandam particularitatem incompletam in illo determinabili; *Equus*. Vocant autem incompletam particularitatem, quæ habet aliquid de vniuersalitate. Proportionabiliter dicunt in illa affirmatiua; *Hominis quilibet equus currit*, esse distributionem incompletam in ipso determinabili; *equus*. Aiunt itaque distributionem incompletam in affirmatiua recompensari, quia idem terminus in negatiua habet tantum vniuersalitatis, quantum deficit in affirmatiua. Ac proinde dicunt illas propositiones esse contradictorias.

Nos etiam olim hunc modum dicendi sequebamur : sed modo non placet.

placet. Quia ex ratione prædictæ sententiae potius concluditur eas propositiones nullam legē participare, quia manet eadem particularitas & eadem vniuersalitas in eodem termino. Item absque necessario fundamento sic opinantur. Nos igitur respondemus distributionem determinabilis in affirmatiua completam esse, non obstante, quod sit dependens quantum ad descensum copulatiuum à determinata suppositione obliqui, qui prius debet singularizari quam fiat descensus sub determinabili distributo. Verbi gratia, debet fieri iste descensus, vel ascensus; *istius hominis quilibet equus currit, vel istius hominis, quilibet equus currit*, vel sic de singulis, ergo *hominis quilibet equus currit*. Tunc igitur sufficit vna singularis vera ex parte determinationis, in qua singulari propositione manet euidēs distributio completa determinabilis. Ad argumentum igitur in forma nego minorem. Ad probationē nego consequentiam. Et defectus est, quia in illo descensu

proceditur virtualiter à magis ad minus restrictum cum distributione minus restricti ex parte determinabilis. Quod ego sic ostendo: Quia in antecedenti, *equus*, distribuitur pro omni equo alicuius hominis designandi singulariter. At vero in consequenti numerantur copulatiue omnes singulares determinabilis non cum illa restrictione eiusdem hominis, sed indifferenter eiusdem, vel alterius. Ac proinde numerate illas singulares copulatiue idem est virtualiter, ac si minus restrictum distribueretur. Sed replicabit proëctor Dialecticus. Non est licitum syllogizare cum illa propositione: *Hominis quilibet equus currit*, accipiendo pro medio terminum, *equus*, ergo non complete distribuitur. Ad hanc replicam nego antecedens, nisi aliunde syllogizando committat alius defectus: sicut committitur in hac consequentia: *Hominis quilibet equus currit, Brunellus est equus, ergo hominis Brunellus currit*. Vbi est evidens defectus intrinsecus, quod medium

dium ubi non distribuitur, tenetur minus restricte, quam ubi distribuitur.

Sed iterum replicas accipiens pro medio totum complexum, *hominis equus*, & ita procedens, *hominis quilibet equus currit*, *Brunellus est hominis equus*, ergo *Brunellus currit*. Adhuc ista consequentia non valet, & non ob aliud, nisi quia equus non distribuitur complete. Respondetur, nego minorem. Sed defectus est: quia una pars medii nullo modo distribuitur, scilicet, *hominis*. Vnde si in minori dicas, *Brunellus est cuiuslibet hominis equus*, bonus erit syllogismus. Vbi apparet, quomodo determinabile, *equus*, nullo modo distributum in minori, necesse est quod in maiori perfecte fuerit distributum. Alias medium non complete distribueretur. Habeo igitur intentum, aliud esse dicere distributionem illam esse dependentem: & aliud esse distributionem incompletam; Nam profecto, qui negant illam distributionem esse completam: fingunt quasdam particularitates incompletas in

ipso determinabili, quando determinatio distribuitur, vt in hac, *cuiuslibet hominis equus currit*. Id q̃ ego falsissimū reputo, cum sufficiat vna singularis vera ad veritatem illius ex parte determinabilis. Est enim bona consequentia: *Cuiuslibet hominis iste equus currit, ergo cuiuslibet hominis equus currit*. Ac proinde *equus* nullo modo distribuitur: Sed est completa particularitas, quanuis in descensu dependens à determinatione distributa, sicut, *animal* in hac propositione; *Omnis homo est animal*, supponit confuse dependenter in descensu à subiecto distributo. Nam si velis prius descendere sub termino stante confuse, incurres in defectum qui dicitur ab vnica distributione ad plures. Hac via omnes captiones, quæ circa obliquorum resolutionem solent contingere, poteris cauere, si attenderis ad regulas supra positas libro tertio de argumentatione à restricto ad non restrictum: vel à non restricto ad restrictum.

Quod si adhuc instet Sophista, necessarias

cessarias esse speciales regulas de particularitate completa & incompleta, quoniam hic descensus bonus est, *Cuiuslibet hominis equus non currit*, ergo *cuiuslibet hominis iste equus nō currit*, vel *iste equus non currit*, vel sic de singulis, ergo necesse est determinabile aliquid habere distributionis in antecedenti: alias non posset suppleri defectus ab vnica distributione ad plures descendendo prius sub termino stante confuse, quam fiat descensus sub termino stante distributiuē. Nos tamen respondemus non esse necessarium ad hunc finem prædictum, illam particularitatem esse independētem. Quemadmodum enim in eius contradictoria; *Hominis quilibet equus currit*, diximus illam vniuersalitātē esse quidem dependentem, sed completam: ita dicimus in contradictoria negatiua esse particularitatem completam licet dependentem. Et quemadmodum ascensus copulatiuus in illa affirmatiua sub termino, equus, est bona consequentia: ita descensus ille negatiuus

ex opposito consequentis ad oppositum anteceditis erit bona cōsequētia. Neque enim in isto committitur defectus ab vnica distributione ad plures, neque in altero à pluribus, determinatis ad vnicam. Ratio est quia isti defectus non habent locum inter determinabile & determinationem eiusdem extremi, nisi aliunde committatur alius defectus, sicut verbi gratia, committitur in ista cōsequētia, *Cuiuslibet hominis equus currit, ergo cuiuslibet hominis iste equus currit, vel cuiuslibet hominis iste equus currit*, vel sic de singulis. Non enim committitur defectus ab vnica distributione ad plures, sed potius à minus restricto ad magis restrictum sine distributione minus restricti, & sine constantia magis restricti. Nam in consequenti omnes singulares determinabiles restringuntur pro equo possesso à quolibet homine, quod non fit in antecedenti. Ecce quomodo si attente consideres non opus habebis aliis regulis obliquorum: sed sufficiunt illæ quæ
supra

supra libro 3. adnotauimus circa consequentias à non restricto ad restrictum aut vice versa.

Ad secundum argumentum concedo maiorem, & nego minorem, quia, vt diximus, ex recto & obliquo acceptis vnica acceptione nulla ratio habetur seorsum obliqui determinantis rectum: sed supponit sicut suum determinabile cum sua tamē habitudine ad illud. Vnde in illis contradictoriis; *Quilibet equus hominis currit, equus hominis non currit*, obliquus in affirmatiua supponit virtualiter distributiue cum sua habitudine ad determinabile: & in negatiua supponit determinate cum eadē habitudine. Hic modus dicendi breuior est & manifestior.

Verumtamen, vt sis dexter in dissoluēdis sophismatibus, nota tibi has esse æquipollentes, *equus hominis currit*, & *hominis equus currit*, ac proinde earum contradictoriæ etiam sunt æquipollentes inter se, scilicet, *Nullus equus hominis currit*, & *nullus hominis equus currit*, aut (quod idē est.) *Quilibet equus*

equus hominis non currit, & cuiuslibet hominis quilibet equus non currit.

Neque enim inuenies maiorem restrictionem, vel minorem, aut maiorem distributionem, vel minorem in vna quam in altera : neque aliquam dependentiam in descensu ratione maioris aut minoris distributionis.

Tandem in hoc libro ad complementum materiae & impletionem promissi, necesse est de æquipollentia simplicium cathegoricarum aliqua documenta tradere, *ex Petro Hispano.*

Primum documentum sit, si alicui signo vniuersali, vel particulari præponatur negatio, æquipollet suo contradictorio, verbi gratia. Istæ sunt æquipollentes, *non omnis homo disputat, Quidam homo non disputat.* Similiter & hæ, *omnis homo disputat, Non quidam homo disputat.*

Secundum documentum, si alicui signo vniuersali postponatur negatio, æquipollet suo contrario, verbi gratia,

tia, æquipollentes sunt; *omnis homo non disputat, & nullus homo disputat.* Et similiter hæ, *omnis homo disputat, & nullus homo non disputat.*

Tertium documentum, si alicui signo vniuersali, vel particulari præponatur & postponatur negatio, æquipollet suo subalterno, verbi gratia, Istæ æquipollent. *Non omnis homo non disputat, & quidam homo disputat:* sicut & hæ, *omnis homo disputat, & non quidam homo non disputat.* Hæ regulæ his conditionibus memoriæ mandari poterūt. *Præ contradict, Post contrari. Præpost subalter.*

Ex istis regulis colligitur, quod si duo signa vniuersalia negatiua ponantur in eadem locutione, vnum in subiecto & alterum in prædicato. Primum æquipollet suo contrario per secundam regulam: & secundum suo contradictorio per primam regulam. Ponunt exemplum in hac propositione: *nihil est nihil*, & aiunt æquipollere huic: *Quodlibet est aliquid*, sed melius dixissent: *Nihil nihilest*, æquiualere, huic

huic, *Quodlibet est aliquid*, vt vtraque
esset affirmatiua: alias illa negatiua est;
Nihilest Nihil. Sed hæc missa faciamus,
quæ ex communi modo lo-
quendi constare
possunt.

TRACTA-

TRACTATUS SECUNDVS DE OPPOSITIONIBVS

& æquipollentiis in modalibus enunciationibus.

CAP. I.

De diffinitione modalis enuntiationis.



Voniam enuntiatio modalis á modo denominatur, diffiniunt *Moderniores cum Petro Hispano*, quid sit modus, dicentes; *Modus est adiacens rei determinatio*. Quæ profecto descriptio ad physicum modum accommodatior videtur esse, quam ad eum, qui constituit modalem propositionem. Nos vero considerantes præsentem tractatum non de rerum modo esse, sed de speciali modo modalem propositionem consti-

constituēte, aliter diffinire debemus, Aduertendumque est non quemuis modum inuentum in propositione illam modalem apud Dialecticos denominare. Est enim multiplex modus modificādi enunciationem. Quidam enim negatiuam constituit, alius vniuersalem, alius alteri oppositam: sed nunc specialem modum enunciationis inquirimus habentem specialem difficultatem, dignam Dialectica consideratione ad discernēdam quarundam enunciationū oppositionem aut æquipollentiam.

Quid modus. Quocirca ita modum definimus. *Modus est dictio modificans unionem prædicati cum subiecto.* Pro cuius intelligentia aduerte, multa esse aduerbia, quæ modificant verba enunciationum, vt *Petrus velociter currit, diserte disputat, pigre ambulat.* Verumtamen hæc aduerbia verbis adiuncta non modificant unionem importatam per verbum, prout est copula eorum, quæ prædicantur: sed modificant ipsam verbi actionem, vel passionem, efficiunturque

que pars prædicati. Quapropter hæc aduerbia non constituunt specialem enunciationem modalem de qua inquirimus. Sunt autem dictiones, quæ unionem prædicati cum subiecto modificant, partim aduerbia, partim nomina. Nomina quidem sunt hæc quatuor; *Necessarium*, *Impossibile*, *Possibile*, *Contingens*. Aduerbia vero sunt hæc quinque; *Neccessario*, *Impossibiliter*, *possibilitèr*, *possibilitèr nō*, & *contingenter*. Aliqui addunt *vere*, vel *false*, seu *verū*, vel *falsum*. Sed hoc superfluum est, nam commune est omni enunciationi significare *vere* vel *false*. Et qui dicit *Petrus currit*, perinde est, ac si diceret; *Petrus vere currit*. Et qui dicit *Petrus non currit*, affirmat falsum esse Petrū currere. Est igitur superflua consideratio illius modi *vere* vel *false*.

Sed circa prædictos modos nominales & aduerbiales nota rationem quare nō posuimus æqualem numerum: Nam modorum nominalium numerum quaternario finiuimus: aduerbialium vero, quinario numero

Cc termini-

terminauimus. Ratio est: quia, *Possibiliter non*, directe & formaliter contradicit *necessario*: vt postea videbimus. At vero: *Possibile non*: nō est complexum, quod sit in vsu: Nam *possibile* cum sit nomē, semper est subiectum, vel prædicatum, cui negatio, *non*, non postponitur congrue neque à parte subiecti, neque à parte prædicati. Aduerbio autem, *Possibiliter*, cum de se habeat adiungi verbo, congrue adiicitur negatio: vt cum dicis: *Petrus possibiliter non disputat*, vel, *Petrus non possibiliter disputat*, quod est idem, ac si diceres, *impossibiliter*, & propterea non fecimus mentionem de speciali modo, *Possibiliter*, cum præponitur negatio. Nota secundo, quod modi aduerbiales expressius & formalius cōstituunt modales propositiones, in quibus expressior est oppositio & æquiualentia. Ratio est, quia modalis propositio denominatur à speciali modo qui specialiter in ipsa enunciatione determinat copulæ principalis vnionem prædicum cum subiecto. Sed quando mo-

dus

• dus est nomen non determinat expresse vnionem copulæ principalis, vt patet in hac propositione, *Petrum currere est possibile*. In illa enim, *possibile*, modificat copulam infinitiui, quæ se tenet ex parte subiecti cum accusatiuo, *Petrum*. Est enim subiectum totum illud, *Petrum currere*; quod est dictum vel enunciatum, non enunciatio.

Hinc sequitur quod in illa propositione. *Petrum currere est possibile*, non expresse exercetur ratio modalis propositionis. Similiter in eius, quæ dicitur contradictoria, *Petrum currere est impossibile*, non est formalis & expressa negatio principalis copulæ: neq; formaliter participant in extremis: sicut neque istæ, *Petrum currere est necesse*, *Petrum non currere est possibile*, quæ neque participant in subiecto neque in prædicato, & ambæ sunt affirmatiuæ respectu copulæ principalis: ergo inter illas non est oppositio contradictionis, nisi virtualiter & æquiuallenter, videlicet, quatenus sunt æquipollentes

cum istis, *neccessario Petrus currit & possibiliter Petrus non currit*. Habeo igitur intentum expressam rationem modalis & expressam oppositionis & æquipollentiæ legem immediatius conuenire & expressius enunciationibus, in quibus modus aduerbialiter ponitur. Ac proinde vniuersas modales quas de dicto & modo nominali multiplicant Dialectici, reuocandas esse ad modales, in quibus modus aduerbialiter sumptus in fronte propositionis præponitur: id quod statim docebimus.

Nota tertio totum artificiū ad discernendam modalium oppositionem & æquipollentiam inter hos modos aduerbiales debere prius constitui. Sunt itaque quinque modi aduerbiales, videlicet. *Neccessario, Impossibiliter, Possibiliter, Possibiliter non, & contingenter*, de quo seorsum specialem considerationem sumus facturi. Nūc vero quatuor priores modi sint tibi angulares, & quasi cardinales, ad quos omnis varietas in modalibus reducenda est.


De

De quatuor itaque prioribus fingamus figuram quadratam : qualem in hac pagina oculis obiiicimus.

M.

Contrarii. Contingenter. Contrarii.

A. *Necessario. Contrarii. Impossibiliter.* B.



C. *Possibiliter. Subcontrarii. Possibiliter nō* D.

DEinceps sæpe breuitatis & claritatis causa his quatuor litteris A. B. C. D. vtemur ad commemorandum quatuor angulos & modos eisdem litteris affines.

Cc 3 Accipe

Accipe ergo documentū pro fundamento diiudicandæ variæ oppositionis & subalternationis & æquipollentiæ inter omnes modales. A. & B. vniuersales modi sunt. Prior affirmatiuus, alter negatiuus, ac proinde contrarie opponuntur. Rursus C. & D. particulares modi sunt, C. quidem affirmatiuus D. autē negatiuus. Quo fit vt A. & D. ex diametro ad inuicem contradicant: sicut etiam B. & C. sibi contradicunt. Deniq; A. cum, C. subalternatim se habet, sicut & B. cum D. ita tamen vt inferiores modi sint subalternati, superiores vero dicuntur & sunt subalternantes. Vnde sequitur, C. & D. ad inuicem subcontrariari. Quod autem quatuor prædicti modi tales ad inuicem respectus habeant, sicut commemorauimus; operæ pretium est pro Nouitiis aliquo exemplo explicare. Habent enim se illi quatuor modi, & anguli instar horum.

A. Sem-

A. Semper

Nunquam B.

C. Aliquando sic. Aliquando non. D.

Vides itaque in prædictis quatuor dictionibus manifestiorem differētiā oppositionis. Etenim, *semper*, &, *Nunquam*, vniuersalitatem præferunt affirmantem & negantem. Item, *Aliquando sic*, &, *Aliquando non*, particularitatem vtraque dictio ostendit alteram affirmatiuam, & alteram negatiuam: & vtraque continetur sub altera vniuersali eiusdem qualitatis, ac proinde vtraque contradicit vniuersali differentis qualitatis. Vnde constat, *semper*, &, *Nunquam*, contrariari. Et, *Aliquando sic*, &, *Aliquando non*, subcontrariari. Cum igitur Necessario includat, *semper*: &, *Impossibile*, includat, *nunquam*, manifestū est similem proportionem habere inter sese quatuor angulos prædictarum modalium, quam habent istæ quatuor dictiones.

Cc 4 Quæret

Quæret autem aliquis, quare modum, *Contingenter*, à quatuor angulis exclusimus, cum tamen in alia forma modalium, vbi modus est nomen à Dialecticis in rotulis oppositionum collocetur. Ad hanc interrogationem respondetur modernos cū Petro Hispano collocasse, *Contingens*, in quadratis rotulis accipientes, *Contingens*, pro, *Possibile*. Alias, vt cito ostendemus, non poterat collocari, *Contingens*, in rotulis, si acciperetur specialiter dictum pro eo, quod possibile est esse, & non esse. Sic enim à Modernis ad regularitatem hætenus non vidi, *Contingens*, aut, *Contingenter*, reductum. Imo quidam ex modernis de his modis regulam nullam dedit propter illorum irregularitatem. Nos tamen ad artem reducemus hunc modum mixtum siue adverbialiter accipiat, vt, *Contingenter*, siue nominaliter, vt, *Contingens*. Nūc autem prius dicamus de, *Contingenter*, specialiter dicto, ex doctrina *Aristotelis lib. 1. Priorum, cap. 12*. Vbi *Contingenter* dupliciter accipi insinuat.

nuat. Vno modo pro *Possibili*, vt continetur sub *Necessario*. Alio modo specialius pro eo, quod possibile est esse, & possibile est non esse. Et hoc secundo modo dicit, *Contingenter*, conuerteri in oppositam qualitatem, ita vt hæ sint æquiuales: *Petrus contingenter currit: Petrus contingenter non currit.*

Nota igitur *Contingenter* specialiter dictum esse virtualiter compositum ex C. & D. includens quandam vniuersalitatem cōiunctionis, & non collectim, sed diuissim acceptę. Æquiualeat enim *Contingenter*, huic complexo *Possibiliter*, &, *Possibiliter non*. vbi vides mixtam qualitatem; vides etiam particularitatem in modo *Possibiliter*; vides etiam vniuersalitatem in ipsa coniunctione, &, diuissim accepta: sicut est vniuersalitas, cum dicis: *Petrus & Paulus est homo*, cuius contradictoria est, *Petrus vel Paulus non est homo*. In qua necesse fuit mutari, &, in, vel.

Ex dictis sequitur primo, modum *Contingenter* comparatum cum A. vel cum B. opponi illis contrarie ratione

Cc 5 vniuer-

uniuersalitatis, verbi gratia, hæc enū-
 ciatio: *Petrus contingenter est albus*, con-
 traria est huic: *Petrus necessario est albus*.
 Et similiter huic: *Petrus impossibiliter est*
albus. Quod sic ostendo, quia enun-
 ciatio de *Contingenter* cum vtraque il-
 larum repugnat in veritate & potest
 conuenire in falsitate, ergo est singu-
 lis contraria. Consequentia patet ex
 lege contrariarū. Antecedens sic de-
 monstratur. Nam hæc: *Petrus contin-*
genter est albus, infert contradictoriam
 vtriusque, & non infertur ex illa, er-
 go repugnat cum A. & cum B. in ve-
 ritate. Quod autem non repugnet
 cum A. & B. in falsitate etiam osten-
 ditur per eandem regulam supra po-
 sitam circa oppositionem categori-
 carum non modalium. Quomodo ve-
 ro, *contingenter*, inferat ipsius A, & i-
 psius B contradictorias, manifestum
 est. Nam bene sequitur: *Petrus contin-*
genter currit, ergo possibiliter currit, quæ
 est contradictoria ipsi B. & infertur ex
contingenter, à copulatiua virtuali ad
 partem.

Rursus per eundem locum sequitur, *Petrus contingenter currit, ergo possibiliter non currit*, quæ est contradictoria ipsi A. Quod autem Petrus contingenter currit non inferatur ex singulis prædictis cōtradictoriis non minus manifestum est : quia nulla est argumentatio à parte copulatiuæ virtualis ad totam.

• Sequitur secundo quod, Contingenter subalternans est ad C. & ad D: & C. & D. subalternantur illi. Ecce tibi causam quare extra numerū quadrati constitui modum, *contingenter*, & collocaui inter A. & B. quibus solis opponitur: & contrarie apponitur: & imponimus nomen ipsi *contingenter* per litteram, M, quia mixtus modus est.

Iam vero hoc vnico mente comprehenso fundamento, in figura oculis obiecta facile tibi erit, ingeniose adolescens, omnem varietatem modalium, quæ fieri solet negatione præposita vel postposita, aut etiam simul præposita & postposita præfatis modis, discer-

discernere. Recole igitur ex præcedētibz commune proloquium; Negationē esse malignantis naturæ: quatenus totum, quod post inuenit, non solum destruit, sed etiam eius contradictorium constituit. Conuertit enim vniuersalitatem in particularitatem & particularitatē in vniuersalitatem; & affirmationem in negationem, & negationē in affirmationem. Ex quo sequitur in materia maxime modalium non esse certius contradicere quam toti propositioni negationem præponere: sicut etiam in aliis enunciationibus non modalibus.

Nota secundo tripliciter posse adiungi negationē alicui modo ex prædictis. In primis si vnica negatio singulis modis præponatur: & tunc est prima regula manifesta & fundamentalis, Præposita negationē æquiualeat suo contradictorio modo v.g. si addideris negationem ipsi A, æquiualeat D: si autem addideris negationem ipsi D. æquiualentiam facies cum A. & si addideris negationem ipsi B. resultat æqui-

æquiualeſſia cum C: & vice verſa hæc
 manifefſiſſima ſunt, & ipſe poteris ex-
 ercere. Si autem addideris negatio-
 nem ipſi, M, ſicut non habet ſimpli-
 cem modum contradicſorium ita ne-
 que habet modũ cui æquiualeat præ-
 poſita negatione. Nihilominus præ-
 poſita negatione duob' modis diſiun-
 ctim ſumptis contradicit. v. g. ſi dicas.
Petrus non contingenter currit, contradi-
 cis huic *Petrus poſſibiliter currit*, vel, *Pe-
 trus poſſibiliter non currit*, neutri tamen
 determinate. Æquiualeſſet enim huic,
Petrus neceſſario vel impoſſibiliter currit.
 Nam ex ea parte, qua *contingenter* in-
 cludit *poſſibiliter*, cum præponitur ne-
 gatio, æquiualeſſet ipſi, B, ex ea vero par-
 te, qua includit *Poſſibiliter non*, cũ præ-
 ponitur negatio æquiualeſſet ipſi, A. Sed
 quia includit, &, quæ eſt yniuerſalitas,
 præpoſita negatione æquiualeſſet, *vel*,
 quæ eſt particularitas. Hinc ſequitur
 has duas propoſitiones eſſe veras, *Pe-
 trus non contingenter eſt homo*, &, *Petrus
 non contingenter eſt equus*, quia certe illa
 prior æquiualeſſet huic; *Petrus neceſſario
 vel*

vel impossibiliter est homo, altera vero æquiualeat huic, Petrus necessario vel impossibiliter est equus. Quarum vtraque pro altera parte disiuncti vera est.

Altera potest negatio postponi illis modis cardinalibus: & tunc sit secunda regula. Si negatio postponitur ipsi, A, æquiualeat suo contrario, B, & vice versa. Vt istæ sunt æquiuales, *Petrus necessario non est equus, & Petrus impossibiliter est equus. Similiter & istæ: Petrus impossibiliter non est homo, &, Petrus necessario est homo.*

Tertia regula. Si negatio postponatur ipsi C, æquiualeat suo subcontrario, imo resultat idem modus. Si autem postposueris negationem ipsi, D, similiter æquiualebit suo subcontrario, C, id quod congrue facere non poteris, neque enim vsitato modo loquendi dices, *Possibiliter non Petrus non currit. Sed si ita loquaris, visus es dicere, Possibiliter Petrus currit.* Habes itaq; vt in summa dicam, quod postposita negatione singulis quadrati angulis, æquiualebit quilibet alteri angulo è regio-

regione posito, non ex diametro, neque deorsum aut sursum versum.

Sed rogas iam: Quid si ipsi, *Contingenter*, postponatur negatio, nunquid alicui alteri modo æquiualebit? Respondetur. Nulli alteri æquiualebit nisi sibi met. Æquivalent enim enunciationes hæc, *Petrus contingenter currit: Petrus contingenter non currit*. Ratio huius demonstratoria est. Nam cum istæ sint contradictoriæ, *Petrus currit*, & *Petrus non currit*, necesse est, si illarum altera est contingens, & alteram esse contingentem. Alias enim darentur duæ contradictoriæ, vel simul veræ, vel simul falsæ. Si enim hæc, *Petrus currit*, est contingens: & hæc non esset contingens, *Petrus non currit*, tunc ista esset vel necessaria vel impossibilis. Tunc sic argumentor, si esset necessaria, ergo semper vera, & quia altera contingens erat, poterit esse vera simul cū contradictoria necessaria. Rursus si altera contradictoria existēte contingente, altera esset impossibilis, tunc sic argumētor. Impossibilis semp est falsa, cōtingens
vero

vero poterit esse falsa, igitur poterit esse simul falsa cum sua contradictoria impossibili. Ecce rationem quare *Contingenter*, convertitur in oppositam qualitatem.

Tandem tertia forma variandi oppositionem vel æquivalentiam angulorum fit per præpositionem & postpositionem negationis. Tunc est quarta regula: Anguli superiores nimirum A, &, B, præposita & postposita negatione æquivalent suis subalternatis inferioribus; & vice versa si inferioribus præponatur & postponatur negatio, æquivalentur suis superioribus subalternantibus. Exempla manifesta sunt. Nam si angulo, A, dixeris, *nō necessario Petrus non disputat*, perinde est ac si diceres; *Possibiliter Petrus disputat*. Item si angulo, B, dixeris: *Non impossibiliter Petrus non disputat*, æquivalenter loqueris ac si diceres; *Possibiliter Petrus non disputat*. Et vice versa ipse poteris exempla proferre. Ratio huius regulæ est: nam si negatione duntaxat postposita ipsi, A, resultat æquivalentia cum

cum, B, ita ut idem sit *Necessario non*,
 atque, *Impossibiliter*: sequitur quod si
 ipsi, A, simul præponatur altera nega-
 tio, efficiet æquivalentiam cum, C.
 contradictorio ipsi, B, qui modus, C,
 est subalternatus ad, A, ac p̄inde ha-
 bemus intentum necessarium esse, ut
 præposita, & postposita negatione re-
 sultet æquivalentia cum modo sub-
 alternato si subalternanti præponit̄ &
 postponitur negatio. Si autem præpo-
 nitur & postponitur subalternato re-
 sultabit æquivalentia cum subalter-
 nante. Obserua tamen hanc regulam
 locum non habere in modo Contingen-
 ter. Ratio est quia Contingenter,
 ut iam ostensum est, conuertitur in
 oppositam qualitatem. Vnde quia idem
 est dicere, *Petrus contingenter currit*, &
Petrus contingenter non currit, ita etiam
 negatione utriusque propositioni præ-
 posita, resultabit æquivalentia: verbi
 gratia, in istis, *Petrus non contingenter*
currit, &, *Petrus non contingenter*
non currit, omnimoda æqui-

• pollentia est.

Dd

• CAP.

САР. III

De diuisione medalis in medalem
diuisam & compositam.

TAndem ad complementum doctrinæ de modalibus necessaria est cognitio diuisionis in modalem diuisam & modale compositam. Hac diuisione Theologi differētes de prædestinationis & gratiæ mysteriis & libero arbitrio frequenter vtuntur. Et desumitur ex *Aristotele lib. 1. elenchorum cap. 3.*

Modalis diuīsa est in qua modus taliter modificat vñionem prædicati cum subiecto, vt non postulet vtrumque secundum suas formales significationes pro eodem simul verificari. v.g. hæc est modalis diuīsa, *Album possibile est nigrum*, quia non requirit possibilitatem, vt aliquid simul sit album & nigrum: sed dumtaxat vñionem possibilem dicit prædicati cum supposito subiecti, seu cum subiecto physico albedinis.

Composita vero modalis est illa, in qua

qua modus vnionem prædicati cum subiecto taliter modificat, vt requirat ad sui veritatem prædicatum cū subiecto secundum vtriusque formalem significationē simul coniungi secundum exigētiam significationis modi, v.g. si dicas, *Possibilitèr album est nigrum, Necessario album est nigrum; Contingenter album est nigrum.* In his enim enunciationibus modus applicat suam significationem formalem ad modificandam vnionem prædicati cum subiecto secundum suas formalitates.

Hinc colliges rationē quare quædam modalis dicitur diuisa & quædā alia composita. Diuisa quidē dicitur, quia ad diiudicandam veritatem vel falsitatem eius, necesse est seorsum resolvere subiectum vsq; ad singularia absoluta. & postea examinatur veritas aut falsitas iuxta exigentiam modi modificantis vnionem prædicati cum subiecto. Hoc autem expedite facies considerans enunciationem de inesse, an in illa vnio prædicati cum

Dd 2 subiecto

subiecto sit possibilis, vel necessaria, vel contingens vel impossibilis.

Propositio autem de inesse ea est, quæ remanet dempto modo. Sed modus in modali diuisa nõ potest auferri immediate: sed prius, vt diximus, subiectum seorsum debet resolui vsque ad singularia absoluta. In modali vero composita statim potest & debet auferri modus & relinquetur propositio de inesse cum omnibus suis formalitatibus. Hæc omnia exemplis facilius intelliguntur: Ponamus exemplum in his duabus propositionibus:

Album possibiliter est nigrum, & possibiliter album est nigrum, illa prior necessaria enunciatio est: hæc posterior impossibilis est. Quam differentiam ita diiudicamus, nam cum subiectum illius prioris antecedit modum & amplectitur, facies resolutionem terminum connotatiui, sub hac forma: *Hoc possibiliter est nigrum*, ostendendo subiectum albedinis, &, *hoc ipsum possibiliter est album, ergo album possibiliter est nigrum*. In qua resolutione in maiori propositione,

tionem, scilicet, *hoc possibiliter est nigrum*. iam poteris auferre modum possibili-
ter & manebit enuntiatio de inesse,
hoc est, nigrum, in qua constat vnio-
nem prædicati cū subiecto esse possi-
bilem. Altera vero propositio; *Possibi-
liter album est nigrum*, quia modus an-
tecedens subiectum modificat vnio-
nem prædicati cum subiecto secun-
dum suas formalitates, est impossi-
bilis, sicut sua de inesse est impossi-
bilis, album est nigrum? Vnde eius con-
tradictoria est necessaria, *impossibiliter
album est nigrum*.

Instar huius doctrinæ poteris exer-
cere rationem modalis compositæ vel
diuisæ in aliis modis. v. g. *currens necessa-
rio, est animal*, modalis diuisa est & ve-
ra: hæc autem; *Necessario animal est cur-
rens*, composita modalis est & falsa.
Item. *Creans necessario est Deus*, vera est:
hæc autem falsa; *Necessario creans est
Deus*. Similiter hæc est vera, *Contingen-
ter creans est Deus*, & hæc falsa, *Creans
contingenter est Deus*. Quarum diffe-
rentia non aliunde sumitur, quam ex

Dd 3 distin-

distinctione modalis compositæ vel diuisæ.

Sed rogas, quomodo intelligemus, quando sit modalis diuisa & quando composita. Respondeo, quod ubi fuerit dubium in cōmuni modo loquendi, utendū est distinctione in disputationibus, ut conueniat inter arguentem & respondentem. Admonet enim *Aristot. in lib. ralencho* ap. 3. cauendum esse à captionibus, quæ fieri solent compositione eorum, quæ diuisim pronuntiaueruntur. Composita vero falsa sunt. An enim illic Compositio uero talis est captionis ut in *Posse sedentem ingredi, nasse non scribentem scribere. Neque uero idem significat hæc diuisim pronuntia, nempe, *sedentem possibile esse ambulare. Non scribentem, scribere possibile esse, et iunctim, sedentem ambulare, non scribentem scribere possibile esse. Nam illud potestius perinde valet, ac si quis facultatem habeat, quod possit non scribendo scribere. prius autem illud, quod non iunctim effertur, quasi facultatem scriben-**

scribendi, etiam qui non scribit, habeat. Diuisione vero captiones fiunt, ut quoniam in quibusque sunt duo & tria, fieri ut paria sint imparia, & maius sit æquale, quia est tantum & amplius insuper.

Hæc etiam ex Aristotele. Cuius verba de industria reculo, quoniam non desunt moderni Theologi irridentes distinctionem antiquam de sensu diuisi & composito præsertim in materia de libero arbitrio, per quod homo facultatem habere etiam cum sedet, ad ambulandum: & tunc libere sedet, quantum impossibile sit habere facultatem ambulandum sedet. Neque enim liberitas est facultas ad simul faciendum hoc & illud, sed ad vtrumlibet, ita tamen de determinatione ad vnum, manifestum est non contineri facultas & potestas ad alterum, sicut manet potestas de se de determinatione. In hoc enim non componimus actum cum actu, sed facultatem ad alterum actum, et dum alterum exercet. Sed de hoc alias.

Obseruet tamen Dialecticus non

Dd 4 esse

esse certam regulam sensus compositi, quando, *modus*, accipitur nominaliter, sicut in ista est sensus compositus, *Album esse nigrum est possibile*, quæ est impossibilis, quia, facit sensum compositum. Sed tamen in hac, *sedentem, possibile esse ambulare*, voluit Aristoteles fieri sensum diuisum, vt patet ex verbis eius citatis. Rursus nec est certa regula modalis diuisæ, quod *modus* accipiat aduerbialiter; nam hæc est modalis composita: *Possibiliter album est nigrum*, etiam si aduerbialiter *modus* accipiat. Certior autem regula est modalis diuisæ, quando *modus* interponitur inter subiectum & prædicatum enunciationis vel enūciati, quod per verbum infinitiuium profertur. Magnæ istæ sunt modales diuisæ, *Album possibiliter est nigrum. & album, possibile est esse, nigrum*. At vero quando *modus* aduerbialiter sumptus collocatur initio enunciationis, semper est modalis composita vt hæc: *Possibiliter album est nigrum*. Quando vero *modus* est nomen, & ponitur pro altero extremo enuncia-

enunciationis respectu alterius extremi, quod est dictum siue enunciatum infinitiui modi, semper est modalis composita, verbi gratia. *Album esse nigrum est possibile* & *possibile est album esse nigrum*, sunt modales compositæ: & reducuntur ad illas quæ sunt de modo aduerbiali posito initio propositionis, qualis est hæc: *possibiliter album est nigrum*. Cui æquivalent illæ duæ prædictæ enunciationes, vbi modus nominaliter accipitur.

Habes igitur differentiam inter modalem diuisam & compositam. Nam diuisa duplici resolutione diuim examinanda est, vt eius veritas vel falsitas appareat. Composita vero nullo alio indiget quam immediata reductione ad quam de inesse seu præiacentem, quæ remanet ablato modo, & in illa considerare, an vnio prædicati cum subiecto habeat conditionem importatam per modum, videlicet, quod sit necessaria vnio, vel possibilis, vel impossibilis, vel contingens: & secundum hoc iudicabit veritas vel falsitas mo-

Dd 5 dalis,

dalis, v. g. *neccessario homo est animal*, vera
 & necessaria modalis est: quia eius de
 inesse siue præiacens, *homo est animal*,
 continet vnionem necessariam præ-
 dicari cum subiecto. Omnes autem
 modales compositæ de modo nomi-
 nali, vt cognoscantur, an veræ vel fal-
 sæ sint; reducendæ sunt ad modales,
 vbi modus est aduerbium positum in
 principio totius propositionis. v. g. si
 velis examinare veritatem huius; *Ho-*
minem non disputare est possibile, facili ne-
 gocio comperies, si dictum illud de
 infinitiuo cōuertas in enunciationem
 ex eisdē extremis & præponas aduer-
 bium modale, v. g. *Possibiliter homo non*
disputat. Et sic de aliis omnibus moda-
 libus compositis, in quibus modus est
 nomen, agendum est ad earum veri-
 tatem vel falsitatem examinandam. Et
 hac via euades perplexam rotulorum
 varietatem, quæ fit, cum propo-
 sitionibus in quibus modus est nomen
 constituens modales compositas.

Nihilominus si quis curiosus in illis
 rotulis ingenium exercere voluerit,
 notet

notet cum Petro Hispano sexdecim formas varias modalium compositarum: quas quidem ita diuidunt. Nam vnusquisque ex his quatuor modis, scilicet, *possibile, impossibile, Contingens, Necessse*, seu *Necessarium*, quatuor constituit modales propositiones distinctæ formæ: ac p̄inde quater quatuor efficiunt sexdecim distinctas formas.

Prima forma est in qua neque dictum neque modus negatur. Vt, *Petrum disputare est possibile, Petrum disputare est necesse.*

Secunda forma est, in qua dictum negationem habet & non modus. Vt, *Petrum non disputare est possibile.*

Tercia forma, vbi dictum negationem non includit, sed modus negatur. Vt, *Petrum disputare non est possibile.*

Quarta forma, in qua tam dictum, quam modus negationem habent, Vt, *Petrum non disputare non est possibile.*

Adiunt itaque has quatuor formas ita se habere, Vt prima quidem, sit contradictoria tertiæ & subcontraria secundæ & subalternata quartæ.

quartæ. Et eadem erit proportio si ponas exemplum in reliquis modis. Hoc tamē obseruato, quod *contingens* non debet accipi specialiter, sed dumtaxat pro *Possibili*: ac proinde eius annumeratio superflua est. Si autem *contingens* specialiter accipiatur, non sunt hæcenus præfixæ regulæ, quomodo se habeat respectu aliorū modorum, vel respectu ipsiusmet cum multiplici varietate negationis positæ in dicto vel in modo. Quam tamē diligentiam nos adhibuimus & ad regularitatem prædictum modum *contingens* reuocauimus, vt statim apparebit. Prius tamen cōtemplare communem figuram ex quater tribus formis à nobis clarius distinctam,

Figura

A.

Contrariæ.

B.

Petrum disputare est
neceſſe


Petrum non disputare est
impoſſibile

Petrum non disputare non
est poſſibile

Petrum disputare non est
poſſibile

Petrum disputare non est
impoſſibile

Petrum non disputare est
neceſſe



Petrum disputare est poſ-
ſibile

Petrum disputare non est
impoſſibile

Petrum non disputare non
est neceſſe.

Petrum non disputare est
poſſibile

Petrum non disputare non
est impoſſibile

Petrum disputare non est
neceſſe.

Subcontrariæ

C.

D.
Hæ

HÆ omnes formæ ita se habent, vt quilibet ternarius intra suū quadratum tres æquipollentes contineat: ac proinde cui quælibet contrariabitur, omnes erunt contrariæ, & cui quælibet contradicit, omnes contradicunt: & cui quælibet fuerit subcontraria, & omnes eidem subcontrariæ erunt. Et denique cui quælibet fuerit subalternans vel subalternata, & reliquæ eiusdem quadri eidem erunt subalternantes vel subalternatæ. Quamobrem eisdem litteris anguli cuiuslibet quadrati designantur, sicut distinximus supra angulos quadrati aliarum modalium de aduerbiali modo. Videlicet. Vt, A. & B. contrariantur, & C. & D. subcontrariantur, ita sane vt, C, sit subalternata ad A, & contradictoria ipsi, B. Et vice versa, D. quæ est subalternata ad B. sit subcontraria ad C. & contradictoria ipsi, A. In qua figura in promptu habebis omnem varium respectum inter modales compositas de modo nominali sed breuius, vt dixi cōprehendes tales respe-

respectus, si immediate reduxeris eas modales ad illas priores modales cōpositas, vbi modus aduerbialis antecedit totam enunciationem constantem ex eisdē terminis, ex quibus constat dictum de infinitiuo tempore.

Iam vero de contingēti specialiter sumpto vt nomen, certas leges ferre necesse est. Hunc laborem ex modernis neminem suscepisse video: sed potius quosdam de industria de contingenti certa documenta dare prætermisisse.

Aduertendum est igitur hoc nomen, *contingens*, specialiter dictum, esse virtualiter mixtæ qualitatis & quantitatis. Æquiualeat enim huic complexo, *Possibile esse*, & , *Possibile non esse*. Vbi sicut supra diximus de aduerbio, *Contingenter*, Coniunctio, &, accipitur diuisiue, & est vniuersalitas coniungens duas particularitates alteram affirmatiuam, alteram negatiuam, videlicet: *Possibile esse*, & *Possibile non esse*, & hæc est causa, quare, *Contingens*, non subit communem legem.

legem aliorum modorum, Hoc sup-
posito. En tibi nouam & specialem fi-
gurā, vbi possis meditari omnem pos-
sibilem respectū enunciationum mo-
daliū diuersarum formarum, quæ
variantur instar prædictarum moda-
liū ex dicto & modo cōpositarum.
In qua figura facile perspicies oppo-
sitionem, vel æquiualentiam, vel sub-
alternationem, quam habet hic mo-
dus contingens cum aliis qua-
tuor modis nominali-
ter acceptis.

Figura

A.

Petrum currere est con-
tingens.

Petrum non currere est
contingens.

Æquipol.

Petrū non currere, nō
est impos. vel neces.

Petrum currere nō
est impos. l. nece

Subalternantes ad totū. C.

Æquipol.

Petrū currere, est pos.
Petrum non currere,
non est impos.

Subcontrar.

Petrum non currere,
est possibile.

Petrum currere, non
est necesse.

C.

B.

Petrum currere, est
necesse.

Petrum non currere
est impossibile.

Æquipol.


Contraria.

Petrū currere est im-
possibile. (necesse.

Petrū non currere est

Æquipol.

Subalternantes ad totū. B.



Contraria.

Contraria.

TERNATAE.

DICTORIAE.

NATAE.

CONTRA.

SVBALTER.

contra-
ria.

Subcontraria.

D.

Ee

Tn

In præfixa figura sunt quatuor quadrati. A, & B. superiores, & C, & D, inferiores.

Deinde in quolibet quadrato sunt duo binarii enūciationum, ita ut sexdecim sint enunciationes omnes modales compositæ: sed varios respectus ad inuicem habent.

Primus respectus inter totum quadratum, A, & totum quadratum, B, est contrarietatis.

Secundus respectus principalis est totius quadrati, C, cum toto quadrato, D, subcontrarietatis.

Tertius respectus consideretur inter totum quadratum, A, & totum quadratum, C, qui est subalternationis: ita ut enūciationes in, A, sint subalternantes & enunciationes in, C, sint illis subalternatæ.

Quartus respectus est similis præcedenti inter totum B. & totum, D: ita ut, B, sit subalternans & D, subalterneſ. Prædicti quatuor respectus regulares esse videntur, ex quibus videbatur consequi, ut totum, C, contradiceret toti,

toti, B. Sed non ita res habet : quia duo binarii in, C, non sunt æquipollentium inter se, sed totus binarius superior subcontrariatur toti binario inferiori. Et similiter duo binarii collocati in B, non sunt æquipollentium inter se, sed binarius superior, qui est duarum æquipollentium, contrariatur binario inferiori, qui est aliarum duarum æquipollentium. Et tota irregularitas est inter quadratum, C, & B. Nam inter. A. & D. tantum est respectus contradictionis, eo quod duo binarii in, A, sunt æquipollentes, & duo binarii in, D, sunt etiam æquipollentes.

Quintus ergo respectus etiam regularis sit inter totum quadratum, A, & totum quadratum, D, qui contradictionis respectus est.

Iam vero Sextus respectus inter superiorem binarium in, C, & superiorem binarium in, B, subalternationis respectus est. Sed ad inferiorem binarium in, B, contradictionis est respectus.

Ec 2 Septi-

Septimus respectus tandem considerandus est inter inferiorem binarium in, B, contradictionis, & ad inferiorem subalternationis. Atqui hoc pacto, Contingens, permiscetur cum aliis modis iuxta prædicta documenta: quæ si morose examinaueris, verissima esse inuenies: si vsus fueris illis duabus certissimis regulis: Quando affirmatiua infert cōtradictoriam negatiuæ, & non infertur ex illa, sunt enunciationes contrariæ. Item quando ex contradictoria negatiuæ infertur affirmatiua & non infert illam, erunt subcontrariæ. Ex quibus respectib. facile est alios respectus contradictionis vel subalternationis colligere.

Hæc omnia operose nimis meditati sumus, vera quidem illa, sed fortassis non tam necessaria, quam subtilia: quanuis vtilitatis non nihil habeant ad adolescentium ingenia exercenda. Veruntamen, vt sæpe admonui, breuiori compēdio veritatem aut falsitatem prædictarū modalium composita-

positarum de dicto pro subiecto & modo pro prædicato, deprehendes: si singulas ad alias modales de aduerbiali modo reduxeris. Quæ reductio ita fit. Permutabis quidem dictum cum sua quantitate & qualitate in enunciationem, cuius est enunciatum & dictum. Similiter & modum, quod est nomen, permutabis in aduerbium cum sua qualitate, & constitues in fronte enunciationis. Accipe duo exempla. Hæc modalis composita. *Petrum non currere non est impossibile vel necessarium*, reuocatur ad istam. *Non impossibiliter vel necessario Petrus non currit*, & inuenies esse æquiualentem cum ista, *Petrum currere est contingens*, quæ etiam reducitur ad hanc, *Contingenter Petrus currit*. Et ratio est manifesta, quia *Contingenter* contradicit huic complexo, *Impossibiliter vel necessario*, ergo si addideris negationem supra *Impossibiliter vel Necesario*, dicens; *Non impossibiliter vel necessario Petrus non currit*, æquiualebit huic; *Contingenter Petrus currit*: & etiam huic: *contingenter*

Ee 3 Petrus

Petrus non currit, si quidem contingenter conuertitur in oppositam qualitatem, ut iam dictum est. Ac proportionabiliter per te ipsum poteris alias propositiones modales de dicto & modo nominali reuocare ad edunciationes de modo aduerbiali, obseruando præfatum documentum. Quæ omnia prudens prætermitto, ne prolixus & molestus tibi sim (ne dicam) iniurius parum de tuo ingenio confidens. Neque vero ipse suspiceris, nos in hac parte diminutos fuisse: quia nullam mentionem fecerimus de, *Amabimus*, & *Edentuli* & *Iliace*, & , *Purpurea*: quibus dictionib. significabatur. Hactenus Summulistæ varietatem modalium compositarum. Etenim nos multo distinctius nostris literis. A. B. C. D. illam varietatem explicatam dedimus. Neque exempla posuimus in terminis communibus, sed in singularibus: propterea quod circa distributionem aut particularitatem terminorum communium non sunt necessariae aliæ regulæ, quam quæ in primo

mo tractatu huius libri positæ sunt: eo
vel maxime si reduxeris propositiones
modales de dicto & modo nomi-
nali ad modales enunciationes de
modo adverbiali. atque hæc-
nus de modalibus dicta
sufficiant.

Ec 4 TRA

TRACTA-
TVS TERTIVS
DE EXPONIBI-
LIBVS.

CAP. I.

De Exclusiuis.

EAndem in hoc tertio tractatu ad complementum doctrinæ de omnium categoricarum enunciationum oppositione & æquiualentia, necesse est de exponibilibus aliqua documenta proferre.

Quid sit exponibilis.

Est autem *Exponibilis enuntiatio*, quæ ratione alicuius dictionis siue syncategorematicæ, siue categorematicæ obscurum implicat sensum, qui per alias enunciationes explicatione opus habet. Huiusmodi enunciationum prima species est exclusiuarum, quæ modificantur hoc syncatego-

tegoremate tantum, vel duntaxat, vel similibus. Possunt autem huiusmodi syncategoremata aliquando quidem constituere propositionem, quam dicunt de excluso extremo; vt, *Petrus est tantū Dialecticus*. Aliquando vero constituunt propositionem exclusiuam: vt, *tantum animal est homo*. Vtrobilibet autem modo possunt adhuc dupliciter excludere. Vno modo gratia alietatis, vt in exemplis positis. Altero modo gratia pluralitatis, quando circa numerum fit exclusio: vt; *tantum decem sunt prædicamēta*; &, *Planeta sunt tantum septem*.

Deinceps exclusiuarū propositionum, in quibus est specialis difficultas, quæ grammatici facultatem superat, quadruplex est forma siue species. Prima est pure affirmatiuarum: vbi neque dictio exclusiua, neq; verbum negatur. Vt, *tantum animal est homo*. Secunda forma est, vbi negatio vnica fertur in modum & in verbum, vt *non tantum animal est homo*. Tertia forma est, vbi modus nō negatur, & negatur

Ee 5 verbum.

Verbum. Vt, *tantum accidens non est substantia*. Quarta forma vbi negatio fertur in modum: & verbum relinquit affirmatum. Vt, *non tantum albedo, non est substantia*: vbi verbum, *est*, propter concursum duarum negationum affirmatum relinquitur. His suppositis, accipe formas quatuor exponēdi huiusmodi exclusiuas exponibiles.

Prima forma expositionis primi generis exclusiuarum est, & fit per vnicam copulatiuam, quarum prima categorica sit affirmatiua, scilicet ea, quæ relinquitur, dempto signo exclusiuo. Altera vero categorica debet esse negatiua, vbi idem prædicatum negandum est de omni alio à subiecto, si fiat expositio gratia alietatis. v. g. *Tantum animale est homo*, habet hanc copulatiuam explicantem, scilicet, *animal est homo, & nihil aliud ab animali est homo*. Si autē exclusiua dictio excludat gratia pluralitatis, vt, *tantum decem sunt prædicamenta*, erit hæc copulatiua exponens, *decē sunt prædicamenta, & non plura, quam decem sunt prædicamenta*.

Secunda

Secunda forma pro secundi generis exponibilibus debet esse cōtradi-
ctoria præcedenti, sicut ipsa exponi-
bilis contradictoria est primæ formæ.
Vnde erit disiunctiua cōstans ex dua-
bus contradictoriis respectu partium
prædictæ copulatiuæ hoc pacto: *Non
tantum animale est homo, nullum animal est
homo, vel, aliquid aliud ab animali est
homo.*

Deinde tertii generis exclusiua et-
iam copulatiue exponitur, ita vt prior
categorica sit præiacens dempro si-
gno exclusiuo, & altera sit vniuersalis
affirmatiua, vbi affirmetur prædica-
tum de omni alio à subiecto exclusi-
ua. Vt si dicas, *tantum accidens non est
substantia*: has duas dabis exponen-
tes; *Accidens non est substantia, & omne
aliud ab accidenti est substantia.* Simili-
ter in numeris, *tantum nouem homines
non faciunt populum*, sic exponitur, *no-
uem homines non faciunt populum, & omnes
plures quam nouem congregati faciunt po-
pulum.*

Denique quarti generis exclusiua
expo-

exponitur per disiunctiuam contradictoriam ad præcedentem copulatiuam. Designantur autem prædictæ quatuor formæ his dictionibus, *Iste, regit, Proram, Clauo*, Ita sane vt per vocalem, I, particularem affirmatiuam intelligas & per, E, vniuersalem negatiuam. A, vero vniuersalẽ affirmatiuam designat, & O particulare negatiuam notat. De sola forma primi generis datur regula conuersionis, siue æquipollentiæ. Æquipollet enim vniuersali affirmatiuæ permutatis extremis, vt, *tantum animal est homo*, æquiualet huic: *omnis homo est animal*, & vice versa. Vnde ex consequenti enunciatio exclusiua secundæ formæ, quæ est contradictoria primæ formæ æquiualet vni particulari negatiuæ permutatis extremis. v.g. *Non tantum animal est homo*, æquiualet huic, *non omnis homo est animal*, siue huic *quidam homo non est animal*.

Haftenus de exclusiuis dicta sufficiunt, nisi *Sophista* importunis subtilitatibus nos plura dicere cogerent, & illis

illis respondere, ne videantur soli sibi sapere. Quamobrem vnicum aut alterum documentum obseruandam proponemus ad discernendam oppositionem vel æquiualentiam inter huiusmodi exclusiuas.

Primum documentum sit. Propositionis duabus exclusiuis ex eisdem extremis, recurrendum est ad illarum exponentes: & quo pacto videris vtriusque exponētes collectiue consideratas sese habere cum alterius exponentibus: ita se habebunt ipsæ exponibiles.

Alterum documentum est, quod superius fuit datum, non esse certius contradicere, quam toti propositioni negationem addere. De aliis vero speciebus oppositionis nullā certiorē regulam habebis, quam considerare exclusiuarum exponentes simul sumptas & e regione comparatas, & quomodo inter se repugnauerint, ita & exponibiles sese adinuicem respiciēt. Nam si ipsæ exponentes in sola veritate repugnauerint, tunc exponibiles
erunt

erunt contrariæ, vt, *tantum homo est albus, tantum homo non est albus*. Quia exponibiles affirmatiuæ exclusiuæ sunt hæ; *Homo est albus, & nihil aliud ab homine est album*. Exponibiles autem alterius negatiuæ sunt hæ; *Homo non est albus, & omne aliud ab homine est album*. Vterq; autem binarius exponentium potest esse simul falsus, non autem verus, verbi gratia in casu quo sint equi albi & nigri. Veruntamen nullomodo possunt esse simul veræ. Ratio est euidens quia inferūt per bonam consequentiā duas contradictorias: Nam inferunt duas vniuersales contrarias, scilicet: *Nihil aliud ab homine est album & omne aliud ab homine est album*. Vnde si antecedens esset verum consequens etiam esset verum. Rursus si exponentes repugnauerint in sola falsitate, tūc exponibiles erunt subcontrariæ. Exemplum est in exponentibus secundæ formæ comparatis cum exponentibus quartæ formæ v. g. exponentes huius; *Non tantum homo est albus*, sunt hæ, *Nullus homo est albus, vel aliquid aliud ab*

ab

ab homine est album. Item exponentes huius: *Non tantū homo non est albus*, sunt hæ; *omnis homo est albus*, vel *aliquid aliud ab homine non est album*, vtraque autem disiunctiua repugnat in sola falsitate cum altera. Et probatur, quia illæ duæ disiunctiuæ inferuntur ex duabus expressis subcontrariis argumentando à parte disiunctiuæ ad totam v. g. existis, *aliquid aliud ab homine est album*, & , *aliquid aliud ab homine non est album*, ergo illæ exponentes repugnant tantum in falsitate. Probatur consequētia, quoniam alias in bona consequētia daretur antecedens verum & consequens falsum. Nam antecedēs, quod est duæ subcontrariæ, potest esse verum pro vtraque parte, ex qua infertur vtraq; pars consequentis, ergo nunc vtraq; non potest esse falsa.

Tandem vt facilius possis discernere variam oppositionē exclusiuarum constitue tibi quadratum cōsuetum.

A. B. C. D. & in angulo. A. scribe:

Tantum homo est albus, & in angulo B.

Tantum, homo non est albus & in angulo

C. *Non*


C. *Non tantum homo non est albus, & in angulo* D. *Non tantum homo est albus.* Sintque, A. & B. superiores anguli & inferiores C. & D. ita ut C. ex diametro respiciat, B, D, autem ex diametro respiciat, A.

A.

B.

Contrariæ.

Tantum homo est albus. Tantum homo non est albus.



Nō tantum homo nō est alb⁹. Nō tantum homo est alb⁹.

Subcontrariæ.

C.

D.

Nunc

NVnc ergo considera quomodo A.
& B. contrariantur. Et quomodo
C. & D. subcontrariantur inter se.
Sunt autem subalternæ ad superiores,
quas sursum versum ex directo respi-
ciunt. At vero vtraque est contradi-
ctoria ei, quam ex diametro respicit.
In hoc quadro poteris meditari pro-
portionabiliter, quæ cōsiderauimus in
figura Modalium, videlicet, quomo-
do demonstrentur. C. & D. subcon-
trariari, quia vtraque est contradicto-
ria subalternanti alterius: ac proinde
ex falsitate vtriusque sequitur veritas
alterius, sicut sequitur veritas subal-
ternantis. Respectu alterius subcon-
trariæ. Vnum tamen singulare in præ-
senti quadrato inuenies. Cum enim,
A, æquiualeat huic, *omnis homo est albus,*
& consequenter D, quæ est contradi-
ctoria ipsi A, scilicet, *Non tantum homo*
est albus, debeat æquiualeere huic: *Al-*
bum non est homo; nihilominus inter B-
& C. quæ sunt contradictoriæ, non
inuenies illam proportionē, vt vtriq;
possis assignare categoricam æquiu-
Ff lentem

lentem permutatis extremis: sed duntaxat, B. & C. suis exponentibus hypotheticis contētæ sunt. Aduerte etiam, quod quotiescunque in prædictis angulis terminus communis antecedit dictionem exclusiuam, vt in hac, *Homo tantum est albus*, non poteris exclusiuam immediate exponere: sed prius debes singularizare subiectum secundum regulas ascensus vel descensus: quo singularizato poteris procedere ad exponentes. In quibus omnibus semper debet esse regula communis modus loquendi sapientum. Debetq; obseruari, ne in exponibilibus contingat aliquis defectus contra communes regulas proprietatum logicalium. Huius rei exempla de industria prætermittimus: quoniam esset abire in infinitum. Scio ingeniosis adolescentibus prædicta principia sufficere: aliis vero plura proponere maioris confusionis causam esse.

CAP.

CAP. II.

De Exceptiuis.

Secundum genus exponibilia sunt Exceptiuarum. Est autem exceptiua enūciatio quæ modificatur hoc syncategoremate, *Prater*, vel aliquo alio simili, quale est, *Nisi*, excepto. Harum exceptiuarum quatuor formæ instar exclusiuarum distinguuntur. Quas etiam formas poteris collocare in simili quadrato A. B. C. D.

Prima forma est ubi neque modus neque verbum negatur. Vt, *omne animal prater hominem est irrationale*.

Secunda forma est contradictoria ubi negatio præmittitur in totam propositionem primæ formæ; vt, *non omne animal prater hominem est irrationale*.

Tertia forma est, ubi duntaxat verbum negatur, vt, *omne animal prater hominem non est irrationale*.

Quarta forma est contradictoria tertiæ: in qua negatio præponitur supra tertiam formam. Vnde ipsum

Ff 2 verbum

verbum relinquitur affirmatum, vt,
Non omne animal prater hominem non est
irrationaliter.

His suppositis, constitue primam formam in angulo A. & tertiam formam in angulo B. quæ est contraria primæ. Item secundam formam constitue in angulo D. quæ ex diametro est contradictoria primæ formæ. Denique quartam formam constitue in angulo C. quæ ex diametro est contradictoria tertiar formæ.

Exponuntur autem istę formæ differēter iuxta differentiam oppositionis; quam adinuicem habent. Enunciatio quidem primæ formæ exponitur copulatiue, per tres exponentes, quarum prima dicitur præiacens, quæ relinquitur dempto syncategoremate, *Prater*, & loco eius ponitur hoc complexum, *aliud ab*, & pars excepta debet poni in ablatiuo. Altera est vniuersalis affirmatiua, in qua affirmatur terminus communis, à quo fit exceptio, affirmatur, inquam, de parte excepta. Tertia est vniuersalis negatiua, in qua

in qua negatur prædicatum de parte excepta, cuius exemplum est. Hęc est exceptiua; *omne animal præter hominem est irrationale*. Eius prima exponens est; *omne animal aliud ab homine est irrationale*. Secunda est: *omnis homo est animal*, & tertia est; *Nullus homo est irrationalis*. Quas tres veritates virtualiter includit illa exponibilis. Secunda vero forma exponitur disiectiue per tres contradictorias singulis propositionibus primæ formæ. Deinde proportionaliter tertia forma exponitur copulatiue per tres propositiones, videlicet, per primam præacentem instar præiacentis primæ formæ, & secundam vniuersalem affirmatiuam, in qua prædicatur terminus à quo fit exceptio de parte excepta, & tertiam vniuersalem affirmatiuam, in qua prædicatum affirmatur de eadem parte excepta. Est exemplum, *omne animal præter hominem non est irrationale*, quæ sic exponitur, *omne animal aliud ab homine non est irrationale*, & *omnis homo est animal*, & *omnis homo est irrationalis*. De-

nique quarta forma exponitur contradictorio modo ad tertiam, videlicet, disiunctive per tres enunciationes singulas singulis tertiæ formæ contradictorias. Has autem quatuor formas totidem dictionibus Dialectici designāt: videlicet *Lauate. Comoti. Peccata, hisopo*. Vocalibus significantibus quantitatem & qualitatem exponendum, sicut dictum est de exclusiuis.

Hæc omnia communia sunt apud Dialecticos, quæ profecto magis ad latinæ Linguae peritos pertinere videbantur. Et idcirco nolumus in huiusmodi amplius immorari. Sed dumtaxat hoc admonere eandem proportionem posse seruari inter exceptiuas constituto quadrato, quæ
seruata est in exclusiuis.

CAP.

CAP. III.

De Reduplicatiuis.

Tertium genus exponibilium, est earum enunciationum, quas reduplicatiuas vocant: quarum consideratio vtilior est pro metaphysicis & Theologis, quam consideratio de exclusiuis & de exceptiuis.

Est autem reduplicatiua propositio, quæ modificatur hoc syncategoremate: *In quantum*, vel similibus: qualia sunt: *quatenus*, *secundum quod*, *Qua ratione*, *ut sic*, *Prout*. Solent autem accipi hæc syncategoremata dupliciter. Vno modo specificatiue & alio modo reduplicatiue. Specificatiue quidē dicunt accipi, qñ designāt seu determināt aliq̃ naturam vel formam aut partem, secundum quam prædicatī conuenit subiecto, vel denotat cōuenire. Et est sæpenumero dictio diminuens, ut, *Æthiops est albus secundum dentes*, *Christus, in quantum homo, est creatura*, *Cognosco Petrum in quantum venientem*.

Ff 4 Si

Si igitur, *In quantum*, prædicto modo accipiat, non opus est alia expositione, quam exprimere naturam vel formam vel partem ratione cuius denotatur prædicatum subiecto conuenire, verbi gratia si dicas, *Christus, in quantum homo, est creatura*, sic explicabitur, Christus ratione humanitatis dumtaxat dicitur creatura. Et *Aethiops est albus secundum dentes*, denotat Aethiopem non esse album simpliciter, sed in dentibus habere albedinem.

Sed quando reduplicatiue accipitur, semper denotat causalitatem in significato termini modificati. Et secundum hanc considerationem quatuor formæ reduplicatiuarum constituuntur. Prima forma est in qua dictio reduplicatiua & verbum affirmantur, vt, *omnis homo in quantum rationalis, est risibilis*. Secunda forma est contradictoria primæ, in qua dictio reduplicatiua & verbum simul vnica negatione negantur. Vt, *non omnis homo, in quantum rationalis, est risibilis*. Tertia forma est, in qua dictio exclusiua non negatur,

negatur, sed solum verbum negatur; ut, *omnis homo in quantum rationalis non est risibilis*. Quarta forma est contradictoria tertiæ, vbi dictio exclusiua negatur, & verbum duplici negatione manet affirmatum. Ut, *non omnis homo in quantum rationalis non est risibilis*.

Hoc supposito prima forma copulatiuè exponitur per quatuor exponentes, & fortassis idcirco reduplicatiuæ dicuntur huiusmodi exponibiles; quia bis duplicant exponentes. Prima itaque forma sic exponitur copulatiuè. Ut prima exponens sit præiacens, quæ remanet ablata dictione, *in quantum*. Secunda vero est affirmatiua, in qua terminus reduplicatus affirmatur de subiecto exponibilis siue distributo, siue non distributo. Tertia proposita est vniuersalis, in qua debet affirmari prædicatum de termino reduplicato. Quarta enuntiatio est causalis, in qua exprimitur ratio connexionis prædicati cum subiecto. Est exemplum. *Omnis homo in quantum rationalis est risibilis*. Sic expo-

14

Ff s nitur,

nitur, *omnis homo est risibilis: & , omnis homo est rationalis: & , omne rationale est risibile: & , quia aliquid est rationale, ideo est risibile.* Deinceps secunda forma, scilicet, *Non omnis homo in quantum rationalis est risibilis*, sicut est contradictoria primæ; ita exponitur contradictorio modo, videlicet, disiunctiue per quatuor propositiones, quarum singulæ cōtradictoriæ sunt singulis exponentibus primæ formæ: vt tu ipse poteris exercere. Iam tertia forma exponitur copulatiue per quatuor exponentes; quarum prima est præiacēs, & secunda debet esse affirmatiua in qua affirmetur terminus reduplicatus de subiecto exponibilis, tertia vero debet esse vniuersalis negatiua, in qua negetur prædicatum de termino reduplicato, & quarta debet esse causalis, vbi exprimatur ratio remotionis prædicatæ a subiecto. v.g. *omnis homo in quantum rationalis non est risibilis*, sic exponitur; *omnis homo non est risibilis, & , omnis homo est rationalis, & , nullum rationale est risibile, & , si aliquid est rationale, ideo non est risibile.*

bile. Deniq; quarta forma est contradictoria tertiæ, ac proinde disiunctiue debet exponi per quatuor propositiones singulas cōtradictorias exponen-
tibus tertiæ formæ. Hactenus dicta à nobis communia sunt. Circa quæ tamē aliqua aduertere perneceffarium est pro superioribus disciplinis Theologia scilicet & metaphysica.

Notandum ergo in primis circa distinctionem illā, quæ facta est de syn-
categoremate, *in quātum*, & similibus, videl. aliquñ accipi specificatiue, aliquñ vero reduplicatiue. Notandū in quā est, dictionē illam *specificatiue*, æquiua-
lere huic, *designatiue*; seu, *determinatiue*, ob id, quia dictio, *in quantum*, designat & determinat in significato termini, cui apponit, aliquam rationē, aut formam, aut notionē, aut partē, secundū
quod prædicatum subiecto conuenire denotat, & hoc modo adhuc dupliciter potest accipi primo, quaten⁹ designat conceptū vel notitiā rei significatæ, ratione cui⁹ prædicatū denotat cōuenire subiecto & tūc pfecto est quedā
appella-

appellatio rationis. Vt si dicas, *Petrus in quantum homo est species*, cuius sensus est, *Petrus quatenus concipitur conceptu communi, hominis est species uniuersalis*. Si autem dictio, *In quantum*, designaret realem rationem hominis, esset falsa illa propositio, quia esse speciem neque ponitur in diffinitione hominis, neque realis eius proprietas est: sed valde accidentaliter prædicatur species de homine, nec secundū aliquod accidens reale, sed rationis verificatur de homine speciem esse.

• Altero modo potest accipi, *In quantum*, ita vt designet aliquā realem naturam, vel partē ratione cuius & non alias denotatur prædicatum subiecto conuenire, & hoc modo semper est dictio diminuens. Non enim prædicatum absolute conuenit subiecto, sed cum illo addito sicut dicitur: *Æthiops albus secundum dentes*. Sic etiam *Christus Dominus in quantum homo est factus*. Absolute tamen non dicitur factus.

Obseruandum tamē est huiusmodi dictiones specificatiuē acceptas aliquan-

quando apponi non tam necessitatis
 causa, quam explicationis gratia, v. g.
 cum dicimus, *bonum in quantum bonum est*
obiectum voluntatis: Ens in quantum ens est
obiectum intellectus: & tamen sine illo
addito; ens est obiectum intellectus, & bonum
obiectum voluntatis. Hac est ratione expli-
 cationis gratia dicim⁹, *filius Dei in quan-*
tum homo mortuus est pro nobis. Quæ pro-
 positio etiam ablata dictione specifi-
 cante, remanet vera, scilicet, *filius Dei*
mortuus est pro nobis, sicut & filius Dei na-
tus est ex Virgine. Huius etiam rei gratia
 quamuis hæc sit vera; *Petrus est crispus*
 absolute loquendo; tamen solemus
 adicere *secundum caput:* quæ dictione
 est diminuens, sed potius explicatiua
 prioris. Docet enim *D. Thomas 3. part.*
quest. 16. artic. 8. ea, quæ indifferenter
 conueniunt toti vel parti, quando soli
 parti conueniunt, non attribuimus ea
 simpliciter toti, vt non dicimus: *Ae-*
thiopem esse album: sed secundum dentes.
 Quando vero aliquod prædicatum
 soli parti potest conuenire, tunc abso-
 lute dicitur de toto, si soli parti con-
 ueniat,

ueniat, & sic dicitur simpliciter, *homo crispus*, etiam si tantum in capite crispitudinem habeat.

Altera acceptio dictionis, *In quantum*, & similium, est quando reduplicatiue sumuntur, hoc est, quia illarum officium est denotare, rationē causę querendam esse in significato termini, cui adiunguntur. Ex quo sequitur, q̄ sicut est quadruplex gen^o causę: ita dictio, *in quātum*, potest denotare quadruplicem rationē, causę scilicet formalis, vel materialis, vel efficiētis, vel finalis. Exemplum primi, *Petrus in quantum habet albedinē, est albus*, & *in quantum habet animam, est viuens*. Exemplum secundi, *Petrus in quantum est compositus ex contrariis, est corruptibilis*. Exemplū tertii, *Ignis in quantum est calefactiuus calefacit*, aut, *Petrus in quantum artifex ædificat*. Vbi aduerte, q̄ quando designatur causa efficiens, nō est opus tertiam exponentem esse vniuersalē, scilicet, *omnis ædificator ædificat*; sed sufficit, omnem artificem esse ædificatiuum virtute artis ædificādi. Et hoc modo istę propositiones

nes

nes dicuntur per se, *edificator edificat, medicus curat*, & de ratione boni est se communicare, hoc est, esse communicatum sui, & quando se communicat, agit, q̄ decet naturā boni. Exemplum quarti est, *finis, in quantum finis, est principium electionis*. Nihilominus aliquando huiusmodi dictiones accipiuntur non proprie causaliter designādo causam secundum rē, sed secundum q̄ effectus solet esse causa cognoscēdi realē causam, v. g. Astrologus cognoscit terram interpositam inter solem & lunam in quantum videt lunam eclipsari. Cum tamen si, *In quantum*, designaret causam realē potius vice versa dicēdum esset; Astrologus scit lunam eclipsari, in quantum cognoscit terrā interpositam inter solē & lunā. Aliqd simile accidit in dictione, *Quia*, v. g. si quis affirmer solē iam ortū esse, & alter interroget, unde scis ortū iā solē? Recte respondebit, q̄a video splendorē eius p̄ fenestram intrantē. Necesse erit itaq; in disputat. ne laboreſ in æquiūoco, vniuersa hæc in prōptu habere. Quæ oīa

vt ma-

vt magis explicentur tres quaestiones,
vel quatuor disputare visum est.

Cap. IV.

De tribus quaestionibus circa reduplicatiuas.

Questio prima; an sint necessariae
quatuor exponentes in singulis
quatuor formis reduplicatiuarum.
Arguitur primo pro parte negatiua.
Nam in prima & tertia forma tertia ex-
ponens superflua videtur ergo, &c.
Probo antecedens, quia tertia expo-
nens includitur in quarta, videlicet,
quia aliquid est rationale illud est risi-
bile, quae includit virtualiter, omne a-
nimal rationale est risibile. Etenim
causalis enuntiatio vniuersalis est. Et
eadem est ratio de tertia exponente
tertia formae: ac proinde etiam in se-
cunda & quarta forma, quae sunt ea-
rum cōtradictoriae superflua erit ter-
tia exponens.

Arguitur secundo. Prima exponens
etiam continetur in tertia & secunda,
ergo

ergo illa est superflua. Probo anteceden-
dens, nam bene sequitur: *omne rationale est risibile, & omnis homo est rationalis, ergo omnis homo est risibilis.* Conclusio est prima exponens, præmissæ autem prima & secunda. Ergo ex illis sequitur prima, ergo vel prima vel tertia est superflua. Arguitur tertio & probatur quod prima & tertia exponentes sint superflue. Nam si secunda & quarta inferunt tertiam: & rursus secunda & tertia inferunt primam, ergo secunda & quarta inferunt primam per regulam; Quidquid sequitur ad consequens bonæ consequentiæ, sequitur ad eius antecedens. Denique probatur, unicam exponentem sufficere ad expositionem huius; *Omnis homo, in quantum rationalis, est risibilis.* Nam hæc causalis sufficit: *Quia homo est rationalis, est risibilis.* Et probatur, quia in illa includitur, *omnis homo est risibilis, & homo est rationalis, & omne rationale est risibile, & quia aliquid est rationale, ipsum est risibile.* Pro solutione huius dubii nota aliud esse assignare æquiualentem vel æquiua-

Gg len-

lentes enunciationes ipsi exponibili, & aliud esse exponētes proferre, quæ explicent quod implicite continetur in exponibili.

Hoc supposito, respōdetur ad dubium, & sit prima conclusio. si tātum æquipollentiæ rationem habeamus, hæc propositio, *omnis homo in quantum rationalis, est risibilis*, cōuertitur cū ista, *omnis homo quia rationalis est, risibilis est*. Nihil enim veritatis cōtinetur in vna, quod non contineatur in alia.

Secunda conclusio. Si explicationis rationem habeamus, multo conuenientius quod implicitum est in illa exponibili; *omnis homo in quantum rationalis, est risibilis*, explicatur per quatuor illas enunciationes, quam per tres & quam per duas vel vnam: Probatur: quia illa exponibilis quatuor illas veritates in se implicat, ergo per eas explicite & distincte positas cōuenienter exponitur. Hoc enim dicit ratio exponibilis, vt quod implicitum est explicetur.

Tertia conclusio. Illa quarta exponens:

Tr. III. C. IV. *An sint neces.* 4. expon. 467
nens: scilicet; *Quia aliquid est rationale,*
est risibile, cōuenientius ponitur, quam
ista: *Quia homo est rationalis, est risibilis.*
Ratio est, quia formalius exprimitur
adēquata ratio causalitatis, per termi-
num trāscendentem, quam per speci-
ficum, nam specificum includit in se
animal, quod nō est ratio risibilitatis.
At vero terminus trāscendens non
facit cōpositionem cum, rationale, vt
constat apud Metaphysicos.

Ultima conclusio. Si loco dictionis,
in quantum, substituatur dictio, *quia*, æ-
quipollentiam efficit & æquiucatio-
nē syncategorematis, *In quantum* tollit:
dū causaliter & reduplicatiue dictio,
Quia, denotat accipiendum esse termi-
num in quē fertur. Et profecto cōue-
nienter potest dici hanc causalē suffi-
cere ad explicandum sensum huius ex-
ponibilis: *Omnis homo, in quantum rationalis,*
est risibilis. Quoniam hęc causalis re-
quirit ad sui veritatem, q̄ antecedens
sit verum, & q̄ sit bona consequentia,
& q̄ antecedens sit causa consequen-
tis. Vt iam in superioribus dictum est.

Gg 2 Ad

Ad argumenta in oppositum Respondetur omnia illa confirmare nostram primam cōclusionem. Sed quatenus militant contra alias conclusiones, neganda est semper consequentia propter rationem fundamenti à nobis præsuppositi.

Quæritur secundo, quomodo supponant termini communes positi in reduplicatiuis. Loquor autem de suppositione quantum ad quātitatem secundum distributionem aut particularitatem, vel confusionem vel determinationem. Respondetur & sit prima cōclusio. In reduplicatiuis omnes termini præter terminum modificatum illo syncategoremate, *in quantum*, supponunt secundum exigentiam signorum sicut in aliis simplicibus categoricis. v.g. in hac propositione, *Omnis homo in quantum rationalis, est risibilis*, subiectum supponit distributiue, & prædicatum confuse: imo etiam, *Rationalis*, supponit cōfuse respectu subiecti. Vt patet in secunda exponente. *Omne homo est rationalis*. Sed tota difficul-

Tr. III. C. IV. An sint neces. 4. expon. 469
ficultas est, quātum ad effectum syn-
categorematis, *In quantum*, an distri-
buat terminum; quem modificat, an
vero ille supponat determinate vel
confuse, vel potius supponat simpli-
citer & immobiliter. Quibusdam vi-
detur distribui, quia in illa tertia ex-
ponente distribuitur, *omne rationale*
est risibile. Aliis vero videtur non di-
stribui saltem complete, quia in se-
cunda exponente non distribuitur,
imo neque in quarta videtur distri-
bui.

Nihilominus sit secunda conclu-
sio. Ille terminus quem modificat di-
ctio, *in quantum*, si communis est distri-
buit saltem virtualiter: Postulat enim
prædicatum per se conuenire omni
significato illius termini quem modi-
ficat, verbi gratia. *Omnis homo quia ra-
tionalis, risibilis est*. Vbi *rationale* distri-
buitur respectu prædicati, *Risibilis*, ni-
si enim omne rationale esset risibile,
non esset propositio illa per se, imo fal-
sa esset causalis. Igitur ad sui verita-
tem requirit *omne rationale esse risibile*.

Gg 3 Hæc

Hæc dicimus de exponibilibus primæ & tertiæ formæ.

At vero in exponibilibus secundæ & quartæ formæ sit tertia conclusio. Omnes suppositiones terminorum debent se habere contradictorio modo respectu suppositionis terminorum, qui sunt in prima vel in tertia forma: & ad veritatem exponibilis secundæ & quartæ formæ sufficit vnam exponentem esse veram, quia disiunctiue exponuntur.

Quarta conclusio. Quamuis terminus modificatus à syncategoremate, *In quantum*, supponat distributiue in tertia exponente, & in illa possit resolui per legitimum descensum vel ascensum, tamen in ipsa exponibili atque in quarta exponente supponit simpliciter, vsque adeo, vt nunquam sit licitus ascensus, vel descensus erga illum terminum coniunctum cum dictione, *In quantum*, aut cum dictione, *Quia*. Ratio huius est, quia istæ dictiones & similes, habent appellationem quandam rationis, vt paulo post explicaturi

plicaturi sumus : & idcirco tam in ascensu quam in descensu semper variatur appellatio & efficitur mala consequentia. Non enim si ratio causalitatis conuenit communi , necesse est vt conueniat singulari nec vice versa.

Verum vt melius comprehendas *Elegans consideratio de reduplicatiuis.* quod implicitum est in enunciatione, quæ modificatur dictione, *in quantum*, & similibus; aperiã tibi Dialecticum mysterium , vnde intelligas, quanta attentione opus sit in disputationibus, in quibus admiscetur & interuenit dictio, *in quantum*, vel similes, si accipiantur reduplicatiue & causaliter. Scias igitur primam formam & tertiam reduplicatiuarum includere virtualiter non solum syllogismum, sed etiam requirere ad sui veritatem, vt ille syllogismus sit demonstratio. Ponamus exemplum in prima forma. Hæc exponibilis, *omnis homo in quantum rationalis, est risibilis*, continet implicite hunc syllogismum, *omne rationale est risibile, omnis homo est rationalis*,

G g 4 ergo

ergo omnis homo est risibilis. Ecce tibi tres exponentes primæ formæ. Nam conclusio est prima exponēs, quæ dicitur præiacens, maior vero & minor sunt secunda & tertia exponentes. Sed adhuc exponibilis nō est contenta syllogismo: sed adhuc requirit ad sui veritatem antecedens esse causam consequentis, ac proinde includit demonstrationem in *Barbara* aliquando e iam *Darii*, si subiectum exponibilis non distribuatur, vt si dicas: *Aliquod animal in quantum rationale est risibile*, continet hanc demonstrationem: *Omne rationale est risibile, aliquod animal est rationale, ergo aliquod animal est risibile.* Proportionabiliter hoc ipsum poteris experiri in tertia figura construens syllogismum in *Celarent*, vel in *Ferio* ex ipsis exponibilibus tertiæ figuræ.

Ex dictis sequitur sufficere ad falsitatem exponibilis primæ & tertiæ formæ vnum defectū in prædictis requisitis ad demonstrationem in illis conclusam.

Sequitur secundo exponentes secundæ

secundæ formæ & quartæ exponibilium
esse examinatorias veritatis aut falsi-
tatis exponibiliū primæ & tertię for-
mæ. Ratio est, quoniam exponibiles
secundæ & quartæ formæ exponun-
tur disjunctiue & contradictorio mo-
do ad primam & tertiam. Quo fit vt
ad falsitatem primæ vel tertię sufficiat
quod vna propositio secundæ vel quar-
tæ figuræ sit vera ac proinde ex illo
particulari defectu erit falsa exponi-
bilis primæ formæ vel tertię, siquidē
ad veritatem contradictoriæ sufficit
vnam partem esse veram: vnde quili-
bet defectus in prima & tertia forma
sufficiet, vt illa sit falsa, quia copulati-
uæ exponitur.

Queritur tertio, quomodo vniuer-
saliter possimus discernere reduplica-
tiuarum oppositionem? Ad quā qua-
estionem respōdetur, & sit prima con-
clusio. Seruatis conditionibus oppo-
sitionum, quæ sunt necessariae in aliis
simplicibus categoricis, prima forma
reduplicatiuarum directe & ex dia-
metro contradicit secundæ formæ: &

Gg 5 quarta

quarta forma tertiæ, vt manifestum est in diffinitionibus ipsarum formarum. Secunda conclusio. Prima forma & tertia sunt contrariæ. Tertia conclusio. Secunda forma & quarta sunt subcontrariæ. Quarta conclusio. Prima forma & quarta sunt subalternæ, ita vt prima sit subalternata: sicut tertia forma est subalternas ad secundam formam.

Omnes hæc cōclusiones statim demonstrabuntur præmissa figura proportionabili cum figuris aliarum oppositionum.

Fingamus igitur quadratum & in angulis supernis collocetur, A, & B, & in infernis C, & D, & tunc in A, fige primam formam & in B, tertiam & in, C, quartam & in, D, secundā. Nunc ergo demonstratur, A, & B. contrariari: quia sunt duæ propositiones participantes in extremis altera affirmatiua & altera negatiua repugnantes in veritate & nō in falsitate: ergo sunt contrariæ, quia hæc est lex cōtrariarum. Probatur antecedens, quia vtrique

earum

earum infert contradictoriā alterius,
& non infertur ex illa, ergo repugnant
in veritate & non in falsitate iuxta
communem regulam supra satis ex-
plicatā. Probatur antecedēs quia hæc
est bona consequentia. *Omnis homo in
quantum rationalis, est risibilis, ergo non
omnis homo in quantum rationalis, non est
risibilis.* Quod probatur: quia ante-
cedens exponitur copulatiue & con-
sequens disiunctiue: sed vna pars imo
tres partes disiunctiue inferuntur ex
aliis tribus partibus copulatiue, er-
go bona consequentia. Nam suffice-
ret quod vna sola pars copulatiue in-
ferret vnam partem disiunctiue. Quo-
niam ad veritatem copulatiue re-
quiritur omnes partes esse veras, ad
veritatem disiunctiue sufficit vnam
partem esse veram. Non igitur possi-
bile erit antecedens verum, & con-
sequens falsum. Quod autem ex,
C. non sequatur A. manifestius est,
quam probatione indigeat. Quoniam
quod non sequitur ex qualibet par-
te disiunctiue, non sequitur ex tota:
sed

sed ex nulla parte sequitur tota illa copulatiua, vt patet propositis exponentibus ante oculos, ergo, A, non sequitur ex C. Vt autem ad sensum videas documenta nostra ecce tibi duas figuras, alterā quatuor exponibilium, & alterā quæ in eisdem angulis contineat exponentes.

A

*Omnis homo
in quantum rationalis,
est risibilis.*

B

*Omnis homo
in quantum rationalis,
non est risibilis.*

C

*Non omnis homo
in quantum rationalis,
non est risibilis.*

D

*Non omnis homo
in quantum rationalis,
est risibilis.*

Omnis

A

B

Et { Omnis homo est
risibilis
Omnis homo est
rationalis
Omne rationale
est risibile
Quia aliquid est
rationale est
risibile.

Et { Nullus homo est
risibilis
Omnis homo est
rationalis
Nullum rationale est
risibile
Quia aliquid est
rationale, ideo non
est risibile.

C

D

Vel { Aliquis homo est
risibilis
Aliquis homo non est
rationalis
Aliquod rationale
est risibile
Non quia aliquid
est rationale ideo
non est risibile.

Vel { Aliquis homo non est
risibilis
Aliquis homo non est
rationalis
Aliquod rationale non est
risibile
Non quia aliquid est
rationale est
risibile.

In hac posteriori figura apparebit
quomodo, A, & B, repugnent in veri-
tate quia utraq; est copulatiua, & tres
exponentes in, A, sunt euidenter con-
trariæ

trariæ respectu aliarum trium in B: cum sufficeret vnam vni contrariam esse, vt vtraque copulatiua repugneret alteri in veritate, ergo A & B, in priori figura sunt cōtrariæ, siquidem exponentes tres repugnant in veritate & non in falsitate. Neq; temoueat quod A. & B. conueniunt in vna exponibili vniuersali affirmatiua, scilicet: *omnis homo est rationalis*, quæ est secunda exponens. Quoniã ista conuenientia nihil prodest ad hoc quod ipsæ copulatiuæ A, & B, conueniant in veritate: nam vtraque requirit veritatem omnium suarum partium, quarũ tres tribus euidenter repugnāt in veritate. Iam vero aperte videbis quomodo A. copulatiua inferat, C, disiunctiuam, quoniam tres partes in, C, disiunctiua, inferuntur ex tribus partibus in, A, copulatiua. Et hoc ipsum experieris comparando, B, copulatiuam ad D. disiunctiuam. Denique quod C. & D. opponantur subcontrarie sic demonstratur: Possunt dari veræ, & nullo modo falsæ, ergo repugnāt in falsitate & non

& non in veritate. Probo antecedens, quia ex falsitate disiunctivæ, C, sequitur veritas alterius disiunctivæ, D, Probatur quia ex falsitate, C, sequitur veritas in B. quæ est eius contradictoria. Rursus ex veritate B. sequitur veritas D, quæ est eius subalternata, ergo de primo ad ultimum ex falsitate, C, sequitur veritas, D. Non igitur possunt esse simul falsæ, C, & D. Quod autem possint esse veræ probatur, quia ex C, ad A, non est bona consequentia, ut constat, ergo poterit dari antecedens verum & consequens falsum. Tunc igitur, C, existente vera erit falsa A: ac proinde erit vera D, eius contradictoria ergo de primo ad ultimum C. & D. possunt esse simul veræ. Neque etiam hic te moueat quod C. & D. communicant in secunda propositione; quia hoc non adiuuat ad falsitatem disiunctivæ: quoniã aliunde sufficienter resistitur falsitati: nam C. & D. vtrique habet tres tribus oppositas subcontrarie euidenter, ac proinde non poterunt esse simul falsæ C, & D, cum

D, cum vtraque sit disiunctiva, ad en-
ius veritatem sufficit vnam partem
esse veram.

Ex dictis habes vnum corollarium
mirabile, quod quantum ad contradi-
ctionem duarum exponibilium sit ne-
cessarium; quod vtriusque singulae
exponentes sint contradictoriae suo
ordine singulae singulis alterius; tamē
ut exponibiles contrariantur, non est
inconueniens, quod vtriusque secun-
da exponēs sit eadem, sicut etiam non
est inconueniens quod in C. D. expo-
nibilibus sit conuenientia in secunda
exponente. Sed mirari desines, si me-
mineris solam contradictionem esse
perfectam oppositionem; alias vero
oppositiones esse deficientes ab illa
ac proinde possunt conuenire in ali-
quo, quod Contrariis non profit ad
veritatis conuenientiam, neque sub-
contrariis obicit, quo minus conueni-
re possint in veritate & repugnent in
falsitate. Hactenus de Oppositione
Reduplicatiuarum dicta sufficiant: nam
reliqua ex praefixis fundamentis &
praefixis

Tract. III. Cap. V. de Modo discer. 481
præfixis figuris ipse tuo discursu assequi poteris.

CAP. V.

*De modo discernendi inter bonam &
malam argumentationem cum
signo reduplica-
tino.*

DVpliciter possumus considerare argumentationes, quæ fiunt cum huiusmodi signis, *In quantum*, & *Quatenus*, & similibus. Vno modo, ut constituunt exponibiles reduplicatiuas comparabiles ad inuicem vel ad suas exponentes. Et sic est prima regula. Bona consequentia est ab exponibili ad suas exponentes simul sumptas & vice versa. Item secunda regula. Bona est consequentia ab exponibili primæ formæ ad exponibilem quartæ formæ, & ab exponibili tertiæ formæ ad exponibilem secundæ formæ. Nam in istis procedit argumentatio à subalternate ad subalternatam. Tertia regula sit. A qualibet exponente

Hh expo-

exponibilis copulatiue ad suam subalternatam exponibilem disiunctiue est bona consequentia : dummodo non sit antecedens illa exponens secunda , in qua conueniunt prima & tertia forma, quæ sunt cōtrariæ. Nam instaretur facile consequentia in his terminis, & in prima forma, verbi gratia: *Omnis homo, in quantum rationalis, est equus.*

Tunc enim secunda exponens est. *Omnis homo est rationalis*, & vera est, & tamē tota disiunctiua, quæ est in C. erit falsa , vt patet quia omnis pars illius disiunctiux falsa est, verbi gratia: *Aliquis homo est equus : Aliquis homo non est rationalis: Aliquod rationale est equus : Non quia aliquid est rationale ideo non est equus.* Omnes sunt falsæ. Daretur ergo antecedens verum & consequens falsum. Et ratio est, quia exponentibus singulis partib. exponibilis copulatiue præter secundam exponētem respondet in disiunctiua vna subalternata exponens.

At secundæ non respondet nisi sua
contra-

contradictoria, vt patet in posteriori figura.

Quarta regula profecta & quarta forma. A qualibet exponente exponibilis disiunctiue ad ipsam exponibilem est bona consequentia, quia procedit quasi à parte disiunctiue ad totam.

Altero modo illæ dictiones considerari possunt, siue sumantur specificatiue siue reduplicatiue, quando variant terminum, vel distinctam rationem significati eiusdem termini, in quem exercent suum officium.

Quamobrem alia documenta tradere necesse est, vt discernatur inter bonam & malam argumentationem, quæ fit variando terminum reduplicatum vel specificatum à syncategoremate : *In quantum*, vel similibus.

Primum documentum. Quotiescunque variatur terminus, cui adiungitur dictio, *in quantum*, & similes, siue specificatiue, siue reduplicatiue accipiantur; semper fit mala consequen-

Hh 2 tia,

tia, & poterit instari in se vel in simili forma.

Secundum documentum. Etiam si terminus specificatus vel reduplicatus non varietur: si tamen in resignificata inueniat intellectus duplicem rationem inclusam, & in vna propositione specificetur vel reduplicetur terminus, secundum vnā rationem, & in alia propositione secundum alteram rationem; semper erit mala consequentia: & instabitur in se vel in simili forma, quia est variatio appellationis.

Tertium documentum. Vbi videris dictionem, *In quantum* poni in antecedenti & in consequenti, semper tibi sit consequentia de instantia respecta donec examines an sit legitimus syllogismus. Potest enim fieri legitimus, qualis est hic, *Petrus in quantum homo est risibilis, & Petrus est animal, ergo aliquod animal in quantum homo est risibile.* In quo syllogismo accipitur, *In quantum* reduplicatiue & medium est *Petrus* & additum medio in maiori est illud

illud complexum, *In quantum homo*, quod quidem debet apponi minori extremitati in conclusione iuxta syllogisticam legem, ut libro sequenti plenius cognosces. Hoc ipsum dicimus si dictio, *In quantum*, accipiatur specificatiue, ut in hoc syllogismo: *Christus, in quantum homo, est creatura, & Christus est Deus, ergo Deus in quantum homo est creatura*. In quo syllogismo neque variatur terminus specificatus vel reduplicatus, neque variatur ratio significata per terminum, sicut in primo & secundo documento aduertimus.

Sed ut apertius cognoscas quā necessaria sint prædicta documenta, necapiaris sophisticis argumentis, proponā tibi exempla in humanis, deinde in diuinis. Sit primum exemplum in humanis. v. g. *Petrus in quantum homo est risibilis, & Petrus in quantum homo est sensibilis, ergo Petrus in quantum sensibilis est risibilis*. Hæc argumētatio non est syllogismus neque seruat legem alicuius loci Dialectici. Nam si accipiatur pro medio totum illud: *Petrus in quantum*
Hb 3 homo,

homo, debet esse conclusio, *sensibile est risibile*, neq; debet intrare conclusionem medium aut pars medii. Deinde si eodem modo accipiatur in maiori & in minori, *In quantum homo*, altera erit falsa. Nam si in maiori reduplicet differentiam hominis ultimam, vera est maior, sed in hoc sensu minor erit falsa. Erit autem vera si *In quantum* reduplicet rationem genericam hominis, scilicet, rationem animalis. Quod necesse est distinguere, ne respondens capiatur. Et profecto absolute loquendo dictio, *In quantum*, semper reduplicat rationem ad æquatam terminum communis, in quem fertur, nisi asserens aliud velit presupponere, quo admissio, statim aperietur fallacia argumentationis. Erit enim in illa æquivocatio vel variatio appellationis.

Ecce aliud Exemplum. *Hoc corpus in quantum album est disgregativum visus, & omne album in quantum album est intrinsece coloratum*, ergo *hoc corpus album, in quantum coloratum, est disgregativum visus*. Vides antecedens verum & consequens falsum.

falsum. Vnde neganda est cōsequen-
tia, neq; probabitur habere formam
syllogisticam: nam variatur appellatio
ex parte dictionis, *In quantum*, sed so-
lum poterit concludi, *ergo aliquod colo-
raturum est disgregatum visus*.

Ecce aliud exemplū. *Petrus in quan-
tum cæcus non videt & Petrus in quantum
Petrus est aptus videre*, quæ præmissæ ve-
ræ sunt specificatiue accipiendo, *In
quantum*: & tamen consequens est fal-
sum. Scilicet *ergo Petrus in quātum aptus
videre non videt*, sed solum sequitur, *er-
go aptus videre non videt*.

Sit ultimum exemplum metaphysi-
-CHM. *Ens in quantū ens est obiectū intelle-
-ctus & ens in quantū ens est bonū, ergo omne
-ens in quantū bonum est obiectū intellectus*.

Ecce quomodo, etiam si non distin-
guant nisi ratione, ens & bonū, tamen
propter differentes conceptus, quos
formamus de ente & de bono, non oīa
quæ conueniunt enti sub ratione en-
tis cognito, conueniunt ei sub ratione
boni cognito. Vnde variat appellatio
in huiusmodi consequentia: & etiam

Hh 4 dictio

dictio, *in quantum*, non eodem modo accipitur in vtraque præmissa. Nam in maiori reduplicat vel specificat rationem formalem entis, secundum quam formaliter terminat actionem intellectus, ut est à potentia intellectiva. At vero in minori reduplicat eandem rationem tanquam radicem bonitatis, quæ est velut passio entis, secundum quam est obiectum voluntatis. Denique ecce aliud exemplum, quo sophistæ solēt obtundere respondentes. Relatio ut relatio est dicit, *ad*, rursus, relatio ut relatio est, *est ens*, ergo ut sic dicit, *In*, siue reale siue rationis: Vnde inferūt quod relatio ut sic non dicit magis, *Ad*, quam, *In*, *Ad* quod tamen sophisma similiter respondetur variari appellationem dictionis, *vel*. Nam si specificet vel reduplicet id quod commune est relationi cōmittente, falsum est asserere quod ut sic dicit, *Ad*. Si autem specificet vel reduplicet rationem, per quam relatio diuersificatur ab alijs entibus vel accidentibus, tunc vera est relatio ut relatio

latio non dicit formaliter nisi, *Ad*, sed tamen non excludit rationem entis vel accidentis, quin potius præsupponit id, quo à nihilo distinguitur. Quamobrem ipsummet, *Ad*, relationis realis, est reale: & ipsum, *Ad*, relationis rationis, est ens rationis, sicut & eius, *In*, est ens rationis, sicut vniuersalitas & specieitas & relatio domini ut in Deo: quæ tamen non est realiter in Deo. Sed de hac re abundantius diximus i. parte quest. 28.

Nam vero in gratiam Theologorum Theologica exempla proferamus. In primis in materia de Incarnationis mysterio, hæc consequentia: *Christus in quantum homo incipit esse, & Christus in quantum homo est Deus, ergo in quantum Deus incipit esse.* Hæc argumentatio dupliciter dissoluitur. Primo negando minorem, si dictio, *In quantum* specificet eandem rationem hominis in minori sicut in maiori. Si autem reduplicet rationem suppositi in minori, in quo sensu conceditur à D. Thoma, iam erit æquiuocatio dictionis in ipso

Hh 5 medio

medio, ac proinde præmissæ sunt inhabiles. Si autem aliter formes syllogismum. *Christus in quantum homo incipit esse, & Christus est Deus*, optime & syllogistice concluditur, *ergo Deus in quantum homo incipit esse*. Præsupponimus enim dictionem. *In quantum*, specificatiue non reduplicatiue in antecedenti & in consequenti accipi.

Item est aliud exemplum. *Christus in quantum homo meretur, & Christus in quantum Christus, est Deus, ergo in quantum Deus meretur*, nihil valet consequentia. Variatur enim ratio specificata, sicut in hac: *Christus nō satisfecit de condigno in quantum homo, neque in quantum Deus, sed Christus est Deus & homo, ergo non satisfecit de condigno in quantum Deus homo*: neganda est consequentia.

Variatur enim ratio specificata. Nā in antecedenti specificatur sigillatim & seorsum duæ rationes in cōsequenti vero collectim ambæ simul. Quibus simul sumptis aliquid potest conuenire quod non singulis: eo vel maxi-

me,

me, quia satisfacere aut mereri de cō-
digno, duas rationes implicat, alterā
satisfacere aut mereri, alteram æqua-
litate[m] secundum iustitiam. Illa qui-
dem prior homini tribuitur, in quan-
tum homo est (accipiat enim, *In quan-*
tum, specificatiue) posterior vero pro-
uenit ex coniunctione diuini suppo-
siti ad humanitatem, ac proinde actio
illa neque tantum Deo neq; tantum
homini attribuenda est, sed Deo ho-
mini. Quocirca dicitur à Theologis
actio Theandrica, id est, Dei-virilis.

Denique in hac materia Incarna-
tionis in gratiam Theologorum pro-
ponam duas propositiones, quæ indi-
gent distinctione. *Christus in quantum*
homo resurrexit, Christus in quantum Deus
resurrexit, In quibus dictio, *in quantum*,
specificatiue accipiat: & nihilomi-
nus vtraque merito distinguenda est
propter gratuitatem mysterii resurre-
ctionis. Ait enim Apostolus; *Mortuus est*
ex infirmitate, sed vivit ex virtute Dei.
Quamobrē prior ppositio distingue-
da est. Si enim, *In quantum* specificet &
deter-

determinet subiectum resurrectionis & reparationis vitæ glorioſæ, vera eſt & catholica enunciatio. Si autem ſpecificaret vim effectiuam resurrectionis falſa eſt propositio. Nam ſecūdum quod homo non habet virtutem cauſalitatis in ipſa humanitate niſi forte instrumentalem in anima vt reuniretur corpori. Altera vero enunciatio, *Chriſtus in quantum Deus reſurrexit*, falſa eſſet: ſi, *In quantum*, ſpecificet & determinet rationem ſubiecti reſurrectionis. Si tamen designet virtutem reſurgendi eſſe in Chriſto, *In quantum* Deus eſt, veriffima eſt aſſertio & catholica. Nam Chriſtus propria virtute reſurrexit, quæ quidem virtus ſibi competit, in quantum Deus eſt, & nota has propoſitiones absolute eſſe cōcedendas: *Filius Dei mortuus eſt: filius Dei reſurrexit*. Nam actiones & paſſiones ſimpliciter attribuuntur ſuppoſito, licet conueniant ei ratione differentium naturarum.

Sed eſt obiectio contra prædicta: Nam Chriſtus in quātum Deus communem

munem habet virtutem cum Patre & Spiritu sancto, ergo qua ratione est vera; *Christus in quantum Deus resurrexit*, erit etiam vera; *Pater in quantum Deus resurrexit*. Respondetur nego consequentiam. Sicut ista non valet: *Filius Dei propria virtute assumpsit humanitatē, & est eadem virtus Patris, ergo Pater assumpsit humanitatem*. Et ratio est, quia assumere non solum dicit actionem sed etiam terminare naturam assumptam. Sic etiam propria virtute resurgere ad vitam gloriosam humanitatis non solum dicit actionem, sed etiam immanentiam effectus in eo, qui resurgit secundum naturā assumptam: ac propterea nulla est consequentia. Est exemplum in naturalibus: nam arbor propria virtute floret, & solet etiam propria virtute concurrere ad floritionem illam efficiendam, & tamen sol non floret, sed sola arbor floret. Et ratio est, quia florere non solum importat virtutē actiuam emittendi flores, sed etiam connotat immanentiam effectus in arbore. Sic etiam propria virtute

virtute resurgere, nō solum dicit actiuam virtutem, sed etiam ipsius effectus immanentiam in aliqua natura ipsius agentis. Et sic filius Dei propria virtute resurrexit.

Ex quo sequitur vtramque enunciationem prædictam versū & catholicum sensum posse habere. Aduerte tamen verbum, *Resurgere*, non semper importare actiuam virtutē resurgentis: omnes enim nos resurgemus, non propria virtute etiam animæ gloriose: quia vnio animæ ad corpus, postquam facta est separatio, supra totam naturam est: & solus Deus est causa principalis. Ita vt etiam Christus in quantum homo non principalis causa efficiens, sed instrumentalis sit, vt docet S. Thomas 3. parte quest. 2.

Tandem accipe tria exempla in diuinis, vt scias distinguere modificationem syncategorematis, *In quantum.*

Primum exemplum sit in locutionibus Diuinitatis, cum enim Deus sit actus simplicissimus, tamen eius perfectio

fectio multis conceptibus à nobis cognoscitur, & plura de Deo attributa prædicamus. Est enim sapiens iustus & misericors, & eius misericordia est eius iustitia. Nihilominus nō est idem dicere : *Deus in quantum misericors delet peccata, & in quantum iustus.* Similiter non est idem dicere, *Deus in quantum iustus punit existentes in Inferno,* & dicere, *Deus in quantum misericors punit existentes in Inferno.* Nam hæc falsa est enunciatio, & illa prior vera est. Ratio est. Quia quanuis diuina iustitia intrinsece & essentialiter sit diuina misericordia, tamen quia nos distinctis conceptibus cognoscimus misericordiam & iustitiam per ordinem ad differentes effectus, idcirco hæc enunciatio falsa est: *Deus in quantum misericors punit existentes in Inferno,* quia fit sensus, q̃ quatenus cōcipimus misericordiam, comparamus illā perfectionem ad punitionem, quod est falsum: cognoscimus enim misericordiam comparātes illam perfectionem ad le-

ad leuamen miseriæ, & non ad vindictam. Et per hanc doctrinam poteris discernere veritatem vel falsitatem in diuinis locutionibus.

Secundum exemplum sit in mysterio Trinitatis, in quo proculdubio à nobis intelligitur persona generans constituta antequam intelligamus actionem generandi : relatio vero paternitatis non præintelligitur, vt relatio est ante generationem, ex quo videbatur sequi, quod Pater nō constituitur vt persona patris relatione, quæ est Paternitas. Sed negatur consequentia & merito à Theologis. Si quis autem sic arguat in oppositum; Persona generans in quantum generans præintelligitur perfecte constituta ante generationem, (hoc est antequam intelligatur à nobis generatio) sed vt sic in quantum constituta in esse personali non intelligitur tunc constitui relatione, ergo non constituitur relatione. Huic argumento respondeo negō consequentiam. Procedit enim à secūdam quid ad simpliciter. Nam,

Nam, quod non præintelligatur à nobis constitui relatione, non est simpliciter non constitui relatione, sed valde secundum quid. Unde bene sequeretur, ergo non præintelligitur persona generantis constituta per relationem ut relatio est. Sed contra. Persona illa præintelligitur perfecte constituta, sed non constituitur perfecte nisi relatione, ergo bona erat illa consequentia. Respondetur distinguo maiorem, nam si, perfecte, sit determinatio illius verbi, præintelligitur, falsa est. Si autem determinet participium illud, constituta, adhuc distinguo, de perfecte constituta, nam si perfecte constituta intelligatur, quantum satis est ad intelligentiam actionis generandi, sic vera est. Si autem sit sensus, quod nos cognoscimus perfectionem illius constitutionis persone Patris, falsa est maior. Scio modum respondendi Caietani de relatione concepta vel relatione exercita. Sed tamen simul scio, paucos hanc distinctionem comprehendere, & plurimos verbotenus argu-

Ii menta

mentadissoluere. Ego vero sic Caetanum explico, vt per relationem cōceptam intelligat relationem implicitam & occultatam in persona concepta à nobis. At per relationem exercitam intelligit, relationem expresse cogitatam & comparatam à nobis ad filiationem, quæ est correlatiuum Paternitatis & hæc comparatio non est necessaria, vt nos intelligamus personam generantem.

Tertium exemplum in eodem mysterio Trinitatis accipe circa processionem Spiritus sancti : de quo fides catholica docet, à Patre & Filio procedere per actionem voluntatis vt amorem productum & non vt filium. Quam veritatem catholicam explicat Theologi afferentes, Spiritum sanctum ex vi & modo proprio suæ processionis non procedere vt similem principio, à quo procedit, propterea quod non procedit per actionem intellectus, cui proprium est vt quod per illam procedit, procedat vt simile & vt imago. Sed ecce argumentum importunum

tūnum contra hanc veritatem. Spiritus sanctus procedit vt Deus (accipimus particulam, vt, specificatiue) rursus Spiritus sanctus vt Deus, est similis Patri & Filio, ergo procedit vt similis. Respondetur nego consequentiam, quia variatur appellatio, nam variatur terminus specificatus à dictione, *vt*, sed dumtaxat sequitur : ergo procedit similis. Sed contra. Quidquid procedit, aut procedit vt simile, aut procedit vt non simile, sed per te non procedit vt similis, ergo procedit vt non similis, ac proinde non erit similis. Respondetur esse merum sophisma, quia maior est falsa sub apparētia primi principii ; Quodlibet est vel non est : Quamuis enim absolute sit necessarium de quolibet affirmare vel negare, tamen non necesse est sub quadam ratione præsupposita, de quolibet affirmare vel negare. verbi gratia si dicas, *Petrus in quantum albus aut est doctus vel non est doctus, aut est non doctus*. Falsa est enunciatio: quia neq; albedo est ratio doctrinæ neque non

doctrinæ. Sed solum sequitur quod Petrus non in quantum albus est doctus, neque in quantum albus est non doctus. Haftenus de Reduplicatiuis.

CAP. VI.

*De expositione uerborum, Differt,
& Incipit, & Desinit.*

Quartum signum quod à Dialecticis vulgo exponibile dicitur, est verbum, *Differt*. Huius duæ tantum formæ enunciationum constituuntur. Altera est affirmatiua, vt, *omnis homo differt ab equo*. Altera negatiua, vt, *Non omnis homo differt ab equo*. Prior forma copulatiue exponit per tres categoricas, duas quidem affirmatiuas denotantes coexistentiã extremorum, & tertiam negatiuam, in qua alterum extremum de altero negatur. v. g. substantia differt ab Accidente, sic exponitur, substantia est & accidens est, & substantia non est accidens. Secunda vero forma disiunctiue & contradictorio modo exponitur.

Tr. III. Cap. VI. de Exposit. verb. &c. 501
tur. Circa hoc verbum duo breuiter
quæ ad Dialecticam cōsiderationem
attinent, notanda sunt. Alterum est
negationē inclusam in verbo, *Differt*,
distribuere terminum differētiæ post
se positum. Hæc aduertentia prodest
ne capiaris fallacia argumentationis
ab inferiori ad superius cum distribu-
tione superioris. v. g. *equus differt ab ho-*
mine, ergo differt ab animali: est mala cō-
quentia. Alterum est notandum ter-
minos collocatos ante verbum *Differt*
supponere quantum ad quantitatem
sicut supponerent in aliis categoricis
non exponibilibus. v. g. *Omnis homo ab*
aliquo homine differt. In hac rectus sup-
ponit distributiue, & obliquus con-
fuse: vnde illa propositio vera est, et-
iam si tantum duo homines existant.
Hæc autem esset falsa, *ab aliquo homine*
omnis homo differt, in qua obliqu⁹ sup-
ponit determinate, cuius omnes sin-
gulares sunt falsæ. v. g. *Ab isto homine*
omnis homo differt: Vel ab isto homine, &c.
Reliqua vero communi modo conci-
piendi sapientum remittenda sunt.

De aliis vero duobus verbis, videlicet, *incipit*, & *desinit*, aliquid etiam, tum in gratiam Dialecticorum, tum etiam ad vtilitatem physicorum dicere necesse est. Nouitiis quidem minoris Dialecticæ discipulis duo tantum documenta proponimus. Prius est qualis sit expositio debita his duobus verbis attendendo ad propriam illorum significationem. Posterius erit, ostendere illis viam soluendi sophismata, quæ ex mala intelligentia significationis horum verborum fieri possunt. Quantum ad prius documentum, sciendum est duas tantum esse formas enunciationum de, *incipit* vel *Desinit*. Altera est affirmatiua v. g. A. *incipit* esse. A. *desinit* esse. Altera est negatiua, A non *incipit* esse. A. non *desinit* esse. Prior forma affirmatiuarum, si attendamus ad propriam significationem verbi, debet exponi per vnam disiunctiuam compositam ex duabus copulatiuis: sed differenter ex parte verbi, *incipit* & ex parte verbi, *Desinit*, Nam propositio quæ cõstat ex verbo *incipit*,

incipit; habet has exponentes. v. g. *A. incipit esse*, sic exponitur. *A, nunc est & non immediate ante hoc fuit: vel nunc non est, & immediate post hoc erit.* Vtimur autem littera A, ut comprehendamus omnem modum incipiendi rerum siue permahētium siue successiuarum. Nam sicut diximus significatio horum verborum eadem est, siue dicas, *Homo incipit*, siue dicas: *Motus incipit esse.* Proportionabiliter dicendum est de exponentibus verbi, *Desinit*, secundum formam affirmatiuam. verbi gratia, *A. desinit esse*, sic exponitur. *A, nunc est & non immediate post hoc erit: vel nunc non est & immediate ante hoc fuit.*

Aduertendum vero est, quod licet significatio horum verborum sit eadem; tamē si pro subiecto ponas rem permanentem verificatur illa disiunctiua in verbo incipit, pro priore parte. v. g. *Petrus incipit esse, quia nunc est & non immediate ante hoc fuit*, sed in rebus successiuis verificatur illa disiunctiua pro secunda parte. verbi gratia,

hic motus incipit esse, quia nunc non est, & immediate post hoc erit. Cæterum quantum ad exponētes verbi, *Desinit*, quædam res permanentes conueniunt in modo desinendi cum successiuis. Petrus enim desinit esse sicut motus videlicet nunc nō est & immediate ante hoc fuit, & eodem modo desinit motus. Ratio autē quare substantiæ corruptibiles desinant sicut motus, ea est: Quia substantia, quæ generatur, debet incipere per primum instans determinatum. Vnde si daretur vltimum instans, in quo fuit substantia corrupta, sequeretur, vel quod in medio tempore materiæ esset sine forma, vel quod si esset vnicum instans intrinsecum respectu vltimi esse substantiæ corruptæ, & respectu primi esse substantiæ genitæ darentur duæ formæ substantiales simul in eadem materia. Hoc autem alterius considerationis est quam Dialectici.

Sed quærit merito nouitius Dialecticus; Quid est quod dicimus. *Immediate post hoc & non immediate post hoc, vel imme-*

immediate ante hoc vel non immediate ante hoc. Respondeo iuxta communem modum dicēdi Dialecticorum, quod pronomen, *hoc*, accipitur pro instanti temporis præsentis & momento indivisibili, quo coniunguntur & præteritum tempus & futurum. Cum autem dicimus, *immediate post hoc*, sic explicatur, *Ante quodlibet instans futurum post hoc*. Et cum dicimus, *immediate ante hoc*, intelligimus, *post quodlibet instans signabile ante hoc*, verbi gratia. Cum Petrus incipit esse dicimus; *Nunc est Petrus & non immediate ante hoc fuit*, intelligimus non fuisse in aliquo instanti aut parte temporis ante hoc instans. Respondetur secūdo & melius, quod *immediate post hoc*, idem est ac si diceret sine aliquo medio tempore inter hoc instans & esse rei, v. g. motus qui incipit esse per ultimum non esse, qui nunc non est & *immediate post hoc* erit, hoc est, sine medio aliquo tempore inter hoc instans & esse rei futuræ quæ incipit esse. Non enim est signabilis neque reuera est minima &

prima pars temporis futuri vel præteriti. Supponat enim Dialecticus: neque dari duo instantia sine medio tempore, neque primam partem temporis futuri, neque postremam præteriti.

Ex dictis sequitur, quod quanvis cœlum & tempus simul cœperint, tamen differenter verificabitur utrunque incepisse. Cœlum enim incepit totum simul, ita ut verificaretur. *Nunc est & non immediate ante hoc fuit.* Tempus autem cœpit sicut motus, ita ut tunc diceretur incipere quando verificabatur, *Nunc non est tempus & immediate post hoc erit.* Et si vis ut clarius dicam, cœlum simul cœpit esse & cœpit moueri: sed differenter verificatur, quod cœpit esse, & quod cœpit moueri, cœpit enim esse per primum sui esse intrinsicum & determinatum, quatenus ex nihilo factum est: cœpit vero moueri, quia cum primum creatum est, non mouebatur, sed immediate post illud mouebatur. Neque dabis primam partem temporis, sicut neque

neq; primam partem motus, qui tempore mensuratur.

Iam facile erit ex dictis alteram formam negatiuarum propositionũ de *Incipit* & *Desinit* exponere. Fit namq; expositio per copulatiuam compositam ex duabus disiunctiuis videlicet contradictorio modo quantum est ex parte significationis verborum *Incipit* & *Desinit*. Etenim ex parte subiecti seruanda est quantitas, quam habet secundum distributionem aut particularitatem. Prior itaque disiunctiua deseruit pro rebus permanentibus, secunda pro successiuis quando exponibilis erit de verbo, *Incipit*. Sed tamen cum fuerit de verbo, *Desinit*, iam diximus aliquas res permanentes corruptibiles desinere eodem modo sicut motus.

Sunt autem aliæ res, quæ sicut incipiunt esse in vno instanti, ita si desinere-
rent esse, desinere-
rent in vltimo instanti
sui esse : vt si Angelus annihilaretur,
verum esset, Nunc est angelus, & non
immediate post hoc erit, & modo de
facto

facto instans temporis simul incipit & desinit. Sicut hoc instans nunc est & non immediate ante hoc fuit, ergo incipit esse. Similiter nunc est, & non immediate post hoc erit, ergo desinit esse.

Alterum documentum vtile erit ad dissoluenda sophismata. Aduertendum est in primis oppositiones in huiusmodi enūciationibus fieri sicut in aliis iuxta regulas communes, maxime quantum ad terminos præcedentes ipsa verba, incipit & desinit. v.g. *istę sunt contradictorię, omnis homo incipit esse, aliquis homo non incipit esse.* Sed observa non esse immediate exponendas, sed prius subiectum debet singularizari per ascensum, vt apertius pateat veritas vel falsitas illarū. Aduertes etiam ampliaciones horum verborum. Nam *Incipit* ampliat ad id, quod est vel immediate post hoc erit. Et *Desinit* ampliat ad id, quod est, vel immediate ante hoc fuit. Sed hæc omnia vt sæpe dixi ex communi modo loquendi regulanda sunt.

Aduerte

Aduerte præterea appellationem quam habent hæc verba, *Incipit & desinit*, supra formale significatum termini non ante se positi, sed post se. v. g. cum dicis, *Petrus incipit esse albus*; inceptio applicatur ad significatum formale termini, *Album*. Non enim significat quod Petrus incipit esse corpus sed quod incipit habere albedinem. Vnde hæc est mala consequentia, *Petrus incipit esse hoc album, ergo incipit esse hoc*: quia variatur appellatio. Et idem continget cum verbo *Desinit*. v. g. *Petrus desinit esse album, ergo desinit esse coloratum*. Denique aduerte hæc verba negationem includere in altera exponente, quæ virtualiter distribuit terminum communem non alias distributum, & distributum particularizat.

Ex quo sequitur primo, cōsequentiam ab inferiori ad suum superius cū hoc verbo, *Incipit*, non valere quia superius distribuitur, v. g. *lignum incipit esse album, ergo incipit esse coloratum*. Similiter & hæc non valet. *Filius Dei incipit*

incipit esse homo, ergo incipit esse substantia. Et multo minus sequitur, *ergo incipit esse ens.* Cuius rationē statim videbis, si ad exponentes recurreris. Sequitur etiam hanc esse malam consequentiam, *incipit omnis homo esse albus, ergo omnis homo incipit esse albus.* Et defectus est à non distributo ad distributum ex parte termini, homo, in exponente negatiua, scilicet. *Nunc non omnis homo est albus:* & in consequenti exponens negatiua est, hæc, *Nunc omnis homo non est albus.* Et instatur illa consequentia, in casu in quo modo sint aliqui homines nigri, qui immediate post hoc sint futuri albi, Alii vero sint albi & fuerint albi. Antecedens est verum, *Incipit omnis homo esse albus,* vt patet per exponentes. Consequens autem est falsum, *omnis homo incipit esse albus,* quia debet resolui per descensum copulatiuum immediate, cuius multæ singulares sunt falsæ, ostensis hominibus, qui sunt & fuerunt albi. Si omnia prædicta aduerteris facile dissolues sophismata, quæ ex mala intelligentia signifi-

Tract. III. Cap. VII. de Infinito, &c. 511
significationis & acceptionis horum
verborum fieri possunt.

C A P. VII.

*De Expositione trium dictionum,
Infinitum, AEternum,
Totum.*

DE comparatiuorum & superlati-
uorū significatione & vsu gram-
maticalis consideratio est & idcirco à
nobis prætermittit. Sed de prædictis
tribus dictionib. consideratio ad Dia-
lecticum magis pertinet, ppter vitan-
dam æquiuationis fallaciam, tum
in Philosophia, tū in sacra Theologia.
In primis de infinito dicamus distin-
guentes æquiucā eius significatio-
nem. Quamuis enim nominis etymo-
logia vna sit, tamē ad diuersa diuersis
conceptib. significanda ex vsu sapien-
tum nomen, *Infinitum*, impositum est.

Moderni Dialectici duplicem diui-
sionem faciunt de hoc nomine, *Infini-
tum*. Prior est, nam aliquando accipi-
tur pure negatiue pro eo, quod non
termini-

terminatur, neque aptum est terminari, & sic Deus est infinitus, aliquando accipitur priuatiue pro eo, quod aptum est terminari & non terminatur, verbi gratia, si daretur aliqua res quanta non terminata, quod impossibile esse aiunt physici cum *Aristotele 3. physic.*

Altera diuifio est: nam aliquando, *Infinitum*, accipitur categorematice, aliquando syncategorematice. Categorematice quidem, quatenus potest esse prædicatum vel subiectum categoricæ enunciationis. Syncategorematice vero dicitur accipi, quâdo exponibiliter accipitur prout explicatur non tantum quin maius, vel non tot quin plura, vel nō toties, quin pluries, verbi gratia, cum dicimus. *Continuum est diuifibile in infinitum*, id est, non in tot partes, quin in plures, & numerus crescit in infinitum. Dicitur itaq; syncategorematice accipi, quia re vera aduerbialiter accipitur, quâdo sic exponitur, vt dictum est.

Ex quo sequitur falsam esse quorundam

rumdam loquutionem, qui aiunt infinitam esse lineam giratiuam, & nullam lineam giratiuam esse infinitam, putantes dictionem infinitam esse adiectiuum nominatiui linea: sed profecto in sensu quem illi intendunt potius accipitur quasi aduerbialiter, ac si diceremus infinite procedit linea giratiua, quæ incipit à centro v. g. pedis columnæ girando per circuitum per partes proportionales sursum: verum: quæ quidem nunquam dabitur terminata. Sed quod aiunt nullam lineam giratiuam esse infinitam intelligunt de linea giratiua signata inter duo puncta.

Sed missa hæc faciamus, quæ puerilia sunt. Vnum tamen pro Theologis hoc in loco aduerterim, quod cum infinitum dicitur accipi negatiue, nõ sic accipiendum est, vt formaliter puram negationem & solam negationem significet: sicut non homo puram negationem significat: ita & infinitum idem sit quod non finitum. Quo pacto non esset nomen, neque vllam

K k perfe-

perfectionem denotaret, vt supra libro 1. dictum est de nomine infinito. At vero, infinitum, quatenus est Dei attributum maximam perfectionem denotat vt *D. Thom. docet. 2. p. q. 7. art. 1.* ergo non sic pure negatiue de Deo dicitur.

Dicendum est igitur, quod infinitum eatenus negatiue dicitur accipi, quatenus non præsупponit aptitudinem in particulari in eo, de quo dicitur, vt finiri possit: sed importat aptitudinē vt terminetur secundum communem rationem & analogam entis. Quapropter quod aliquid sit ens & non limitetur, est maxima perfectio. Quemadmodum substantia diuiditur in corpoream & in incorpoream & illa differentia incorporea negationem quidem dicit, sed non excludit aptitudinem, quæ est in genere substantiæ ad differentiam corporeitatis. Vnde esse substantiam & nō esse corpoream maior perfectio est, quam esse corpoream: quia supposito, quod sit substantia, magna perfectio est habere

bere negationem corporeitatis, quæ habet rationem materiæ. Et hoc pactum in Deo per attributa negativa maior perfectio significatur, verbi gratia, quod sit ens immutabile, quod sit impeccabilis, immensus, & infinitus & purus actus: ubi includitur negatio potentialitatis. Sed hoc altioris negotii est.

Præterea etiam Dialectici se intromittunt ad explicationem nominis, *æternum*, quod potius Philosophi aut Theologi munus est. De qua re *D. Thom. 1. par. quest. 10.* agit. Sed quia *æternum* adverbialiter aliquando accipitur vel quasi adverbialiter, pro eo, quod est semper, placuit Dialecticis aliquam illius expositionem tradere: ita ut id æterni esse dicatur, quod ante quodlibet instans præteritum fuit, vel post quodlibet futurum vel imaginarium, erit. Vtroque modo Aristoteles vehementer errans opinatus est mundum cum suo motu & tempore æternum fuisse & fore. Et quod peius est, putavit se hoc demonstrasse ex immu-

Kk 2 tabili-

tabilitate primæ causæ. Sed oppositum Christiani tenemur confiteri: Initio temporis Deum vtramque de nihilo creaturam condidisse, visibilem & inuisibilem. Ac proinde nihil præter Deum æternum est à parte antea. Sed à parte post multa æternum duratura sunt, non tamen motus & tempus. Sed de hoc alias.

Denique vltima dictio exponibilis est. *Totum*, quod etiam categorematice & syncategorematice potest accipi. Categorematice proprie loquendo est omne quantum suis partibus constitutum, siue sit totum continuum siue discretum vt numerus. Hoc modo significatur omne totum esse maius sua parte. Et in hoc sensu dicunt Dialectici hanc enunciationem esse veram: *Totum quod est in mundo comprehenditur in bursa mea*, hoc est, aliquod totum quod est mundo, scilicet argenteus, includitur in bursa mea. Altero modo accipitur syncategorematice & æquiualeat huic aduerbio *Totallyter*, & est signum distributium partium.

tium. Vt cum dicimus, *totus Petrus est albus*, hoc est, secundum omnem suam partem est albus. Sed si dicas: *totus Petrus est simus vel crispus*, falsa est propositio, si totus accipiat^r syncategorematicè: erit autem vera si totus categor^{em}aticè accipiat^r. Nam hoc modo Petrus simpliciter est aliquod totum quod denominatur crispū: quia crispitudinem habet, ubi aptus est habere. Haftenus de exponibilibus plus satis dictum est.

∴

Kk 3

LIBER

LIBER QVIN- TVS DE SYL- LOGISMIS.

Prologus Antonis.



Am ad optatum finē, qui
minoris Dialecticæ sco-
pus est; Deo dante, per-
uenimus. In quo tractatu
ducem habemus *Aristotelem* in du-
bus libris, quibus titulum inscripsit,
de priori resolutione. Is in hac parte se
primum artis syllogizandi autorem
fuisse gloriatur *in lib. 2. elenchorum ultimo*.
Quamobrem cum primus ipse huius
considerationis inuentor fuerit; mo-
deste veniam petit, si quid minus con-
summum dederit: & gratias sibi agi
postulat, quia proprio labore ac sudo-
re artē multipliciter syllogizandi me-
ditatus fuerit. Mihi sane aliqua venia
dignus videtur; quia prolixius & ob-
scurius,

seurius, quam oporteret, in huius materie documentis tradendis processit. Nam prima inuestigatione aliquid inuenire & simul exacte docere, difficillimum est, Inuentis autem superaddere, eaque perpolire, facillimum est. Nos vero Philosophi ingenium tum in aliis, tum in hac syllogizandi scientia admirantes, non possumus non fateri obscure nimis & perplexe locutum fuisse: sic adeo, vt nisi diligentissimorum virorū ingenia in eius intelligentia plurimum laborassent; parum vtilitatis studiosis Dialecticæ adolescentibus, duo libri priorum resolutionum contulissent. Huius rei gratia & nos maiorum documenta non mediocri meditatione obseruantes; breuiori & clariori stylo *Aristotelis* doctrinam docere paramus: ita vt nihil necessarium prætermittentes à superfluis & fastidiosis abstineamus.

CAP. I.

De Syllogismis.

CUm in omni demonstratione, quæ ad scientiæ acquisitionem necessaria est, duo postulentur: nimirum prius consequentiæ bonitas, & posterius antecedentis forma & necessaria veritas; idcirco Aristoteles de priori resolutione libros duos, & de posteriori totidem conscripsit. Nunc vero in præsentî tractatu de priorè resolutione nobis agendum est. Porro ut ab Aristotelis disciplina firmum & legitimum fundamentum iacentes incipiamus; operæ precium est, primum caput libri primi Priorum, non quidem de verbo ad verbum transcribere: sed quasi paraphrastice interpretari. In illo etenim quasi in summa tota syllogismorum consideratio, & huius operis argumentum continetur. Sic igitur Aristoteles exorditur.

Primum dicendum nobis est, circa quid nostra intentio potissime versetur; & de quo maxime differere intendamus.

tendamus. Est enim nostræ intentionis finis potissimus circa demonstrationem & de scientia demonstratiua documenta tradere. (Aduerte hic Aristotelem insinuare tractatum de prior resolutione ad alterum de posteriore tanquam ad finem destinari.) Cuius rei gratia in primis determinandum est, quid sit propositio: & quid terminus & quid syllogismus, quisinā perfectus, & quis imperfectus sit; Ac deinceps quid sit, Aliquid esse in alio toto, vel non esse; & quid de omni, vel de nullo aliquid prædicari.

(Quinque sunt quæ Philosophus definienda promittit) in primis *propositio est alicui de aliquo affirmatiua vel negatiua oratio* Ea vero aut vniuersalis, aut particularis, aut indefinita est. (Aduerte eatenus propositionem hic definitam fuisse ab Aristotele, quatenus ad ministeriū syllogizandi secundum qualitatem & quātitatem conducit.) Dico autem vniuersalem quidē, cum aliquid in propositione, omni in subiecto contēto conuenire aut omnino

Kk § negari,

negari, particularem vero, cum alicui, aut alicui non, vel non omni, conuenire significatur. Indefinitam autem, cum subiectum absque aliquo signo distribuyente vel particularizante ponitur, vt *homo disputat*, vel *homo non disputat*. Differt autem propositio demonstratiua à dialectica propositione, in eo, quod demonstratiua determinate est sumptio alterius partis contradictionis. Neque qui demonstrare intendit, interrogat an hoc ita sit vel non sit : sed confidenter sumit propositionem illam, ex qua aliquid demonstrare parat, dialectica vero propositio interrogatio contradictionis est: qui enim illa utitur, responsionem alterius expectat, vt ex eius concessione ad syllogisticam consequentiam progrediatur. In qua consequentia conueniunt tam is, qui demonstrare intendit; quam qui dialecticam propositionem præsumit. Ad syllogismum porro gignendum; nihil hæc ab illa differt. Perinde enim vt demonstrator, ita Dialecticus colligit aliquid de aliquo,

aliquo, vel esse, vel non esse sumendo. Quamobrem syllogistica propositio, simpliciter loquendo, est affirmatio vel negatio alicuius de aliquo. Sed insuper demonstratiua debet esse vera & per primas propositiones firmata. De quibus in sequentibus accuratius dicendum erit.

(Haftenus Aristoteles de primo, id est, de propositione dixit: de secundo vero sic ait) *terminum autem voco, ex quo propositio constat tanquam extremo, & in quod resolvitur, sicut in subiectum & praedicatum, siue illud affirmetur siue negetur.*

(Eccetertium.) *Syllogismus est oratio, in qua quibusdā (hoc est, propositionibus) positis, alia propositio ab illis necessario cōsequitur; sic ut ex eisdem terminis, qui erāt in praemissis propositionib. constet: neq; aliud extraneus accedat conclusioni.* (& hoc videtur Aristot. insinuasse in illis verbis;

ea q̄ haec sunt.) Perfectū vero syllogismū reū voco qui nullius alterius syllogismi indiget (ut ipse necessarius appareat;) sed sufficiūt illi praemissae propositiones tam apte dispositae, ut immediate regu-

regulari possint per vnum ex duobus principiis; Dici de omni, vel, Dici de nullo. Imperfectū vero syllogismum voco eum, qui indiget alterius vnus syllogismi, qui ex ipsis terminis necessariam consequentiam contineat.

(Ecce quartū quod promiserat definire,

Ad quintum vero ita procedit.) Principia regulatiua perfectōrū syllogismorum duo sunt, vnū pro affirmatiuis q̄ appellatur, Dici de omni, vel in toto altero alterū inesse. Secundum est, p̄negatiuis, quod vocatur, dici de nullo, vel de nullo alterum prædicari. (Quæ principia ita clarius à modernis diffiniūtur, Dici de omni est, cum nihil est subsumere sub subiecto distributo de quo non dicatur prædicatum. Vt si dicas, *omnis homo est albus*, necesse est consequenter, vt de quouis dicatur homo prædicet & album. Vt v. g. si sub illa vniuersali subsumeres; *omnis musicus est homo*; statim necessario sequitur, *ergo omnis musicus est albus*. Proportionabiliter dici de nullo est

est aliud principium naturali lumine cognitum, quod quidem sic explicatur: Quotiescunque prædicatum negatur de subiecto distributo, tunc necesse est, ut de quouis affirmetur subiectum, de eodem idem prædicatum negari. Ut si dicas, *Nullus homo est albus, omnis artifex est homo, ergo omnis artifex non est albus.*

Ecce paraphrasim primi capitis libri primi Priorum Aristotelis, in qua vix potui me continere, quin in fine Modernorum Dialecticorum dictione claritatis gratia vterer. Porro si reliqua, quæ in eis libris Aristoteles docuit, consimiliter interpretari nitermur; longum opus nobis conficiendum esset, & frustra tantum laboris susciperemus, ex quo minima aut certe nulla utilitas discipulis accederet. Quamobrem deinceps vsitatum loquendi modum in schola Modernorum Dialecticorum libenter sequemur; nectamen à Philosophi documentis discemus.

CAP.

*De Conuersione absolutarum
propositionum.*

TRactatum de absolutarum propositionum conuersione in hunc usq; locum distuli, tum quia ipse Philosophus hic oportune hac de re agendum censuit, tum etiam quia huius rei cognitio hactenus necessaria non fuit. Nunc vero ad reductionem imperfectorum syllogismorum ad perfectos per necessaria est. Duo igitur sunt breuiter à nobis dicenda, quid sit in proposito conuersio: & quotuplex sit.

Sed in primis nota nomē, Conuersio, varie à Dialecticis vsurpari. Aliquando accipitur pro æquipollentia enunciationum, quæ mutuo se inferunt. Vt *homo est rationalis, homo est risibilis*. Inter quas propositiones est mutua consequentia ex vtraque in alteram. Aliquando etiam & ipsi termini dicuntur ad conuertentiam vt *fleBILE & risibile & rationale*. Nunc autem multo aliter

aliter de conuersione agimus. Huius diffinitionem, Petrus Hispanus inter modernos Dialecticos suspiciendus, non diffiniuit sed statim diuisit. Ob id fortassis quia vix vnica cōmunis diffinitio designari poterat singulis partibus conuersionis quas ille distinxit.

Nihilominus ab aliis recentioribus *Quid sit conuersio.* hæc diffinitio traditur. *Conuersio est bona consequentia ex vna simplici categorica in alteram, permutatis duntaxat extremis, in quibus participant. v.g. homo est animal, ergo animal est homo: nullus homo est equus, ergo nullus equus est homo.* Quæ diffinitio in ipsa diuisione conuersionis manifestior erit.

Diuiditur itaque conuersio in tri- *Triplex conuersio.* plicem formam. Prima forma dicitur cōuersio simplex, & cōtingit quando prædicatū vnius ponitur pro subiecto alteri⁹, & subiectū pro prædicato, sed manente eadē qualitate & quantitate propositionis. Qua forma cōuertit vniuersalis negatiua, vt, *null⁹ homo est lapis, ergo nullus lapis est homo:* & et particularis affirmatiua, vt *quidā homo est animal,*
ergo

*Conuersio
simplex est
per se nota.*

ergo quoddam animal est homo. Quas ego consequētiās naturali lumine immediate cognitās esse arbitror nō minus, quā illa principia dici de omni, & dici de nullo. Id quod obseruandum est pro reductione imperfectorum syllogismorum ad perfectos, quæ sæpe fit conuersionis ministerio.

Est secunda forma conuersionis, quæ dicitur conuersio per accidens: quæ contingit, quando fit quidem de subiecto prædicatum & de prædicato subiectum & manente eadem qualitate propositionis sed permutata quantitate. Hac forma conuertitur vniuersalis affirmatiua in particularem affirmatiuam, vt, *omnis homo est animal, ergo aliquod animal est homo*: sed non fit conuersio à particulari ad vniuersalem. Potest etiā vniuersalis negatiua conuerti hac forma conuersionis per accidens, vt, *nullus homo est lapis, ergo quiddam lapis non est homo*: sed non fit conuersio à particulari ad vniuersalem.

*Conuersio
per accidens*

Aduertendum est hic hanc conuersionem per accidēs non esse per se notam

notam, sed reuocatur ad per se notas *non est per se*
 consequētiās v. g. *omnis homo est animal, nota.*
ergo homo est animal, quæ euidens est à
 subalternāte ad subalternatam. Rur-
 fus ex illa subalternata infertur, ergo
aliquod animal est homo per simplicem
 conuersionem & per se notam. Et ea-
 dem est consideratio in conuersione
 vniuersalis negatiuæ, vt, *nullus homo est*
lapis, ergo nullus lapis est homo per cōuer-
 sionem simplicē. Rursus *ergo lapis non*
est homo à subalternante ad subalter-
 natam. Vnde de primo ad vltimum,
nullus homo est lapis, ergo lapis non est ho-
mo.

Hæ duæ formæ cōuersionum con-
 ducūt & sufficiunt suo ministerio de-
 feruire reuocationi imperfectorum
 syllogismorum ad perfectos.

Nihilominus est alia tertia forma *Conuersio*
 conuersionis, quam dicūt per contra *per contra-*
 positionem quæ quidem magis intri- *positionem.*
 cata est & perplexa, sed minus utilis ad
 præens institutum. Est itaque diffini-
 tio conuersionis per contrapositionē;
 consequentia vnius propositionis ad

LI alteram

alteram permutatis extremis, non eisdem, sed contradictoriorum, ita ut de contradictorio prædicati fiat subiectū, & de contradictorio subiecti fiat prædicatum, manente nihilominus eadē qualitate & quantitate. Et hoc pacto aiunt conuerti vniuersalem affirmatiuam in vniuersalem affirmatiuam & particularem negatiuam in particularem aliam negatiuam, sit vtriusq; exemplū: *omnis homo est animal, ergo omne non animale est nō homo. Quidam homo non est lapis ergo quoddam non lapis non est non homo.* Verumtamen ut appareat quam fit inutilis hæc forma conuersionis ad ministerium syllogismorum, obseruandum est prædictas consequentias malas esse, & instabiles; nisi accesse-rit alia propositio in antecedēti, quæ importet existentiam subiecti consequentis. Tunc enim firma erit consequentia. v. g. *omnis homo est albus & non album est, ergo omne non album est non homo.* Alioquin si constantiā illam non posueris in antecedēti, instabitur illi consequentiæ, in euentu, in quo
nihil

nihil sit non album, & omnis homo sit albus: vbi vides antecedens verum & consequens esse falsum; quia est propositio affirmatiua de subiecto non supponente.

Proportionabiliter etiā cōuersio per contrapositionem particularis negatiuę erit mala consequentia, nisi accesserit in antecedēti constantia subiecti negatiuę antecedentis, vt v. g. *equus non est albus, ergo aliquod non album non est non equus*. Antecedens erit verū & consequens falsum in casu, in quo nullus sit equus in mundo, tunc enim antecedēs est negatiua propositio de subiecto non supponenti, ergo vera, consequens autem erit falsum, si quidem eius contradictorium est verum, scilicet, *omne non albū est non equus*, supponimus enim esse multa alia in mundo, quę nō sunt alba, si autē in antecedēti posuisses constantiā, & equus est: firmā faceres consequentiam in omni euentu. Rationem huius pro ingenioribus proferam. Etenim conuersio per contrapositionē fundatur in illis

Ll 2 duabus

duabus regulis Aristotelicis *in lib. 2. perihier.* Quarum prior est; ab affirmatiua ad negatiuam prædicato variato penes finitum & infinitum, vt, *homo est animal, ergo homo non est non animal*, nam alias duo termini contradictorii verificarentur de eodem: ac proinde darentur duæ contradictoriæ veræ. Et enim si illa non est bona cōsequentia, dabitur antecedens verum & consequens falsum. Erit igitur hæc vera, *homo est animal*, & consequens falsum, *homo non est non animal*, ac proinde cō-
 tradictoria, *omnis homo est non animal*, esset vera, quod implicat cōtradictionem.

Altera regula est, à negatiua ad affirmatiuam cum constantia subiecti, variato prædicato penes finitum & infinitum, est bona consequentia, vt bene sequitur, *homo non est albus & homo est, ergo homo est non albus*, alias duo termini contradictorii falsificarentur de eadem re existenti.

His regulis suppositis, colligitur vniuersalem affirmatiuam conuerti posse

posse in alteram vniuersalem affirmatiuam per contrapositionem ministerio prædictarum regularum, procedendo de primo ad vltimum v.g. bene sequitur, *omnis homo est animal, ergo omnis homo non est non animal*. Deinceps ex illo consequenti per cōuersionem simplicem, *ergo omne non animal non est homo*. Rursus, *omne non animal non est homo & aliquod non animal est, ergo omne non animal est non homo*, per secundā regulam. Igitur de primo ad vltimum bene sequitur ab vniuersali affirmatiua per contrapositionem vltimum consequens: sed non sine ministerio constantiæ contradictorii ad prædicatum primæ vniuersalis affirmatiuæ. Eadem via fere & ordine particularis negatiua conuertetur in particularem negatiuam per contrapositionem (sed non sine intercessione constantiæ subiecti antecedentis. Haftenus de cōuersionibus dicta sufficiant) dummodo aduersitas in conuersione simplici & in conuersione per accidens, cum fiunt de propositionib. de extrinseco tem-

pore vel modalibus, ut caueas, ne contingat alius defectus contra regulas Ampliationis vel Appellationis. Esto exemplum: *Nullus homo necessario est albus, ergo nullum album necessario est homo*: hæc consequentia mala est, vides enim antecedens esse necessarium, & consequens impossibile; imo aliquod album necessario est homo, ostendam enim Petrum album qui necessario est homo, & possibiliter est hoc album: sed de hoc alias diximus.

CAP. III.

De Explicatione diffinitionis

Syllogismi.

Diffinitionem syllogismi ex primo capite recolentes explicare, necesse est: quæ diffinitio talis ab Aristotele habetur. *Syllogismus est oratio, in qua quibusdam positis aliud quiddam ab his quæ posita sunt, necessario accidit; eo quod hæc sunt.* In hac diffinitione, *oratio*, ponitur loco generis ea ratione, qua etiam ponitur in diffinitione argumentationis.

nis. quæ est tertia species modi sciendi. Quamvis enim argumentatio & syllogismus: sit hypothetica propositio, tamen loco generis non ponitur propositio; quoniam argumentatio & syllogismus non sunt propria species propositionis; eo quod propositio formaliter importat modum significandi vere vel false: argumentatio vero & syllogismus non denominantur formaliter à vero vel falso, sed à bene vel male colligendi ratione. Vnde continget syllogismum esse falsam propositionem, & nihilominus esse bonum syllogismum. v. g. *omnis homo est lapis & omnis equus est homo, ergo omnis equus est lapis*, est optimus syllogismus: & tamen vndique est falsa propositio, non igitur propositio genus est ad syllogismum, sed potius oratio. Obiiciet tamen aliquis potius argumentationem, quam orationem collocandam esse loco generis in diffinitione syllogismi: quia syllogismus species legitima est argumentationis. Respondetur ita se rem habere, ut dicit obiectio. Verum tamen quoniam

Oratio est quid notius, quam argumentatio, maluit Aristoteles orationem quæ commune genus est cuiusmodi sciendi ponere loco generis etiam si non sit immediatum genus ad syllogismum.

Omnes aliæ particulæ circumscribunt differentiam propriam syllogismi ab omni alia specie argumentationis.

Est igitur alia particula: *in qua quibusdam positis*, ac si diceret, in qua oratione positis quibusdam propositionibus, hoc est, (vt Moderni aiunt) dispositis in modo & in figura. Sed profecto Aristoteles per ea quæ sequuntur in diffinitione insinuauit talem dispositionem requisitam in præmissis ex eo, quod ex illis necessario sequatur alia ppositio. Adiecit enim, *eo quod hæc sunt*. Et simul explicat, quid intenderit per illa verba, *eo quod hæc sunt*, dum inquit; Dico autem, *eo quod hæc sunt*; propter hæc euenire (scilicet conclusionem) propter hæc vero euenire est, vt necessarium nō sit alicuius extrin-

extrinseci termini indigere. Quibus verbis satis dat Aristoteles intelligere conclusionem debere cōstare ex terminis subiecto & prædicato, qui fuerunt termini vtriusque præmissæ absque indigentia alterius termini resultantem de substantia præmissarum aliā distinctam enūciationem. Quod quidem fieri non poterit, nisi termini conclusionis fuerint tam apte cōnexi, cum aliquo medio, vt necessarium sit ipsam conclusionem consequi ab his, quæ posita sunt. Qualis autem debeat esse hæc dispositio, postea explicatur per distinctionem figurarum & modorum: sed hæc omnia in ipsa diffinitione syllogismi implicite tanquam in radice continentur.

Adiiciunt præterea Moderni cum Petro Hispano particulam, & concessis, quæ quibusdam superflua omnino videtur: nam si præmissæ propositiones bene & legitime sint dispositæ, etiam si non concedantur, tamen necessario pariunt conclusionem. Nihilominus illa particula, si bene intelligatur,

LI 5

ligatur,

ligatur, non superflua, sed ad intelligentiam definitionis accommodata est. Certum est enim bonitatem syllogismi & consequentię non pendere ex concessione antecedētis. Sed quia finis syllogismi est efficaciter convincere respondentem, & contingit vtramque præmissam falsam esse simul cum conclusione; non poterit syllogismus esse verus elenchus, id est, captio & conuictio ad alterum redarguendo illum de falsitate nisi concesserit præmissas esse veras. Sensus igitur illius particulę necessitatem consequentię in tantum explicat, vt qui concesserit antecedēs, teneatur concedere consequens, cum sit primum principium, si consequentia est bona & antecedens est verum, consequens est verum. Vt igitur Moderni doceant bonitatem syllogismi non consistere in veritate antecedentis, addiderunt illam particulam, & concessis: & iterum eam replicant, cum aiunt per ea quę posita sunt & concessa.

Hactenus de summaria intelligentia

tia diffinitionis syllogismi. Nunc de
 diuisione syllogismi pfecti ab imper- *Diuisio syl-*
 fecto breuiter etiam dicamus. De qua *logismi.*
 diuisione & vtriusque diffinitione A-
 ristoteles sic ait; syllogismus perfectus
 est qui nullius alterius indiget: præter-
 ea quæ sumpta sunt; vt appareat ne-
 cessarius: cuius diffinitionis hæc est
 intelligētia; syllogismus perfectus ille
 est, qui in inferendo conclusionem
 tam euidentis est ex ipsa præmissarum
 dispositione, vt non indigeat reuocari
 ad alium syllogismum euidentiore,
 vt appareat, quam sit necessarium ita
 concludere, sicut ille concludit. Syl-
 logismus autem imperfectus ille est,
 q̄ licet bene & necessario inferat con-
 clusionem ex præmissis secundū diffi-
 nitionem & legem syllogismi, tamen
 non est ita euidentis in prima frōte eius
 illatio, vt nō oporteat adhibere aliqd
 aliud, vnde cōstet de bonitate illatio-
 nis eius. Hoc autē aliud siue alia quo-
 rum Aristoteles meminit dicens; syl-
 logismus imperfectus est qui vni⁹ aut
 plurium indiget, quæ sunt quidem
 necessa-

necessaria per sumptos terminos, non autem per sumptas propositiones; sic explicanda sunt. Etenim syllogismi imperfecti, ut statim videbimus, multipliciter reducuntur ad perfectos. Nunc per conuersionem simplicem, aut per accidens vnius propositionis aut plurium, aut transpositione præmissarum, vel utroque modo simul, nunc reductione ad impossibile. Et ob hoc dicit Aristoteles, quæ sunt quidem necessaria, id est, quatenus vnum vel plura sunt necessaria ad illuminationem imperfecti syllogismi. Id autem quod sequitur, per sumptos terminos, non autem per sumptas propositiones; indicat in reductione syllogismi imperfecti ad perfectum debere semper seruari eosdem terminos, sed non easdem propositiones: nam plerunque in huiusmodi reductione utendum est conuersione vnius propositionis in alteram; interdum etiam assumitur contradictoria propositio conclusioni, ut cito explicabitur. Denique de illis duobus principiis, *dici de omni & dici*

dici de nullo nihil amplius occurrit explicandum, quam id, quod capite primo huius libri dictum est: præter quam quod, *dici de omni*, est principium regulatiuum pro syllogismis perfectis affirmatiuis. At vero, *dici de nullo*, regulatiuum est syllogismi perfecti negatiui, hoc est, cuius altera præmissa & conclusio negatiua est.

C A P. IV.

De diuersitate formarum seu figurarum & modorum ad constitutionem omnis syllogismi.

EX Aristotele habemus, omnem syllogismum ex duabus tantum præmissis propositionibus, & ex tribus terminis constare. At vero duæ propositiones ex tribus tantum terminis constare; fieri non potest, nisi aliquis eorum bis officium extremi exerceat in vtraque; nunc vicem subiecti, nunc prædicati obtinens. Is vero terminus

Lib. I. Prior
c. 25. & 26.

*Quid me-
dium.*

terminus merito dicitur medium in syllogismo: alii vero duo dicuntur extremitates. Quarum altera dicitur ma-

*Quid maior
vel minor
extremitas.*

ior extremitas si est in maiore propositione: & altera dicitur minor extremitas; quæ est in minori propositione. Notandum etiam est, tunc syllogismum concludere directe, quando maior extremitas prædicatur de minori in conclusione, tunc autem indirecte concludit, si minor extremitas in conclusione prædicati locum teneat, & maior extremitas subiectum sit. His ita constitutis diuisionem figurarum facile intelligemus.

*Quid &
quotuplex
figura.*

Cum enim figura sit dispositio trium terminorum secundum debitam subiectionem & prædicationem, ex hac parte differunt figuræ. Triplex figura syllogismorum distinguitur ab Aristotele lib. 1. Priorum capite 4. & 5. & 6. Prima figura siue forma est, quando medium est subiectum in maiori & prædicatum in minori. Ut v. g. *omnis homo est animal, omne risibile est homo*. Secunda figura est, quando medium prædicatur

dicatur in vtraque præmissa: vt, *nullus homo est equus, omne hinnibile est equus.*

Tertia figura confurgit quando medium subiicitur in vtraque præmissa: vt, *omnis homo est albus & omnis homo est doctus.*

Sed quæritur; quare non asseritur quarta figura ex eo, quod potest medium prædicari in maiori & subiici in minori? vt v. g. *omne risibile est homo, & omnis homo est animal.* Quã figuram, vt aiunt, Auicenna adiecit, & videtur necessaria, nã figura distinguit secundum congruitatem medi cum extremitatibus penes subiectionẽ & prædicationem. Sed ista quarta coniugatio possibilis est, ergo asserẽda est quarta figura. Confirmatur; quia non est maior ratio quare medium cum subiicitur in maiori, & prædicatur in minori, constituat figuram, quam vice versa, cum prædicatur in maiori & subiicitur in minori. Nihilominus respondetur; quartã figuram superfluã esse, & inutilem ad artẽ syllogizandi. Ratio est; quia, vt statim videbimus,
non

non poterit quarta figura variari per modos alios, nisi per eos, per quos variantur modi primæ figuræ: nam sola permutatione præmissarum (ita ut maior constitutur loco minoris & minor loco maioris) constitueretur illa figura: & regularetur facili permutatione per illa duo notissima principia, *Dici de omni* & *Dici de nullo*, quæ postulante, ut medium prius subiiciatur quam prædicetur.

Quid sit modus, & quotuplex.

Deinceps dicendum est, quid est modus & quotuplex sit modus. *Modus est ordinatio duarum propositionum secundum debitam qualitatem & quantitatem.* Est autem debita quantitas; ut si una ex præmissis fuerit particularis, necesse est, ut altera sit vniuersalis. Debita autem qualitas est; ut si altera sit negatiua, necessario altera debet esse affirmatiua. Et hoc est commune in omnibus modis cuiuslibet figuræ. Unde tales dantur regulæ vniuersales.

Regula communis quintæ. *Prima regula.* Ex puris particularibus vel indefinitis nihil sequitur. *Secunda regula;* ex puris negatiuis nihil sequitur.

tur. *Tertia regula*, consequens ad primam, si aliqua præmissa fuerit particularis conclusio debet esse particularis; sed non vice versa. *Quarta regula*; si aliqua præmissa fuerit negatiua, conclusio erit negatiua. *Quinta regula*. Medium non debet intrare conclusionem. Omnes hæ regulæ quinque examinabuntur postea. Nunc autem sic intelligantur necessariae, ad hoc, ut conclusio syllogistice consequatur composita ex ipsis extremitatibus, in virtute connexionis medii in utraque, vel in altera præmissa. Sed ut hæc omnia plenius comprehendantur, operæ precium est modos omnes trium figurarum ante oculos discipulorum obicere, & suis proprietatibus distinguere.

Sunt igitur omnium figurarum modi vnde viginti. Prima figura nouem occupat modos. Secunda figura quatuor modis contenta est. Tertia denique sex modis exhauritur. Et in hoc mirabile fuit Aristotelis ingenium; quod in singulis figuris possibiles omnes

Mm modos

modos iuxta vsitatum modū loquendi adinuenerit : & vnicuique suum proprium numerum distribuerit.

Prima itaque figura ad nouem modos extenditur , qui sequentibus dictionibus indicantur , vt memoria teneri possint. Barbara. Celarent. Darij. Ferio. Baralip-ton. Celantes. Dabitis. Fapesmo. Frisesomorum.

Secundæ figure modi per quatuor dictiones indicantur. *Cesare. Camestres. Festino. Baroco.*

Tertiæ figuræ modi sex dictionibus significantur. *Darapti. Felapton. Disamis. Datisi. Bocardo. Ferison.*

Vt autem harum dictionum significatio intelligat, obseruandū est primo has vocales. A. E. I. O. Signa esse differentis quantitatis, & qualitatis propositionum præmissarū & conclusionis, sicut etiam in modalibus & cōuersionibus dictum est. A, nota est propositionis vniuersalis affirmatiuę. E, denotat vniuersalem negatiuam. I, particularem affirmatiuam representat. O, particularem negatiuam indicat.

Nota

Nota ſecundo; in qualibet dictione prædictorum ſolæ tres priores vocales notant quantitatem & qualitatem pro-
poſitionum; reliquæ vero vocales (ſi
quæ fuerint) nihil ſignificant; ſed pro-
pter menſuram verſus adiectæ ſunt.

Nota tertio in prædictis dictioni-
bus eſſe etiam quasdam conſonantes
ſignificatiuas. Et in primis omnes mo-
di incipiunt ab aliqua conſonanti ex
his quatuor. B. C. D. F. quæ originali-
ter inveniuntur in quatuor primis mo-
dis primæ figuræ. Et in quouis modo
inueniatur in principio aliqua ex ipſis
quatuor, notat modum illum redu-
cendum eſſe ad vnum ex quatuor
primis ab eadem litera incipientem.
Sunt præterea & aliæ quatuor literæ
conſonantes, in medio modorum, exce-
ptis quatuor primis. Quæ quidē ſigni-
ficatiuæ ſunt. Nimirum. M. S. P. C.
& enim M. denotat permutationem
præmiſſarum illius modi eſſe neces-
ſariam, vt modus ille reducatür ad
perfectum modum primæ figuræ. Li-
tera vero. S. indicat præmiſſam ſigni-

Mm 2 ficatam

ficatam per vocalem immediate antecedentem conuertendam esse simpliciter in reductione illius modi ad perfectum. P. autem dicit conuertendam esse per accidens propositionem significatam per vocalem immediate præcedentem. Denique C. docet modum illum reducendum esse ad perfectum, non per conuersionem, sed per impossibile, videlicet, ex contradictoria consequentis cum altera præmissarum ad contradictoriam alterius argumentando. Vt paulo post ipso exercitio reducendi imperfectos modos ad perfectos patebit.

Iam vero incipiamus exempla ponere constituendorum syllogismorum in quauis figura & in quouis modo. Prima itaque figura, in qua medium subiicitur in maiori & prædicatur in minori, habet quatuor primos modos perfectorum syllogismorum & directe concludentium: ad quos tota machina aliorum modorum tanquam ad fundamentum reuocanda est. Habet etiam alios quinque imperfectos: qui

qui indirecte concludunt & per conuersionem reducuntur ad perfectos. Vt igitur totum hoc syllogizandi artificium experiētia exercitationis comprehendas, accipe primum exempla in prima figura. Primus modus significatus per *Barbara*, in qua dictione triplici A. tres propositiones vniuersales affirmatiuas ex tribus terminis constitues hoc pacto. *Omnis homo est equus, omnis lapis est homo, ergo omnis lapis est equus.* De industria exemplum adhibui in falsis propositionib. & impossibilibus, vt aduertas bonitatem syllogismi nō pendere à veritate propositionum, Hoc enim pertinet ad syllogismum demonstratiuum. Nunc autem de bonitate syllogisticæ consequentiæ agimus, ex debita dispositione trium terminorum & duarum præmissarum. Quæ si admittantur, non potest non admitti conclusio.

Sit secundum exemplum in secundo modo eiusdem primæ figuræ qui notatur per secundam dictionem, *Celarent.* Huius prima propositio est vni-

Mm 3 uersalis

uersalis negatiua: secunda vniuersalis affirmatiua: & tertia (quæ est conclusio) est vniuersalis negatiua. v. g. hic syllogismus est in *Celarent*; *nullus homo est lapis, omne risibile est homo, ergo nullum risibile est lapis*. Hinc iam tu pone exempla in aliis duobus perfectis modis, *Darj* & *Ferio*, sed accipe exemplum in primo modo imperfecto primæ figuræ qui est, *Baralipon*. *Omnis homo est animal, omne risibile est homo, ergo animal est risibile*. Ecce conclusionem, quæ indirecte concluditur. Reliqua exempla primæ figuræ facile tibi erit proferre.

Secunda figura quatuor dumtaxat modos habet directe concludentes, & semper negatiue. Ecce exemplum de *Cesare*; *nullus homo est lapis, omnis equus est lapis, ergo nullus equus est homo*. Ecce alterum exemplum de *Camestres*. *Omnis homo est risibilis, nullus equus est risibilis, ergo nullus equus est homo*. De *Festino*, & de *Baroco*, tu pone exempla.

Tertia figura sex modos continet directe concludentes, semper tamen conclu-

conclusionem particularem, aliquando affirmatiuam, aliquando negatiuam. Ecce exemplū de *Darapti*; *omnis homo est risibilis, omnis homo est rationalis, ergo rationale est risibile*. Ecce exemplū de *Felapton*; *Nullus homo est lapis, omnis homo est substantia, ergo aliqua substantia non est lapis*. Sit exemplum. De *Disamis*, *Homo est substantia, omnis homo est animal, ergo animal est substantia*. Reliqua exempla de aliis tribus discipulus cōstituat, sicut & alia quæ de industria silentio præteriuimus, vt instante præceptore discipuli ingenium exercent. Maior tamen præceptoris diligentia adhibenda est circa exercitationem reducendi, & reuocandi quindecim modos imperfectos ad quatuor illos primos perfectissimos, qui immediate regulantur per duo illa notissima principia; *Dici de omni, & dici de nullo*.

CAP. V.

De Reductione imperfectorum modorum Quindecim ad quatuor primos perfectos.

REcolenda sunt, quæ diximus capite præcedenti quemlibet modum imperfectum ad illū perfectum reducendum, qui ab eadem litera incipit. Ut ad *Barbara* omnes incipientes in B. Qui sunt tres, *Baralipon*, *Baroco*, *Bocardo*. Ad *Celarent*, omnes incipientes in C. Qui etiam sunt tres, *Celantes*, *Cesare*, *Camestres*. Ad *Darij* reducuntur omnes incipientes in D. qui sunt quatuor. *Dabitis*, qui ex prima figura imperfectus est nō alia ratione nisi quia concludit indirecte. Et alii tres ex tertia figura *Darapti*, *Disamis*, *Datiss*. Ad *Ferio* reducuntur omnes incipientes in F. qui sunt quinque. Duo videlicet ex prima figura, *Fapesmo* & *Frisesomorum*: & vnus *Festino* de secunda figura: & alii duo ex tertia figura. Qui sunt *Felapton*, & *Ferison*. Hoc igitur ordine
 si pla-

si placet poteris compendiosius singulos imperfectos modos ad perfectos reducere ministerio conuersionis simplicis & per accidens, & interdum permutatione præmissarum. Solum duo modi imperfecti reducuntur ad *Barbara* absque ministerio conuersionis speciali ratione argumentandi deducendo negantem consequentiam de *Baroco* & de *Bocardo*, ad *Barbara*. Id quod statim ostensuri sumus, Sed prius discipulum admonitum esse volo, ut ante oculos habeat potissime illud primum principium naturali lumine perspicuum. In bona consequentia si antecedens est verum, consequens debet esse verum. Et in mala consequentia posse dari antecedens verum & consequens falsum. Item recolere oportet, alias duas regulas quæ ex prædicto principio euidenter colliguntur. Altera est, in bona consequentia quidquid sequitur ad consequens, sequitur ad eius antecedens. Altera est, in bona consequentia ex contradictorio consequentis sequitur contradictorium

Mm 5 ante-

antecedentis. Has regulas abunde factis explicatas dedimus supra libro tertio.

His ita constitutis, facile poteris & confidenter accedere, vt demonstres quemlibet modū ex imperfectis per euidentes consequentias reuocari ad aliquem ex perfectis: ita vt in omni reductione his rationibus duabus vel altera ex illis vti possis. Si consequentia. v. g. de *Darapti*, non est bona ergo consequentia de *Darij* non est bona. Vel sic: consequentia de *Barbara* est bona ergo consequentia de *Baralipton* bona est. Vel aliter si consequentia de *Baroco* & *Bocardo* non est bona, ergo consequentia de *Barbara* non erit bona. Sed iam experire prædicta documentū & reduco ad *Barbara* omnes modos imperfectos sibi suffragantes. v. g. *Baralipton*, qui communicat in duabus præmissis cum *Barbara* differens dumtaxat in conclusione particulari & indirecte concludenti. Tunc sic argumentor. Præmissæ vtriusque modi sunt æquipollentes ex eisdem terminis:

nis : imo sunt eadem sed ex conclusione de *Barbara* infertur conclusio de *Baralipton* per conuersionem per accidens, scilicet, ab vniuersali ad particulare permutatis extremis particularis ergo etiam sequitur illa conclusio particularis ex præmissis de *Baralipton*, quæ sunt eadem per illam regulam : quidquid sequitur ad consequens bonæ consequentiæ sequitur ad eius antecedens. Ecce igitur quomodo si consequentia de *Barbara* bona est etiã consequentia de *Baralipton*, & si consequentia de *Baralipton* est mala & non potest inferre conclusionem illam particularem multo peior erit syllogismus de *Barbara*, qui ex eisdem præmissis infert conclusionem vniuersalem. Iam vero reducamus, *Baroco*, qui est modus secundæ figuræ ad *Barbara* per impossibile. Ecce syllogismus in *Baroco* : *Omnis homo est animal, lapis non est animal, ergo lapis non est homo.* Ostendo tibi euidenter hunc syllogismum esse legitimum & necessariũ. Nam detur oppositũ, *Baroco* esse malam consequentiam, sequitur quod *Barbara* est mala conse-

consequentia. Probo sequelam, nam si *Baroco* est mala consequentia, ergo possibile erit dari antecedens verum & consequens falsum. sit igitur verum illud antecedens, *omnis homo est animal, lapis non est animal*, & consequens falsum, *lapis non est homo*: tunc sic: ergo contradictoria consequentis, *omnis lapis est homo*, erit vera. Accipiam ergo illam cum maiore de *Baroco* & fiet præmissæ in *Barbara*, *omnis homo est animal, omnis lapis est homo*, plane infertur, *ergo omnis lapis est animal*, quæ est contradictoria minoris de, *Baroco*, quam tu concesseras veram esse, ergo conuinceris concedere duas cōtradictorias aut recantare palinodiam & fateri bonum esse syllogismum de *Baroco*. Iam de *Bocardo* facilis tibi erit adiutus, vt ostendas legitimum esse syllogismum, reducendo ad impossibile cum, qui negauerit, esse necessarium argumentando, ex opposito consequentis cum præmissa affirmatiua de *Bocardo* & inferendo contradictoriam maioris de *Bocardo*, v. g. in tertia figura
hic

hic syllogismus est in *Bocardo*; *equus non est lapis, omnis equus est hinnibilis, ergo hinnibile non est lapis*. Sic argumentor: si hic syllogismus non est bonus; ergo poterit dari antecedens verum & consequens falsum in se, vel in simili forma. Da igitur antecedens verum & consequens falsum. Tunc sic argumētor; ergo contradictoria consequētis erit vera. Constituam ergo illam pro maiore simul cum minore de *Bocardo*, & faciam præmissas de *Barbara*. *Omne hinnibile est lapis, omnis equus est hinnibilis, ergo omnis equus est lapis*, quæ est contradictoria maioris de *Bocardo*, quam tu concesseras esse veram: ac proinde captus es elencho cōtradictionis. Hac igitur de causa dicuntur isti duo modi reduci per impossibile. Deinceps reliquorum modorum reducibilium ad perfectos facilia sunt exempla ministerio cōuersionis simplicis: quæ consequentia euidens est, & interdum conuersione per accidens, quæ vt ostendimus cap. 2. per euentem consequentiā, ab vniuersali ad subalter-

alternatam, & à subalternata per conuerſionem ſimplicem deducitur intenta conclusio.

Vt viſum eſt in reductione de *Baralip-ton*, *Celarent*, ſuperintendit regula-tioni aliorum trium modorum: ſcili-cet *Celantes*, de ipſa prima figura & *Ceſare* & *Cameſtres* de ſecunda. Quo-rum regulatio facilis eſt. Nam *Celan-tes* eaſdem habet præmiſſas quas ha-bet *Celarent* differens tantum in con-cluſione, quæ indirecte concluditur, & cõuerſa ſimpliciter cum ſit vniuerſalis negatiua efficitur conclusio de *Celarent*. Cuius exemplum diſcipulus cogatur ponere. *Ceſare* vero in nullo differt à *Celarẽt*; niſi in maiori, propter-ea quod cum ſit ſecũdæ figuræ habet medium pro prædicato. Vnde facta conuerſione ſimplici emergit ſtatim ſyllogiſmus in *Celarent*. Sed *Cameſtres*, facta conuerſione ſimplici in minori & concluſione & permutata minori cum maiori transformatur in *Celarent* per euidentem conſequentias.

Darij deinceps inuenitur ſuperin-tendere

tendere quatuor modis sibi suffragantibus, nimirum, *Dabitis* de prima figura & *Darapti* & *Disamis* & *Datifi*, de tertia figura. Quorum reuocatio ad *Darij* facillima est. Nam *Dabitis* in nullo alio differt à *Darij*, nisi quia conclusio indirecte concluditur & per simplicem conuersionem fit conclusio de *Darij*. Sed *Darapti* differt à *Darij* in sola minori & in figura. Minor enim de *Darapti* est vniuersalis affirmatiua per cuius conuersionem per accidens tertia figura mutatur in primam & minor de *Darapti* infert minorem particularem de *Darij*: deinde in *Disamis* maiore conuersa simpliciter, similiter & conclusione, ac permutatis premissis, videbis figuram tertiam in primam transiisse & modum *Disamis* optima consequentia permutatum in *Darij*. Denique *Datifi* sola conuersione simplici minoris totus transit in *Darij*.

Ferio tandem dux & caput est quinque inferiorum, qui cum tanquam propriam mensuram agnoscunt, videlicet, *Fapesmo*, & *Frisesomorum* de prima figura, & *Festino* de secunda figura,
& *Fe-*

& *Felapton* & *Ferison* de tertia figura, omnes hi quinque suis literis notati sunt quo pacto reducendi sint ad *Ferio* tanquam ad regulam. Primus quidem *Fapesmo* postulat conuersionem maioris per accidens, & conuersionem minoris simpliciter, & permutationem præmissarum : & confestim confurgit *Ferio*. Sed *Frisesomorum* simplicem conuersionem exigit maioris & minoris, & permutationem præmissarum ut resultet *Ferio*. *Festino* deinceps in secunda figura faciliorem transitum habet ad *Ferio*, nam sola conuersione simplici maioris, festinat, & conuertitur in *Ferio*. *Felapton* deinde, qui est modus tertiæ figuræ, sola conuersione per accidens minoris, vertitur in *Ferio*. Denique *Ferison* facillime commutatur cum *Ferio* sola conuersione simplici minoris.

En tibi omnes formæ reuocandi syllogismos imperfectos in quindecim modis constitutos, ad quatuor perfectos, qui nō indigent aliquo alio ut sint necessarij, quia immediate exercent

ercent quæ illa duo principia Dici de omni, & Dici de nullo, naturali lumine indicant. Et quidem de industria singulorum modorum exempla non expressi, tum ne prolixus & fastidiosus viderer; tum etiam ut discipuli in eiusmodi exemplis proferendis ingenium exercent: & pluris æstiment quæ sua opera pepererunt, quæ profecto tenacius memoriæ infiguntur, quam si scripta inuenirent.

Vnum tamen documētum hoc in loco vniuersale quidem, sed non inutile, proferam. Obseruandum est enim, nullum esse modum ex quindecim imperfectis, qui non possit ostendi necessarius per reductionem ad impossibile perueniēdo ad aliquem modum perfectum ex illis quatuor primis primæ figuræ. Quidam quidem immediate, quales sunt quatuor modi secundæ figuræ: & quinque primæ figuræ. v. g. *Baralip-ton; omnis homo est risibilis, omne rationale est homo, ergo risibile est rationale*: sic reducitur per impossibile: *omne rationale est homo, nullum risibile est*

Nn ratio-

rationale, ergo nullum risibile est homo: ac proinde nullus homo est risibilis, quæ est contraria maioris de Baralipon, quod reducitur ad Celarent ex contradictoria consequentis cum altera præmissarum. Similiter Cesare. v. g. Nullus lapis est animal, omnis homo est animal, ergo nullus homo est lapis; sic reducitur ad Ferio; Nullus lapis est animal, homo est lapis ergo homo non est animal. Vbi vides contradictoriam consequentis pro minori & contradictoriã minoris pro cõclusionem in Ferio. Veruntamẽ modi tercię figuræ non possunt reduci immediate per impossibile ad quatuor modos primæ figuræ vt verbi gratia, hic syllogismus de Darapti, omnis homo est animal, omnis homo est rationalis ergo rationale est animal. Sic reducitur per impossibile; Nullum rationale est animal, omnis homo est animal, ergo nullus homo est rationalis, qui syllogismus est in Cesare. Et ita experieris in aliorum tercię figurę modorum reductione non immediate ad primam figuram reuocari, sed ad secundam. Et ob hanc rationem,

& quia

& quia non reducuntur ad modum incipientem ab eadem litera, merito placuit Dialecticis duntaxat *Baroco* & *Bocardo* per impossibile reducere ad *Barbara*, reliquos vero modos conuersionis ministerio & interdum præmissarum permutatione reducere ad quatuor modos perfectos primæ figuræ immediate singulos ad singulos ab eadem litera incipientes.

CAP. VI.

In quo exacte omnia prædicta examinantur & explicantur.

Reliquum est quædam alia adicere re ut omnia, quæ de syllogismis documenta data sunt, plenius à discipulis intelligantur. In primis circa numerum modorum cuiuslibet figuræ obseruandum est, Aristotelem duntaxat limitatum numerum decem & nouem modorum inuenisse, in quibus omnes utiles & possibiles coniugationes

Nn 2 variæ

variæ mediî cum extremitatibus continentur. Reliquas vero connexiones mutata quantitate vel qualitate propositionum ineptos ad inferendâ syllogistice conclusionem iudicauit. In qua re demonstranda laboris plurimum suscepit in libris Priorum; quorum intelligentiæ propter obscuritatem grammaticalis cōstructionis moderni Dialectici operam non dederūt. Neque mirum si quidem D. Thomas super libros illos commentarios non edidit. Mihi vero vnum duntaxat argumentum sufficientis numeri vnde viginti modorum satisfacit, Quia nullus adinuenire potest aliam figuram, neque alium modum ad syllogizandum. In primis de quarta illa figura, quam dicūt Auicennam finxisse, iam supradiximus nihil vtilitatis asserere, quæ in prima figura non inueniatur. Circa modorum vero multiplicationem, si quis tentauerit plures alios adinuenire, facile erit ostendere illos esse vel superfluos, vel prorsus ineptos ad syllogizandum. Superfluos quidem

vt si

vt si quis velit inter perfectos modos primæ figuræ annumerare *Barbara* & *Celato*. Et in vniuersum in reliquis modis in quibus vniuersalis propositio affirmatiua vel negatiua concluditur, velit multiplicare alios modos affines, in quibus particularis affirmatiua vel negatiua substituatur loco conclusionis vniuersalis; nihil magis superfluum inuenietur in arte syllogizandi. Ratio est, nam vsque adeo per se manifesta est consequentia à subalternante vniuersali propositione ad subalternatam particularem; vt superuacaneum & stultum sit propterea alium modum syllogizandi distinguere. Nulla enim ars necessaria est ad cauendum id, in quo nemo errare potest.

Cæterum ineptos ad syllogizandum modos eos esse, in quibus nec debita quantitas, nec debita qualitas, obseruatur, satis admonitum est per eas regulas supra positas capite quarto in diffinitione modi; nimirum, ex puris particularibus, vel ex puris negatiuis,

Nn 3 . nihil

nihil sequi. Quarū ratio fere vna est. Nam cum vis syllogizandi consistat ac fundetur in cōnexionē mediū cum extremitatibus, vel cum altera saltem extremitate, vt inde emergat conclusio ex eisdem extremitatibus cōstans vel affirmatiua si medium cum vtraq; extremitate fuerit affirmatione coniunctum, vel negatiua, si cum altera tantū extremitate affirmatione fuerit vnitum & ab altera separatum.

Hinc est, quod neque ex puris particularibus, in quibus medium non distribuitur, ac proinde nec sufficienter connectitur, cum extremitatibus, possit colligi identitas extremitatum inter se, v. g. si dicas, *aliquod sensibile est homo, & equus est sensibilis, ergo equus est homo*. Etenim medio non distributo, verificabuntur præmissæ pro diuersis suppositis & erit falsa conclusio, quæ requirit vnitatem rei significatæ per prædicatum cū re significata per subiectum. Et hoc est in proposito dari terminos, in quibus nulli, videlicet, conueniat prædicatum subiecto.

Propor-

Proportionabiliter neque ex puris negatiuis poterit conclusio ex eisdem extremitatib. colligi syllogistice. Cuius ratio est, nam ex eo quod duæ extremitates non sint eadem vni tertio, non sequitur, à se inuicem separatas esse, neque easdem inter se vnum esse. v.g. existis præmissis: *nullus homo est lapis, nullus equus est homo*, non sequitur, ergo *nullus equus est lapis*, neque sequitur, aliquis equus non est lapis: & multo minus, *ergo equus est lapis*. Dabitur enim instantia contra asserentem illum esse syllogismum, assignantes terminos, in quibus omni, hoc est, in quibus cum veritate vtriusque præmissæ stet in veritate vel contradictorium vel contrarium consequentis. Vt. v. g. *nulla arbor est sensibilis, nullus equus est arbor: ergo nullus equus est sensibilis*. Ecce antecedens verum & consequens falsum. Cuius contrarium vniuersale verum est, *omnis equus est sensibilis*, & ita dedimus terminos, in quibus omni.

Vbi obseruari debet, Aristotelem

Nn 4 libro

libro primo Priorum cap. 28. Et deinceps, non mediocriter sollicitum fuisse de ratione facile inueniendi medium ad syllogizandum & cōcludendum, quod proponitur. Ait enim: non solum quomodo syllogismi fiant meditandum nobis est, sed magis adeo quomodo faciendorū facultas promptissime nobis cōstet. Et quidem horum præmittit diuisionem quandam, eorum quæ sunt & p terminos significantur. Nam inquit: Alia quidem sic se habent, vt de nullo alio prædicentur, qualia sunt singularia vt *Callias*, de ipsis autem singularib, alia prædicantur vt *homo* & *animal*. Alia vero sic se habent vt ipsa quidem de aliis prædicentur, de ipsis autem nihil prædicentur, qualia sunt vniuersalissima genera. Alia denique sunt vt & ipsa de aliis, & de ipsis alia prædicentur, vt *homo* de *Callia*, & de *homine* *animal* prædicatur. Adiecit autem, singulare posse de aliquo prædicari secundum accidens, vt si dicamus, *hoc album est Callias*. Deinceps vero quædam documenta sub-

obscure

obscure tradit ad inueniendum medium volenti concludere aliquā propositionem: siue vniuersalem affirmatiuam siue negatiuam; siue particularem affirmatiuam; siue negatiuam. Quæ documenta multo clarius à Modernis proponuntur. Quamobrem operæ precium erit hoc in loco doctrinam Petri Hispani transcribere, & deinde meum qualecunque iudicium proferre.

CAP. VII.

In quo ex Petro Hispano ars inueniendi medium declaratur.

P*etrus Hispanus* sic habet; Quia *Aristoteles* in prioribus ostendit coniugationes, in quibus non sequuntur conclusiones ex præmissis esse inutiles, per inuentionem terminorum, in quibus non tenet huiusmodi coniugatio: ideo utilis est inuentio talium terminorum vbicunque fiat inutilis coniugatio cōtra regulas syllogismo-

Nn 5 rum

rum prius assignatas. Accipiendi igitur sunt duo termini diuersi, scilicet, duæ species sub vno genere vt; *homo; equus; animal;* vel duo termini quorum alter de altero prædicetur siue conuertibiliter siue non, cum extraneo vtriusque vt, *Homo, risibile; Lapis.* Vel accipiendi sunt duo termini, quorum alter de altero prædicetur siue conuertibiliter siue non, cum superiore ad vtrumque, vt *homo, risibile; substantia.* Vel, *Homo, Animal; substantia.* Per hanc igitur regulam trimembrem & disiunctiuam in quocunque genere siue substantiæ, siue quantitatis, siue alicuius aliorum, semper inueniuntur termini per quos inutilis coniugatio demonstrabitur non tenere. Et tales terminos appellat Aristoteles in Prioribus, Terminos in quib⁹ non. Et nota q̃ inuenire terminos in quibus nō; est acceptis tribus terminis facere cōiugationem, in qua præmissæ sunt veræ & conclusio falsa, manente eadem qualitate & quantitate propositionum, verbi gratia hæc est inutilis coniu-

coniugatio; *Nullus homo est equus, nullus lapis est homo, ergo nullus lapis est equus.* Contra hanc inutilem coniugationem accipiuntur termini in quibus non, per secundum membrum regulæ: *Homo: Equus, Risibile, & fiet talis coniugatio: Nullus equus est risibilis, Nullus homo est equus, ergo, Nullus homo est risibilis.* Quæ coniugatio similis formæ est cum illa priore: & tamen præmissæ sunt veræ & conclusio falsa, ergo & altera coniugatio inutilis erit, siquidem non est vniuersaliter bona consequentia. Haftenus ex Petro Hispano.

Veruntamen moderniores non contenti prædicta trimembri regula, plures alias adiecerunt ad intelligendam artem inueniendi medium. In primis definiūt quid sit ars inueniendi medium; & aiunt artem inueniendi medium esse, per quā proposita quauis propositione inueniatur vnus terminus, qui sit medium ad concludendum illam in aliquo certo modo syllogistico. v. g. proposita hac propositione particulari. *Animale est substantia, vt*
conclu-

concludatur in *Darij* medium debet esse corpus, & vt syllogizetur in *Darapti* medium debet esse, *homo*. Et in negatiuis proportionabiliter, vt statim apparebit. Supponit enim (vt aiunt Moderniores) Aristoteles, quod syllogismus debet constare ex prædicationibus directis. Quod quidem ego suppositum falsum existimo. Etenim quanuis in demonstrationibus prædicationes directæ postulentur, vt in plurimum, tamen recte syllogizandi ars libera est, & indifferenter directe vel indirecte concludit, & ex necessariis, vel impossibilibus, vel contingentibus præcedit præmissis. Est enim optimus syllogismus; *Omne risibile est equus: Omne risibile est homo, ergo homo est equus:* in quo nulla ratio habet directæ prædicationis vt patet. Vnde ego existimo Aristotelem in loco citato nullatenus sua documenta eo direxisse, vt artem demonstrandi syllogistice doceret. Hoc enim ad libros posterioris resolutionis reiecit. Sed mens eius fuit adolescentium ingenia exercere, vt facile

facile inuenirent medium ad instandum paralogismis; in quibus conclusio non syllogistice colligitur ex connexionem medii cum extremitatibus. Et quoniam vera instatia est dare antecedens verum & consequens falsum, idcirco necesse erit ad inueniendum tale medium; vt in simili forma præmissarum & conclusionis fiat similis paralogismus in quo euidenter præmissæ sint veræ & conclusio falsa. Et ad hunc finem trimembris regula Petri Hispani ingeniosis discipulis sufficiens est: rudioribus vero nullæ regulæ.

Nos autem semper persistimus in hoc, mentem Aristotelis *lib. i. Priorum cap. 28. & 29.* eam fuisse, tradere artem facile syllogizandi cōtra eum, qui paralogismis decipere intendit. Ad quē finem maxime cōducit inuenire terminos in simili forma in quib⁹ oppositū consequentis paralogismi ostendatur verum. Atqui horum ipse Aristoteles varias terminorum coniugationes Alphabeticis literis multiplicat,

cat, vt doceat omnem modum cōclu-
dendi omnem propositionē siue vni-
uersalem affirmatiuam, siue negati-
uam, siue particularem affirmatiuam,
vel negatiuam, & hac via contra Para-
logismos concludentes particularem
negatiuā inueniuntur termini in qui-
bus omni : & contra concludentes
particularem affirmatiuam inuenien-
di sunt termini in quibus nulli.

Cæterum contra Paralogismos cō-
cludentes vniuersalem affirmatiuam,
non necesse est inuenire terminos in
quibus nulli, tamen si inuentis, optime
concluditur falsam esse cōclusionem
vniuersalē affirmatiuam Paralogismi,
quia eius contraria vniuersalis nega-
tiua ostenditur esse vera. Siquidē duæ
contrariæ non possunt esse veræ. Di-
ximus autē ad instandum contra Pa-
ralogismum concludētem vniuersalē
affirmatiuam, non opus esse inuenire
terminos, in quibus nulli, hoc est, in
quibus nulli supposito subiecti con-
ueniat prædicatum, sufficiet etenim
inuenire terminos, in quibus alicui
non

non conueniat. Tunc enim particularis negatiua cōtradictoria est conclusionis vniuersalis affirmatiuę. Proportionabiliter cōtra Paralogismum male concludentem vniuersalem negatiuā, non opus erit inuenire terminos in quibus omni in alia consequentia similis formę, sed sufficiet inuenire terminos, in quibus ex premissis similis formę, alicui conueniat prædicatū. Erit enim talis conclusio contradictoria vniuersali negatiuę. Neque huius doctrinę immemor fuit *Aristoteles ubi supra*, non enim duntaxat mentionem fecit de terminis, in quibus omni & in quibus nulli, sed etiam de terminis in quibus alicui insit prædicatum, & de terminis in quibus alicui non insit, regulam dedit *in principio cap. 29. ubi supra*. In ratione itaq; & arte instandi aduersus Paralogismos maxime adolescentium ingenia sese exercere debēt. Fiet etenim hoc exercitio, vt veri syllogismi rationem bonitatis penetrēt. Id q̄ spero futurū, si sequentia documenta obseruauerint & in prōptu habuerint.

CAP.

CAP. VIII.

In quo Autor fundamenta & regulas dignoscendi legitimum syllogismum & distinguendi à Paralogismo tradit.

Numerus omnium intrinsece requisitorum ad legitimum syllogismum septenarius est. Dixi autem intrinsece requisitorum; nunc enim de dispositione legitima præmissarum agimus, quibus si aliquid desit ex septem requisitis, inutilis erit præmissarum dispositio: ita ut nullam conclusionem syllogistice inferre valeant.

Primum requisitum est. Ut syllogismus constet ex duabus tantum propositionibus præmissis & ipsæ ex tribus tantum terminis, ac proinde unus ex tribus terminis bis debet esse extremum in præmissis, ex cuius varietate distinximus supra tres figuras.

Secundo requiritur, ut mediū omnino teneatur uniuoce in vtraque præmissa;

missa, alias non esset re vera medium nisi tantum voce tenus.

Tertio requiritur completa distributio medi, saltem in aliqua præmissarum si fuerit incomplexum : si autem fuerit complexum licebit in altera præmissa vnam partem complete distribui & alterâ in altera præmissa, vbi cauendum est, ne pars distributa in vna præmissa respectu alterius stantis confuse, maneat in altera confuse respectu eiusdē: vt postea ostēdemus.

Quarto requiritur, vt vel ambę præmissæ sint affirmatiuæ vel saltē altera, in quo requisito includitur illa regula expuris negatiuis nihil sequitur.

Quinto requiritur, vt medium vbi non distributum fuerit, non teneatur magis ample vel min⁹ restricte quam vbi distribuitur.

Sexto requiritur, ne medium in affirmatiua teneatur magis ample vel minus restricte quam in negatiua.

Septimo requiritur, vt medium sit totale extremum saltem in altera præmissarum, sed permittitur in altera

Oo præmis-

præmissarum aliquid adicere medio dummodo alia requisita seruentur.

Veruntamen non sufficit, hæc septem requisita commemorasse, nisi eorum rationem ex notissimo & vniuersali fundamento recte syllogizandi reddiderimus. Id ut fiat ad examinationem regularum & cōditionum legitimi syllogismi descendamus, vbi simul septem requisita, quæ quasi in Epilogū collegimus, manifestabūtur.

Prima regula fuit communis omni syllogismo, ut non procedat ex puris particularibus vel indefinitis. Cui *Petrus Hispanus* adiecit: neque ex singularibus. Sed hæc adiectio necessaria non est, quia ut postea videbimus syllogismus expositivus optimus est & omnium syllogismorum fundamentum, & tamen constat ex præmissis singularibus. Sed quia usq; adeo manifestum est, ut arte nō indigeat, non comprehenditur inter modos trium

Expositio regula ex puris particularib. figurarum. Hæc regula intelligenda est de præmissis propositionibus de visitato modo loquēdi, inter quas non annu-

annumeratur: propositio affirmatiua cuius prædicatum distribuitur. v. g. *homo est omne animal*. Si autem huiusmodi propositiones admittantur, fieri poterit syllogismus ex præmissis particularibus, v. g. *homo est omne animal, equus non est homo, ergo equus non est animal*. Sed quia maior illa infert hanc, *omne animal est homo*, nõ vere procedimus ex puris particularibus. Nam ex illa maiore cum minore negatiua fit syllogismus in *Baroco*, *omne animal est homo, equus non est homo, ergo equus non est animal*, ac proinde ex illis primis præmissis nõ procedebamus ex puris particularibus. Fundatur enim hæc regula in eo quod in particularibus propositionibus vel mediũ non distribuitur, vel si distribuatur non distribuitur extremitas quæ cum distributione concludenda est. Sed quãdo cauetur, ne mediũ maneat absq; completa distributione & ne procedatur à non distributo ad distributum, nihil impedit præmissas secũdum formam esse particulares, dũmodo ex eisdem

terminis aliæ duæ præmissæ inferantur habiles iuxta regulas communes syllogizandi.

Expositio regulae ex puris negatiuis.

*Secunda regula est. Ex puris negatiuis nihil syllogistice sequitur. Quæ quidem proportionabiliter intelligenda est obseruando particulam, ex puris. Nam poterit esse aliqua propositio mixtæ copulæ, quæ virtualiter sit affirmatiua habilis vt ex eisdem terminis cum altera præmissa negatiua inferat syllogisticam conclusionem. Qualis est hæc, *omnis homo fuit & non est albus*, quæ infert hanc: *omnis homo fuit albus*, quæ cum hac negatiua: *aliquod animal non fuit album* est habilis ad inferendam conclusionem in *Baroco*, ergo *aliquod animal non fuit homo*. Imo & hæc: *aliquod animal non est vel fuit homo*. Obseruandum est autem, propositionem mixtæ copulæ disiunctim, vt hæc: *omnis homo est vel non fuit albus*, æstimandam esse quasi pure negatiuam ad artem syllogizandi. Propterea quod illa sequitur ex pure negatiua, qualis est hæc: *omnis homo non fuit albus*. Ac proinde non*

non amplius requirit ad sui veritatem
 propositio de disiuncta copula mista
 quam pure negativa, vnde infertur.
 Alioquin daretur facile antecedens
 verum & consequens falsum, Ratio
 huius regulæ & præcedentis funda-
 tur in eo, quod syllogistica conclusio
 debet consequi ex vi connexionis
 mediæ cum extremitatibus. Nam pri-
 mum principium est. Quæcunq; sunt
 eadem vni tertio, sunt eadem inter se.
 At vero cum in puris particularibus
 medium sit terminus communis non
 distributus, poterit vtraque extreni-
 tas coniungi cum diuersis suppositis
 mediæ & de illis verificari, & tamen in-
 de non colligetur extremitates esse
 idem inter se: siquidem in anteceden-
 ti non est necesse ad veritatem vtriuf-
 que præmissæ vt sint eadem vni ter-
 tio, v. g. hæc consequentia, *homo est ius-*
tus, homo est doctus, ergo doctus est iustus,
 mala est. Nam antecedens verificabi-
 tur pro diuersis hominibus & conse-
 quens erit falsum in casu, quo nullus
 homo doctus sit iustus. Similiter ex

puris negatiuis ostenditur nihil syllogistice posse colligi. Nam ex eo quod extremitates negentur de vno tertio non sequitur negari de se inuicem. v. g. ex his præmissis, *nullus homo est lapis, nullum insensibile est homo*, non infertur, *ergo nullum insensibile est lapis*. Nulla enim est connexio in antecedenti cum altera saltem extremitate.

Tertia regula. Si aliqua præmissarum fuerit particularis, conclusio debet esse particularis. Ratio huius regulæ est hoc fundamentum per se notum; nihil valet consequentia à non distributo ad distributum. Nam ex eo quod prædicatum conueniat vni, non sequitur omnibus conuenire, pro quibus terminus accipitur. Hæc regula patitur exceptionem si admittatur particularis præmissa de non vsitato modo loquendi vt y. g. bene sequitur: *equus est omne animal, omnis homo est animal, ergo omnis homo est equus*, & ratio est, quia illa particularis, *equus est omne animal*, infert hanc vniuersalem, *omne animal est equus* quæ cum altera infert conclusionem

sionem in *Barbara*. Et huiusmodi syllogismos irregulares dixerim, quia nō sequuntur vsitatum modū loquendi, neque communes regulas secundum formam; quanuis sint reducibiles ad communē formam syllogismorum.

Quarta regula est. Si aliqua præmissarum fuerit negatiua, conclusio debet esse negatiua. Hæc regula intelligenda est de pure negatiua. Nam si fuerit mixtæ copulæ talis, quæ possit inferre ex eisdē terminis vnā pure affirmatiuam habile cum altera præmissa; non continget defectus huius regulæ, verbi gratia: *omnis homo est & non fuit albus, risibile est homo, ergo risibile est album.* Bona consequentia est & syllogistica quanuis secūdum faciem possit dici irregularis.

Quinta regula. Medium non debet poni in conclusione. Hæc intelligitur vt syllogistice inferatur cōclusio. Nihilominus moderni aiunt, aliquando licitum esse mediū intrare conclusionem ad euitādum aliquem defectum extrinsecum, v. g. ad euitandam varia-

tionem Appellationis in hoc syllogismo, *omne album est disgregatum visus, omne dulce est album, ergo omne dulce est disgregatum visus*, licitum erit cōcludere, *ergo omne dulce est album quod est disgregatum visus*. Sed profecto hæc exceptio & aduertentia non videtur nobis vtilis ad syllogistice concludendum, quanuis alias illa sit bona consequentia, quia totum antecedens in consequēti repetitur & fortassis conuenientius adderetur in conclusione, aliquis terminus transcēdentalis cum maiori extremitate, vt in hoc syllogismo in *Darapti*: *omnis motus est actio, omnis motus est passio, ergo passio est actio*. committitur defectus extrinsecus ab identica ad formalem loquutionem, qui defectus est quasi variatio Appellationis & poterit obuiari, si concludamus, *ergo passio est res, quæ est actio*. Et hæc doctrina vtilis erit ad syllogizandum in terminis diuinis, vt in fine huius tractatus in gratiā Theologorum ostensuri sumus.

Præter regulas præfixas aduertunt
insuper

insuper Dialectici, quatuor conditiones generales & essentielles ad legitimum syllogismum necessarias.

Prima conditio est. Medium debet *Quatuor ge-
nerales con-
ditiones.* esse totale extremum saltem in altera præmissa: ratio desumitur ex illo per se noto fundamento, quia conclusio syllogistica debet sequi ex vi connexionis mediæ cum extremitatibus. Si autem in neutra præmissa mediū fuerit totale extremum, non connectetur cum aliqua extremitate, cum non sit subiectum, vel prædicatū, in quod resolvitur propositio, unde constat nihil sequi ex vi connexionis, ubi nulla est connexio.

Sed contra arguit Sophista, hæc consequentia est syllogismus: *Cuiuslibet hominis equus ambulat, & cuiuslibet hominis canis quiescit, ergo cuius canis quiescit equus ambulat.* Et tamē medium, quod est ille obliquus, *hominis*, in neutra præmissa est totale extremum. Respondetur eam consequentiam hanc nullatenus habere formam syllogismi. Nam in primis præmissæ constant

O o 5 ex

ex quatuor terminis, scilicet, *hominis equus, & hominis canis, & ambulat, & quiescit*. Deinde in conclusione ponitur relatiuum illud, *cuius*, quod non erat positum in antecedenti. Quo fit, vt quanuis illa consequentia sit materialis, & in suis terminis non possit instari; tamen accipiendo alios quatuor terminos, aperietur eius malitia, v. g. *quolibet equus hominis currit, & quolibet canis hominis quiescit, ergo quiescens est currens*. Item ex parte conclusionis instabitur eadem materialis consequentia, si loco illius relatiui, *cuius*, posueris, *cuius angeli canis quiescit, equus ambulat*. Verū est tamen quod per quandā æquiualeñtiam possumus ex illa materiali consequentia syllogismum producere. Vt si dicamus: *quolibet homo est ens cuius equus currit, & quolibet homo est ens cuius canis quiescit, ergo ens cuius canis quiescit est ens cuius equus currit*, qui syllogismus tenet, expresse in *Darapti*. Cuius sensus æquiu-
 ualenter continebatur in prioribus præmissis. Denique dicitur in illa conditione, medium debere esse totale ex-
 tremum

tremum saltē in altera præmissarum, quia non est necesse in vtraque præmissa esse totale extremum. Est enim hic syllogismus in *Darj*, cuiuslibet hominis equus est niger, risibile est homo, ergo risibilis equus est niger.

Secunda conditio annexa superiori: Id quod additur medio in præmissa, in qua non est totale extremum, si illa præmissa fuerit maior, debet illud additum adiacere minori extremitati in conclusione, ut in exemplo præcedenti patet. Si autem illud additum medio fuerit in minori præmissa, debet adiacere in conclusione maiori extremitati. Est exemplū: *omnis homo est animal, aliquod sensibile est equus hominis, ergo aliquod sensibile est equus animalis*. Semperque minor extremitas debet concludi in eodem casu grammaticali, in quo erat medium in maiori: & maior extremitas vice versa debet concludi in eodem casu, in quo erat medium in minori, ut patet in exemplis supra positis. Quorum ratio ultra communē sensum sapientum ea potest assignari, quia cum
conclu-

conclusio debeat sequi ex vi connexionis medii cum extremitatibus non debet in conclusione maior unio & connexio significari inter extremitates, quam habuerint cum medio in præmissis. Sed quia medium cum illo addito in altera præmissarum vnitur alteri extremitati, necesse est, quod alia extremitas eadem patiatur, quæ medio adiuncta sunt respectu alterius extremitatis.

Observandum est tamen in huiusmodi additis medio, ne varietur Appellatio inferendo conclusionem, vel alius defectus extrinsecus cōtra communes regulas Dialecticæ, v. g. *omnis homo est logicus, omne risibile est magnus homo, ergo omne risibile est magnus logicus.* Nihil valet consequentia, quia variatur Appellatio. Sed aiunt concludendum esse: *ergo omne risibile est logicum quod est homo magnus*, ubi medium intrat conclusionem, ne varietur Appellatio.

Tertia conditio maxime intrinseca est, vt medium cōplete distribuatur.

Quæ

Quæ conditio secum affert rationem ex visceribus syllogismi desumptam. Nam si ex puris particularibus nihil sequitur, quia non fit debita cōnexio medi cum extremitatibus, multo minus poterit concludi extremitatum identitas, vel separatio, si medium in præmissis non complectitur ea omnia supposita, pro quibus iuxta exigentiam copulæ supponit, vel de quibus verificatur. Et cōfirmatur, Quoniam alias non posset syllogismus aliqua via reduci ad principia illa notissima in quibus fundatur ars syllogistica, scilicet ad Dici de omni, vel Dici de nullo. Etenim in via reductionis fieret argumentatio à non distributo ad distributum; siquidē medium in quatuor primis modis syllogizandi perfectis semper distribuitur.

Notandum vero est circa hanc cōditionem, primo quidem non esse necessarium, ut medium in vtraque præmissa distribuatur: ut patet in *Darii* & *Ferio*, sed sufficit, ut in altera præmissa complete distribuatur: propter cuius defe-

defectum hæc consequentia mala est:
Omne animal fuit in arca Noe, Petrus est animal, ergo Petrus fuit in arca Noe. Quia in maiori mediū distribuitur incomplete non pro singulis suppositis animalis, quæ sunt, vel fuerūt, sed pro generibus singulorum, vt aiunt, videlicet, pro singulis speciebus animalis. Si autem velis medium in maiori complete distribui pro singulis indiuiduis generum & specierū, bona erit consequentia & syllogistica.

Deinde etiā aduerte, quod quando medium est complexū cuius vna pars cōplete distribuitur in vna præmissa & altera pars non distribuitur in eadem, sufficiet si complete distribuatur in altera, verbi gratia Hic syllogismus est in *Barbara*: *cuiuslibet hominis equus currit, omne hinnibile est hominis quilibet equus, ergo omne hinnibile currit.* Vbi vides medium esse complexum, *hominis equus*, acceptum pluribus acceptionib. cuius singulæ partes seorsum distributæ sunt. Si autem complexum illud ex recto & obliquo sumeretur

meretur vnica acceptione, sufficienter distribueretur mediū vnica distributione determinabilis recti: verbi gratia in hoc syllogismo: *Quilibet equus hominis currit, omne hinnibile est equus hominis*, nō opus est in minori distribuere obliquū *hominis*, sed statim poteris inferre: *ergo omne hinnibile currit*. Tunc enim vt in superioribus dictum est, rectus & obliquus reputatur, vt vnus terminus compositus ex substantiuo & adiectiuo. Vt si diceres: *omnis homo albus currit, Petrus est homo albus, ergo Petrus currit*, vbi nō opus est distribuere immediate adiectiuum, *albus*. De qua re satis diximus *lib. 4.* circa legitimam constitutionem contradictoriarum.

Notant tertio moderni, q̄ quando medium est aliquod copulatum, cuius vna pars distribuitur in vna præmissa, & altera pars distribuitur in altera præmissa, tunc cauendum est, ne illa pars, quæ distribuebatur in priore præmissa, maneat cōfuse in altera præmissa respectu distributionis alterius partis. Sed profecto hæc cautela in propo-

propositionibus de vſitato modo loquendi ſuperflua eſt. Non enim poterit talis defectus inueniri, verbi gratia in hoc ſyllogiſmo, *omnis homo & equus ſunt animalia, homo & omnis equus ſunt alba, ergo alba ſunt animalia*, optime concluditur in *Darapti*. Similiter in *Barbara*, ſi in minori dicas: *omnia alba ſunt homo & omnis equus, ergo omnia alba ſunt animalia*: bonus ſyllogiſmus eſt, non obſtante quod prior pars complexi in minori ſupponat cōfuſe reſpectu minoris extremitatis: quia illa cōfuſio non eſt reſpectu alterius partis complexi.

Si autem licitum ſit in minori permutare partes copulati, In hac forma, *omnia alba ſunt omnis equus & homo*; Tūc eſſet defectus intrinſecus reddens inhabiles præmiſſas. Et inſtaretur conſequentiæ in ſimili forma, verbi gratia: *omnis homo & album eſt animal, omnia riſibilia ſunt omne album & homo, ergo omnia riſibilia ſunt animal*, antecedens erit verum & conſequens falſum in caſu, in quo ſint tantum duo homines & vter-

& vterque albus. Iam maior *q* vera,
omnis homo & album est animal, si fa-
 cta resolutione per singulares termi-
 nati, quamlibet singularem in-
 uenies veram. Nam in singulis manet
 album determinate, & poteris osten-
 dere idem suppositum hominis iam
 singularizatum, similiter & minor ve-
 ra est, nam singularizato subiecto po-
 teris rursus singularizare partē distri-
 butam copulati; scilicet, *omne album*,
 & inuenies omnes singulares veras.
 Nam tunc manebit determinate ho-
 mo & ostendes alterum hominem
 distinctum à supposito albi iam singu-
 larizato. Consequens autem satis fal-
 sum apparet. Et in eodem casu insta-
 bitur paralogismus cōstitutus secun-
 dum apparentiā in *Celarent*, verbi gra-
 tia: *omnis homo & album non sunt anima-*
lia, omnia risibilia sunt omne album & ho-
mo, ergo omnia risibilia non sunt animalia,
 vbi vides cōclusionem aperte falsam,
 præmissas autem probabis veras, si
 processeris iuxta regulas inductionis
 singularizando singulas partes copu-

Pp lati.

lati. Et hoc non alia ratione, nisi quia permutatione partium copulati, efficitur, ut pars distributa in maiori major sit, quam si confusa in ordine ad alteram partem distributam in minori. Quod si in in minori non fieret talis permutatio partium : sed diceres ; *omnia risibilia sunt homo & omne album*, esset legitimus syllogismus. Et in casu posito minor esset falsa, ut comperies ministerio inductionis aut descensus.

Quarta conditio etiam est intrinseca ad debitam dispositionem præmissarum, videlicet, quod medium non accipiat magis ample ubi non distribuitur, quam ubi distribuitur, verbi gratia : *omne album est equus, omnis homo possibiliter est albus, ergo homo possibiliter est equus*. Paralogismus est : quia medium, ubi non distribuitur, tenetur magis ample. Et ratio huius conditionis est, quoniam alias medium sua distributione non attingit ad supposita pro quibus accipit in minori, & perinde est, ac si non distribueretur. Et adverte hanc conditionem extendi ad mino-

minorem restrictionē, vel minorem Appellationem, vel formalitatem, vbi medium nō distribuitur, q̄ vbi distribuitur. Semper enim cauendū est, ne mediū, vbi nō distribuit, euadat distributionem, q̄ habet in altera præmissa. Tunc enim frustra est distributio q̄ nō attingit vnionē alterius extremitatis cū medio. Et hæc aduertentia ē est necessaria ad soluēda sophismata, quę sūt in materia de mysterio Trinitatis.

Quinta conditio etiam intrinseca est, vt medium non teneatur, magis ample aut minus restrictē, aut minus formaliter in præmissa affirmatiua, quam in negatiua, verbi gratia, *omne album possibiliter est nigrū, nullus homo est niger, ergo nullus homo est albus, vel nullus homo possibiliter est albus*, vbi antecedens est verum & consequens falsum in casu, in quo omnes homines sint albi, vel non sint homines in mundo. Ratio huius conditionis eadem fere est, quę illius regulæ: ex puris negatiuis nihil sequit, etenim conclusio debet sequi ex connexionē medii saltē cum altera

Pp 2 extre-

extremitate, vt inde inferatur cōclusio negatiua, in qua vtraque extremitas ab altera separatur, ppter ea quod altera fuit separata à medio, quod cū altera affirmatione coniungebatur. Si autem extremitas quæ coniungebatur cum medio in affirmatiua, connectebatur cum illo secundum eius maiorem ampliationem, non inde colligitur, quod ea extremitas negetur de altera extremitate, de qua medium negabatur cum maiore restrictione, vt patet in exemplo posito.

Sed quia potest aliquis obiicere in illo exemplo alium defectū committi: quia medium, vbi non distribuitur, tenetur magis ample, quam vbi distribuitur: & propterea dari antecedens verum & consequens falsum. Respondetur, vtrumq; defectū illic concurrere. Nihilominus afferamus aliud exemplum, vbi solus defectus quintæ conditionis nocet, verbi gratia in *Bocardo, creans non est Deus, omne creans possibile est Deus* sunt inhabiles præmissæ, nam conclusio erit impossibilis, siue in-

Cap. VIII. de Regulis cognoscendi. §97

ue inferas, *ergo Deus non est Deus*, siue inferas, *ergo Deus possibiliter non est Deus*, Maior autem nūc est vera, quia Deus modo non creat, ergo vera est illa negatiua de subiecto non supponente, *creans non est Deus*. Minor autē illa vniuersalis vera est, nam creans supponit pro possibili creante, quod non solum possibiliter, sed etiam necessario est Deus. Haftenus de generalibus conditionibus dicta sufficiant, in quibus poteris omnes defectus intrinsecos intueri ne decipiaris sophisticis paralogismis. Simul etiam intelliges illa requisita, quæ initio huius capituli quasi in epilogo summarie vt memoriæ commendarentur, proposita sunt. Ni-

hil enim aliud egimus, quam ea
requisita examinare &
eorum rationem
reddere.

∴

Pp 3 CAP.

C A P. I X.

*In quo notantur defectus extrinseci,
qui solent contingere circa conclu-
sionem; Et de syllogismo
expositorio.*

Reliquum est eos etiam defectus commemorare qui non contingunt circa connexionem medii cum extremitatibus in præmissis. Sed quia non infertur legitima conclusio ex præmissis bene dispositis, sed altera sophisticè quasi adulterina substituitur. Et isti defectus merito appellâtur extrinseci, quia non habent originem in præmissis, sed ex ignorantia aut malitia sophisticè concludentis.

Sunt autem huiusmodi defectus plures, quam requisita in præmissis. Nam deficere pluribus modis contingit, quam regulæ cōformari. Quocirca nō opus erit commemorare defectus illos, qui in aliis locis arguendi solent contingere. Sed eorum duntaxat mentionem faciemus qui proprii

proprii sunt in materia syllogismorum. Primus est si aliqua præmissarum existente negatiua, conclusio sit affirmatiua. Secundus est, si existente vtraque præmissa affirmatiua, conclusio sit negatiua. Tertius si medium intret conclusionem, hoc enim est contra artem syllogizandi, quæ fundatur in illo notissimo principio. Quæcunque sunt eadem vni tertio, sunt eadem inter se. Vnde superflue inculcatur medium in conclusione, quod iam suum munus impleuit in præmissis. Hic tamen defectus non destruit veritatem conclusionis, sed efficit inutilem repetitionem.

Verum est tamen aliquos curiosos Dialecticos afferre instantiam contra ponentes mediū in conclusione, quia loco illius potest substitui alius terminus disparatus. Contendunt enim per hoc non destrui neque variari similitudinem formæ, quia ars syllogistica non postulat, imo vetat mediū intrare conclusionem. Vnde quia illic non ponitur medium, vt medium est, sed

vt aliquid superfluum, pari ratione poteris adicere loco illius alium terminum extraneum, ex quo redditur falsa conclusio.

Sunt & alii defectus speciales singularum figurarū iuxta proprias condiciones vnius cuiusvis figuræ. Quorum commemoratio nihil utilitatis tibi affert. Nam omnes illæ facile reducuntur ad defectus eorum quæ requisita sunt, quæ supra retulimus, vel ad communes defectus aliarum consequentiarum. v. g. quia medium non distribuitur complete, vel quia fit argumentatio à non distributo ad distributum, vel ab amplo ad non amplum, aut vice versa nō iuxta regulas de ampliatione supra positas : Vel quia variatur appellatio, vel quia fit discursus à suppositione personali ad simplicem aut vice versa, vel à sensu diuiso ad compositum, vel denique erit mala consequentia propter aliquem defectum, cui poteris occurrere documentis & regulis in aliis materiis à nobis datis. Neque timeas sophisticas fallas.

fallacias si frequenter in requisitis ad legitimum syllogismum meditatus & exercitatus fueris.

Tandem in hoc capite nono ad complementum doctrinæ de arte syllogizandi, etiam de syllogismo expositorio aliqua aduertere necesse est. *Quid syllogismus expositorius.*
 In primis quid sit syllogismus expositorius dicamus: & quam ob causam non sit eius facta mētio in distinctione figurarum & modorum. *Syllogismus expositorius est syllogismus habens medium singulare.* Vt, *Petrus currit, & Petrus est animal, ergo animal currit.* Hic homo est *Hispanus*, & hic homo est *magister*, ergo *magister est Hispanus.* Dicitur autem expositorius syllogismus, vt ait *D. Thom. opusculo 47.* quia est quædam sensibilis resolutio eorum, quæ in communi dicuntur. Nam omnis syllogismus de medio communi innititur diffinitioni propositionis vniuersalis: siquidem omnis ille syllogismus regulatur mediate vel immediate per illud principium *Dici de omni vel, Dici de nullo.* *Propositio vero vniuersalis explica-*

Pp 5 tur

tur per singularia, quæ sensu percipiuntur. Quam ob rem syllogismus de medio singulari merito expositivus appellatur. Exponit enim distincte quod in vniuersali continetur. Præterea cum omnis syllogismus ex connexionemedii cum extremitatibus vel saltem ex connexionemedii cum altera extremitate inferat connexionem extremitatū inter se vel separationem; fundetur in illo principio; Quæcunque sunt eadem vni tertio, sunt eadem inter se, vel quæcunque quorum vnum est idem vni tertio cui alterum est diuersum, sunt diuersa inter se; hoc autem principium multo distinctius exercetur quando medium est singulare, quam cum est commune, idcirco merito syllogismus expositivus dicitur: nam eo mediante exponitur magis ad sensum illud principium, quam in syllogismo de medio communi quantumlibet distributo, nam & ipsa distributio confusio quædam multorum est: Quæ singulatim dicta apertius intelliguntur, & ob hanc causam
non

non fuit necessarium inter distinctionem figurarum & modorum syllogismi expositorii mentionem facere, in quo nulla specialis difficultas syllogizati poterat occurrere præter eas difficultates quæ in aliis syllogismis regulis & documentis comprehensæ sunt. At syllogismus expositorius necessitatem colligendi per se notam & perspicuam habet, ac proinde maxime perfectus est: quia constat medio termino singulari & proxime exercet id quod illa principia per se euidencia continent.

Nota secundo omnes condiciones essentielles & generales seruandas esse in syllogismo expositorio præter eas quæ concernunt distributionem & vniuersalitatem medii: quoniam huiusmodi non habent locum in termino singulari, qui est incapax distributionis aut confusionis. Neque opus est, ea requisita, quæ supra numerauimus ad legitimum syllogismum recensere. Hoc tamen vnum obseruandum est, syllogismum expositorem magis

magis commode constitui in tertia figura, quam in prima vel secunda, & ratio est, quia termino singulari proprium est, ut de illo alia prædicentur, (ut aduertimus supra ex Aristotele) ipse vero indirecte & inusitate locum prædicati tenet. Sed quia indirecta prædicatio non eo ipso efficit falsam propositionem, poterit permitti, ut syllogismus expositorius fiat in qualibet figura. v. g. *Omnis homo est Petrus, nullus equus est Petrus, ergo nullus equus est homo*, est in secunda figura, imo & in *Camestres*. Similiter in prima figura, *Petrus non est equus, omne album est Petrus, ergo nullum album est equus*, est in prima figura & reducitur ad *Celarent*, sicut etiam potest reduci ad *Barbara*, *Petrus est albus, omnis homo est Petrus, ergo omnis homo est albus*, nam maior in utroque syllogismo quanuis non sit vniuersalis, tamen est quasi de omni, vel quasi de nullo. Nam prædicatum de omni supposito subiecti affirmatur vel negatur. Non enim subiectum habet nisi vnicum suppositum.

Sed

Sed contra hoc arguitur. Hic syllogismus est expositivus *hoc animal est homo, & hoc animal est equus, ergo equus est homo*, & tamen antecedens est verum si in maiore demonstraretur Petrus & in minore Brunellus & consequens euidenter falsum. Ad hoc argumentum mirabilia dicunt Moderni, quidam aiunt subiectum vtriusque præmissæ esse duntaxat animal, neque enim pronomen, *hoc*, demonstratiuum arbitrantur esse partem subiecti: sicut neque signum distributivum, *omnis*, est pars subiecti, cum dicimus, *omnis homo currit*. Alii vero aiunt illud pronomen esse partem subiecti, sed nihilominus uniuoce & communiter potest demonstrare diuersa supposita. Vnde neque isti, neque illi assignant defectum æquiuationis medii: & nihilominus negant esse legitimum syllogismum expositivum, quia medium accipitur pro diuersis suppositis. Sed iudicio meo vtrique falluntur. Nam, *hoc animal*, terminus singularis est non communis, alias capax esset distri-

distributionis, & liceret dicere, *nullum hoc animal currit, & omne hoc animale est sensibile*. Nos igitur negamus esse syllogismum expositorium, quia reuera medium tenetur æquiuoce. Quauis enim, *animal*, terminus sit communis; tamen restringitur à pronomine demonstratiuo, cuius virtute conceptus communis animalis determinatur ad phantasma singulare Petri, ita vt secundum illam acceptionem singulariter supponat non minus, quam in ista, *animal Petrus*. Neq; etiam probabile existimo, reperiri in mente aliquem conceptum communem, vel aliquod syncategorema mentale cōmune demonstratiuum singularis suppositi. Et probatur: nam si conceptus ille, vel modus syncategorematicus cōmunis esset omnibus singularibus demonstrabilibus: non haberet, per quid determinaretur magis ad demonstrandum Petrum quam Brunellum; aut certe ille actus demonstrandi Petrum, esset syncategorema superueniens & exercens demonstra-

monstrationem, ac proinde aliud syn-
categorema commune superfluum
esset.

Dicendum igitur est, quod quan-
uis pronomina demonstratiua secun-
dum vocem semel sint imposita, vt
vtamur eis, quotiescunque volueri-
mus designare rem aliquam singula-
rem, siue sit substantia, siue accidens,
siue totum, siue pars, vt, *hic homo, hac*
albedo, hac manus; tamen nulla ratione
potest dari cōceptus vel notitia com-
munis ad demonstrādum singularia.
Confirmatur, quia in hoc differt signū
particularizatiuum, vt cum dicimus,
aliquis homo est albus: quia tale signum
communitatem habet in suo modo
significandi. Denotat enim prædica-
tum conuenire subiecto, vel negari à
subiecto pro aliquo supposito indiffe-
renter. Vt cum dicimus: *aliquis homo*
currit, insinuamus actionem currendi
non solū indefinite homini in cōmu-
ni, sed supposito humano cōuenire, &
cum dicimus, *aliquis homo non est species*,
cōuertimus suppositionē simplicem,
quæ

quæ sine illo signo conueniret subiecto, in personalem. At verò pronomen demonstratiuum omnino singularizat communem terminum, cui adiungitur. Quapropter non potest esse aliqua notitia vel actus intellectus communis ad singularizandū conceptum communem categorematicum: sed necesse erit intellectum in huiusmodi singularizatione reflecti super singulare phantasma, vt singulare singulariter agnoscat. Sed hoc excedit Summulistarum capacitatem. Sufficiet autem eis negare illum syllogismum expositorium, quia committitur defectus intrinsecus æquiuationis medii, quod est totū illud, *hoc animal*, cui voci non respondet in mente idem cōceptus, sed duplex conceptus vterque singularis.

Multiplicant præterea sophistæ argumenta contra syllogismum expositorium, nūc accipientes medium materialiter in vna præmissa & personaliter in alia, nunc adiungentes termino singulari alios terminos communes,

nes, vel habentes æquiuationem, vel differentem appellationem; sed omnia illa sophismata ridicula sunt & nihil vtilitatis afferunt, & idcirco à nobis prætermittuntur. atq; vtinam *Frequens exercitium necessarium.* in eis, quæ diximus præceptores minoris Dialecticæ discipulorum ingenia diligenter exerceant. Quæ vero deinceps sequitur, in gratiam Theologorum scribere non modicum operæ precium erit.

CAP. X.

De Arte syllogizandi in terminis diuinis.

Plum officiū aliqui Theologorum, qui de Dialecticis institutionibus scripserūt, se præstitisse sunt arbitrati: dum specialia documenta caute syllogizandi in terminis diuinis ad mysterium Trinitatis pertinentibus, tradiderūt. Quamobrem nos etiam hoc in loco illorum zelum imitātes potius, quam illorum documenta, tentabimus Dei auxilio ostendere, commu-

Qq nia

nia præcepta de syllogismis data facile accommodari posse ad legitime syllogizandum, & ad contraria sophismata circa mysterium Trinitatis dissoluenda. Id quod ut facilius ostendam, sequentem quæstionem proponere & discutere libet.

QVÆSTIO.

QUæro igitur, Vtrum sint necessaria ad syllogizandum in terminis diuinis incomprehensibilis mysterii sanctissimæ Trinitatis noua & specialia documēta, præter ea quæ naturali lumine à Philosopho tradita & à Philosophis acceptata sunt.

Pro parte affirmatiua arguitur primo. Hæc consequentia, *omnis essentia diuina est pater, filius est essentia diuina, ergo filius est pater*, iuxta communes leges suprapositas videtur syllogismus in *Darj*, & tamen antecedens est veritas catholica, & consequens est hæresis, ergo necessaria sunt specialia documēta artis syllogizandi in mysterio Trinitatis.

Argui-

Arguitur secundo. Hęc consequē-
tia: *pater generat filium, & pater est essen-
tia diuina, ergo essentia diuina generat fi-
lium*, secundum communes regulas
videtur syllogismus expositorius (nā
hic terminus, *Pater*, in diuinis est sin-
gulare nomen personæ) & tamen an-
tecedens est catholicum, & conse-
quens hæreticum, & expresse damna-
tum, ergo, &c.

Arguitur tertio: Hęc consequen-
tia: *Hic Deus est generans, & hic Deus est
genitus, ergo genitus est generans*, videtur
etiam iuxta communem artem syllo-
gizandi expositorius syllogismus, nam
medium, *hic Deus*, singularis termi-
nus est, sicut & ipse Deus est vni-
cus singularissimus, & tamen Catho-
lici antecedens confitemur, & con-
sequens vt hæreticum detestamur,
ergo, &c.

Arguitur quarto. Nam hęc conse-
quētia: *filius non generat, & filius est Deus:
ergo Deus nō generat*, similiter & hęc, *Pa-
ter nō est genit⁹, & Pater est Deus, ergo Deus
non est genitus*, similiter & hęc, *Spiritus*

sanctus non spirat; Spiritus sanctus est Deus, ergo Deus non spirat, similiter & hæc, hic Deus spirat; & hic Deus est spiratus, ergo spiratus spirat, & plures aliæ similes postulanti specialē modum respondendi ultra communes leges supra positas, ergo specialis ars syllogizandi in diuinis necessaria est.

Sed in oppositum est: nam mysteria fidei catholicæ non debent repugnare principiis cognitæ lumine naturali, sed ars syllogizandi fundatur in principiis immediate cognitæ lumine naturali, qualia sunt, dici de omni, & dici de nullo, & quæcunque sunt eadem vni tertio sunt eadem inter se, & quæcunque ita se habent, quod vnum est idem vni tertio, à quo alterum diuersificatur, etiam sunt diuersa inter se, ergo documēta & regulæ syllogizandi etiam in diuinis terminis locum habent.

Pro intelligentia huius difficultatis aduertat primo Christianus Dialecticus a Theologum pertinere, nō quidem demonstrare mysterium Trinitatis

tatis esse possibile, nam si hoc ostenderetur etiā demonstraretur hoc mysteriū ita esse sicut fides docet. (Quia in perpetuis idem est esse & posse) implicat contradictionē hoc mysterium demonstrari, nam scientia & fides non possunt esse de eodem in eodem subiecto. Cum fides sit credere quod non vides. Sed munus proprium Theologi est dissoluere gentilium & hæreticorum argumenta quæ obiiciuntur aduersus fidei mysteria. Argumenta vero quæ contra fidem obiiciuntur, necesse est esse solubilia, siquidē contra veritatem nulla ratio efficax afferri potest. tametsi imperitus theologus aliquando nesciat contrariorum obiectiones dissoluere.

Nota secundo huiusmodi argumenta aliquando procedere ex mala intelligentia scientiæ physicæ, vel metaphysicæ aut alterius scientiæ, quæ agit de ente reali. Aliquando vero, imo frequētissime hæretici errant ex ignorantia Dialecticæ, quam D. Augustinus vocat scientiā consequentiarum,

Qq 3 ad

ad quam recurrendum esse ait, quando negat alicuius ratiocinationis, consequentia, Sit exemplum prioris modi errandi, fides Catholica docet, Deum initio temporis vtramque de nihilo condidisse creaturam, totumque vniuersum non ab æterno fuisse, sed ex tempore incepisse, Aristoteles vero vehementer errauit putans se demonstrasse, vniuersum ab æterno fuisse, neque initium temporis habere potuisse. Qui quidem ex omnimoda immutabilitate Dei & ex mala intelligentia illius Maxime, videlicet, causa totalis semper eodem modo & necessario immutabiliter existenti idem effectus omnino sequitur, sic male ratiocinabatur Prima causa, qui est Deus, non potest neque potuit aliter se habere quam se habet, ergo semper eiusdem effectus est causa, ac proinde non fuit possibile mundum incepisse cum tempore. Alias in Deo posset esse aliqua mutabilitas, ita vt aliter se haberet, si mundum non creasset, quam modo se habeat. Sed vehementer errauit, volens
sua

sua maxima, quæ ex creatis & finitis
causis colligebatur, primam & infinitam
potentiam causam comprehendere.
Cum enim Deus demonstret esse pu-
rus actus, ac proinde infinitus in suo
esse, habet etiam infinitum modum
causandi per liberum arbitrium absque
aliqua indifferentia possibili intrinseca
in ipso Dei libero arbitrio. Quod
non intelligentes multi Philosopho-
rum, quidam liberi arbitrii faculta-
tem negauerunt esse in Deo, quam
hominibus concesserunt, quidam ve-
ro omnia ex necessitate fati euenire
asseruerunt. Alii in alios errores
inciderunt, quia proprio iudicio om-
nia comprehendere attētarunt. Fi-
des autem Catholica, quæ non de-
struit, sed perficit naturam, do-
cet Christianos Philosophos recte de
Deo naturæ autore sentire, neque
plus sapere, quam oportet sapere, sed
sapere ad sobrietatem. Velle autem
ipsum Deum, etiam ut naturæ auto-
rem, quantum ad rationem & mo-
dum causandi omnino comprehendere,

non sobrietas, sed potius ebrietas appellanda est. Cæterum studio veræ sapientiæ ex creaturarum cognitione, Deum esse & primā omnium rerum causam esse, colligere, sobrietas est, dummodo qui sic philosophatur intra metam sui finiti intellectus se contineat, & nolit etiam naturæ autorem in modo causandi omnino comprehendere. Hæc breuiter nō abs re commemoravi intēdens in locutionib. de mysteriis sanctissimæ Trinitatis & prædestinationis & gratiæ piæ modestiā nouitios Theologos edocere. Sed iā ad nostrum institutum veniamus.

Ad quæstionem propositam vnica conclusione respondetur. Non opus est Catholico Theologo ad syllogizandum in terminis diuinis, neque ad dissoluendum paralogismos qui contra mysteriū Trinitatis fieri possunt, noua Dialectica : sed sufficit ea, quæ naturalilumine inuēta est. Hæc conclusio non aliter comprobatur, quam soluendo argumenta in principio huius quæstionis proposita.

Obser-

Obferuandum eft autem, duplici
 via prædicta argumenta poffe diffolui
 à Theologis. Prima via communis eft,
 quam fequitur Doctiffimus Magifter
 Soto, ac præceptor noster in tractatu
 de terminis diuinis, libro quinto fua-
 rum Summularum. Pro cuius intelli-
 gentia notat ex aliorum opinione ter-
 minos diuinos effe in triplici differen-
 tia. Alii funt effentiales, alii persona-
 les, & alii notionales. Terminus effen-
 tialis, vt aiunt, eft terminus, qui fup-
 ponit pro effentia & qualibet perfona
 diuifim, vt hoc nomen, *effentia*, hoc
 nomē, *Deus*, Terminus personalis eft,
 qui pro vna perfona diuifim fuppo-
 nit, non tamen coniunctim pro plu-
 ribus, vt hoc nomen, *perfone*, hoc no-
 mē, *Pater*. Sed terminum notionalem
 dicunt effe, qui pro pluribus perfonis
 coniunctim fupponit, non tamen di-
 uifim, vt hoc nomen *Trinitas*, hoc no-
 men, *perfone*, in numero plurali. At
 vero iis Dialectici terminis abutūtur
 contra eorum fignificationē & vſum
 loquendi Theologorum. Nam in pri-

Qq 5 mis

mis confundunt terminos. Aut enim requiritur, vt terminus sit essentialis, quod supponat immediate pro essentia & persona; & sic hoc nomen, *essentia*, non esset essentialis, quia non supponit immediate pro persona. Aut satis est, quod supponat pro essentia & persona, siue immediate, siue mediate, & sic hoc nomen, *Pater*, esset essentialis, & hoc nomen essentia esset personale. Deinde contra rationem est asserere hoc nomen, *persona*, in numero singulari esse personale & personæ in plurali esse notionale. Et præterea dicere hoc nomen, *Trinitas*, & *persona*, in plurali esse notionalia, est contra communem sensum. Theologorum in 1. *sentent. distinct.* 28. & 29. & contra *D. Thom. 1. part. quest.* 32. Notio enim est ratio innotescendi siue cognoscendi diuinam personam, quatenus ab alia distinguitur, vt inquit *Augustinus lib. 5. de Trinitate cap. 7.* Alia est notio, qua pater intelligitur ingenuus, & alia qua intelligitur genitor. Unde quæque notiones dūtaxat sunt ordinis, scilicet,

scilicet, *innascibilitas, Paternitas, Filiatio, Processio, & Spiratio*, ergo nomen, *Trinitas*, quod pro tribus personis supponit, non est notionale. Multo ergo melius nomen *essentiale* in diuinis dicitur esse, quod per se & immediate & formaliter *essentiam* significat, siue in abstracto vt, *essentia, Deitas, bonitas*; siue in cōcreto vt, *ens, Deus, bonus, iustus*. Nomen autem personale est, quod per se & immediate significat personam, vt, *Pater, Filius, Spiritus sanctus, & persona, & persona*, in plurali, & *Trinitas*, quod est nomen personale collectiuum. Tandem notionale nomen est, quod significat notionem per modum actionis vel passionis, vt *generare, generari, generans & genitus*.

Errant præterea moderniores illi Dialectici opinantes nomen *essentiale* in abstracto nō solum supponere pro *essentia* immediate, sed etiam *mediatim* pro persona. Neq; enim distinguūt inter verificari terminum de aliquo & supponere pro illo. Et consequenter aiunt, nomen *essentiale* in abstracto posse

posse dupliciter distribui vel particularizari. Vno modo cōplete, alio modo incomplete. Complete quidem distribuitur pro significato mediato & immediato: incomplete vero, quādo solum distribuitur pro significato immediato. Et multa alia dicunt, quæ vel recensere pudet. Inueniunt enim modum sua falsa Dialectica, quomodo hæc propositio est falsa: *omnis essentia diuina est Pater*, & hæc sit vera, *aliqua essentia diuina non est Pater*. Nam si in yniuersali distribuatur complete nomen, *essentia*, accipitur etiam pro personis, & sic est falsa: quia non omnis persona est Pater. Et in negatiua dicūt nomen *essentia* particularizari pro aliqua persona quæ non est Pater. Sed valeant hi Doctores, qui non solum ignorant proprium modum loquendi, sed periculose & temerarie loquuntur. Cum enim in diuinis non sit nisi vnica simplicissima & singularissima essentia, idem est dicere, *essentia diuina est Pater*, & *omnis essentia diuina est Pater*. Contra quos vehementer inuehitur præfa-

præfatus magister noster Soto. Nos vero *D. Thomæ* doctrinam per omnia sequentes in 1. p. q. 39. artic. 3. 4. 5. 6. negamus nomē *essentiale* in abstracto posse supponere ꝑ persona, nec nomen *personale* supponere pro essentia, quanuis vtrunque nomen verificetur de alterius significato, dicimus enim: *Pater est essentia, & essentia est Pater*, propter identitatem essentiæ cum patre, non tamen idcirco concedimus nomen, *essentia*, accipi pro patre, vel *pater* pro essentia. Cum enim voces sua significata mediantibus conceptibus representent, nihil aliud significant, quam quod in conceptu repræsentatur secundum modum significandi ipsius conceptus, & quia cum aliquis conceptus repræsentat aliquam naturam in abstracto, non repræsentat habentem illam naturam, neque immediate, neque mediate, ac proinde neque potest supponere pro habente naturam. Nam suppositio non solum est verificatio de aliqua re, sed est acceptio termini pro re quam significat.

Vnde

Vnde si terminus non significat aliquam rem non poterit pro illa accipi nec supponere: quanuis possit verificari. Terminus enim qui supponit per aliquam re, ponitur vice illius ad denunciandum de illa reactiones vel passionem tali rei conuenientes. Quemadmodum utimur hoc termino, *homo*, ad enunciandum de illo actionem vel passionem significatam per verbum. Vt, *homo ambulat, homo disputat*: & quanuis materia & forma hominis non differant realiter ab homine, tamē quia in abstracto significant humanæ naturæ partes, non dicimus, *materia & forma currit*, vel *humanitas currit*, quoniam actiones & passionem sunt suppositorum, abstracta vero nullo modo significant supposita, licet propter identitatem rei de illis aliquando verificentur. Et eadem est ratio de nomine significante suppositum in concreto, siue significando naturam in concreto: ut hoc nomen, *Dens*, siue significando proprietatem personæ, ut hoc nomen, *pater*. Neutrum enim poterit

Cap. X. de Arte syllog. in term. diuin. 623
terit supponere pro essentia in abstracto: quauis de illa verificetur.

Notandum est secundo, in Trinitatis sacratissimo mysterio, hanc quasi maximam propositionem à Catholicis amplectendam esse: *In diuinis omnia sunt unum*, vbi non obuiat relationis oppositio. Circa quam maximam intendimus explicare, quo pacto non repugnet principiis Dialecticæ, quæ naturali lumine nota sunt. Id quod non aliter efficiemus, quam soluendo argumenta contrariorum assignantes communes defectus, qui in malis consequentiis, quæ fieri solent in materia physica aut metaphysica, assignari solent: quibus abunde fit satis iuxta documenta Dialectica: etiam dissoluemus paralogismos, qui fiunt in locutionibus de mysteriis fidei Catholicæ.

Nunc igitur ad argumenta, quæ in principio huius quæstionis proposita sunt, respondeamus. Ad primum argumentum, communis via Modernorum est negare, illum esse syllogismum

gismum in *Darij*, quia intrinsecum defectum habet in medio, quod non distribuitur complete. Nam ut complete distribueretur deberet distribui pro omni re, quæ est essentia diuina: & sic esset falsa maior: quia fieret sensus, *omnis res quæ est essentia diuina est pater*, ubi licitum esset demonstrare sub illa distributione Filium, aut Spiritum sanctum. Sed profecto hic modus respondendi nunquam mihi placuit etiam ab adolescentia. Cum enim synkategorema, *omnis*, ex modo suæ significationis habeat distribuere terminum, cui adiungitur pro omni suo significato, pro quo accipitur iuxta exigentiam copulæ, non video qua ratione non distribuat essentiam diuinam, pro omni suo significato pro quo supponit vel accipitur. Neq; video quomodo satis fiat gentili argumentanti contra nostram fidem, & volenti probare esse contra principium lumine naturali cognitū; Dicit de omni, quod exercetur in hac consequentia; *omnis Deitas est pater, & filius est Deitas, ergo filius*

Cap. X. de Arte syllog. in term. diuin. 625
filius est Pater. Non enim intelliget,
quomodo nomen *Deitas*, non distri-
buatur cōplete: sicut *humanitas* distri-
buitur complete in hac, *omnis humani-
tas est composita ex materia & forma.* De-
niq; hunc modum respondendi non
inuenio in Diuo Thoma. Nos vero in
illo paralogismo non assignamus de-
fectum intrinsecum: quin potius as-
serimus medium distribui pro omni
suo significato, pro quo accipitur.
Neq; enim concedimus naturam in
abstracto significare personas, sicut
neque nomen personæ significat es-
sentiam in abstracto, quanuis ad inui-
cem verificentur. Assignamus autem
defectum extrinsecum, quem *Diuus
Thomas* appellat fallaciam dictionis,
quia mutatur quid in aliquid. Nos au-
tem hunc defectum ab identica ad
formalem locutionem nominamus.
Et insuper proferimus simile exem-
plum in physicis. Nam hæc cōsequen-
tia apud Philosophum nō valet, *omnis
motus physicus est passio, & omnis motus
physicus est actio, ergo actio est passio.* Non
Rr quia

quia medium non distribuatur complete, sed quia fit argumētatio ab idé-
tica ad formalem. Nam maior & mi-
nor verificātur in sensu identico: con-
clusio vero importat oppositas rela-
tiones in vtroque extremo. Et fit sen-
sus, quod qua ratione actio com-
paratur ad agentem; comparatur et-
iam ad passum. Quod falsissimum est.
Nam alia est relatio motus ad agen-
tem, alia ad patientem, quantis se-
cūdum significationem huius termi-
ni, *motus*, indifferens sit, vt possit veri-
ficari de actione vel passione, etiam si
non significet determinate actionem,
neque determinate passionem. Re-
spondebir itaque Catholicus Gentili;
sicut tu negas præfatam consequen-
tiam, quæ videbatur esse in *Darij*, ita
ego nego tuam consequentiam pro-
ter similem defectum. Docet enim
nos fides nostra, tres personas diuinas
constitui & ad inuicem differre solis
relationibus realibus, quæ fundantur
in processione vnius personæ ab alte-
ra. Et hic modus respondendi funda-
tur

Cap. X. de Arte syllog. interm. diuin. 627
tur in doctrina D. Thomæ, vbi supra negantis expresse, naturam diuinam in abstracto supponere, p personis, vel vice versa nomina personalia in concreto neque in abstracto supponere pro natura in abstracto, quanuis ad inuicem verificentur, quia non obuiat relationis oppositio.

Tenemus itaque completissimam esse distributionem cuiuslibet termini si distribuatur pro omni illo pro quo supponit. Neque vero supponit vel accipitur nisi pro illo quod significat. Et eadem est ratio de hoc syllogismo expositorio, *hac essentia est pater, & hac essentia est Filius, ergo Filius est Pater.* Non enim est legitimus: nam habet defectum extrinsecum: quia mutatur quid in aliquid, vel quia fit argumentum ab idētica ad formalem, seu à minus formali ad magis formalem. Id quod addiderim propter illam solennem disputationem inter Theologos; An relationes formaliter includantur in essentia. Quidam enim negant cōtineri formaliter relationes in

R r 2 essen.

essentia. Alii vero partem affirmati-
uam sequuntur. Quibus equidem li-
bēter assentio propter simplicitatem
diuinæ essentiae, quæ cum relationi-
bus personalibus nullam compositio-
nem, ne metaphysicam, quidem, ad-
mittit. Verum est tamen, quod si con-
tineri formaliter, intelligatur secundū
nostrum modum concipiendi, non
continentur relationes aut propieta-
tes personarum in essentia. Et si isto
modo intelligerent sequentes partem
negatiuam, certa est sententia. Hoc
enim est, quod nos diximus, nomen
essentiale in abstracto non significare
relationes nec personas. Sed quia ipsa
essentia, vel Deitas secundum se &
intrinsece in sua diffinitione, (si diffi-
nitio potest dici rei infinite perfectæ)
includit omnia, quæ est, magis for-
maliter, quā homo includit naturam
animalis cum rationalitate; idcirco
negari non potest, hanc propositionē;
Deitas est Pater, esse formalem ex parte
rei significatæ: sicut hæc; *Deitas est Tri-
nitas personarum*. Nihilominus in hac
propo-

propositione, *Pater est filius*, fit sensus magis formalis non solum secundum modum significandi terminorum, sed etiam ex parte rerum significatarum, quæ sunt formaliter oppositæ relationes realiter distinctæ. Ac propterea illa propositio est falsa & hæretica. Neque enim est sensus illius, *Pater est res quæ est filius*, nam hæc propositio vera est, siquidem pater est vna res, scilicet, vna deitas, quæ est filius. Merito itaque diximus in illa consequentia fieri argumentum ab identica ad formalem vel à minus formali secundum modum significationis & nostrum modum concipiendi, ad locutionem magis formalem etiam ex parte rerum significatarum, & hoc est mutari quid in ad aliquid.

Ad secundum argumentum nego consequentiam propter defectum extrinsecum, quia mutatur appellatio. Nam minor præmissa, est affirmatiua vera, quia extrema verificantur ad inuicem ratione identitatis rei significate. At vero in conclusione. *Essentia diuina*

Rr 3 generat,

generat, quia verbum *generare*, est adiectivum, & applicat actionem generandi ad suppositum significatum nomine, *Essentia*, pro quo supponit (loquor de supposito termini essentia, pro quo supponit, non autē de supposito in quo existit, illud enim est persona, pro qua Deitas non supponit,) cum igitur dicimus, *Deitas generat*, prædicatum applicat suum formale ad suppositum significatū per suum substantivum: quod est Deitas, cui non competit generare, ut quod generat, alias quod generatione procedit esset realiter distinctum ab essentia generante. Unde defectus est variatio appellationis ex parte verbi adiectivi, quod in maiori applicat suum formale significatum ad suppositum Patris, quod est ipsa persona generans significata per substantivum, *Pater*, per quod non significatur essentia, quanvis de illa verificetur in minori. At vero in cōclusionē minor extremitas accipitur, ut suppositum, quod generat, & cōsurgit falsa propositio. Non solum,
quia

quia essentia significatur in abstracto & actiones dicuntur esse suppositorū: nam si hæc ratio sola sufficeret etiam hæc esset falsa. *Deitas creauit mundum*, quæ vera est & catholica. Sed potissima ratio est & vnica, quia id quod procedit ab aliquo per generationem debet esse simile in natura & distinctum in persona. At vero Filius in diuinis proprie procedit à Patre per generationem similis quidem in natura, sed realiter distinctus in persona. Non igitur potest dici filius genitus ab essentia, à qua realiter non distinguitur. In actionibus vero diuinis ad extra, constat ea, quæ procedūt, realiter distinguī à Deitate, neque opus esse, vt habeant similitudinē specificam in natura, cum non sit processio naturalis & vniuoca cum processionibus ad intra, vnde respectu actionum ad extra quidquid Deo vel personis conuenit, prædicatur etiam de ipsa Deitate: neque est aliqua differentia inter quod est & quo est.

Ad tertium argumentū aliqui solēt

Rr 4 respon-

respondere medium; *hic Deus*; non esse terminum singularem eo quod communis est tribus personis. Verumtamen hæc communitas non destruit rationem termini singularis, cui per accidens est ut res illa singularis, quæ significatur, sit realiter communis tribus personis. Hæc enim communitas non est ex modo significandi termini, sed ex infinita perfectione rei singularis significatæ: quæ eadem omnino est tres res & vna singularissima res. Pater enim & Filius & Spiritus sanctus non solum quilibet eorum est *hic Deus*, sed idem omnino *hic Deus*, cuius Deitas vnica singularissima est. Quam ob rem existimo ad rationem syllogizandi sufficientissime; *hic Deus*, esse terminum singularem, & ex illis præmissis male inferitur, ergo *genitus est generans*: quia mutatur quid in ad aliquid, ut si diceres, *hic motus est actio*; *hic motus est passio*, ergo *actio est passio*.

Sed contra si, *hic Deus*, est terminus singularis sufficiens ad expository syllogizandum, erit etiam sufficiens ad oppo-

oppositionem contradictoriam: verbi gratia, *hic Deus generat, hic Deus non generat*, erunt cōtradiCTORIÆ. Consequēs est falsum: nam vtraque videtur vera. Affirmatiua quidem, nam, *hic Deus*, supponit pro Patre ac proinde, si Pater generat & Pater est hic Deus, ergo hic Deus generat, similiter probatur negatiua vera. Nam, *hic Deus*, etiā supponit pro filio propter modum significandi in concreto, ergo si filius non generat & filius est hic Deus, ergo hic Deus non generat, vbi non videtur aliquis defectus committi ex prædictis.

Huic argumentō respondeo. Concedo sequelam sed nego veram esse negatiuā. Nam ille terminus, *hic Deus*, quamuis supponat pro filio ad enunciandum de illo quamlibet actionem vel passionem: tamen nō limitatur ad supponendum tantū pro filio, quando de illo negatur aliqua actio vel passio, quæ conuenit huic Deo, ratione alicuius suppositi, ac proinde idem est dicere *hic Deus non generat*, ac si dice-

et non

R r 5 res,

res, *nullum suppositum pro quo supponit, hic Deus, generat*, supponit autem pro Patre, ergo si hic Deus non generat, Pater non generat. Et hoc fortassis est, quod ex doctrina D. Thomæ aliqui affirmant quod quando prædicatum est notionale, trahitur subiectum ad standum pro illa persona cui competit illa notio.

Sed profecto arbitror hanc doctrinam verificari nō ex modo significandi terminorum, maxime si dicamus: *Deus generat, Deus non generat*, quæ etiā sunt contradictoriæ ex parte rei significatæ, qui est vnicus singularissimus Deus. Sed puenire ex hoc ipso quod *hic Deus* ex modo significandi in concreto habet supponere pro omni habente hanc Deitatem. Vnde in propositionibus affirmatiuis vbi prædicatum est aliquod notionale, sufficiens prædicatum verificetur de vno habente illam Deitatem. At vero in propositione negatiua requiritur ad veritatem eius, quod prædicatū remoueat ab omni habente hanc Deitatem: quia

quia omnis habens hanc Deitatem est hic Deus singularissimus. Et hac via melius videtur satisfieri sophisticis argumentationibus gentilium aut hæreticorum, si nō fingamus aliam Dialecticam in locutionibus diuinis.

Sed supposito nostro mysterio, si ab hoc Deo singulari aliquid remoueatur, necesse est remoueri ab omni habente hanc Deitatem. Et quia sunt tres personæ subsistentes in hac Deitate, necesse est si ab hoc Deo remoueretur generare, remoueatur etiam à quauis persona. Non tamen necesse est, si hic Deus generat, vt omne habens hanc Deitatem generet: sed sufficit, quod aliquis habens hanc Deitatem generet. Quamobrem omnes hæc propositiones veræ sunt. *Hic Deus generat, hic Deus generatur, hic Deus spirat, hic Deus spiratur*, semper ostendentes eundem Deum, non tamē verificantes propositiones pro eodem supposito physico & incommunicabili.

Ad quartum argumētum respondetur ex præcedenti doctrina negādo
omnes

omnes illas consequentias esse syllogismos. Et prima quidem defectum habet intrinsecum, quia medium in affirmatiua minus formaliter tenetur, quam in negatiua, qui est defectus intrinsecus: sicut in hac consequentia; *Hac actio non est passio, & hac actio est motus, ergo motus non est passio.* Nam in maiori præmissa negatiua subiectum & prædicatum distinctas relationes important, & in diuinis oppositas: ac propterea verificatur negatiua, *filius non generat*, & in minori nõ est illa formalitas oppositarum relationum, scilicet, *filius est Deus.* Deinde etiam est defectus extrinsecus cum infertur: *ergo Deus non generat.* Quia virtualiter est quasi argumētari à non distributo ad distributum ex parte minoris extremitatis. Quia cum in diuinis non sit nisi vnicus singularissimus Deus, si ille non generat, nullus Deus generat, ac proinde nullus habens Deitatem generat. Sed vice versa in affirmatiuis, quidquid competit vni supposito incommunicabili, necesse est, vt competat

petat huic Deo, quia Deus supponit pro habente Deitatem. Idem defectus committitur in secunda consequentia, & in tertia. In quarta vero euidenter committitur defectus extrinsecus, quia mutatur quid in ad aliquid siue à minus formali ad magis formalem locutionem, vt iam explicatum est.

Hæc sunt quæ in præsentî tractatu pro Theologis aduertenda censui, reliqua vero maioris momēti in nostris Commentariis super Primam partem, quos ante annos duodeuiginti prælo mandaui, & iterum fusius in scholis Salmanticensium Theologorum ante annos quatuordecim viuâ voce dictaui, plenius habentur.



LAVS DEO.

Breuis in volatilibus est apis:

Sed initium dulcoris habet fructus illius.

Ecclesiastic. Cap. 31.

